

忠雅堂詩集

卷首有知讓朱文印知讓為心餘先生次子補遺下
有書知讓游廬山詩後七古一篇

知讓字師退亦能詩

辛巳六月於初澹

忠雅集



堂

嘉慶戊午揚

州重刻本



序一

編修蔣君清容予視學西江所拔士君起寒峻四齡母授書斷
竹篴爲波磔點畫攢簇成字教之十一父縛之馬背游太行十
五完九經乃就傅甫冠而歸二十二予以詩古文辭識之明年
食餼登賢書自是數從予使車游請業甚勤甲戌釋褐官中書
丁丑予主禮闈君成進士朝考冠其列三年散館授今職君耿
介廉敏不諧于俗官都下閉門謝客日依侍母側刻苦齋鹽中
且數數拯人患苦以是日空乏壬午分校京闈得士十五人每
慨然向予曰某以窮士忝竊侍從拙于士官自揣宜教授于鄉
吾母又不樂俯仰塵土中明年且令乞請去公爲何如予曰君
行其志可耳又奚疑乃出其詩若干卷乞一言教之夫有行者
斯有言君將四十生平無遺行志節凜凜以古丈夫自礪所言



皆發諸性分而用古人法律不務勦襲絕雷同錚然別開生面
數十年來行輩中罕見其匹也予又安能測其他日所至耶然
君利濟之懷特殷殷于世苟見用當時必有不負所官者空言
云乎哉予且拭目俟之矣乾隆壬午臘月甌山金德瑛檜門書
于一經齋中

序二

作詩如作史也才學識三者宜兼而才爲尤先造化無才不能
造萬物古聖無才不能制器尚象詩人無才不能役典籍運心
靈才之不可已也如是夫然而自古清才多奇才少晉人稱謝
邈清才宋神宗讀蘇軾文歎曰奇才才中分量又不可以十百
計蔣君心餘奇才也癸酉過真州見僧舍題壁心慕之遂與通
書後來金陵唱喁講討相得益甚去年余游匡廬過君家君半

體枯矣聞余至蹶然起力疾遮留手伉伉然授口吃吃然托曰
藏園詩非先生序不可藏園者君所居園名也嗚呼君之初心
豈欲以詩見哉及今病且老計無所復而欲以詩傳可悲也然
君有所餘于詩之外故能有立于詩之中其搖筆措意橫出銳
入凡境爲之一空如神師怒蹲百獸懾伏如長劔倚天星辰亂
飛鐵厚一寸射而洞之華嶽萬仞驅而行之目巧之室自爲奧
阼袒而搏戰前徒倒戈人且羨且妬且駭且卻走且訾謗無不
有也然而學之者非折脅卽絕臏矣非壺哨卽鼓儼矣故何也
則才之奇不可襲而取也雖然君之奇豈獨詩而已耶君秀挺
藎立目長寸許聞忠義事慷慨欲赴趨人之急若鷺鳥之發恩
鰥寡者艾無所靳諧笑縱謔神鋒森然其意態奇初入京師望
之者萬頸胥延登玉堂將速飛忽不可于意掉頭歸其行止奇

不數年聞

天子屢問及之仍往供職卒浮沈不遷及 召見將以御史用而君病甚不得已歸遇合尤竒嗟乎君之數竒豈其才之竒有以累之耶知君者幸君不病竟不歸隆隆而升安知不躡青雲爲麟鳳之翔耶今其官棄其身全殘于形不殘于神其名園以藏也取善刀而藏之之意宜也不知刀可藏詩不可藏周官之書藏山岩屋壁矣白傅之詩藏香山東林兩寺矣千百年來誦讀徧天下藏耶不藏耶同時趙雲松觀察服君最深適以詩來索序余老矣思附兩賢以傳遂兩序之而兩質之錢塘袁枚撰

忠雅堂詩集目錄

卷一

古體五十四首

今體三十二首

卷二

古體十八首

今體八十三首

卷三

古體五十七首

今體五十首

卷四

古體十三首

今體九十一首

卷五

古體十四首

今體六十首

卷六

古體二十三首

今體五十八首

古體二十三首

今體五十九首

卷七

古體二十六首

今體六十一首

卷八

古體三十首

今體四十二首

卷九

古體十八首

今體七十二首

卷十

古體三十四首

今體二十九首

卷十一

古體三十五首

今體六十五首

卷十二

古體四十八首

今體三十六首

卷十三

古體五十九首

今體六十一首

卷十四

古體四十六首

今體五十二首

卷十五

古體二十六首

今體六十八首

卷十六

古體七十一首

今體四十二首

卷十七

古體三十七首

今體四十三首

卷十八

古體三十一首

今體七十三首

卷十九

古體三十八首

今體十五首

卷二十

古體五十八首

今體四十二首

卷二十一

古體六十首

今體三十二首

卷二十二

古體三十一首

今體四十首

卷二十三

古體五十五首

今體七十首

卷二十四

古體三十五首

今體三十四首

卷二十五

古體一百一十一首

今體四十八首

卷二十六

古體九十首

今體二十七首

卷二十七

古體二十五首

今體三十七首

補遺卷上

古體十四首

今體三十六首

補遺卷下

古體十五首

今體二十四首

計二千五百九十六首

銅絃詞卷上

一百十六闕

銅絃詞卷下

一百五十五闕

附南北曲

辭賦計二百七十一闕

忠雅堂詩集目錄

嘉慶戊午揚州重刻本

忠雅堂詩集卷一

甲子

九日靈巖寺登高二首

鉛山 蔣士銓 定甫



山勢峻嶒據上游直疑呼吸接神州千家山郭憑闌見萬疊雲
烟拍座浮鑛穴樹根空洞出黃河天外混茫流不妨高咏元暉
句十二丹城在上頭
豪氣凌虛迴不羣重欷烏帽學參軍墨花四散中峯雨筆陣全
收下界雲大地烟霞浮指掌諸天梵唄雜聲聞臨風莫洒懷鄉
淚古木蒼涼送夕曛

卽事

燕子樓東酒旆斜雞埒豚柵幾人家短籬黃蜨忽驚去飛上野

田蕎麥花

太行絕頂二首

一色芙蓉簇紫光紅泥遙指舊宮牆高天鶴鶴窮秋出大澤龍
蛇白日藏鎖鑰是誰司上黨風雲曾見會南陽遙看隻雁婆娑
下王屋中峯轉鬱蒼
飄然襟袖挾剛風七國山河俛瞰中蒼紫千重分項背元黃一
氣轉鴻蒙驚人事業英雄夢過眼文章造化工獨喜時清無設
險漫將行路比蠶叢

新鄭

不孝不弟復不忠春秋以前無此公尚以仁義盡列辟罄控豎
子矜英雄無母遺羹弟餽口覲顏引媿誠何衷先君新邑故可
念獲也佐子欺愚蒙政刑已失禮樂變消息本與聲音通天心

微渺不可測考終每每寬姦兇三男出入等蛇鬪傳瑕祭仲難
爲功太宮之椽不可保八子其四皆無終可憐後世箋詩者孤
負風人咏狡童

李家寨曉發

雞聲催落月客路斷魂時破廟狐吹火孤墳鬼唱詩曉寒憐僕
病道遠惜驢疲殘夢猶堪續徐行正未遲

東王店

西風獵獵雉媒秋袴褶花驄錦臂鞴馬上呼鷹墟下醉太平軍
士不知愁

湖口縣守風

家鄉無處好烟鬟青入東南第幾彎不似太行窗戶裏年來飽

看割愁山

大姑塘二首

女兒港上女兒家蟹舍魚簪對浣紗白石清溪看不厭滿湖風色凍漁父

數椽板屋一圈籬漁父偷閒作餅師何處村醪堪取醉紅燈挑上酒家旗

食鯉魚鮓

紅糟餞筮印珊瑚北地燕支紫玉膚得向潯陽飽鄉味秋風也當四顛鱸

曉泊黃溪渡守風二首

市小冬歸客湖寬暝聚船寒雞茅店雨晚飯柁樓烟酒薄難爲醉魚腥不直錢何當故鄉路留滯轉悽然

沙頰高岸縮風緊莫寒增家事猜無限鄉音學未能人沾迎臘酒犬吠隔籬燈不寐推篷起低回雁一繩

尾畢逋

尾畢逋城上烏三年辛苦將一雛羽毛漸乾雛忽死老烏繞樹呀呀呼我語老烏爾勿哭巢間尚有同棲鷺老烏低頭作人語同巢之雛各有母縱能反哺及他人不若我雛親其親

乙丑

上灘

殷雷出地奮坤軸斗欲撼高浪建瓴甌碎石激丸卵聞響氣已奪作勢力尤悍羣龍舞幽壑萬馬突飛棧如梯級直拾如聞闕橫限會趨猛難束一注下莫緩險阻艱客濟疏鑿信天亶方舟不徑上利涉肯中返攘臂同一呼鼓楫孰能懶半步未苟移百夫已全袒踴躍汗濡首不于水沒鼾強項恃腹背勁氣積頤頷

若扛百斛鼎來走九折坂或凭或擁杠或牽或負纜曳尾龜掉
泥兀尻驢息喘眦決視自疾肩脅笑詎諂競渡心則一助力叫
齊喊相持進匪易稍失退莫挽踏石恐踈鑿砥波誇脛敢濺沫
洒飛雨流藻濯青毯檣臥鸞斂帆篙撐鼈破膽風逆屢迴柁日
烈故張繖噬臍白鳥避拔脚綠苔染裂膚誰得辭裸體不遑赧
抱竹猱在木駢肩鬼相魘上灘復下灘出坎旋入坎衣食託躄
瘁顏色異黢黢壯者塵撲面老者雪盈髮奚弗馳康莊而甘冒
傾險沽酒勸人醉烹魚召客飯生業頗自足苦樂未知感我生
勞實多百慮苦莫斬結童厯舟車中年懼柯礪奔馳憂刺促歲
月去荏苒倏忽邁錯迕安能事恬澹終朝抱紆鬱一卷罷流覽
推篷望邨邑秋林雜青紺風濤日鼓舞耳目或澄湛人心逐波
浪周道若爲坦

夢老僧贈紫石

水巖蒼蒼拂雲起鬼斧潛磨鑿山髓淬妃含笑羶羊愁割取南
方半天紫水肪削就芙蓉片淚眼凝珠泣金綫骨重曾勞巧匠
剗神寒不許媧皇鍊山僧九十壯如虎百八寒星指輪數帖地
椶毛臥鉢龍長睂真見先生古相看一笑贈山骨云是詩人舊
時物我舉問師師不言西來妙義誰爲佛曉漏催人發深省摩
挲尚覺羊肝冷便飽松烟奮筆花一試邱遲夢邊錦

金山

空青懸萬仞雪浪齧孤根元氣留江影天光縮漲痕魚龍陰拜
舞巖壑怒崩奔向晚千帆沒蒼茫海氣昏

妙高臺

縱目青天外乾坤入杳冥混茫旋一氣分野亂羣星直下都無

地空中獨有亭仙槎如可借我欲泛滄溟

浮洲寺

倒景開平湖淺漲落沙步一徑入空翠亂石出新路深林蓄微涼修竹莽迴互虛亭上暝色波光動秋樹雲氣蒼茫生漁艇晚烟赴不見伴鷗人輕舟自來去

送客

高寒凌莫雲返照入秋色皎皎明月光蕭蕭遠行客越鳥愁東西征鴻怨南北凝睇心茫然船窗上虛白

贈楊丈鐸仲

振業

蜀山萬里青蒙茸錦江浩浩流巴東洪州有客本蜀產劔眉虬髯方雙瞳自言先世仕炎漢勤王縛賊成邊功當時漢家重武備冊書遠發甘泉宮帝錫汝爵宣慰使子孫世世無終窮國殤

野死指難屈要使日月懸精忠清時海宇盡臣服國家武偃而文崇以民爲守德爲險不特兵氣銷巴賚亡猿倉卒忽延禍致使壯士傷良弓挾家遷徙五千里伯也旣死翁誰從翁昔從軍太狡猶據鞍盤稍騎黃驄露布疾草字如斗嚴詞膽落諸羌戎晚年蟄處極嘯咏淋漓大筆無常宗聱牙七字更竒崛金牛倒掣開蠶叢鷗落兔起勢險峻老木晝偃陰嵯松阜旗出没卷飛雨萬馬馳突鳴悲風霹靂疾走巨鼇恐海水倒立沈方蓬嗟予擲筆謝塵埃吳頭楚尾欣相逢艸元亭子十笏地環植春韭羅冬菘直須載酒東湖東不須更問竿與邛男兒旣不格鬪死便當談笑傾黃農不然掉臂崑崙頂全將精氣歸鴻蒙

秋夜病懷

夜氣沈霜影秋河直午天雁聲孤月裏人夢五更前久病疑虛

室餘魂怯曉烟不堪身世想寥落感中年

湖上晚歸

濕雲雅背重野寺出新晴敗葉存秋氣寒鐘過雨聲半檐羣鳥入深樹一鐙明獵獵西風勁湖心月乍生

秋日過浮洲寺

秋雲漠漠雨綿綿一夜湖東水拍天隔岸紅衣搖落盡浪花堆滿寺門前

寄楊子載

鄉園莫問劔南程愁絕瞿唐灩澦聲八口流亡悲世胄一衿潦倒媿諸生空舲夜雨黃牛峽魚復秋筇白帝城目斷蠶叢惟鳥道極天關塞重傷情

寄汪輦雲

秋鴻嘹唳尺書頻冰雪文章骨月親大雅名當歸作者竒窮天不負詩人飢寒未市千金骨貧賤終成一代身莫趁蹇驢烏帽去窮途何處哭風塵

薦福寺

古刹蕭然冷劫灰殘碑何處偃蒼苔不關天地非竒因能動風雷亦異才佛子堂空香雨散英雄墳老野花開白楊摧盡無封鬣寒食憑誰展墓臺

康郎山

水氣一帆隱微陰作暮天亂峯衝雨出孤月抱秋圓岸斷來漁火罾空入晚烟誰知青筍底有客枕書眠

丙寅

番君廟

漢定天下封功臣異姓而王者八國稱忠祇一長沙王生都臨
湘死廟食暴虐當時苦秦政獨有番君重民命撫字能仁殺賊
勇漢家名將秦時令昏姻早識驪山徒擇壻忍教孫同誅布也
何嘗欲爲帝恨不陰殛賁大夫我聞婦人可畏宜自防盧縮老
作東湖王賜醢勿怪獵者怒同朝之內寧堪嘗走狗盡烹良弓
藏正道不失王獨昌韓彭殺身亦誰咎不見番君傳號五世而
後亡至今宗庶盛其族潔修俎豆祠烝嘗禦災捍患在祀典都
人敬獻牲牛羊於乎丈夫功業立天下生王死神寧苟且江湖
民心亦易得在爾鄱陽後來者

止水亭弔江文忠公萬里

皇帝屈膝老臣恥自古君臣無此禮似道不去臣去矣襄樊鐵
鎖一朝燬築亭鑿沼芝山趾知州就戮通判降故相身投亭下

死此是江南趙家水國存與存亡與亡但恨未殉厓山航朝廷
不知汪立信何必復有文天祥當年斂屍葬何處馬鬣無人表
公墓江州亦存八角石此地豐碑被誰誤在天列祖誠可憐英
靈散落蘭亭山紹興陵寢六函瘞公魂哭煞冬青閒海水如山
聚忠魄前有秀夫後世傑丹心火熱不可濡決眦漳州誅國賊
嗚呼木綿庵內刀加首半閒蟋蟀鳴空牖湖山唾罵憑後人豈
若止水孤亭大如斗

遠游二首

初日照林莽積靄生庭闈長跪拜慈母有淚不敢垂連年客道
路兒生未遠離力學旣苦晚可復無常師負笈出門去白日東
西馳遠游幸有方母心毋念之兒食有齋粥母毋念兒飢兒服
有敝裘母毋念兒衣倚閭勿盼望歲莫兒當歸俯首聽兒言丁

寧語兒知小妹不解事視母爲笑唬新婦亦善愁含淚無言詞
繁憂未能語匪但離別悲父車旣已駕我行復遲遲豈無寸草
心珍重三春暉仰看林間鳥繞樹啞啞飛
神山有威鳳萬里求其凰十載未能遇翩然歸故鄉邂逅梧桐
陰錦翼同翱翔羽毛耀文采顧盼生輝光竹實旣云美天運亦
復昌安能老丹穴而不思明堂天風吹紅雲靈匹此分張豈不
念栖息何以酬文章一飛儀虞廷再飛鳴岐陽振羽還神山比
翼遊扶桑拙哉共命鳥委曲蓬蒿旁

石井庵

一犬晝迎客亂山春到門地偏蕭寺古僧老法王尊靈穴何年
鑿寒波不敢捫蛟龍在深處烈日恐難溫

謝文節祠

欃槍倒指逼孤城破堞倉皇尚募兵患難與人堅氣節興亡何
地著功名麻衣痛哭諸陵改鐵鎖銷沈半壁傾三復遺書悲却
聘至今心事日光明

楊林塢拜四叔母與諸兄夜話四首

茅屋無多姓柴桑自一邨略驚諸母老深喜薄田存清白懷家
世艱難愧友昆環看小兒女或可大吾門
顏色未全改隣人相識稀聽疑鄉語別來賀遠方歸雞黍今宵
盛兒童昔日非傳聞十年事問答語多違
生計諸兄拙貧居八口單深知讀書誤未覺力田難風雨敝廬
在錢刀衆業寬起衰心獨苦憐我戴儒冠
旅食悲前日虛名愧此身不堪懷舊事何以慰先人才大寧無
用山深別有春團欒拌一醉明日各風塵

七月十一夜舟次李家渡陪金檜門先生觴月作歌

青天不夜岸如水連檣晚泊空江船平沙一片若手掌鏡面壓
水規形圓舍舟登岸踏虛白八人列坐張瓊筵提壺急進婪尾
酒飽筋莫釣槎頭鱗九州聚影落杯底仰視明月當中天停杯
四顧足快意陡覺山水生清妍平巒培塿大釜覆小峯結曲螺
師旋秋痕一抹尹邢見鏡中睂黛空三千團樂束水截天影匹
練一幅澄江烟微波不動艣聲住泠泠鐘梵虛空傳使星一星
客星七流光照耀秋河邊聞人良夜兩難得取之不費青銅錢
仁和夫子天下賢酒酣爲我傳真詮挾摛古人得其蘊妍媸立
見皆無前指揮談笑盡如意胸襟洒落精神全塵尾風流自驚
座掀髯咳唾生青蓮我聞清論沁肝腑豪狂不異春風顛抽毫
便欲駕今古捩指箏笛揮朱絃高吟逸響動星斗涼颼獵獵吹

衣偏不知今夕是何夕逍遙自覺從飛仙明日陰晴可無慮勝
游半得於偶然人語不聞萬籟寂蕭寥野渡星移躔夜半下船
擁被臥汨汨讌盞鳴沙壩

抵撫州

遙天壓水樹層層淒絕江湖夜雨鐙兩岸秋山歌白紵十年春
宴話紅綾虎頭洲小人曾夢羊角城荒客乍登目斷樂山親舍
遠峴山雲氣暮飛騰

得月樓

重檐高挂玉蟾蜍百尺飛廉倚太虛海氣未迷龍女宅天光常
照化人居簾前列宿相旋轉窗外涼雲自卷舒彩鳳不來臺影
在紫簫吹徹夜何如

次韻檜門先生秋早點名

待漏當年憶北扉
博花幾見過簾闈
六年夢繞春明路
五夜涼生使客衣
未覺星霜王事蹇
絕憐風月玉堂稀
題詩莫問長安柳
桃李東南近十圍

鄉夢再用前韻

鄉夢難尋白板扉
感時常自念庭闈
秋風陌上初攜酒
游子天涯已授衣
嘯咏低回吾道在
山川經過古人稀
耽吟亦是平生癖
消瘦何妨減帶圍

撫州曉發

隔水鳴雞報曉寒
五更塵夢未全安
烟中柔艣初辭岸
渡口明星欲下灘
客思幾回縈望外
鐘聲一點在林端
半帆風月千條柳
故國秋程取次看

抵建昌三首

盱水盡百盤
心目忽開朗
到岸行轉緩
灘痕滯烏榜
緯夫樂挽拽
舟人急篙槳
我忘注視勞
城郭已入想
信宿淹期程
百里苦羈鞅
短篷三人俱
局促不盈丈
鳴沙齧船底
木葉下秋響
風物未轉移
意境頓軒爽
快哉豈吾土
欲語舌本強
洲出大橋起
日落衆山仰
乃知山水靈
足以令神往
明當買芒屨
直造飛青上
輟棹登籃輿
一徑出橋右
石磴轉犖确
幽邨遠林透
高樓白烟隱
老屋黃茅覆
青翠壓窗戶
柴扉少人扣
田疇足耕桑
秋光滿禾豆
不關近城市
自然鮮樸陋
始知太古風
廬井自結構
瓜棚交野花
石澗瀉寒溜
行行勞顧盼
轉厭僕夫驟
百雉當面來
裴回夕陽後

官廨苦偏仄
高下乏平行
日暮駐行旌
暝色帶深院
旁舍得衙齋
虛窗闢三面
峩峩青芙蓉
積翠當戶見
擁書看朝霞
嵐光自

舒卷飛樓壓女牆壞堞周遭轉烟火萬家出雲山六時變豈惟
登眺佳坐臥亦自便吾師作達人公餘事清讌尚論高羣言我
聽輒忘倦攬結對長歌振聲走雷電丈夫志四方家室安足戀

芙蓉館

移居只合住銀塘楚客多情賦采芳香渡幾時浮桂楫人家終
日在秋光波明夕照寒潭淨簾捲西風笑語涼窗戶饜黏林影
薄畫闌干底有鴛鴦

擬秋懷詩七首

斜陽入窗隙屋脊臥山影老樹無惡陰蕭蕭抱餘景天空一鳥
下城郭向人靜庭荒暝色重孤坐風力猛落葉不到地秋氣結
古井感感欲成言心手鬱相挺

暮雲不上天新月樹閒倚蟲響納夜光百憂艸根起觸緒豈自

知微物奪悲喜幡然酌我酒斂氣讀全史苦抉一寸心古人可
以死歷境何必同所貴得其是百世肝膽見吾生一男子
文字何以壽身後無虛名元氣結紙上留此真性情讀書確有
得落筆當孤行數語立堅壁寸鐵排天兵苟非不朽物誰復輸
精誠入隱出以顯卓犖爲光明庶幾待來者神采千年生
鐙影動虛壁夜氣凝秋蘭矯首望天末曠野蒼烟團百里隔山
水一念平生歡磊落作壯游不知行路難日月戀游子照此儒
生冠士不志溫飽時或憂飢寒陳平故美哲貧賤寧足歎親老
未能養惻惻傷心肝

星斗出戶牖空際懸秋聲天地變節候萬物不敢萌悲風起窮
壑木落山鬼驚志士仰屋坐獨有千年情方寸納百怪欲與造
化爭思冗力易竭善用其聰明百歲事業多智慧勞吾生

十年薄時趨一日得師表攻錯良已多所聞悔不早秉燭入暗
室孰能遜醜好俗學困塵土清風一除掃我心有鴻鈞吐語本
天造菁英失其實外榮內則槁強弩能蹶張百家應弦倒金石
皆陳言組織何足道

彈琴不成聲酒滴劔花暖含笑歌長生白日坐中短骨肉只形
合以氣爲聚散拔宅居青冥毋乃近荒誕引觴酌南山雲截數
峰斷豪宕答時序却坐吹玉琯和聲破蕭瑟不使秋光滿我無
窮達心造物豈能限

游從姑山

飛青突兀落眼前芙蓉兩朵浮秋烟巉巖變態異遠近竒石怪
聳含清妍龍領開張犬牙錯猛虎蹲踞翔鸞騫孤根獨上偃華
蓋空罅側卸垂金蓮北厂玲瓏壓古寺嵯頭欲墜僧猶眠屋後

蒼苔一千尺峭壁陡立雙摩肩中間開豁路一綫青天匹練飛
梁懸關門不借鬼物劈片石豈待神靈鞭絕頂輪囷不可上危
磴百級高盤旋舉足皆愁屐齒滑布韞我已窮其顛雙橋百丈
鎖城郭大河宛轉如蜿蜒脚底羣山自羅拜眼中直欲無人間
碁子無聲石枰靜蕭蕭竹影流清泉一拳磊砢足萬古從姑名
字誰流傳好山何必若女子縹緲自是空中仙麻姑莫須更窈
窕後游不恨天緣慳摩崖欲作擘窠字墨光直矗青冥邊落日
無人四山淨天風不動雙鬟偏一笑題詩共飛去山靈與我俱
千年

萬年橋觴月

飛梁跨水一千步空際行人自來去亂山中斷走虹霓下有蛟
龍不敢怒青天片月海底來琉璃萬頃空明開風露泠泠波浩

浩此時天地無氛埃中流二十三明鏡秋河上下橫天影江風
吹客一登橋脚踏寒光不知冷流輝注水射千尺波面游鱗時
一擲放眼寧知世上人飛觴不記今何夕相看冰雪瑩聰明但
恨有客無笛聲漁鐙不動野鷗睡寺鐘欲出栖烏驚勝游佳會
良可數胸次先生獨千古名宦誰能樂山水詩人我或慚龍虎
深杯入手須盡歡夜涼歌笑浮波瀾耳目俱從靜時淨風月莫
惜忙中看俯瞰前灘落星斗跳擲雙丸亦芻狗吾徒一夕橋萬
年達者風流原不朽

晚泊書懷

夜氣昏林薄鐙光動水濱四山飛木葉孤艇臥星辰歲月頻搔
首湖天正側身功名望游子長念白頭人

曉過峽江縣

濕翠四圍滴空明百轉清山懸江出峽縣仄嶺穿城曉色千家
靜樵風一棹輕高樓未能上回首樹烟平

廬陵九日

江流分吉字山勢帶虔州節物頻留客關山乍倚樓薄雲千里
雁疎雨半城秋逆旅知誰好風帆滿鷺洲

泰和道中夜泊

捩舵開頭換客程郵籤終日報霜鉦酒旗夜卷邨鐙亂漁漿新
懸冷月鳴淺水無波人獨釣孤篷如夢自長征黃雞白酒皆鄉
味書劔何緣動旅情

十八灘

前灘鷗突奔長洪後灘詰屈趨黃公狂波數里勢一折積鐵四
立山重重亂石輪囷截江面急水生骨昏青銅星宿漂沈餽

忠烈堂詩集卷一
三
簇八陣羅列魚鳥從老雅散影鼇露背萬馬縱飲中流中輓雷
轟轟動地軸却駕大鵬馳長風連檣疾上破逆浪峭壁橫塞驚
途窮峰迴峽轉路不絕四圍竹樹青蒙蒙椎牛打鼓告神助紙
錢窸窣燒當空片席高懸易牽挽灘師醉叫張兩瞳我聞贛石
二百四十里過客往往愁行蹤畏途平日恐偶到肯擲性命如
秋蓬今我持篙擊灘水鼉鼉窟宅知難容淺者一尺深數丈有
灘豈足藏蛟龍樓船可下鞭可斷恃險浪說虔州雄三朝三暮
厭曲折幾令估舶愁撞春紆迴大不快人意槎枒徒爾多磨礪
吁嗟入山無虎水無怪一塊何得矜頑兇清流病涉罪當伐位
置多事勞神工剷除欲遣五丁役大斧劈裂馮夷宮坐使鴻鈞
鍛爲燼莫教疊架成飛虹天水相涵朗如鑑雪浪噴薄雙江溶
大笑往來失阻礙一瀉千里開心胸

落葉二首

零亂霜楓覆蘚痕小簾風緊欲黃昏隍深有鹿朝穿徑酒醒無
人夜打門夢入故宮尋古井愁生野屋見孤邨一枝別後應難
借好向牆陰覓斷魂
古道無人拾墮樵嘯鳥來往獨魂銷一林冷月露山寺十里清
霜生板橋舊事幾添搖落感離情不記短長條高樓試奏哀蟬
曲滿耳秋風咽玉簫

解纜

水氣得清曉冒霜人出關沙晴團宿雁木落見寒山客問何從
稅行衰且未還收帆怯歸路危石滿前灣

曉泛

寒旭轉沙尾朝烟生石棱江平游老特風健出飢鷹較獵屯軍

慣褰裳過客能壯心愁跋涉射虎意飛騰

歲暮到家

愛子心無盡歸家喜及辰寒衣鍼綫密家信墨痕新見面憐清瘦呼兒問苦辛低回愧人子不敢歎風塵

丁卯上

出門

芳艸同春遠浮雲到眼飛誰能戀兒女何以報庭闈暫住真如客還家不當歸風霜都未計愁絕在牽衣

再過楊林塢三首

古道不迷客春山如故人柴荆知未遠雞犬暗相親問訊真難盡盤餐且雜陳青衫堪一笑仍是隔年身浮雲飛不定游子去來情兄嫂貧無恙兒童學未成榮華寧厚

望孝友足平生飄泊慚癡叔關山劔獨橫

小榻開花塢茅檐可暫留田園愛桑梓廬墓感松楸萊子多流寓桐孫獨遠遊鶴歸何處所烏鳥正啾啾

廣信登舟有作二首

童山夾岸立亂石一綫下碓輪翻急浪飛雪出遠壩春糧足杭稻老屋面桑柘故鄉不得居於我愧田舍日暮漁歌來掠水見山鷓中澤有飢鴻嗷嗷叫深夜

上灘如攀梯下灘如脫弦半日可百里飛渡章門邊有伯八十餘抱甕棲茅椽骨肉不聚首各以飢寒遷菜花繞屋香遠夢生江天風正一帆穩日午三人眠明日廬山遊舉手搏雲烟

題檜門先生小清涼山房圖二首

世閒不少清涼地願得先生作主人隱几無慙香案吏謫仙原

是宰官身半天鸞鶴山中夢六載京華別後春一葦江湖風月
在莫嫌光景似奔輪

屋後山堆萬斛青芙蓉朵朵壓空庭竹枝一唱呼才子林壑多
年望使星尺五天垂分館樹

山房在
明園側近

圓十圍柳大繫蜻蛉風

流漫說菟裘老飛蓋西園擬更停

三峽澗

參天萬木排前彎蚴蟉怒攫山風寒是松非松走相覓脚底霹
靂生竒觀亂石夾水水勢破觸罅迸出雲千團積鐵輪困塞陰
壑醜怪萬變窮劉刊立者堅壁疊者壘以凹作穴凸作關本是
神鬼所施設反如人力成雕鐫鈎連盤踞不可狀各出猛力迴
奔瀾盤旋隨勢作緩急泝然斗落空潭閒其餘懸溜樹根下各
挾松響相騰翻飛梁坐久駭略定毛髮凜冽胸懷寬雷聲入聽

視轉失決眦飛鳥無停翰耳聾目眩細搜剔玉淵大字蒼苔斑
瞿塘濫瀕苦未識對此不覺雙眉攢我聞廬山之水盡竒絕練
垂削壁飄風湍何當走地獨狡獪春撞力奪坤輿安忽思後夜
踏明月石髓滿吸松花餐解衣坐石弄長笛夢魂浸入玻璃盤
前山有約客欲去風雨一霎飛林端

栖賢寺

日影碎地蒼苔乾客耳忽靜人心閒長林側轉帶山寺竹樹蒼
翳交琅玕掉頭蒼紫背人起芙蓉五老飛檐端天風搖曳勢欲
動烟雲縹渺胸懷閒僧房客到話幽獨迴廊風細聞旃檀坐覺

山中太古意白日寂歷空庭寒昔賢栖息半偶爾乃爲佛刹傳

名山捨圖留帶垂久遠後來好事驚愚頑

方伯金世揚捨羅漢
卷中丞宋肇留玉帶

鎮卽今山田數百里膏腴恒產歸禪關有食可飽田可居英雄

貧賤羞蒲團我來何必問鐵面文詞自信泥犁寬寺藏舍利十
一粒落日相引登樓看老僧再拜啓餅視黯然如豆傾金盤浮
屠荒誕不足道凭欄一望堆雅鬢飄然便欲獨飛去日攜笙鶴
開歡顏

開先瀑布

瀑布之水源何來劃然下裂長峯開下士目駭自天落絕頂乃
有千盤迴青山斷缺聳雙劍元氣直瀉巖頭摧飛流已出不肯
下一綫中拆分滌洞隱現數折蓄精銳失勢一落如奔雷跳波
亂擊潭水立怪物潛伏寧髻顛音聲頃刻逐千變萬馬赴敵金
聲催天光半壁照空谷此地萬古無陰霾崧研積雪挂千仞山
中猿鶴猶驚猜銀花下散布水臺混沌鑿破山根隈

四壁皆刻
大字有如

蜂房

擘窠大字洗不盡鐵畫滿地鐫青苔太白已往老坡死我輩

且乏徐凝才惡詩走筆不敢寫山亭汲煮燒松釵明朝竹杖青
芒鞋凌風踏碎烟雲堆飛泉三疊絕倚傍坐觀一洗塵氛懷

懷楊文鐸仲

百卷圖書十笏園尚能搔首問青天詩人窮不求工語烈士心
嘗惜暮年夢裏彎弓猶射虎醉中扶杖亦逃禪近來可念豪游
事我在匡廬積雪邊

八月十五夜題號舍壁

殘杯冷炙不能餐四壁蒼苔擁暮寒合到瓊樓高處去此中秋
月讓人看

巨手能開五鳳樓九霄鵬鷄共盤秋不知擊節歐陽老可放門
生出一頭

九月十三日學使檜門先生邀同錢坤一先生百花洲

雨中小飲卽席限韻二首

玲瓏秋樹逗湖光
水閣雲陰作嫩涼
別館停驂招舊雨
殘荷擎蓋著新霜
座容迦葉參微笑
賓戲壺公解善藏
欲爲朱衣摹變相
墨衰濃沁桂花香

時錢持服

碁鐙書笈范湖灣
彌勒同龕憶舊山
牛斗星移光忽聚
驪龍珠失數將還
一杯醞醪平生感
三樣情懷半日閒
却與花洲添故事
簪裾留入畫屏閒

座主錢香樹先生登明遠樓見士有被放者慨然作詩

用山谷題李伯時摹韓幹三馬韻依韻奉和

和鐘離磬交叔垂公抱古瑟
彈朱絲共傾金鐵入陶冶
自別利鈍分椎錐持衡已盡司
命職報捷許放衝泥馳撤簾
登閣作俯視衆鶴乍脫樊籠
羈仙官天上忽感觸一士澤
畔傷數竒癸庚難濟萬夫餒
甲辰且守流年雌少時困抑
老豈忘嗟歎不足長言之遺
珠敢怨象罔目得腋恐負千
羊皮紛紛泣賦士不遇安得
上動天人知先生此念欲普
度願力且過蓮臺師

檜門先生招錢馮兩座主靜香齋小飲屬紀其事

先生藏我若窠藪
兩公來射發其缶
寒山拾得笑相視
不待豐干先啓口
冰壺布席列主客
秋月在天穿戶牖
司寇談諧每傾座
庶子持觴爲公壽
六年種樹供裁削
懸圃辛勤積瓊玖
酬庸自請飲三爵
絕妙語言公曰否
先生視學等懷寶
大璞常須玉人剖
無花老眼合報謝
酌我還當斟大斗
解紛排難得侍御
笑云無譽亦無咎
施勞伐善請兩釋
玉帛兵戎分左右
三升百壺置境上
大力負之髡濡首
名將連營孰借箸
灌夫侍坐吾行酒
三公鼎足盡三雅
犄角相望無勝負
春秋盟會美胥命
監史在

旁書某某酒龍詩虎讓前賢小子識之垂永久

忠雅堂詩集卷二
留別蘧廬舅氏二首
泥屨風檣日往還
愁心千疊雨中山
經年作客同行脚
我輩登科或汗顏
難慰慈親煩夜夢
每教新婦怨刀鐮
後來雋望前人語
甯悅風流可許扳
莫羨秋香折一枝
情懷也到別人時
恥為長鋏歸來客
去聽黃河遠上辭
感慨幾穿維翰硯
窮愁仍下仲舒帷
袁公地下應含笑
三載虛聲愧項斯

忠雅堂詩集卷二

留別蘧廬舅氏二首

丁卯下

鉛山 蔣士銓 定甫

泥屨風檣日往還
愁心千疊雨中山
經年作客同行脚
我輩登科或汗顏
難慰慈親煩夜夢
每教新婦怨刀鐮
後來雋望前人語
甯悅風流可許扳
莫羨秋香折一枝
情懷也到別人時
恥為長鋏歸來客
去聽黃河遠上辭
感慨幾穿維翰硯
窮愁仍下仲舒帷
袁公地下應含笑
三載虛聲愧項斯

蘭溪夜泊次汪溶川 汝淮 同年韻

沙棠兩槳暮烟開
嵐翠通城拂面來
臨水屋多人語雜
泊船風

緊燭煤灰乍嘗棗脯知方物共釋蟲魚逞辯才寒月分明眠未
得四圍山影落空杯

七里瀧

七里巖灘繞富春壓篷青重亂山橫桐江水似離心曲一片風
帆萬艣聲

杭州

橋影條條壓水懸鳳山門小帶城偏一肩書劍殘冬路猶檢寒
衣索稅錢
長笛淒清不可聞慶春橋北欲黃昏越娘休笑青衫舊初向杭
州著酒痕

登城隍山二首

放眼吳山第一峰炊烟萬瓦曉霜濃蒼蠅語市人聲出白雪吞

天海氣重古廟蜂房緣石磴高城雉堞控提封此身已置雲霄
上更辦行纏策短筇

御墨淋漓點石斑來尋父老問

天顏酒壚旗影招紅袖山店茶烟繞翠鬟絕頂威靈憑俎豆至
今車馬駕潺湲臨風欲拓錢王弩一射潮頭十丈山

寒山寺泊舟懷金礪南及進與同年

凍雲侵樹月模餽角里街遙入夢孤殘夜登臨雙不借故人兄
弟小長蘆鐘沈塔火眠山犬木脫僧樓墜老烏咫尺相思尋未
得數聲風笛起菰蒲

夜過吳江

平望鎮前寒月明三更四處棹歌聲吳兒解弄江南水夜半垂
虹橋下行

茂苑

茂苑凋零麋鹿場
梧宮秋老舞臺荒
穠花野水要離墓
一種青山怨夕陽

五人墓

斷首猶能作鬼雄
精靈白日走悲風
要離碧血專諸骨
義士相望恨畧同

潤州小泊

孤城浪打朔風驕
鐵鑿陰陰鎖麗譙
微雨夜沽京口酒
大江橫截廣陵潮
船膠涸水帆俱落
人擊層冰凍未消
小泊不妨侵曉去
海門寒日射金焦

過金山二首

飛青刺眼雪團團
臺殿真如夢裏看
十幅布帆收未及
塔鈴風

緊一江寒

當年戰苦陣雲低
江水東流歇鼓聲
日午魚龍呼不起
郭公墳上郭公嘯

戊辰

譚誨亭

尚忠 同年歸南豐

壯夫慙短劔
久客厭長安
年少貧何累
金多住亦難
亂愁先月滿
猛雨及秋寒
蕭索離亭意
何因得強寬

題王梓園畫冊二首

蘭湯新浴沃芳魂
蠲忿勞他置酒尊
鉏却將離栽
夜合有情花亦愛
黃昏台昏

低叢大葉翠
離離白玉搔頭放
幾枝分付涼風勤
約束不宜開到十分時

玉簪

薄海

薄海皆王土西夷自弄兵
天威容小醜朝議決專征
轉粟千犛便臨邊萬馬輕
三年煩羽檄應築受降城
一年春夢乍醒時風笛離亭犯曉吹
細雨騎驢人獨去秋原送客雁相隨
吳綿薄試征衣重天氣微寒病骨知歸路
雲山高淡極冷吟閒醉與支持

南池杜少陵祠堂

先生不僅是詩人薄宦沈淪稷契身
獨向亂離憂社稷直將歌哭老風塵
諸侯賓客猶相忌信史文章自有真
一飯何曾忘君父可憐儒士作忠臣

磨盤嶺渡黃河用東坡大風留金山詩韻

白頭浪裏聞人語水師絕叫公無渡
洪澤黃流奮相激斗落雙龍戰雷雨
長繩曳船那得上艸壩東波畫旗舞
我生正直恃有命涉險不懼天吳怒
淮泗所趨水一合濤頭順逆爭寸許
臥唱黃河遠上辭隔岸紅樓打神鼓

懷楊子載

長安春落第似爾去年秋忽坐孤舟月
思從二阮游有兒娛老母多病益窮愁
何以稱人子飢寒對白頭

梅花嶺弔史閣部

號令難安四鎮強甘同馬革自沈湘生
無君相興南國死有衣冠葬北邙
碧血自封心更赤梅花人拜土俱香
九原若遇左忠毅相向留都哭戰場

燕子磯書宏濟寺壁

山水爭留文字緣
腳根猶帶九州烟
現身莫問三生事
我到人間廿四年

秦淮書酒家壁

不見紅闌長板橋
秋光狼藉欲魂銷
斜陽在水愁孤燕
殘柳當門怨六朝
舊院瓦堆僧賣酒
丁家樓毀鬼吹簫
美人黃土鐙船散
金粉原來易寂寥

夜泊

維舟不擇地
蘆葦自相鄰
冷月淡成水
暮江秋在人
鼓琴沙落雁
對酒我爲賓
不敢酣然醉
中庭念老親

金陵雜詠三首

石城艇子去難還
衰柳金城未忍攀
消受孫郎樓上坐
三山吹

落酒杯開

不取金陵誓
不回袈裟潛遁有餘哀
咸王何在周公死
羞煞兒孫又北來

蕩十一陵

琵琶亭別唐蝸寄使君

小立疎林落葉屯
白頭扶杖倚雙孫
僧無俗韻邀同坐
秋在漁舟喚到門
老樹四圍虛閣隱
晴嵐一綫大江吞
青衫我亦多情者
不向東流落淚痕

暮江

船側帆三折
風斜雁一繩
艣搖將夜雨
人語隔江鐙
歎逝心原
懶懷鄉感易增
金焦兩螺在
明發許重登

到家六首

隔歲歷萬里決意竟還家急遽呼阿孃低頭拜阿耶耶孃喜兒
至顧復相嗟呀見兒百慮盡兒樂亦無涯小犬繞身吠跳擲掀
齒牙童穉竊歡躍欲出藏又遮都忘失意返爲我拂風沙明知
僕婢愚未必欣榮華對之欲自愧默默看庭花

犬吠聲稍息客至犬復喧驅犬聽客語拱揖陳寒暄轉畏客久
坐旅况先與言問對多倦容此意客頗原送客見鄰叟約略道
田園洗面復濯足侍立當庭軒語雜親不怪答我聊更番

霍霍聞磨刀殺雞斷乾肉家人飯游子高堂爛鐙燭呼兒坐親
側歡意動睂目語兒太審詳問兒身可強兒壯可如父兒瘦何
似孃瑣屑告家事乃命陳他鄉傾聽不知倦謂兒休皇皇長跪
進親酒願親壽無疆知兒久斷飲今當一盡觴區區得失意恐

兒心未忘

恐兒心未忘看兒途中詩微笑在顏色終卷無一詞兒言父何
取兒心父則知榮名賤苟得骨肉樂在茲親戚重聞達慰藉來
嗟咨但云弗戚戚富貴當有時

父飲亦旣醉就寢先自息戒兒勿久坐晨起詣父執阿孃常少
睡問訊繼相及謂孃無別慮寒暑恐兒疾書來兒未歸夢兒兒
詎識望兒不欲夢夢復與兒值壯游豈不好我生僅汝一思汝
每自恨翻怪汝行急汝歸我已歡汝聽勿轉泣僕婢立漸近童
穉不復匿欲語未便吐含笑候顏色嘈雜良可愛真氣出胸臆
燭盡母亦倦有夢莫兒覓

燦燦深房鐙照此蘭帷垂却坐語夜半婦乃前致辭謂舅頗健
飯謂姑日就衰非無思子意但恐新婦知婦知豈不早嘗苦告

君遲成名妾所願事親無後時我聞但俯首喜懼交迫之翻問
客途樂欲答笑婦癡顏色既已瘁苦樂何見疑杜羔或可羞我
詎王章悲

已巳

晤禹立兄感成

喜極翻嫌晤憂來出語遲依人吾不免泣路汝何之骨肉非秦
越飢寒有別離茫茫芳草路何處莫相思

天全宣慰使歌爲楊公

翊清賦

楊氏始祖赤泉喜元封殺賊西南夷功成不返作留守靈關坐
鎮威沈黎控制魚通三十六乃從荒服開藩籬子孫世世食其
土爵襲招討分桐圭礪門專閫已千載鎖鑰後戶司丸泥英雄
報國以鞍馬馬革代裹將軍屍我朝垂衣主王會坐令萬國

朝軒義四夷翼戴八荒貢而楊亦以天全歸新恩特晉大夫
秩守爾帶礪無遷移獻忠雖殄狐兔逞餘黨狐嘯猶張鷗天全
一旅不敵衆仰天長歎徒盱眙孤臣快劍斫不死弱妻老母同
羈縻已亥六月十七夜佛燈閃閃光琉璃太夫人坐夫人立小
婢竊臥青鬟垂天明驚起述惡夢老木昨夜楮階墀飛龍蟠木
木起立須臾龍去木亦墮是日啼聲誕英物嶄然頭角多岐嶷
生來猿臂負神勇立志汗血安邊陲賊徒解駁坎險出虎符落
手生英姿誰教沃日與瓦寺虎視欲併韓胡師公聞其事豁心
膽忠義之氣何淋漓飛書疾草筆鋒勁詞嚴義正風雷馳滅者
當興絕者繼手奪大印還孤兒往復西瀘互攘奪黃帽紅帽同
羆羆庚辰入寇度瀘水旄頭睽睽奔牛犇竊據山河入城郭巖
州樓櫓如枯摧太白狂流星食昴王師赫怒揚天威公請滅

此後朝食前驅獨奉天王旗太乙刀磨土花削立跨天駟追鯨
鯢陰風慘澹竄新鬼積雪亂卷桃花飛銜枚夜半斬關入達岡
一綫懸鈎梯猿獠倒挂鳥飛絕死士直上無難辭木石怒發氣
益振死者倒落生已躋拳旗奪寨一鼓捷軍心固結神扶持臥
龍山頭一片石至今墮淚存豐碑丁酉蠻天重飛輓公功最著
傳烏思數令山川失險峻始覺造化無權竒丈夫立業既不朽
功名爵位輕豪釐黃楊老去際厄閨池魚罹禍徒嗟咨世祿雖
替國恩厚敢以遠謫傷此離白帝江陵一日下山盤峽束哀
猿啼漢水連天弔黃鶴危樓百尺橫江磯衝風冒雪一登眺公
前曳杖二子隨謂嗣君藏用鐸仲興哀滿眼忍回首關河莽蕩人民非
繫艇章門疾已革一家八口同卑棲牛斗無光將星隕兒存兒
沒諸孫飢藏用遂繼公沒白楊蕭蕭松鬱鬱猩猩嘯雨奔狐狸我來公

墓木已拱溪毛跪薦涕漣漣公之仲子鬚眉古

鐸仲

雄才大略無

端倪用違其材志不展虎爪牛角空撐支白眼長歌發長嘯嶽

飛海立天爲低傳家法物一何有惟剩蠻布成弓衣伯也騎箕

我未見

藏用

有子

子載

皎如玉樹暉文詞敏捷走風雨天馬乍脫黃

金羈岷江倒瀉入方寸大氣百丈盤峨嶺公侯子孫必復始祖

功宗德難爲衰勒銘喜得大手筆金石刻畫孳虬螭高文留傳

徧中國精魂颯爽歸來而

過貴溪

頽梁虛鎖亂雲中縹緲飛青落斷虹山色遠銷龍虎氣春帆橫
走馬牛風一圍壞堞憑崖石四面危磯鑿鬼工厭說頭巾灘下
路隔溪長笛雨濛濛

舟次懷金澗南

之子舊年別春江終日間芙蓉流不去仰面得青山君在翠微裏抱琴時往還何能黃海上一望白雲間

河口天池菴二首

隔江僧寺影如橋喚渡聲浮綠半篙間客自來漁艇入童山中斷佛樓高半規石骨神會鑿一剎寒泉月可撈贏得魚龍潭底拜五更殘月叫蒲牢

一兩芒屨萬里行少年蓬轉亦堪驚名山別後都成夢此地初來大有情水檻燈明留客坐春田鳥過喚僧耕他時名宦誰拋得試問圓蒲作麼生

游章巖二首

巖頭虎踞壓虛楹落葉招人細路生破廟田荒僧乞米摩崖碑古客書名蒼苔一尺行蝸篆石徑千盤度虎聲尙有前賢詩滿

壁漏痕釵脚兩分明

黃昏燐火出荒邱野鳥窺燈坐佛頭石勢欲吞臺殿入雲根都到寺門收人烟隔水羣峯靜林壑堆寒一味秋欲臥空岩看月影暮山風峭不堪留

楊太真雙魚鏡七首

流影何時照比肩玉魚雙印唾花圓如何鈿擘釵分後不見新粧亦可憐

黃裙一半土花斑消受羅衣繫玉環不信梨花墳上月也隨金甃到人間

山鬼烟寒指廢祠香囊錦鞮問誰知惟應白髮宮人見曾照華清浴起時

千秋金鑑錄何輕輦鼓漁陽動地驚爭似阿房星數點嬋娟小

膽太分明

霓裳曲散醉難勝金錯斜歌動水淩較可昭儀春殿裏照人祕
戲一重冰

翠匣收藏只念奴而今紙閣伴羅敷不知水殿承恩夜許照蛾
眉淡掃無

一別彤匱值幾緡長安風雪賣酸辛三郎畢竟郎當甚不及街
頭磨鏡人

答分宜嚴敘揆

思濬

秀才

神仙富貴兩難致終日低頭誦經史作此常令鄧禹笑嗟我與
君皆乙巳前年振舵游分宜日讀君文君不知大橋橫江月如
練我聲在水人潛窺想君望我官船時京華作客不相見南浦
秋深識君面生年同歲亦偶然但覺新交爾尤善讀我新詩意

頗得以面著紙覓行墨電光藏巖不肯出對面索君被紙隔袖
中斗藪冰雪吟亂山入海寒濤鳴乾坤萬里在胸次筆底躍出
人皆驚成名苦遲復苦早坐對鈴山讀書好丈夫生當飛食肉
小技文章何足道

寄向蘇村先生二首

考拙陽城不下簾俸錢蕭索畫叉尖關心赤子多勞瘁見說慈
君本孝廉田野桑濃飛白雉印牀花暖護紅籤應知大酉藏書
富退食從容曝小檐
傳聞耕鑿古風存處處追呼不入村欲聽絃歌到巖邑却隨桃
李在公門漫天風雪將行李知己文章合感恩行草年來多少
恨敝裘羸馬共誰論

鄱陽竹枝十一首

小巷烏衣舊姓王翰林門第比金張今人苦說前朝盛十八坊
前賸幾坊

靈芝門是舊宮門秋草寒烟泣艷魂王府山頭菜花滿人家寥
落似孤村

山頭芝草不重生止水亭荒面面春寒食紛紛踏青去了無麥
飯祭孤臣

大龍橋下水迢迢小龍橋畔柳蕭蕭不及門前月波好兒家移
住會龍橋

接官亭下繫浮梢方物傳來一水遙滿載冰瓷誇大賈青花樣
子是官窯

板橋風雨畫橋烟繫虎橋頭墓碣懸不解陶公一抔土殘碑三
郡草芊芊

湖堤明月罷彈箏春水桃花不進城歲歲祓除思太守年王廟
裏紙錢輕

水閣窻明背講堂裏湖花暖睡鴛鴦范公堤賸黃茅屋更有誰
家游冶郎

浮洲寺下麗人行薦福寺前春水生幾隊紅妝一聲槳小舟搖
到伴鷗亭

帆檣一字估舟排正午開頭尙未開日暮新橋簫鼓沸張王廟
裏賽神來

儂影孤如雙港埕郎身遠似喻坊船三十六灣團轉路灣灣相
望不團圓

送蘇村先生歸養漱浦二首

壇石山椒問字曾菜花香醞暑如水每思北面春風坐同剪西

窗夜雨鐙說到老親先墮淚得歸茅屋穩扶藤師門此別天涯
杳沅芷湘蘭感不勝
風帆飽挂下黃陵楚岫推篷萬點青人到長沙秋欲語月明湘
水雁難聽輕裝萬卷還烏速舊鳥雙鳧繞洞庭莫更著書傳雜
組窮愁憐我抱遺經

輓楊鐸仲三首

如雪桃花打墓門一抔黃土是

君恩必傳詩本交猶予可繼書香聽小孫伏櫪馬原騏驥骨還
鄉鶴亦杜鵑魂英雄凍餒爭如死不敢爲君墮淚痕

從軍奪稍老親知小范當年是虎兒聚米熟諳蠻地險談兵遙
念漏天師暮年烈士心原壯失意騷人志本竒勲業功名俱寂
寞弓衣留得可憐詩

晚歲窮途作蝨魚青山管藏亦鰥居父兄死聚他鄉樂妻女魂
離合葬虛宿草誰澆三月酒空齋塵網一牀書悲風畫卷銘旌
字題作詩人恨有餘

庚午

題天全楊藏用遺集

嗚呼楊公將門子外藩千載官世世列土何堪及身止昔者雍
正戊申公年五十二手扶老父辭鄉里全家來飲西江水市人
不識宣慰使謂公西蜀蠻夷耳我聞天全古荒服外控魚通三
十六子子孫孫飛食肉朝廷倚彼爲爪牙楊氏高氏分符竹高
司始陽楊碭門婚姻世世相仇恩怪哉楊氏生公如虎賁高司
性螫鯨鯢吞心欲楊氏無兒孫當年木坪蠻司死邊堡公翁定
襲成都道公守碭門年正少何來沃日瓦寺軍高司虎視將爲

忠牙堂詩集卷一
三
暴邏卒告公公劇飲燔羊饗吏銀燈繞三日敵來公已去竈下
惟留白頭媪鼓聲一發伏兵掃蠻兒血肉飛秋草可憐羞煞高
招討男兒如是亦快意頭白南遷傷閉置低頭但詠卷中詩絕
口不談邊外事聞公善射立馬背左右開弓不挽轡兵書老去
厭三復袖箭生平只一試自言昔與木坪兒半夜微酣尙能記
空堂燭滅電一掣箭出中光光已逝舉燭索箭不可得箭著東
牖血點地少却幾爲高氏刺嗟乎公生丁巳卒丁巳我歸猶及
交公第公側室子屋垂涕道公往昔督挽西藏糧蠻山醜樹森
刀鎗毒霧著人人立僵裂膚墮指六月當得公調護人命長令
嚴恩重飢寒相無人不愛礪門楊篋中遺詩尙萬紙公之功名
文字裏六十年來奇男子南昌占籍公其始書悲風畫

告糴二首

山首錄亦類風文尺取梁出詠樂妻文

告糴鄰封急朝朝羽檄過官糧都轉運民事又蹉跎飢鳥尋巢
切秋風背客多田家問行旅新穀價如何

道路聞人語流亡較瘠肥符徵凶歲粟穀救遠方饑衙鼓朝春
亂官船小吏圍崇朝漸飛輓應勸越人歸

舟出鄱湖

亂舶爭前激風來落日邊水喧帆力健天濶岸沙圓晚飯魚羹
溢秋衣暝色牽離家無百里寒月已淒然

寒夕

人語聚寒夕風威到岸停客衣連水色船火亂疎星一徑落黃
葉兩峯開翠屏年饑商估樂愁向月中聽

咏懷

風向秋林出吹人鬢欲霜初寒孤客覺流水白鷗忘明月在深

院扁舟成異鄉扶牀憶嬌女含笑拜高堂
泊江村有歎

秋風卷茅屋積雨廢新畬插竹防魚密奔濤漱岸虛一簪終歲
計斗穀百錢餘愁絕柴門下泥埋碌碌車

新寒

夕陽穿樹薄江氣入篷深扇裂藏深篋香溫展舊衾衿衣慈母
授秋夢病妻尋此夕愁多少淒涼萬戶砧

晚稻

晚稻連疇黑新霜萬木凋全家哀死犢老婦戀枯苗浪靜聞魚
擲雞鳴覺市遙此儻念桑梓未許客愁消

夜起

片月幾時落孤篷許獨開酒杯秋後減蟲語夜深來乞火鄰舟

怨占星客伴猜前汀有孤雁怪底寂然回

感懷

佳日愁中過浮生託敗查驛樓交雜樹人影住餘霞小泊雞豚
見終年婦子嗟何能荷鋤去努力事田家

輓汀州黎質存二首

淚灑千秋事名輕萬戶侯蹟存天下險心接古人憂詩筆竒才
重篇章大匠收寒山一抔土愁絕問汀州
篷艇江邊宅才名坐上賓談兵參史事破產醉詩人兒子尤多
藝丹青信有神黃壚三載淚衣上迹難湮

乞人行四首

乞人無古風丐食淡嘑蹴羹飯得豆區肥腥索魚肉所求一不
應詈怒雜啼哭嗟哉施與門危機隱然伏餓虎決兩眦旦夕操

禍福人心苟如此爲善亦難獨置彼膏粱中何物饜其欲乃知
皇天慈凶年爲剪戮
天意厭蚩蚩善惡當有別奈何良家子飢驅泣幽咽不幸有廉
耻不于類跛鼈蔽體無完帑嬌兒白勝雪清淚漬襤褸姓名焉
可說聊復哀閨人得食面猶熱
行乞恐粥冷天明來寺門檐風吹單衣見說粥尚溫面色成死
灰各挾缶甌盆舉籌貫魚入千夫爭一闔後來氣力薄偃臥聊
復存枕藉賴皮骨蟣蝨行枯筋得粥幾人出號哭嫌兒孫爾飢
食欲急官令我則遵卷局厯辰酉呼天誰則聞一死已爲幸免
作溝中魂

青裙雜縞袂顏色秦羅敷飢寒半忸怩掩淚行路衢誰家輕薄
兒側目相揶揄日落氣昏黑爪痕徧肌膚得粥涕泣歸何以謝
其夫風俗竟如是偷生毋乃愚

泰西畫

雪壁忽露檐層層畫樓朱閣氣象矜屋角連櫺瓦起稜素楹古
礎方花絢文闌壓砌碧沼承田田荷葉涼波勝婀娜翠蓋紅糝
憑房櫳曲折戶牖增鉤簾貼地風不興隔窻喚人人不膺有階
雁齒我欲登踏壁一笑看文綾乃知泰西畫法粗能精量以鈿
尺累黍爭紛紅駭綠意匠能以筆著紙紙不平日影過處微陰
生遠窻近幔交從橫紅蕖欲香樹有聲小李樓閣莫與衡若對
明鏡看飛甍一望淺深分暗明就中掩映皆天成我聞海南古
里名僧伽柯枝諸番迎浮屠梵唱能以誠其間所產寶藏盈大
布蕃馬香椒并瘠田種麥婦子耕風俗淳厚無陵傾石灰畫地
刑罰輕宮室峻麗如蓬瀛蠻夷以此相誇驚那知中國寶萬氓

設險以德爲長城結茅擊壤豐梁杭太平有道歌錚宏對此令
我心怛怛置身華屋不覺榮入畫豈若旁觀清

趙千里畫三首

樓臺寸寸出朱殷青粉牆低露遠山莫道瓊宮無主者卷簾人
在綠窗間

移來仙館鏡當中夾水疎櫺一抹紅惟有荷香遮不斷夜來消
得過橋風

華棖藻井絕塵埃北斗闌干面面開大似南朝王謝宅黃昏不
見燕飛來

謁張睢陽廟二首

月中聞笛倚山樓按劍悲歌凜若秋軍令驚看郎將面民心知
重國家讎百夫忍餓捐生易數齒空存抉視休厲鬼可爲終殺

賊寶刀先斷賀蘭頭

金吾謝表字淋漓主辱當臣致命時餘事讀書能熟誦傷心出

陣尚裁詩生平博雅于嵩見死後勳勞李翰知三十六人多少

恨一聲南八是男兒

將歸鄱陽

詩賣明時說養親空齋仰屋惜勞身棧中偶戀三升豆面上新

添一斗塵拜月歸調嬌女笑彈琴待看鬢絲春忍飢畢竟還家

好莫作天涯旅食人

答靳大千

樹椿

太守

罷官不得去質廡不可春出門三步卽荆棘若閉新婦車帷中

偶然識面一抵掌大笑圭角都磨礮羊鬣珠落囚癡龍忍飢恥

學號寒蟲箕踞談詩眼張炬如遘勁敵爭提封浩歌夜半燭欲

滅滿座怪雨吹盲風詩能窮人古所戒鑠刻應悔吟哦工可憐
清貧太守賣書已萬卷攢眉尚賦車渠盤
不靳大千寓齋夜話
急難念友生垂老懷家鄉驛驢早爲棧豆誤鸞鳳忽墮虞機張
看人賭得宣城守一擲臬盧印懸肘北方健兒亦可愛獵騎呼
鷹好身手君獨胡爲困箕口官職科名兩無有當風展放八尺
牀忍飢誦經聲琅琅徐路新占驛馬出英布已識當刑王君不
見卷地炎風炙手熱燕山雪花萬古白生還尚乏買裝錢故園
那有蘭成宅楊公清白勿復論燒燭一尺還留髡只今眼前有
飯不敢哀王孫黃金當日何以來私門

大千招飲語亡女事甚悲作歌慰之

庸家崔家墓金椀嬌女離魂畫衣卷賣匱買棺不敢哭月照而
翁雙淚眼熱官不值一大錢胡牀坐嘯今無瓊高歌已忘死邱
壑吐氣直欲搖星躔自言舊詩隨手失背誦猶能記什一不信
前賢畏後生喚我寒山一片石夜闌涼月天西沈全家遠寄風
濤深老妻生作望夫石弱息死變銜冤禽丈夫涕泗肯輕落鑄
鐵原無六州錯酒酣大笑忽傷心淚滴深杯仰天酌

送李杞園之雲南二首

初騎瘦馬脫儒冠石磴穿雲上百盤一劍光能消瘴癘十年人
不識飢寒離鄉味似新婚別乍客身經蜀道難歷盡崎嶇堪閱
世願君一步一回看

新月寒生織女機春風空長故山薇地當南詔黃金賤天隔中
原旅雁稀孤館讀書鐙自剪窮邊懷友夢難歸登樓篝火明沙
磧閒望羌兒夜打圍

忠雅堂詩集卷二
一 大鏡時林坐觀今無野高翔子亦天風
二 不計
三 面賢對對主與非共山一杖不齊國對且天西水全寒鼓清風
四 高羽未妻小亦聖夫不陳思天變香英會丈夫前既首運奇論
五 燈氣無大快論而何大笑慈心冠高羽羽天西水全寒鼓清風
六 不痛吟美滿職和以疎微眼平容良絲溫前讓恐盡神神掛閣
七 不測數思劍論城不歡奈雲土百盤一險水消竹意興才平入
八 不測數思劍論城不歡奈雲土百盤一險水消竹意興才平入
九 不測數思劍論城不歡奈雲土百盤一險水消竹意興才平入
十 不測數思劍論城不歡奈雲土百盤一險水消竹意興才平入

忠雅堂詩集卷三

庚午下
鉛山 蔣士銓 定甫

次韻黃崑圃先生重宴鹿鳴三首

斜街秋老又張筵
綠鬢官花憶往年
只有銀蟾能記取
畫檐重照舊時仙

題名昔上五雲邊
歸杖平泉又十年
試問朱衣頭點日
者番兄弟甚因緣

鸞掖文章老斲輪
舊聞日下又增新
三朝掌故分明記
說與當筵問禮人

弋陽舟次

峰峰作勢不受凌
羣峰轉側意態矜
林疎葉脫蒼翠增
枝拄拱

揖高峻嶒烟鬟窈窕玻瓈激雲嵐虛曳中有恒秋江蘸碧迴林
層篙工立水如魚鷹灘波跳舞聲沸騰一飯十步船底凝負船
上灘猿挂藤推篷對客卧未曾貪看卓笏圭稜稜晚霞橫抹宛
束緼獰者獅象禿者僧芙蓉了髻青鬅鬢竹樓吹笛沙鷗興風
來淺縠紋裂冰揜袖水錦石承石髮動蕩游空層捕魚矯捷
鷓鴣能漁父坐地膝在肱得魚一笑羣山磨前年大雨崩邱陵
巒頭瀉水矢發矐耆裂岡阜如田塍雞狗魚鼈相儕朋過客但
愛景可憑試摹尺幅吾其勝

水碓叠前韻

昂昂長喙聲相凌俯者稍抑仰者矜臨江縛屋黃茅增絡石叠
壩圍峻嶒一輪側波天光激激水倒旋失所恒機軸橫貫石白
層碓嘴錯列羣飢鷹倏抗倏墜伏且騰如鳥啄食香秬凝狐狸

月暗來蘿藤微鐙欲滅人醒曾金石砥觸鏗廉稜駿馬齧槽圍
莫緼習靜欲問浮屠僧豪毛世事紛鬅鬢人心機巧何緣興任
智役物非鏤冰利用取水自古承斷蟹作舍漁有罾桔槔已羨
今人能設帕更惜勞股肱灘頭處處春聲鷹豐年梁稻堆岡陵
飽煖乃欲習砮矐力田漸懶親畦塍射潮踏波呼友朋水柔可
狎變詐憑人力所謝天工勝

重九夜泊黃沙港

揀取鷗沙繫短舟添衣來領晚風柔好山厯亂飛黃葉殘夢分
明記小樓水碓無人狐拜月暮江如酒客悲秋挑鐙偶作西崑
詠年少因何有旅愁

寄尤溪令于靜專

千里遺書一輶然蕭條全付衍波箋勸農自愛民如子辟穀誰

知吏是仙菜甲花濃遮棐几燕泥香落打琴絃青山一髮家園
杳夢落屏風九疊邊

蟻垤蛛帷自掃除黃紬被裏放衙初對牀雨止思鄉後剪燭愁
添夜話餘小院無人吟柳絮斜陽有僕荷鷓鉏山城大抵名花
少笑灌荒園一畝蔬
年來斷飲厭離騷眼底紛紜黍雪桃每誦魚箋如讀畫得知龍
峽不容刀古來名士窮難送天下才人貴亦勞那得沈香亭畔
曲只應羞煞鬱輪袍

上人前上黃崑圃先生四首
早陪宣室侍螭頭前席恩叨古顧問優入捧黃麻知制誥出銜
天語領諸侯封疆前後三持節休養東南數借籌記得昇平艱
報答蒼生惟恐

至尊憂

玉筍爭傳少日身新城門下獨嶙峋舊家標格真威鳳弱冠文
章老斲輪極美科名周甲子斯文壽考應星辰晁秦舊侶今存
幾霜雪垂肩第一人

名宦功成鬢已斑大夫致仕許歸閒高馮寶鏡藏金背裴楷天
官說玉山學士半生春夢過尙書七十白衣還年來吉月趨朝
便履道原居輦轂間
侍坐曾叨禮數優三朝模楷見風流榜中名士無同輩海內門
生半白頭笑却熊羆神有恃客如龍虎刺頻收青衫冷淡勞延
譽疎雨依然四壁秋

楊子載湖亭送客圖

兩人執手意相語篙師持篙促人去水風吹面酒力薄落葉打

衣禿襟舞小樓拓檻誰獨憑黯淡湖波上秋樹客中看畫欲愁
絕展卷爭題奈何許我不知君送何客憶我年年別君處前春
與汝載官舫醉吟諧謔不肯讓秋帆別汝東湖東且復斯須發
高唱想君愁緒從此多湖亭日日歌離歌五窮厄君太潦倒一
蹴蹶我聊蹉跎君有老母別不得躑躅芳州甘送客小人有母
不得將今年買宅居南昌我欲荒園結虛牖聚我生平十州友
萬卷之書百斛酒故人持觴壽我母來共拍浮去共走終身不
唱折楊柳裂君此圖君許否

霽雪曉行

凍雲留曉日孤寺不曾開雪屋寒光定山風虎力迴谷深羣響
合筇健一僧來爭似茅檐底呼兒索酒杯

送饒霽南

學曙

同年北上

錦鷓相攜破浪行津頭別酒亦淒清離心願作青山影隔斷寒
江去艣聲

辛未

守風話田舍

顛風纔斷渡江勢欲沈山村小逢人瘦林疎坐鳥閒瓜壺留客
飯耕鑿念時艱旅食吾差樂刀頭莫看環

哭余亦霖

江南烟月夢繁華換妾曾收白鼻騮早歲功名刀筆吏晚年游
俠魯朱家殘詩自減驢腰重妙墨爭摹屋漏斜今日過門誰腹
痛可憐嘯煞樹頭鴉

唐六如畫二首

新荷交晚香團團貼秋水波光動高閣影落銀塘裏深院無人

聲涼雲自來止羅幕望如烟微風吹不起
淥淨不可唾重檐碧波卷涼味悠然生高梧日光轉欲攜避暑
客水簾對風展試採芙蕖花憑誰踏芳蘚

七賢過關圖

凍雲壓關山峻嶒石路犖确勢欲崩天梯一綫豁鳥道壞磴叠
轉晶屏絀老樹倒垂鬪風力寒色下攬落葉與中有吟客蹇共
乘兀尻垂首相凌兢霜蹠踏石聲登登十步一蹶萬壑鷹孰王
孰孟須冉凝復陶擁腫羈勒憑屏息閉口禿袖承高下相望語
未能小奚不行癡蠅行李雪重肩難勝後先扳陟無蘿藤如
馬踣踈鳥著矰此境蕭瑟我歷會豪唵頗得衆口稱太行絕頂
冒雪升六花如掌黃河水瘦童負箠結布膝聯轡未得東南朋
盤鞍一笑馬辟易寒氣不敢來欺陵斜陽大抵在足底雪屋亂

閃巖中鐙可憐雁門太守方蝟縮燕姬趙女玉貌矜擁鑪爛醉
紅翹璫豈知行人搔首青天層

十二月十四日悼小女寧意八首

平生作達意到此皆未明骨肉有天性生死安得輕臘月日及
望嬌女疾病嬰汝母珠在掌抱汝繞室行呻吟伏娘肩視耶尙
迴睛有語不能吐聞喚尙欲磨萬千愛惜意難與造化爭平時
瑣屑事拮據爲哭聲

名汝曰寧意字汝曰若男汝任十五月汝生亦大難生汝歲在
午仲夏炎風漫旣望越三夕亥初子母安虺蛇夢已久生女寧
悲酸嗥聲固無異亦慰祖母歡挑鐙剪巾帨挂向房權端

經年客章門數月始一還每歸索汝笑戲具羅朱盤見耶藏母
懷露面博耶歡兩歲長過膝行步無蹣跚抱書學耶讀知汝慧

不頑嬌語未成句趨避知客顏俱言似阿潤竊恐來探環
阿潤汝女叔不離汝祖旁愛惜同汝父攜之過太行甲寅至戊
午五齡以痘殤鬼婚從晉俗嫁骨誠荒唐銘旌翟氏婦招魂拜
姑嫜假子服衰經執紼呼阿孃合窆大箕里小墓雙鴛鴦釋悲
因汝生汝命復不長新悲觸舊慟念汝何時忘
桐棺三尺餘酸淚雜髣漆奪汝離娘懷汝娘聲已噎重傷祖母
心抱之爲衰飾櫛汝頭上髮易汝腳下履撫摩不去手悲喚肯
暫止仰卧目半瞑且復望汝起長成不汝嫁或贅誰氏子此意
汝豈知嗚呼竟如此

百呼不復醒默默成長辭氣絕肌肉溫傷哉無生時我母氣力
薄一慟不自持相對益慘悽殮之勿復遲傾篋檢衣韞附身皆
殉之紛紜出戲具吹火焚前墀送汝出門去魂小將誰依
葬汝不出郭藏蛻城西隅坎深不及泉壘土爲汝居城闕多悲
風相望尋故廬索乳夢中來應解牽娘裾行將去鄱陽抔土恐
成墟他年歸汝骨先壠無耨鉏

鐙前見花影轉瞬若兒立却步往扶之花露盈手濕病婦擁孤
衾展轉廢眠食晨起曲房靜出入如有失娟娟東鄰兒頻來索
梨栗不解西鄰悲歡笑拜父執殘歲逼短景觸目但於悒殤禮
無久哀止哭惟飲泣安能學太上過情猶不及

壬申

自鄱陽移居南昌

洪州百年屋兄嫂之所居別購十畝宮爲我新室廬移家去芝
城繾綣八載餘泛泛三百里家具隨圖書巷南有古樟廣蔭遮
修衢風吹東湖水碧漾牆東隅我生老屋中二十八居諸自營

忠雅堂詩集卷三
乳燕巢心愧反哺雛傷哉說堂構棲託終何如

出門

門外喧闐計吏車又從南斗望京華束裝不見耶呼子侍母初
同婦立家澹蕩人隨尋夢蟻飄零身逐落巢雅淚痕鍼縷傷懷
絕可博泥金幾字斜

彈冠圖

解嘲賓戲語非真結綬彈冠事又新主得賢臣宜作頌生逢
盛世敢憂貧魚龍起舞憑何術龜策前知信有神料理椒蘭焚
蕙帳綠蘿門外待朱輪

讀南史

篡弒相尋競滅亡髑髏腥帶粉脂香皇天好殺非無故亂世多
才定不祥六代文章藏虎豹百年花月醉鴛鴦南朝幾片風流

地酒色乾坤戰馬場

望江上諸山

嵐開萬象出徑豁兩峯對一磴穿青雲曲折異晴晦境幽寡人
跡疎磬出鳥背僧樓如點螺古佛觀自在遙知深塢中有客對
飛瀨誰聞廣長舌泉聲發虛籟名山念所歷佳游與心會發興
可忘言思尋陶謝輩

烏江竹枝二首

亂摘山花滿插頭三朝新婦亦嬌羞儂夫那及虞家壻不跨烏
騅只跨牛

家家健婦把鋤犁纔插青秧又灌畦不似江南采桑女陌頭愁
作使君妻

烏江項王廟

暗鳴獨滅虎狼秦絕世英雄自有真
俎上肯貽天下笑座中惟覺沛公親
等閒割地分強敵慷慨將頭贈故人
如此殺身猶灑落憐他功狗與功臣

再過四女祠三首

燃竹曾經讀舊碑枯槐猶記影垂垂
牆陰斷碣分明在愁絕犍牛礪角時

門影空堤尙可尋畫衣泥剝蘚苔侵
漢時明月經天在留得荒祠姊妹心

別鶴離鸞總未知凱風真可愧男兒
曹娥心跡同千古不得才人絕妙詞

失路入小園解鞍小憩而去二首

小圃烟霞闕柴門竹樹交掠空鶯試羽
遷樹燕分巢叟灌園中

菜童編屋上茅行藏判同異未許賦于郊

雲氣爲朝暮山容互淺深花繁移宿蝶
果熟墮春禽暫駐征人馬難求隱者心
黃塵飛十丈門外角聲沉

宿良鄉有懷

亂轍千盤樹兩行瘦童羸馬太郎當
林端葉下三更雨衣上塵鋪二月霜
吹角樓臺鐙黯澹懷人滋味路昏黃
家山更比銀河邈差勝牽牛未服箱

董恒巖太守芝龕記題詞五首

降旗獵獵走蟲沙不見宗耶與岳耶
畫出美人名馬像寶刀如雪滾桃花

督師袞袞少長城養賊寧南死負君
可惜官家相見晚中原誰似女將軍

豈有摩崖片石傳
讓人開國畫
凌烟紅顏未具封
侯骨老向蓮華
證上仙
滕王閣下騎如雲
巾幗真宜贈領軍
曾向空江弔蓮舫
怒濤嗚咽不堪聞
空勞詞賦動江關
下第仍從塞雁還
棖觸平生忠孝淚
一聲牙板一潺湲

松雪秋塘小幅

橫塘秋柳蕭疎裏
踏波競浴鳧
鷺喜嫩矰不到浪
花開時被漁歌一驚起
細葦新蒲意思閒
相呼相喚戀潺湲
渚烟汀月從頭數
似在燕南趙北間

觀瀑圖

絕壁翠相倚
不知何處峯
相看千尺瀑
常憶一枝筇
風過吹晴

雪潭空落玉龍定
知吟客在身為白雲封

陶然亭

蕭爽開平遠
其如瑟瑟何
林疎藏葉少
亭小得秋多
載酒幾人到
攜琴殊可過
商聲何處覓
應種竹緣坡

秦劍泉 廷對第一口占却簡

秦九香名白
下知十年潦
倒苦驅馳明朝
禁闈分蓮炬
莫忘鐙前畫粥時

送人赴河陝

杏林橫放曲江春
帽影鞭絲又一新
竒士終能登上第
有司不幸失才人
兩河中斷猶通汴
匹馬西遊許到秦
莫更醉嬰嚴武怒
簾鉤難得挂冠頻

積翠圖

忠雅堂詩集卷三
九
橫側見窈窕危巒自呈秀谷中青叢叢木與山俱壽葉知氣候
殊根含雪霜茂嶧桐百尺餘園椿八千後不知種樹翁靈苗孰
爲授幽禽樂深翠閒雲亦相覆高蔭落春礪可鑑亦可漱南薰
許追涼應攜一筇瘦

垂鞭

衣上輕水鬢上塵垂鞭滋味劇酸辛尖風如箭沙如雪絕似明
駝出塞人

綈袍

疲軍再敗等逋逃倒載干戈說建囊海內士纔收壁壘車中人
似臥波濤蓬麻廢堡炊烟絕風雪柴門酒價高莫笑南冠是窮
客禦寒猶有一綈袍

題破驛壁

拂拭衣塵酒對斟欹斜雪屋一鐙深知書已抱千秋志許國徒
存十載心草秀空山難結佩樹依喬木易成林爲君醉寫衙齋
壁折盡平生是苦吟

過青州訪檜門先生遂留山左學使幕中二首

駐馬解征鞍尋師到杏壇五年思杖履一第愧艱難滿引經帷
酒依然國士看掀髯舉三爵勸我罷長歎

海光明使節嶽翠轉前旌再作囊中處因辭嶺外行談天齊辯
士習禮魯諸生敢縱南樓目難勝望母情

接家信知十一月十日舉子

翦燭看家書風塵百感除孤兒欣有子一索報充閭厲祝顏殊
我犁憂犢似子歸時定趨避未解執耶裾

除夕二首

朔風橫空來草木盡南向吹我懷母心直至高堂上風迴心獨
苦念之實悽愴羣鳥皆養羞瑾戶有佳况如何遠游子甘若獸
走墻桑盛誰與供懼速西鄰謗豺鷹且知祭母乃葛伯放
寒鐙耿虛室獨坐聞歲鼓豈無屠廩酒飲之味逾苦歡聲四鄰
動爆竹靜可數他鄉二三客對影各自語遙知茅堂中婦已具
雞黍此時老母意深杯可能舉

癸酉上

雜詠

張帆縱大海人生頗似之風來無定理乘勢爲安危飛渡亦云
樂前津渺無涯豈無棲泊心一發不可持覆溺良可免履順險
則隨回頭望汀嶼何異窮途悲

嗟來可調飢盜泉可止渴丈夫無高識何以處窮達蟻蝮異寒
蟬物性不可奪枯魚感涓滴焉知江海闊習靜得所欣悠然見
始末所以仁者心觀時多惻怛

貧妻力操作富妻習安便不知天地心何以別貴賤貞淫有本
性美醜異顏面豈無幽蘭姿色隨塵土變可憐冬青花雪中時
一見

平疇無公田望雨皆及私豈知農夫意國家恒賴之鋤莠恐害
苗老幼不可飢旱潦託社稷陰晴誰得持殺雞祭田祖貓虎各
有司螟螣生地中詎傷皇天慈

辛苦耕者婦荷鋤饁東臯拮据赤日中面黑頭髮焦雖云氣力
薄暫分夫壻勞夫勞亦何惜所懷在良苗鳴鳩喚時雨爾音誠
嘒嘒休辭口卒瘝祇恐天聽高

所遭異聖賢誰能樂其飢有田六十畝陋巷誠可怡淵明賦乞

忠雅堂詩集卷三
食放達情亦悲資身已無策抱道能勿疑嗟哉子陽粟禍患實
倚之顛頤恐拂經安得如靈龜

坐言起則行惟辭以達意奈何後世賢甘爲文章士于時究何
益玩物實喪志朝華夕已萎其言固多僞汲汲楊馬徒趨與賈
董異誰能握鉛槧白首僅如是

慨然出求仕各抱利物情官卑遠殿陞效忠何以明局脊事趨
走名宦誰早成沒齒沈下僚自視亦漸輕草木托春暉近光生
餘榮懷哉古賢達出則爲公卿

古人未易及不幸有可議恒情樂攻短羣口譟然肆前賢論已
定後生究何恃百犬徒吠聲行者寧返諄試存易地思幽獨但
滋愧

知己得一人雖死不足傷已且弗自知擇交誰實臧人心如槃

水清濁豈有常鑑物無夜光疑慮爲周防月中畏影髮愚哉涓

蜀梁

羣山倚暮色秋氣從中來感觸不自知但覺多悲哀所思渺何
許意念往復回微月照古菊精魂散蒿萊每當延佇中窮達心
盡灰何術解繁憂醉共劉伶埋

昊天職造化日月爲旦暮茫茫一氣中何知有雲霧萬物處卑
下安能求其故仰視當晦冥竊爲愚者懼我登千仞岡雷雨出
跬步山高有常晴茲理庶幾悟

百物出創制緬彼先民能今人良好異智力莫與增殫心規矩
中嘗愧才弗勝後世鮮聖賢中材奚足稱奈何文章士小慧輒
自矜

一裘足禦寒一羹足慰飢狗欲無止境愚者不爲疲百草託雨

忠雅堂詩集卷三
露豈待長林滋醉夢貽子孫徒令達人嗤富貴苟無德不祥陰
伏之長者無恥心市竊良可爲

古人重无妄今人安無恒妍媸皆可疑以意爲愛憎立志苟不
固爲善翻自懲困鱗思急舒貪餌游寒罾泉水旣出山隨地分
淄澠高才不信慤何用多知能

我生聖賢後立言已無權偶得心造語古人復我先落筆輒自
喜博覽翻爽然著作積三篋一朝俱棄捐區區牛羊目見止方
隅偏腐草承秋霜何以爲壽年

涓魚乃傷人悲哉聞之晚飢來陳百羞腥穢不可飯窮年工文
辭去道日以遠辛苦迴車人途盡始知返

日月無不照乃復相蔽虧君子互攻擊翻貽小人嗤賢良任血
氣毋乃背道馳一朝潰隄防狂瀾浩無涯嫌疑積禍患國家終

受之大臣爭小忿其罪如窮奇

惡人亦好名常恐君子棄惟量貴容物奈何觸其忌怙惡寧復
惜好直將自累得爲則誅之尙口禍且至緬懷聖門徒惡訐近
乎智

俗士學干祿居恒厭枯槁貴來無可爲翻嗟入官早苟無所設
施遇合那足道陸陸位通顯何如布衣老

遜世旣無悶奚必身後名利物志未逮于世寧復爭大言恐多
忤聊可達死生閒居事憤激何足爲重輕

蟻蛄昧春秋蜉蝣迷曉暮鷓旦苦夜長焉知棲者惡獨坐思悄
悄庭柯墜清露薄寒中單衣念之亦滋懼

出門無令顏入門多飢色君子非孤生安能不謀食覽鏡傷盛
年歲月嗟孔亟懷土實天性塵鞅未許息終年歎行邁骨肉苦

相憶鳥獸亦有羣翔回感何極曰歸對妻子脫身事耕織
萬物各處逸天地居其勞何者爲造化變滅乃獨操洪荒闢人
世變滅紛牛毛就中立尊卑賦命任所遭大患在有身世網不
可逃聖賢多寂寞我生誠秋毫忽忽百年內未免歸蓬蒿
混沌不可復鴻鈞自旁薄一治易一亂何如返寥廓人生如大
夢醒後更何若精氣苟不散將復有所託會當求化工冥然絕
知覺
生非不材木斧斤安得辭斲削成器具貴賤條判之同根別枝
榦尺寸乃異宜爲用信偶然天地難悉知輪轅與屏几勞逸誰
使爲屢屢豈樵蘇何事供晨炊
百卉樂春華及時爭一放不知歲有寒焉存後彫想落葉旣辭
樹翩翩不復上從風入秋聲猶能競餘響松栢獨何益兀立計

尋丈霜雪縱不懼節序傷已往難酬雨露恩年年爲長養
惟智可治愚生人各有宜讀書明世務得時豈無爲弱齡入城
邑傾耳聞怨咨跋涉十九年所歷皆可思攬結半天下悉民寒
與飢每觀鄉鄰鬪激發爲歌詩幸有山與川時復蕩滌之高言
似無當恐爲俗吏嗤抱此區區心濟物當有時
嗟我負性剛久游事多更閱世寡嗜好逐逐將何營譬諸惡醉
人疆之尋杯錯苟得一升酒陶然有餘醒誰能側弁舞沈沔令
人輕

遊釣突泉

濟水隱現如龍形入坎出坎絕羈勒澄波散作千萬泉破險穿
幽鬪喧寂水能上指失本性孰鑿地竅同蓮葍迅奮不受土脈
制三窟齊開奏刀砮靈源聚力一飛迸雪柱冰山分壘壁翻疑

厚軸伏機穀連弩突射空中的聳壑聲隨雷出地吹葭捷比灰
颺笛飛揚散落遞終始入海波瀾起涓滴曾磨古鑑照仙仗未
許晴天飲雌霓紅闌畫閣一映帶似在虛舟泛輕鷁可憐道士
慕城市注腹潺湲厭甌甌原泉有本不可遏泥淥沙淤豈能敵
只愁此地同蜂窠蹴踏浮漚防陷溺泉水出山那便濁請看萬
戶爭餘瀝

龍洞山

拔地立城郭壁面四圍俯地底開龍祠山根蓄風雨傾灑有餘
潤卓犖無寸土石裂草木出風過丹黃舞橫巘簇細竇亂鴉奪
門戶龍居對開豁東洞側破釜避秦竈火絕陽和至今貯西洞
受朝曦貫壁徑可取天眼一斜穿暗漏每奔注誰留面壁相灌
頂愁潑乳半規透旁隙僧引前列炬打頭識磽确漬衣驗沮洳
入穴遁蛟蜃脫身全鳥鼠兩崖兩扉抱一峯一屏豎裴回壽聖
院摩崖念初祖樵歸客始炊烟起鴿微怖深杯吸靈怪倒影怯
蛇虎茲山未云深昔至人已古馬蹏遠暮寒出谷日猶午

佛峪

出山循溪轉細路通巖坳攬轡秋林間人馬俱蕭蕭前岡變壁
立危厂虛空飄呀然虎豹口似欲因風嗥不造西巒顛豈知山
靈豪兩肩開四圍一臂伸中條扼腕綴僧屋亭小當拳高何來
瀑布水挂練藏山腰錦屏隔橫岫雨工不可招淙潺墮深塢疑
是乖龍逃啜茗夕陽際坐數前峯樵雖與人境遠城市非迢遙
僧老未逢官誰解山林嘲

千佛山

隔城愛看南山層石屏橫展青稜稜出郭五里連平塍中央細

路直若繩長林側轉立一僧攀躋愈覺山峻增田家笑客如蟻
升樓閣挂壁嵐蒸蒸戶牖羅列紅牆緹鏤山作佛龕竇承蜂房
燦燦琉璃鐙白日不照寒氣凭巖前膜拜佛不膺座底龍洞碧
乳澄是中有龍誰得會巒頭軒小宸賞曾闌干昨被秋雨崩
華山拔地秀色凝誰山藥山相儕朋秋容婀娜皆可矜妙手故
爾煩吳興秀兼吳越非譽稱平疇萬頃溝洫仍傳聞舜耕語莫
憑地志毋乃好事增茲山後與秦岱乘跨春躡膺他時登吾師
游興誠有恒一日一來吾亦能

晚游歷下亭

春水淥波平不瀉門外上船亭外下偶經御宿一攬結佳氣
隨風動檐瓦層軒虛敞納湖色展拓空明入平野誰添畦畛界
碁局區畫湖水未全打北地由來重烟水倒涵城郭真瀟灑林

腰倘肯著村店應有遨頭弄杯竿晚烟著樹境俱遠水風吹面
顏生赭坐久翻疑屋是舟林低忽露山如馬笑聲隔岸亂清磬
且復迴篙扣蘭若

北極閣
在北岸

北極閣

城內千頃綠城外千山色映帶城中十萬戶琳宮一覽居然得
眼底足底恣挹取眺遠何須更踰闕茶烟裊裊出窗戶神鐙照
神神盡默須臾寒月散松影隔水茅茨渺難卽天教使院落湖
側扁鑰心常愁偪仄徑須買取沙棠舟夕泳朝游水精域試向
城南望城北山郭人家居澤國

會波樓

人語散飛鳥身在城北樓表裏氣象殊萬態供冥搜眷際兩峰
矗勢欲因風浮其間戰鬪地繡錯交良疇稻登土逾潤春氣膏

腴留清滓澄遠林村舍含深幽裊裊炊烟中冉冉征途修入我
浩蕩胸醞釀何油油倒身視城脚燕尾開雙游始知百頃湖出
郭東西流雲淨衆山定葉亂羣鴉投日斜倚虛籟吐氣成高秋
茫茫眺遠目一縱不可收

題熊肖石海峯日照圖

君登蓬萊閣上看日出我來見君海岱惟青州風濤欲出未出
在襟袖開卷日色海氣俱油油夔虺蛇風未易擬方寸一泓海
水雖大同浮漚誰爲陷此坤輿劃中外鼉鼉魚鼈百怪相沈浮
三山縹緲可望不可卽五城恍惚誰見神仙游託身荒遠當與
靈窟近梯航至者蠢爾多倭酋得無陽烏地底不得出假此空
闊欲上穹蒼不蛟蜃唏噓歎欲太狡獪日光激射猶可成飛樓
一峯老蒼居然絕倚傍插脚混濁不肯爲僂偃天吳暗笑山靈

毋乃矯潮汐震蕩汝亦將奚求海中之山厯厯似螺髻有時龍
女鏡裏迴清眸雲烟變滅無數相對愁徒見獰颯駭浪無時休
古人夢飛貼日亦偶爾鯨鼈欲釣可惜無長鉤

送蓀谿

西向長安笑驂騑又過都風雲期自有游俠市應無入世蛛懸
網藏身客隱壺年來同病馬各各厭征途

張素村

紹渠

由鉅鹿移守保定却寄三首

鹿引雙轅未許扳柏人應鑄使君顏由他京兆誇頭地自領中

原刺史班

五馬驕分御史驄雙旌婀娜勸春農平疇綠到清官店太守依

稀似盛融

鉅鹿會尋豫讓橋蠡吾幾度覓荆高而今俠氣渾銷却磨鏡門

邊賣寶刀

寄家書二首

三十潘郎鬢欲斑，黑貂留雪又空還。
胸前應解宜男草，刀上尋看似月環。
甘旨累君勤績紙，才名負我滯江關。
年年未得看頭展，無復當時鏡裏顏。
蓬鬢銀釵賣已完，猶存翠袖倚琅玕。
將雛紫燕孤棲慣，返哺驚烏比翼難。
別夢頻年都潦草，家書兩字是平安。
憐人只有經天月，夜夜空階照永歎。

秋夜

厭聞擊柝報嚴更，風幔欹斜一榻橫。
早識愁爲無底物，不堪秋是可憐聲。
園蔬摘後餘瓜苦，襪被東來感鶴鳴。
一樣家鄉歸未得，馬頭西向雁南征。

場上魚龍任偃師，夢中蝴蝶亦堪疑。
春泥滯我輪生角，秋杵驚人粟在肌。
寒月乍明燈暗後，亂蛩爭語夜深時。
東鄰熟睡西鄰醒，各樣情懷各自知。

忠雅堂詩集卷三

忠雅堂詩集卷四

癸酉 下

寄饒二霽南

鉛山 蔣士銓 定甫

君生庚子我乙巳少君五歲為君弟我為山礬君為梅當時接
 葉參差開寒香向春脫冰雪病蕊背日依蒼苔三年一見齒粲
 粲不問苦樂各看面朱顏雖後蒲柳衰壯氣頻隨風雨散我懷
 未訴奈別何燕市買酒爾飲軻古來失路萬人淚斷續滴作桑
 乾河一載東征發長歎襪被霉痕秋雨爛可憐玉尺非我有亦
 復丹黃矜爛漫遙知瑣院異今昔時分校京兆闈隔牆舊夢應零亂苦
 者難空海底珠梓人曾泣溝中斷使星照眼數同輩幾處門生
 侍清讌絕倒嶽寄厯落人不向京華騎款段

楚天雲雨那須疑壯氣飛騰託艷思不信才人都好色可知名
將定能詩紅蘭碧杜情無極翠羽明珠感絕癡免得隄麋磨盾
鼻將軍生幸太平時
未雨奈山寺燕市買酒爾爲神古來大化萬人死
炎風吹不到臘雪嵌空明寒色經年聚僧樓永夜清客來尋虎
跡鐘過失泉聲怪底龕中衲安禪少俗情
水壺署貼水雲窩皎月湖光與盪磨官燭下船衙鼓歇出門十
步是烟波
半折朱櫺臥綠苔殘荷猶傍畫闌開迴廊轉側看人影時有青
裙打漿來

歷下城中半是湖居人分水種菰蒲從教兩岸添臺榭得似秦
淮子夜無

敗荷枯葦入樵薪殘臘新年興可乘湖面十分纔露出九分湖
水一分水

八月十三日遊濟南城西張氏漪園

勞人出郭馬脫銜厭聽市語聲喃喃那知湫隘闕泉石展拓人
境亭臺嵌入門水木露明瑟坐見石齒流漸漸樹根煮汲響爭
沸清味注腹殊酸鹹軒階向背合疏密露臺俛仰皆可覘清濠
如練抱城脚女牆側放秋山尖虛堂曾與駐青蓋亦覺花木增
清嚴下臺緩步倚方沼投餌一試羣魚饒背廊覓徑最幽邃樹
隙日影浮襟衫主人世守妙結構已知胸次異俗凡名泉隨地
湧珠玉玲瓏但少青巉巉豈無達者戀邱壑盛名清况知難兼

上馬欲去柳拂面僕隸何取俱回瞻

從檜門先生入武闈喜晤同考官吳雪軒祖修鄧眉州

瑛牛郁菴宗文韓湘巖錫祚有作二首

隨地清光湧月輪水壺分住亦情親冥鴻欲去還留跡駿馬能
奔定絕塵五夜星芒交劍彩一時猛士雜詩人暗中忽現朱衣
影我是文昌座後身

繞樹猶看未定雅寒宵鷹隼欲盤拏平分武庫煩青眼得傍文
星隱絳紗別院蜂房開戶牖青樽銀燭話年華聞人几席重關
月聊爲諸君岸幘斜

歷下感懷集杜二十六首

出門日已遠昨夜月同行獨鶴歸何晚秋天不肯明哀歌時自
短心迹喜雙清風物悲游子愁連吹笛生

弱質豈自負吾生亦有涯歸心異波浪游子出京華暝色延山
逕江聲走白沙歌長擊尊破得醉卽爲家
詞賦工無益誰憐醉後歌居然成濩落亦恐歲蹉跎沙汰江河
濁叢長雨露多紫鱗衝岸躍力小困滄波
九月猶絺綌安貧亦士常綠霑泥滓盡風逆羽毛傷仰面貪看
鳥論文暫裹糧斯人獨憔悴真宰意茫茫
白日亦偏照關山空自寒衆人貴苟得吾道屬艱難秋水清無
底窮愁豈有寬平生飛動意雙照淚痕乾
回首載酒地通林帶女蘿人生不再好吾道竟如何親故行稀
少寰區望匪他鐙花何太喜月傍九霄多
所向無空闊清光應更多猶疑照顏色且得慰蹉跎軍吏回官
燭深江淨綺羅沈思懽會處猶有淚成河

放逐寧違性家貧仰母慈棲皇分半菽捨此復何之水靜樓陰
直叢卑春鳥疑師資謙未達從此數追隨
海內此亭古他鄉且舊居秋蔬擁霜露平野入青徐靜者心多
好人生亦有初故人供祿米看取北來魚
客睡何曾著相思淚點懸清琴將暇日歸雁喜青天所歷厭機
巧相留可判年浮雲連海岱自有一山川
懶心似江水自憐猶不歸潛鱗輸駭浪水鳥自孤飛文物多師
古榮華有是非徒勞望牛斗寥落寸心違
層軒俯江壁萬慮傍檐楹天半登樓眼秋來爲客情山風猶滿
把鳥誰自多驚語及君臣際中年召賈生
自古有羈旅子藏異隱淪不知雲雨散直取性情真人事傷蓬
轉無心恥賤貧悠然想揚馬北極捧星辰

占來聚散地忍對百花叢遲暮身何得關河信不通飢寒奴僕
賤質樸古人風壯惜身名晚長瞻碣石鴻
羈旅知交態淹留見俗情 聖朝無棄物旅食豈才名妙譽期
元宰途窮仗友生青冥却垂掖作意莫先鳴
態與駑駘異公才或守雌別離知不久賢聖亦同時薄俗防人
面論文笑自知高名前後事勸醉欲無詞
議論有餘地經書滿腹中斯文亦吾病相賀以成功洗眼看輕
薄分曹失異同巢多衆鳥鬪愁坐正書空
告歸常局促愁外舊山青王國稱多士孤槎自客星功名不自
立醉舞爲誰醒氣得神仙迴書生已勒名
用拙存吾道此生何太勞相逢雖袞袞回首興滔滔百鳥各相
命孤飛卒未高夢歸歸未得汀草亂青袍

十口隔風雪長貧任婦愁牽蘿補茅屋含笑看吳鉤自顧轉無
趣真成浪出游何當擺俗累從此具扁舟
慈竹春陰覆閨中只獨看思君令人瘦對食不能餐湖雁雙雙
起山雲淅淅寒因聲置驛外持答翠琅玕
骨肉恩書重深情託所親艱難隨老母感激異天真精理通談
笑文章實致身神仙才有數寄語北來人
不成向南國留滯敢辭勞鶴鶴追飛靜魚龍偃臥高山林跡如
掃詩態憶吾曹何日霑微祿懸崖置屋牢
相逢成夜宿久坐惜芳辰遠客驚深眷儒冠多誤身田園須暫
住龍虎未宜馴束縛酬知己乘時各有人
爽氣不可致春城海水邊不關輕黻冕何以報皇天同調差堪
惜將詩莫浪傳故人何寂寞無計勵龍泉

東嶽雲峯起高風捲旆旌從來多古意何得尙浮名霧樹行相
引春風草又生江山如有待鞍馬去孤城

鳥影度寒塘二首

漫逞投虛翼微風好自搏亦知天水闊終覺羽毛乾著眼迴翔
共修翎對語難寄身忘物我聊作鏡中看

翩健凌虛便潭清拂羽輕升沈隨往復色相本空明未解魚龍
臥何知風浪生翩翩防失足高處慎飛鳴

歷下感懷給諫座主馮先生二首

哭寢難寬十載情九原遼闊旅魂驚待酬風義知何日便服心
喪過此生會葬實慚東漢士傳經虛負汝南評夢中曾倚修文
案長歎聲中淚雨傾

遺孤依母兩終童枯樹寒雅繞殯宮身後可曾千卷散越西留

此一家窮河山彩蝕文昌宿臺省人思御史驄宋玉年來苦搖
落招魂親到誰華東

到京晤蘇德水

遇龍

同年二首

久別簪重盍相思夢乍醒誰知秦博士已注佛名經旅食還如
我浮蹤亦似萍渭城君解唱只有故人聽

三十行年共青袍不復新且沽燕市酒一醉隴頭人客久交逾
寡官微仕益貧天涯舊兄弟一見一回親

除夕過太常金先生宅守歲三首

息羽頻防弋者窺相親何忍說相離

前四夕移寓王氏宅

移巢燕似貪華

屋繞樹烏仍戀舊枝雪案開從嘗膽後牛車來及退朝時拈花
底事微笑笑迦葉如來各自知

脫穎會勞國士知星槎處處載書隨崑岡玉感孤峯拔長勺軍

慙再鼓衰駟馬虛疑題柱妄一環應歎報恩遲前津幾許收帆

際愁絕風檣半渡時

爆竹聲中歲兩更懷鄉思母豈無情長安客有終身住百感心

同一夜生塵世華年喧夢螿朱門歌舞鬪侯鯖誰知冷屋鐙檠

畔游子悽然坐到明

周汜東

禮

編修引假南去登京山游眺出坐寺門松下

而歿事聞京師各弔以詩二首

浮玉螺烟刺眼青衲衣誰果乞山靈登樓人影高寒出落手濤

聲上界聽逝者如斯心自省歸歟何處夢初醒無須石上尋僧

語笑指來舟一葉萍

宰官身幻現仍藏木榻趺穿兩膝當舊座還依金粟佛新祠宜

配水仙王風烟自可全靈氣富貴誰真返故鄉料得家山潮起

夜淚痕多少落錢唐

甲戌

明諸生贛縣劉盥而觀光先生守城詩今侍御宗魏會祖考也

所不敢忘君與父所不與立豺與虎猛獸噬人公力禦官兵逃賊兵聚民心洶洶官閉署公援枹鼓守茲土民啜其泣力乃固惟我與爾赫然怒城完公不爲降城破公不爲虜樂哉家人殉于渚四十餘屍粲可數入水不濡猶有婦喚公偕隱公慚慚興王復仇義可存首陽之粟何必吐

胡孺人志殉詩劉盥而先生妻也

登城不若娘子軍殺賊不及木蘭氏丈夫殉國婦殉夫惜哉孺人好女子投淵竟率全家死降旗紛紛天地怒鬼神暗攫孺人

起劉公成敗書生耳食祿偷生安足比霜中勁草兩獨活賃春鬻餅悲如此嗚呼宋亡有一江萬里鄱陽止水屍同止新鬼相尋四百年又得劉家一池水

送汪禹績同年歸鉛山三首

夕陽無語數歸雅又向風烟覓馬搗一夢纔醒看白晝三年真悔讀南華自緣缺月遲遲滿不怨浮雲故故遮此去停舟避鄰舫感人清淚是琵琶

馬狗衣鶉撲面塵十年筋骨等勞薪飢驅氣藉詩書長游倦心惟骨肉親離別何堪爲此態姓名爭笑不如人北門虹影鷺湖月愁絕相如返蜀身

萬卷重開五夜鐙秋山堪並骨峻嶒難窺天意時應待無益才名鬼却憎志氣年華俱可惜神仙富貴兩無憑躬耕我欲將慈

母安得村南水一塍

澄懷園漫興書寄盧右禮詹事饒霽南編修吳頡雲秦
鑑泉兩修撰時諸君子奉勅寫文選共居前軒二首

花氣醺人若酒濃游絲千尺繫孤蹤抽毫畫學金華語伏枕宵
聞閬苑鐘

帝座崔嵬知不遠仙源宛轉故相從分明碧落紅牆畔竟隔蓬
山一萬重

池館幽偏韋曲如一條銀漢護清虛偶同萍梗因風到得共文
星傍水居彩筆干霄聞給札疏簾垂地見鈔書誰知水木清華
裏亦有頑仙臥綺疏

禁省夜直感懷書家信後三首

魚箋迢遞報高堂昨共流鶯入建章彩筆纔書丹鳳詔清銜已

署紫薇郎難瞻親舍雲千里索負金門米一囊每對盤餐念甘
旨官厨雖美不能嘗

朝衣墨漬帶酸寒誰喚仙郎上界官海內封章留硯北天邊
綸綍在毫端晝持襪被花同宿人散黃扉月自看那似鳴機圖
畫裏小窗燈火坐團樂

故山宰木感悵悵麥飯梨花杳莫尋銜土未能三鼎葬終天難
答九原心臯魚泣念風號樹華表歸殊鶴在陰慚愧家鄉兄弟
酒一逢寒食一登臨

黃河一首寄答兩立兄

黃河落地自奔渾略記昆侖是發源豈有隄防能束縛空勞魚
鼈暗騰翻江流難合終歸海禹力曾施獨感恩百折千迴無倚
傍不須淮泗作兒孫

題瀟湘一泛圖送陶揮五 金諧 同年令楚南二首

陵谷遷移七澤寬羊公碑石水漫漫登臨客有千秋淚轉側山
宜九面看人世風濤諳不易襄陽耆舊遇應難隨身卷軸偷閒
展辛苦前賢策治安

同年昆友幾從橫散落飛揚歲月更嘗笑張良如處子敢言賈
誼是書生東華轂轉塵無奈南嶽峯回雁有情知爾黃紬貪早
睡紫薇花下一尋兄

寄懷淇令周韻亭同年

節義都歸循吏傳文章俱入汝南評吾聞古語才難得天許斯
人宦早成膝上傳經兒識字花前將母妾調羹如何民氣還淳
樸應自庭闈豈弟生

中州愍烈記題詞四首

法曲依然繼國風不隨鐙月唱玲瓏苦將杜宇三更血染出瓊
瑜一丈紅

一轉紅牆半畝祠歌于斯也哭于斯魚扉晝閉香烟直不許斜
風卷畫旗

冷雲寒日土三堆爭把冬青繞墓栽不用兒孫澆麥飯清明時
節長官來

斯文如女有正色此語前賢已道之安肯輕提南董筆替人兒
女訴相思

一經齋小集送王琴德 和 之山左同金檜門錢籜石二

先生汪康古孝廉限經字齋字二首

感遇傷離雜醉醒摩空猶是未梳翎已成鸞鳳仍飄泊自古風
雲有晦冥旅食深知貧與病才名虛指客爲星雒華山畔尋君

路夢裏還應一再經

明湖秋柳至今佳打疊蜻蛉泛水涯
歷下山川名土地江南烟月旅人懷
文章事大期千古主客詩成憶小齋
賦到登樓堪隕涕壯心容易付沈埋

家作梅

櫛

編修幼女玉媛十齡初度書扇贈之四首時

七月九日

新裁錦幌挂文疏小立紅瑜學拜初
恰似雛凰依老鳳向翁腰帶覓銀魚

夫人禮法具徽音短髮梳完代綰簪
乞得天孫長命縷小樓前夜學穿針

風裁林下本來清學繡摹書見性靈
婉婉宜聽慈母教孔家兒

子正趨庭

玉媛字曲阜孔氏

端正生來謹笑言碧梧翠竹共娟娟
前身可記蓬萊事小別西池已十年

自鳴鐘

西法巧窺測尺寸具宇宙氣貫十二時
度紀廿八宿衡平應璣轉象列比孟覆
餘分積銖黍歲月按剝復非禪一龕閉若
鑑半險扣外規現輪廓內軸運機紐剝腹
針暗度懸簾筵潛邁縱縱錚錚聲暮暮朝
朝候移樞蟻緣磨掉舌杵藏日動靜互為
根盈虛隱相逗音如滴壑泉製擬穿花漏
周隨瑄葭颺曩與檐鐵鬪健行景豈駐遲
挽戈莫救晦望黑白判經緯朔南就軍塞
視食息風霾驗昏晝聞堪發深省法殆出
天授太極同渾涵上帝託聲臭不復煩擊
撞自然合徐驟志補律歷遺官許羲和副
卜夜警沉湎願置歌舞右

阿相公

克敦

三使高麗國

皇華歌罷駢駢夫旌節乃指東扶餘五雲黻黻隨勅書從者
皆乘昂昂駒名卿出使觀塞途麒麟繡服垂金魚川遼細按懷
方圖高句驪國箕子都桂婁五部四稱奴省簡文條用信義柔
謹獨與三方殊朱蒙好文尙浮屠乞經乞書文軌符王畿相距
若郡縣國初拱極誠首輸相維設牧制其職朝聘不與遐荒
俱嗣封命官有典則薄來厚往欽前謨朝廷服遠重專對使
臣舊例遴鴻儒相公幼入承明廬文章久擅雞林譽誦詩三百
堪馳驅言詞風度誰得如三銜鳳綵到朝鮮清望矗矗岨夷
隅再至三至異厥初國門觀者皆懽娛笑指天使微有鬚巖巖
玉山作身軀道旁迓者大對盧青羅裁冠屐承跗僣薩耨薩折
腰趨譯官代譯聲喁喁介紹傳命王曰俞北面拜貺敬讓孚

詔書宣示王心愉伏地稽首明區區

天王盛德信不渝庶幾永撫東夷諸私覲致餼儀容舒庫樂雜
奏笙瑟竽天使世胄金張間問言鑑貌聽瓊琚或愛或畏或嗟
吁得毋零星天神徒柳崔金李敢抑揄迎公送公多踟躕每別
輒問還來無公之誠信播中外如葵東向當朝晡綸屏坐論盛
元氣白頭赤烏碩且膚高麗貢使拜螭陛往往竊視三公孤垂
紳私喜相公健入畫詎識鄉山麤丹青此本許傳寫繭紙定有
東人摹

嘉興謁錢香樹先生

玲瓏淺碧認由拳通德門依略徇偏立雪人來千里外開眉歡
動一鐙前忙中應對兼悲喜別後精神驗食眠且效團樂三宿
話絳紗帷底坐彭宣

哭楊子載四首

與子三年別歸來哭寢門遺孤不解痛老母獨招魂壓衆才無敵成仙位自尊墓碑書選士窮死亦君恩

世祿多年絕公田八口收別開文字祖敢爲播遷愁蜀道無冤魄青門失故侯魂歸先隴下垂涕國殤邱九歲負才名詩成牧伯驚天教將門子來作魯諸生我亦今詞客歸棲古灌城十年兄弟友如此對銘旌傳家存典籍曾葬有詩人白馬來何暮西州感獨真扶持慙古義去住等勞薪安得分餘粟爲君養老親

拜楊子載墓二首

未視斯人含常疑故友亡不知生死異但覺別離長眼底來抔土憂端接大荒九原何處是此意滿蒼茫

雞酒成空設神仙不可援碧知新木拱寒及亂雅喧戲念橋公語愁深衛玠言生平兩行淚第一哭重泉

乙亥

讀武寧盛于明叔子和阮公詠懷詩題後四首

貧賤勞其生富貴倏忽死習靜窮山中庶幾見物理心清夢恬澹吐語絕泥滓虛懷明玻黎注以上池水不歉復不溢稱意作流止我讀古人詩跌宕滿心志因知百年下懷哉盛叔子

武寧山水多中有盛氏居季子

樂

委朝露仲叔將焉如子野

子仲

大頭已白著述驚賢愚其文合典則起衰賤浮譽叔子意蕭條吟聲散空虛偶和阮公詩冥慮爲鬱紆蒼山含秀姿古木露膚腴悠然字句外筆力常有餘時無避俗翁誰與明區區

昔爲歷下游抱膝坐高閣日對城上山懷想散寥廓秋風生岱
宗木葉向人落觀物漸多悟氣清謝衆濁哦詩示老生常使舌
指齟歸來掩蓬門此意頓寂寞經年無一語足以破束縛憂多
損神智倉卒皆外鑠忽誦于明詩纔知有生樂
一鐙照虛室坐聽百蟲語夜半聞兒啼覺有歸人趣深檐出螢
火冉冉避微雨感觸念故友生死各異處詩人苦紛紜蒙昧競
齟齬汪軻苟終窮豈復望徒侶可憐盛叔子怒然抱憂懼低頭
問後賢用心毋乃苦

送人去嶺南

輕舟穿贛石獨探早梅寒百粵懸孤嶺諸灘聚萬安全生篙艣
健失記道途難炎海珊瑚在從君買釣竿

午後自山寺投田家宿

斜陽沒西嶺漫興別青鴛暝色度寒木秋烟生古原野人乘犢
去雲碓隔溪喧信宿尋茅屋桑麻許共誼

游鉛山郭西觀音石二首

地湧天垂一朵山巨靈揮斧穴孱顏併將虎豹竈鼉窟刻露烟
雲窈窕鬢地入虛無幽折裏天來細碎委蛇間可容身作千年
蝠自在巖阿日往還

石竇慈容小立歡紫雲香雨潤檀欒山中水月都圓滿世外風
光別暑寒僻處漫傷靈跡晦名山本厭俗人看不須更聽潮音
去說法身原是宰官

再過河口天池菴題壁二首

語言文字歸何處雞犬圖書夢又成人境有山堪繾綣客心臨
水倍空明南船北馬飄零徧舊墨斜行歲月更且向浮屠記三

宿他年來赴白鷗盟

行年三十氣淋漓談笑輕他尺寸基豈謂鄉園無可戀數勞卿
相與相期求田問舍何堪數臨水登山欲語誰只有故人闌外
艣蕭然來和壞墻詩

書何鶴年

在田

秀才詩本

時賢困流俗溷濁爲唱酬競此無益名敗紙成高邱頽波日蕩
激百怪同喧啾不意滾滾中汝駕萬斛舟昂藏具篙楫獨向天
河游問津詳衆源各順風力求居然得門戶曳踵時一由視彼
困網魚憤憤觸謬悠汝名竟闕寂汝居誠隘湫如何鍵甕牖直
與古哲侔同地生卅載潦倒面一謀君軀瘠過我炯炯橫雙眸
豈知纖瘦資挺特輕匹儔腹可容萬夫氣足盤九州跂脚名士
頂一唾心休休我如蟄穴蟲頗厭聞啾啾虛名挂人口身死何

物留以此抱憂患不復尋枚鄒時枉友朋書文字責校讐秦青
傾衆耳莫解聽者愁鐘磬間箏瑟器雜響故偷束閣不敢視懶
惰徂夏秋清晨得君詩等閒爲吟謳錯愕數行過起坐痼疾瘳
初誦眉眼豁再讀針芥投同輩復有君此道奚足憂灑然脫倚
傍跌宕筋力邁風刺各有體善喻成冥搜自寫哀樂情中人如
餌鉤俯首韓杜間刻苦爲剛柔古池本虛白中有星斗浮蒼山
迴秀姿面面來空樓及茲事充擴孰敢較劣優區區噉名子片
席羅豆區餒敗恣飲啖何識珍與饑衣裳故楚楚旦暮夸蜉蝣
坐失換骨丹南山委骷髏汝窮顏色和經史充糧餼世無韓退
之郊籍皆闔幽與君結交始安用往復稠起衰事匪易立志當
自培汪軻誦君句太息且低頭知非阿好詞書以表潛修

題婁妃墓圖二首

水際埋香太等閒
恩恩何處卜青山
玉魚金甌無人見
只有秋江似珮環

聚米量沙計已空
唱籌聲合院西東
江城豈是無閒土
豚柵雞棲據此中

祝野谷招飲

舊恨新愁一例刪
醇醪真可駐朱顏
杯傾北海孔文舉
詩唱江南庾子山
名士療飢何似餅
參軍噉肉故應蠻
健兒老去能行炙
呼向鐙前看箭斑

小飲烟江疊嶂堂分韻三首

此地原蕭瑟
幽人不可求
都將千里意
來作一堂秋
竹石知前輩
江山得此樓
憑闌猶有客
何處問湯休
各有登臨眼
其如悵惘何
偶然爲主客
亦可坐烟蘿
小醉宜寒

日低頭感逝波
他年買烟水此意恐蹉跎
流波去何所
我輩忽低回
出世原無著
尋秋許一來
勝游當古會
寒岫抱江開
可惜東廊壁
無人掃綠苔

題王受銘

又會

比部龍湫宴坐圖二首

已從空際著蒲團
猶覺潺湲注耳邊
直怪豐干會饒舌
累人身墮雁山前

須菩提坐萬山空
可爲驚濤左耳聾
成佛生天兩無著
半天晴雪一飛鴻

題沈壽雨秀才詩卷二首

棧豆原非老驥心
苦將詞賦學陳琳
江山只益閒歌咏
不助詩人一餅金

頭白誰憐瘦沈貧
歸裝真負太湖春
休言不第輸年少
我亦東

風失意人

師竹居待雪用禁體分得竹字

無衣愛冬日不雪意常足擁裘把深杯祈之恐不速是物關豐
歉老農有同欲寧忍三冬寒竊喜二麥熟聚星學歐九失職罪
滕六三光會元枵片晷沈北陸當午窮陰疑萬象爲斂肅敢發
天地房百蟄方退伏先聲奪壯色雞狗皆蝟縮資清質已成欲
泄故含蓄輕發虞易盡遲見難遽趣抱潔懼涅淄積虛恥炫鬻
落地怯手援全形怕熱觸旣墮那得收一散未可束不嫌出納
吝深恐消融酷暫免螟螣死終令土膏沃枯林出勁氣勢欲敵
挫戮可憐松柏心持此報顛顛吾儕手脚僵延佇豁雙目熱中
賴祓除缺陷需掩覆豈惟庭宇靜且解塵囂俗那知龍公手別
自具杼柚謂爾劉伶飲愧彼孫康讀貪天爲歡娛玩物共徵逐

不知窮檐借靴塚死相續夜寢飽霜霰朝餐乏饘粥秭稻走吳
越兒女易斗粟上厓

君相憂官吏相躡躅宜麥殺其蝗仰望勢誠蹙以茲三尺雪救
彼萬家哭汝有鄒枚才無異凶年玉焉得浪拋撒佐爾饗酒肉
我聞龍公言意態頓拳局相視薄風騷便欲偃旗纛願傾杯與
炙入地變黍稷更取筆共紙隨風化衾褥覆彼溝中瘠一果道
旁腹人事倘不愆天意無偏屬六花兆豐亨定遂甌窶祝

丙子 上

辰村哀

爲石城巡檢山陰沈國泰母陳作

子六齡妾三旬妾在浙夫官秦千山萬山隔南北事姑育子憑
一身暮出汲朝采薪寒雁向北飛不知妾苦辛日復一日年復
一年子年已二十姑髮無由元賣鈿爲兒具裝去兒去尋耶甘

涼邊邊月照汝千山萬山中休思孃在浙江東見耶勸耶歸好
官不救窮朝望夫歸暮望子還子歸衰經夫在棺妾之所望竟
如此隣里感歎心悲酸姑病此時命如絲忍淚戒兒勿復悲登
山淚洗面入門笑開眉哭未葬夫姑不知佑姑壽考惟賴皇天
慈奈何姑死不期頤母之所歷艱難况瘁已如斯夫官不食涼
州米子宮來飲西江水入遵母訓出捕盜事親未竟傷親死念
母平生淚霑臆 馳贈焚黃辰村北莫謂巡檢卑微秩守疆除
賊有專職惟願江西石城捉殺司萬口傳呼桑殿直

題萬秀才負米小照

大都甘旨缺重以別離情自覺難爲子誰能報所生一貧傷至
性百畝看人耕安得終身飽閒聽打稻聲

忠雅堂詩集卷四

忠雅堂詩集卷五

鉛山 蔣士銓 定甫

丙子

中

舟中讀書

束書厚疆圉自固恐自陷心兵失鉛銕何藥與淬蘸十載伏鬆
几剝處澤可鑑兩袖月補綴布褐色爲儉銳力辟志猛強識得
天欠饑夫胃脾弱嘔噦負咀噉齒牙寧不饕胸腹卒難饜精氣
困迷謬智慧墮昏墊終歲無逸獲手眼役頗厭去之日悠悠此
身殊泛泛吾師新安叟檜門先生相啖獨醇醞坐我艤艫舟目送覓
觴濫久別俟新異再見或播擻詎謂歲月改憂虞計罌甌闕燂
成坐廢謀食類愚暗學道我所欲救死恐莫贍寒餓疾已痼日
待斗石砭及茲春霍靡而乃挂江帆得朋丐資斧欲吐口喁噉

所識半窮乏不免詫鬼瞰世路未可測光景詎能纜執理不勝
欲倏忽營兩念納睛入胸膈反目自鞫勘可憐文字腹呀然告
虛歉飢腸時一鳴苦心倏藏斂以茲焚臙府奚待竈木柶所嗟
肝與膽雪亮一古劍本無機械巧不畏穿窬礪對書識彌曠當
仁意稍僭浩然敵外鑠自得足隱驗灘渦移舊痕岸樹圻新艷
及時彼誠能流矚我亦暫觀物拾竒悟識字增默懺緯夫曳舟
上去波有餘憾行當摺圖史朗誦越天塹

自南昌歸鉛山曉發

又逐尋巢社燕歸片帆輕趁雨霏微卅年一水去來熟數叟亂
峯高下圍挂墓有錢都是紙誅茆無屋可容扉眼中何物堪縈
憶只有山頭蕨筍肥

偶憶

近况真難語塞鴻江湖臥病亦怱怱杯空寒色一鐙裏夢在雨
聲雙艣中壯志平居多感激同官健者定從戎不知馬上誰提
筆親紀將軍殺賊功

共命

飛廉盤空來萬物奪聲氣倏令大塊間風力滿天地雷雨助暴
虐神鬼相退避輕舟揚粃糠勇懦同惴惴短榻函我身轉側一
篷閉暗隙閃寸光急溜乘間至昏黑忘朝饗旁皇就假寐夜魂
棲去波常恐逐其逝可憐僮僕怨未抵妻孥悔同舟六七人愁
歎相倚恃共命無賢愚艱險感同濟三日勢未殺禱禱殊不易
萬籟益附和聲雜耳莫識只疑山林空那覺波濤沸相看性命
薄轉慮蛟鼉噬百年苟如此吾願等龔贖釜竈影忽定震巽權
稍替朝曦透篷罅各各具生意是日心太平其樂當不啻

偶爾二首

江山迢遞雨兼晴夾岸無人記艣聲春樹作花皆偶爾酒旗招
我似平生古來城郭畫圖見腹內詩書芒角橫恰好收帆青壁
展暫容相耦綠簑耕
許借藤鞭叱犢行船頭洗脚一身輕已知繡壤今生缺忽放金
尊右手擎古木巢寬雅對換晚汀沙暖鷺猶爭不知何處堪濃
睡耳畔刪除各種聲

過廢祠

一間山木女郎祠花謝花開兩不知釵珮似傷憔悴絕鬼神猶
爲盛衰移空梁燕子坐交語東閣舍人來賦詩草綠苔深餘虎
跡更容寧耐覓殘碑

弋陽道中

樵風如箭帖帆催萬馬疑從艣後迴水氣暗浮三老笑角聲斜
送亂雅來晴灘雪卷雷霆匿疊嶂雲收劍戟開欲寫平安報慈
母夜窗書對一鐙裁

忽漫

鏡中平放雪皚皚船底微聞轉暗雷守堠兵多官舫去拔篙聲
緩亂灘來江湖綠鬢丁年改樓閣紅窗子夜開忽漫驚心聽雨
事一層羅幔掩鐙煤

黃沙港

喬木森森夕照收辟邪高臥晚山頭何時卿相一坏土滿眼鶯
花無數舟竹屋酒香人覓旆芳谿笛轉樹遮牛遙知百里城中
夜處處月明簾上鉤

釣巖放舟至河口感所見

巖壑各殊境一山如我窶童然瘦骨立倚託無尺土奔濤有時
齧惡木不敢侮輪囷扼江險隱若孤羆柱中堅具文理外禿乏
媚嫵自然抱磊砢未肯隨仰俯皇天畀強力用以鎮磯澣甘讓
窈窕峯雲雨相翼輔前山列九獅伴爾閱今古信州實劇郡以
獅作門戶奈何十年來鑿削傷四五區區相門後煮石供二黼
詎知桑梓恩不畏風雷阻居然賣巉巖日付巧匠斧是物關保
障私產敢竊撫彼哉守與今日過若無覩可憐河口山不及柳
下塢我與山盛衰彼此復何補坐令剝屏嶂毋乃愧簪組我如
釣巖孤不與噲等伍待借秦人鞭移之使離去隨地足偃蹇焉
用入官府作詩代石言守令或無怒

田家小憩有作

笑捉犁鉏教子孫戲拋菽粟飯雞豚幾人春鬢白成雪十里菜
花黃到門閒數年華同世外坐看雷雨出山根也知不識城隅
路汲徧三條井纜痕

一哀詩

亡友誰最賢早死痛楊屋屋爲將門子靈關世其守列祖多忠
臣每戰必喪首提兵鎮天全制敵若雞狗土司日驕橫粳稻雜
稂莠殺人供歌舞嗟耄爭鼓缶君祖攜兒孫讀書刀劍數吟詩
闕宗風獨震師子吼

聖朝杜微漸太阿肯與受以苗屬郡縣勅驅土司走分省各
安插計口賜廛畝君祖挾兒孫下峽魚在留洪州得寓公風騷
法韓柳居然媿三蘇蜀材故蚘繆君時與汪軻美譽實同負引
我犄角戰力屈謝賁黜同游新安門並載侯生酒講學師中央
屋左銓在右共席復同寢不異沮溺耦切劘固已多嘲戲亦時

有師言得二子已可張十九承宮侶田鳳竊媿溷好醜中間數
離合君學日豐蔀新詩自淘鍊收縮筆逾陡抽思健開闔漱液
滌塵垢百手衆莫辦寸鐵已解紐共信一卷詩不受古人蹂言
開拔萃科太歲癸加酉奈何三十二一貢身立朽別來得君書
規戒多善誘忽然拜木主一慟鮮血嘔天今年命促底用文字
壽忠孝緘骨髓辭章播人口遙知返躔次幽怨散箕斗賣宅入
城市我屋鄰費邱老樟落寒蔭南北指階牖日一登君堂不忍
見君母泣言飯麤糲三雛需哺穀掩涕引君穉正冠揖君婦故
人均嫂叔存問亦云久君母訴寒餓掩覆婦爲剖忍飢說固窮
暗淚滴空卣謂言夫雖歿一介寧妄取存亡繫天命凍餒免毋
苟語畢顏色和心苦面微忸麻衣敵霜雪椎髻操井臼奉姑一
嚮肉抱子匿檐廂終年啜糜粥珍錯視齋韭我妻娣姒行責我

爲援手傷哉原憲母晚歲亦飯糗君死我尙生忍見顛危糾悠
忽成坐視何用我爲友官田晚收薄敢忘 國恩厚如何寡婦
穗歲益農夫阜堂堂彭方伯遠意絲貫薄殷勤牒縣丞楊氏穀
徵否 九重憫笑獨况乃忠良後

汪生 朝

汪生東野儔五窮不可送束髮歷艱苦皎月墮陰霏浩歌振顏
響其才實天縱放意滿規矩鞭想絕羈鞅語出百靈怨篇終一
城誦昔作句讀師勤學廢殮饗葉母閨中賢擇壻軻獨中索詩
爲定昏高義駭愚蠢大吏聞其事書幣各頒贛笙歌集檐楹珠
翠繞鸞鳳母實立人鑑可爲天下風齊名有楊生才力與伯仲
我騎瘦馬來對之敢罄控境上陳犧牲失笑若莒宋一託金石

交誓以死生共同心，絳雙繭十載效嚶。昨歸執君手，十指令人恐短禿。異駢枝爪節相剝，壅問遭祝融。厄語次堪一慟，衣柳偶不戒竹破，失其統奮身。蹈烈火，妻子竟酣夢，裂幃掖以出不覺已。軀重全生，四人在剝膚。一家恫，須髮燎原野，皮肉滴乳湮。枯筋指間出，狼藉不可凍。我母曾往視，對之欲分痛。象焚亦誰尤，僇巧當自訟。毫端洩靈悶，鬼神故危弄。豈知班揚手，尙待賡雅頌。廿年熟膏油，一鍊瘼與癢。兼金入陶冶，鎔鑠方克用。孝弟古一科，行優當入貢。側聞青蠅口，欲阻六翮。狴居邦友賢士，此輩殊懵懵。潛躍有定理，豈受百囊緲。我時一過君，紅蠟破春蠶。情親略嫌別，痛飲忘缺空。兩郎字爭識，一婦事獨綜。到門無鄙夫，文士爲導從。分題秦楚會，角酒鄒魯闕。座間孰小異，醉後我從衆。歡來恐傷別，靜久各思動。願君遊東華，瀟灑脫章縫。一賦

帝京篇上爲清廟供

河口返棹初發

不奈清明黯澹，何輕陰日日。羃藤蘿風濤，直送一帆下。雷雨暗隨三縣過，批鴉餞春愁。落蕊歸牛浮鼻盼，栽禾計程解道。家人苦未信江船，等擲梭。

佳日

是處笙歌有畫樓，紅鐙繡枕玉雕鏤。浮生勞苦幾時滿，快意好風如是柔。雨後春禽對言語，舟中估客各駢駒。青山無數過，額上我臥讀書船自流。

一春

不知桃李開何處，籃筍青篷過一春。中酒阻風無限苦，倒冠落珮不如人。江河東水原難合，管鮑論交別有真。心折遺山詩老

句書生只合在家貧

山村

滿地閒雲十畝桑茅茨宮觀互遮藏一條古磧積黃葉三面小樓收夕陽野客衣冠可圖畫道人顏鬢各青蒼柴門齊掩鳥聲定暝色半山鐘磬長

繞城寺

磧底藏深屋林端展翠屏春山圍寺美魚市過船腥種水人安業推篷客誦經茅檐如許住一飯借居停

登臺

米價人身貴賤乖見聞拋却自登臺入林紅雨滿身落卷幔亂山當面來茅屋隔溪皆突兀飢鴻隨地欲悲哀救荒從古無奇策還聽商量濟世才

汪孝子

阿翁陷賊賊營閉孝子營門決雙眦誅賊無力懼賊繫牙旗一丈將軍來孝子慟哭人馬哀含淚作詩墨盡赤求脫父難禽賊魁將軍誦書色黯慘彼衆我寡事豈諧鼓角無聲策馬去彼且畏賊何況汝人不可憐神鬼護以誠感天天地許壯士何來能禦侮談笑對賊與賊伍賊信壯士開營門壯士攜翁歸故村脫翁虎口未足駭翳桑餓者來報恩孝子有妻亦孝婦亂後色養安驚魂愛以壺觴招父老手購典籍遺兒孫栝棬手澤見餘慶甲第湖濱無與並父爲孝子子賢令次公正澤宰武義彤史何人傳篤行摳衣我數登其堂幼聞風教思益長他年若把董狐筆大書餘干孝子汪耳黃

寄汪輦雲

把酒言懷僕婢疑
敏門投刺友朋癡
苦吟猶學李長吉
薦士不逢韓退之
斜日讀書明鏡側
小樓聽雨夜鐙時
人生何必定通貴
身後大名誰早知

居士

鐘鼎山林兩莫尋
歲華容易去駸駸
片雲當晝酒杯黑
新綠過牆庭宇深
嬾娜簾波藏奕客
扶疏夏木會鳴禽
酣然一覺仰天臥
誰識此時居士心

戲題睡鷗

鳳銜丹詔鶴銜籌
百鳥啁啾各自謀
我與沙鷗同懶惰
水邊濃睡却低頭

謝蒼嵯丈西堂小飲三首

授餐適館賦緇衣
倒屣翻令薄俗疑
冠蓋悠悠客來去
簾櫳寂

寂燕差池銜杯有得
自懷古開眼笑看人
奕棋老樹生香石生
蘚兀然情況許誰知

既醉還醒老嬾身
不求聞達不沈淪
浮雲過眼半爲雨
明月在天來照人
諧俗何妨等兒戲
哦詩差可任天真
紅鐙綠酒多拋擲
只與羣公了夙因

戴笠乘軒廿載經
魚龍傀儡各從橫
漸知感慨太無謂
但覺江山都有情
海內名公多遠別
天南小吏頗相輕
市中著屐吾猶慣
不用等閒知姓名

南昌翟異水郡丞
以涇上琴魚及白露紙藏墨梅片茶

見餉各報以詩

大魚撇波飛上天
小魚出鼎沈于淵
藥氣已盡生氣出不比家
火燒凡鉛丁公壬母互胎息
鍊形化作魚中仙
凡鱗尋丈徒什

伯敢視細族爲曾元琴高上升魚落水淮南雞犬同棄捐水籍
或不隸名姓食單已自登肥鮮槎頭禿尾最卑下重唇四顚豈
必賢涇川上巳風日美湔褻被禊琴溪壩龍首鷺目有常信因
生授姓生萬千桃花水暖素網密唼波吹沫來翩翩神仙示異
人逐利數罟一舉皆垂涎烹調熏灼異品製甘美自覺通中邊
神靈每每感物性解毒養生理或然司馬招邀茗飲故鄉風
味來登筵老饕飽瞰左車憊食指應驗腹果便何當遣吏重餽
餉報君小作琴魚篇

觸熱無益閉板門放筆疾掃青天雲麤箋硬絹亂塗抹鞞材棄
擲徒紛紛司馬贈我涇上白肌理膩滑藏骨筋平鋪江練展晴
雪澄心宣德堪等倫秋蛇春蚓敢輕污卷束似寶羊家裘生平
作字厭凡俗形模貌襲蝨處禪把筆同持大將纛從橫信縮皆

有神古人此意足千古繼世只恐無兒孫亂頭麤服具窈窕新
粧艷飾多醜村我生臂腕本庸弱那得妄議增吾昏中書老禿
不堪用對紙叉手聲暗吞廿年脚下盡海嶽欲乞畫取江山痕
小齋四壁挂橫幅臥游便可終其身多君紙外更貽墨未免竊
慮墨磨人

六經罷誦舌本枯蟹眼魚眼看有無却勞白甄寄居士細翦江
梅三百株沁胸清味自甘滿不乞小鬟司茗瓮朱門酒肉聚腥
羶君谷我坡相冷暖

同年秦礪泉修撰來南昌喜晤有作

小別竟三載相逢都慨然名高一第後交在十年前文字張衡
貴蓬蒿仲蔚賢天涯老兄弟惻惻雁行邊

進賢舒兩水學博以先祖文節公手書吳門西山探梅

忠雅堂詩集卷五
記遺卷見示並索題後

東皇暗移家裏春

武宗呼宣府爲家裏

長安蒲柳先秋零松柏有心竹有筠紛紛散落江南汀文節之身古柯鐵北地嚴風吹不折偶辭

魏闕向江湖放眼靈巖千樹雪胸頭有事易感觸耐冷看花欲
愁絕是梅是客可勿論比擬那須迹象存人臣敢動歲寒念天
意自長孤芳根偶然記之等盟誓不謂流傳歸子孫傳觀頌美
語煩數累土何益昆侖尊於平文節遺馨滿天地不在區區數
行字卽看手澤已可敬想見忠臣凜生氣我聞挈瓶之子重守
器何況清門大賢裔笑他鐵石心腸宋廣平不免文辭逞姿媚
王澹人雨中見過出檜門先生詩卷相示澹人作五言
一首見寄次韻奉答

文辭比稼穡艱苦成美好又如毫末樹豈易到合抱緯言貴經

物植意必根道斂實爲古榦敷榮發春藻天風入呼吸作者迹
如掃吾師賤浮名把筆壓諸老竊憐貴人詩望秋各枯槁篇成
使我讀藉心作梨棗師如韓退之我郊汝則島與師隔南北破
扉獨汝造汪軻亦數來令我屣輒倒好賢厭勢利所志異輿阜
君言挾風霜氣欲叱蛇媪深懷壇壝壁肯羨肆門藁不學矜私
智非妄則失佼蒸砂與畫餅快意幾時飽弱者弄舌吻强者舞
牙爪神鍼繡孰度墜緒妙誰紹規天棄璣衡測日昧圭表大聲
而疾呼百譬莫之曉君詩具國色顰笑盡閒窈我詩挺枯林縈
蔓絕藤蔦求師果同心稽首證了了不知千載下誰附檜門草
再寄澹人倒疊前韻

使筆如使風力足偃勁草落紙掣驚雷一揮十行了馳馬握快
劍百步斷飛鳶君才本天授捷敏異輕窈趙奢善用衆田單詎

能曉郵詩等飛檄勢欲索降表魏武一世雄談笑制袁紹黃鶴
當我前百鳥失觜爪又苦挈馬兔燕食尙未飽攻疾一城闕萬
戶奪妍佼可憐儀秦舌僵直若魚薨取譬新婦醜豈易避尊媪
執戟衛王宮竊願服衣阜吟苦爾門閉力竭我幟倒還待魚亭
子偏師與攻造勿使趙括軍亦殉田橫島不如纓拾矢用贄當
脯棗庶幾班爾師捷書另成稿君同媒兩譽自炫我將老澹日
作新霽積霧漸除掃潢汙滿前墀照我如荇藻君西我居東橫
弄似函道酬和比蛩駘依倚相負抱用心償飽食且勿計媿好
家禹立兄讀書豫章書院連日陰雨不晤寄詩道意三

首

兄住城南我城北各攜鐙火坐更長半生兄弟幾相聚連夜雨
風難對牀貧賤讀書聞見少艱難求仕鬢毛蒼綠窗朱戶正酣

寢獨嗅一簾經傳香

將軍廢宅尚絃歌堂榭春殘長薜蘿金鎖綠沈誰悵惆青鐙黃
卷自消磨別開戶隔蜂房似舊蓄精華虎氣多名將勲勞猶寂
莫文章報國定如何
馳逐聲華亦苦辛不如高臥看梁塵古來名士定何物他日大
才存幾人三賦敢當千古業六經能駐百年身衣冠如畫登場
易難敵旁觀笑與顰

雨中戲答澹人次韻二首

不知蠛蠓能行雨只有顛當爲守關寂處心同依密友閉門人
各在深山蝸方伸縮蘚苔上蠹已死生文字間一任霉痕染衫
袖墨花狼籍不成斑

高懷君果澹如菊瘦骨我原孤似山不信傾城悅名士欲開明

鏡看了鬢將來何處得愁盡說到有情俱涕潛多謝更番寄新
句居然破我作詩慳

董葯坡監州乘風破浪圖

風力暢滿帆飽張三老用臂如挽強飛凌已具萬里勢主人意
與船低昂不知尺土在何處巨浸八面涵天光是天是水不可
辨一艇以外皆茫茫君不達官不大賈安得乘流駕飛艚北人
習馬不習水主人行樂僕夫苦我聞天吳河伯多不仁鼃鼃魚
鼈異等倫龍公歡喜蛟蜃嗔浮沈雜亂爭屈伸海風順逆皆有
神中流一舵迴千鈞古人涉險本忠信狂夫渡河小妾顰駿馬
危檣天倖爾我厭江湖愁轉徙君今抑鬱不可去低頭日泛西
江水願君他年賣船買屋居山中兩耳不聞江海風扶犁北地
歌年豐看人飄泊南西東

曲水王穀原比部遊豫章以詩見懷次答二首

鴛湖寒雨墊巾斜却怪茅生未抵家一艇過江聞小滯殘年分

夢感無涯

甲戌九月穀原先子出京及子至由拳而君尚羈自下

山中各許經秋住堂上

俱開百歲花只有文心憔悴極對人垂首縮薑芽

誰道鄉山舊雨多柴門蕭滅少人過忽聞高詠下牛斗便覺好
風生薜蘿共醉欲傾淮作酒相思真有淚成河可能西向長安
笑慚愧江神喚奈何

疊韻再寄穀原二首

鳳池先後被欹斜息羽猶居獨樹家已共鷓鴣分木末敢隨鷗
鷺戀江涯嘉筵壽母求桃實小院將雛少竹花聞道車輪偃牆
角兔園新筍又生芽

柳界荷鄉避暑多南風千里遠來過賣文可抵凶年粟買婢能

牽老屋蘿誰看星辰知主客可憐詞賦動關河龍湫水與青谿
笛感舊其如往迹何

十八夜露坐東穀原二首

彌勒龕前板榻斜宰官身現梵王家初更雖隔月三里兩客已
同天一涯詩好近耽黃魯直夜涼重憶紫薇花直廬持被誰孤
臥輸與君參蒼葡萄芽

牀下魚生暑濕多庭楸轉側洩雲過待搜藥裏求山鞠剩有絲
衣挂女蘿習靜久同僧退院凌虛難乞誰填河鬢絲一樣刁騷
甚仕宦蕭然果若何

清容齋小集呈穀原二首

老屋三弓壓街斜蕭條真似野人家何因屣倒高軒畔得共杯
浮曲水涯小會觥籌同糝飯他時鐙雨憶檐花酒龍垂首應重

訂去剪春明嫩韭芽

結交自幸老蒼多癖愛詩人岸幘過偶遲鵝鸞游竹石似聞猿
鶴怨松蘿尊常滿處教投轄桑欲乾時擬渡河東閣西曹俱寂
寂苦心拌得效陰何

穀原欲爲匡廬之遊疊前韻勸駕二首

古翠中安細路斜樓臺聯綴列仙家名山有數誰能徧人海無
邊此亦涯瀑布之餘雲盡水茯苓其上樹交花先生素齒如編
貝合餉香厨玉版芽

太守題襟妙句多况偕權使日相過君攜墨瀋留丹壁共指茶
烟滿綠蘿好向峰頭命絃管定從掌上見山河試尋白鶴彈棊
者勝敗旁參喜若何

將偕汪輦雲秀才城南僧舍銷暑疊韻別穀原二首

結束琴書擔尾斜偶然放逸便爲家相逢夏日原當畏但覺勞
生未有涯水月寒銷塵海熱露荷香散道場花淨名經是安心
藥意蕊從今莫放芽

生天作佛想無多一去來今瞥眼過客是寒郊攜瘦鳥身如古
樹謝新蘿誦經頗似蜂鑽紙盼雨還占豕渡河暫作清涼老居
士打鐘埽地飲亡何

龔鳴玉偕劉雷雨兩進士招穀原爲同年之飲予以病未

赴二首

未看方丈妙衣斜却笑維摩病在家禪榻因循參夢幻觥船浮
拍足生涯小堂星聚文昌宿舊話筵分杏苑花百事年來添痼
疾漫栽藥樹乞仙芽

待飽齋厨蔬筍多夢神先已怯羊過飢來豈等官彭澤顰處真
宜避葶蘿小聚弟兄聯夏雁略分明晦指秋河團欒亦有因緣
在惡石終如美疢何

七夕後一日穀原見訪僧寺二首

筍輿來趁瀉灣斜無著天親本一家藏穴笑人如鳥鼠離塵隨
地是顛涯祇林小種文章樹法雨能開智慧花願得公身作金
粟古香橫吐月中芽

天機雲錦展來多不許新霜點葉過未捧蓮臺翻吉貝分明蟻
國占檀蘿古來寂滅無如佛天上因緣已隔河入社嫌他新釀
缺攢眉其奈遠師何

寄董恒巖太守兼問蝸寄使君三首

萬卷堆中一短檠亂青橫處兩先生去尋古井垂修綆同坐匡
牀展畫筵花外自邀人擫笛鐙前可少伎彈箏買藤便赴看山

約不用商量待宦成

盤回細路入秋烟晴雪遙看萬仞懸雷鼓忽喧籃筍外珠簾橫
挂酒杯前客離塵海山都好官到江州骨自仙却笑老元誇郡
署風流終讓白公賢

古樂疑聞奏洞庭自摩冰玉唱瓏玲太守有芝龕記院本其言忠厚亦多

感此調老蒼誰解聽譜出從教纖指拍曲終宜對數峰青王郎

斫地酣歌慣制淚防他首觸屏穀原時過江州

清泰寺曉起

冷月挂天中鄰雞屋角空蟲聲喧曙枕客意滿秋風起視星河
滅遙知海日紅江城三萬戶一半曉烟籠

望繩金塔

一塔立城隅鈴聲滿太虛從新看佛力依舊接神居客語浮雲

上僧存劫火餘登臨百憂盡壯士爾何如

不寐

一蒲團地去來今小案橫陳靜綠侵老樹鬪風憑勁氣夜蟬嘶
月抱愁心虛堂有客枕書臥賤子此時垂首吟古佛下帷僧入
定寂寥中有慧珠沈

雨夕偕輦雲家禹立兄同作二首

雨急天低野林空葉打衣蟲聲爭氣候酒意入深微片月在懷
抱一鐙含道機山僧他日坐應歎足音稀

暫依雙樹宿如在亂山中客子無他想郊原自古風地偏花木
好天闕雨雲空不信連牀夕關山有斷鴻

百花洲坐雨有懷檜門先生用丁卯九月讌集百花洲

韻二首

從師載酒過林塘醉墨親題向短墻竟日共聽荷葉雨三人分
納水窗涼秋懷觸撥更番感叢桂遷延十度香今日獨來湖上
坐舊詩然否老僧藏

蒼然喬木想師顏不道重攜使節還似返故巢看燕羽再招前
雀驗金鑲頭銜宗伯新冠冕宿望昌黎舊斗山料得鋒車過廬
阜朝嵐都獻好烟鬟

八月初八夜懷檜門先生闈中仍用百花洲讌集韻二

首

白屋蕭閒面野塘絳紗迢遞隔危墻新詩歡喜同思憶舊地陰
晴識暖涼芡葉菱花看壁畫

丁卯司寇香樹先生
主試內簾畫壁猶存

桂輪蟾魄護

衣香秋光如水重關鎖想見鐙前一老藏

寒士歡生廣厦顏待從合浦覓珠還重來自理當時網新舉如

探再世鑲鐙火萬龕人似鯽丹黃滿案卷成山可知明鏡無偏
照不用商量一尺鬟

十四夜對月有懷檜門先生用公丁卯歲是夜見憶原

韻

水蟾光似昔年清十載中經幾晦明秋氣最增懷舊感晚鐘頻
報隔湖聲良宵孤坐真疑夢往事回思定有情矮屋虛堂分內
外兩時風味一般生

放榜夕懷檜門先生疊前韻

想見水壺徹底清風簾官燭繞身明華裾坐列司文宿叢桂香
籠唱榜聲佳士權衡歸定論舊人名字最關情侵晨撒棘趨函
丈喜色應同曉日生

寄懷廣豐徐穉亭進士二首

燕雲細碎雁分離苦爲徐陵作遠思一第還山無限好十年從
政豈嫌遲讀書生趣家人共種豆閒情處士知却愧難齋磨鏡
具爲君藏過蓼莪詩

少年結習等兒癡雪案寬閒可得師入道須除才子氣名家休
作女郎詩吾生進退安寥寂天意蒼茫雜信疑難乞樵風送柔
艣三年消受鬢低垂

答熊兼五

聞道桓司馬胡牀據上頭能吹一聲笛散作十分秋主客方交
語風塵不可留息息飄泊裏俱莫看吳鉤

典屋六十韻

老樟蠹東衢我屋在樟北衡門界陋巷一隣比虞號短垣蔽外
宇內祀一墻畫寢可陳兩榻堂僅列几席奠居始壬申雞狗苦

狹窄堂西有餘地菘瓠補其隙老僕造哇吟列罫均丈尺菜秀
主人出夏日正眈赫自京到齊魯車騎頗忙迫思親一年夢懷
土半區宅每當風雨苦竊慮榱棟圻明年赴禮闈共許展修翮
強箭已入殼猿臂忽遭扼所聞多異辭衆口來噓噓猜嫌起陰
訐聽讒亦當核小吝幸無咎遇毒悔噬腊阨窮敢滋怨名字忽
通籍得覲

堯舜容感激溢胸膈出將窮士淚暗灑丹陛禍竊祿一官卑懷
忠寸心赤持被直綸省禁漏戛璫壁掩閨不能臥起坐月中夕
何以志士心慘然感行役卷書賦南征到家雨雪劇將母休老
瘦見婦變婉孌兒長解揖拜僕死傷窳窳檐楹烏鼠亂院落蓬
蒿積故交多徂喪三載人事革稍稍理琴書優優曝衣幘閉門
花木長伏几形骸易詩成友榻過酒熟壺堪摘閒居護苔蘚屏

忠雅堂詩集卷五
絕冠蓋迹數枉京華書公卿頗思憚召陪高車馳未許死蘿薜
那知墜戶蟲以屋作裘綌兩資乏驅蛭五技媿鼯鼯健足陷泥
淖欲行尙跛躄貧非原憲病懶豈嵇康癖幡然改舊念借何具
檣舩殺雞禱五祀豐屋見龜策剝廬以得輿懷資旅人索朋來
授井竈隣至丐鼎鬲主易轉寂寥物散返虛白閔高鬼或瞰里
美人定擇芙蓉覆轆轤垂花倚蕪畹向我態依依照水情覘覘
物靈每思舊我生已成客虛舟縱江海到處可浮泊遙知故人
過邈若山河隔室邇而人遐剝啄感今昔阿誰咒陸舫變作衝
波鷁代祈風浪靜共以手加額回眸語同好行藏遞郵驛甲第
移市廛一椽等阡陌膏腴互耕耨取譬可尋繹身外亦何有四
顧但蕭滅所嗟堂構存丹雘任難釋終慚達者心未肯便拋擲
他年斷世緣矢志念奏刀割歸來營菟裘寧讓老樟碧

忠雅堂詩集卷六

鉛山 蔣士銓 定甫

丙子 下

滕王閣

一序傳高閣閣公本愛才豈無詞賦手憑眺大江來秋水如斯
淨賓筵不復開年年客登覽何但我低回

出彭澤湖

一樣寒濤色江湖忽異觀彭蠡當縣盡楚水入吳寬界畫憑山
力飛凌絕羽翰從茲鄉國遠盡室託波瀾

余忠宣公墓

孤城不可守力盡大江前積血都成碧餘哀欲禁烟身危全勢
去志遂一家傳遺像團欒對英靈尚爽然

大觀亭次韻二首

負郭懸飛宇憑之縱遠眸江山含古色臺殿比虛舟客意帆千里臣心土一邱東南分半壁扼險在斯樓

止水留遺蛻稱忠又此塘地因華表著骨帶土花香生氣河山固流風俎豆長誰知臨難者視此亦尋常

放歌行

雙孤與金焦肩隨若弟昆遙遙顧盼效友愛似欲千里吹篴壘孤根拔地本灑落後來乃被巨浸沒踵跟可知神禹未導江亦如誰華數峰峙平原天下之山如此豈云少失脚偶墮中流渾金山一峰號浮玉耽耽樓觀古已聞及今臺殿附綴奪秀色丹垣碧瓦面面開戶門朝嵐夕翠亦何有掩飾不露膚寸痕直疑龍蜃幻氣所糾結豈知其中胚胎復有石骨存譬諸美人髮膚

不可辨但見寶釵花鈿籠罩顛輔唇山靈富貴頗凡俗未若仙都絳闕圍崑崙大孤小孤妝梳何澹澹天然窈窕非醜邨焦山中界南北阮坐鎮雅俗風骨敦古來名勝結構有天匠粉飾那借人工勤世人點綴強解事致令邱壑本色多蒙昏緇流坐享宮室美不感布施黃金恩人天之旨渾未識乞求寵利心煩懣我聞洞天福地本是化人宅法界守者豈可如蜂屯仙靈或者三舍避讓此老禿圓蒲蹲當今

聖人仁知樂山水浮屠偶過傾詞源河山清晏風俗美天意和洽春江温正如黃帝張樂洞庭野君山一螺不妨秀絕洗頭盆塵世鋪張竭才力

天眼一盼同邱樊一卷之石底用誇絕倫五岳下視真兒孫

買小艇往京口訪家春農不值卽夕返棹渡江作歌

清晨渡江船穩坐風細波平無坎坷薄暮渡江暝色淨寒月初
生浪花妥兩岸千檣互明滅中流一舟載一我瓜州城郭潤州
鐙與我主賓分右左萬籟潛消耳忽靜孤帆側挂身微頗江空
正宜星斗浴山懸却被樓臺裏半渡纔烹試茗泉前汀驟迸叉
魚火仙翁開疑漆炬然蛟宮閃詫靈珠墮驚鷗拍拍舞晴雪斷
續欹斜態阿儺此時月午天水冷忍凍揮杯豁眉鎖須臾顛風
勢稍熾漸覺波瀾暗掀簸頗黎昏黑三老恐似有神蛟伺欵舵
舟人婦子抱飯讐錢紙光中撒釵朵我時半酣輕性命睥睨天
吳若蒲羸江湖出入此身賤每念死生成懶惰夢中江水白茫
茫六代英雄誰最可

高郵道中口號

人與蛟鼉隔一隄家家屋脊過鳧鷖竟從地穴開城郭強就龍
宮畫畛畦習坎終凶防滅頂升天何術可求梯只宜痛飲南皮
酒各繫腰壺拜水犀

上翁行

小引

丙子先世爲山陽人城北祖壟故無恙大雪前三日泊舟淮陰
偕往掃治飲朱氏草堂因繫以詩

孺人上翁鹽河北小隊香輿度阡陌生年三十還故鄉桑梓依
依引油壁高曾邱壟聚平野馬鬣依然崇四尺孺人再拜獻牲
醴絮酒香澆土花碧邨莊健婦腰短鎌芟刈冬菘若春麥手足
凍皴肌肉枯團團來看孺人車老嫗來前叩名姓笄時頗識君
祖姑語言質樸進邨茗笑問孺人可能飲迴車謝嫗情悵惻凍
霧銜暉氣寒凜南鄰朱老嫗亞親釵笄眷屬都候門茅檐灑掃
無俗塵紅瑜帖地揖讓新磨刀霍霍截錦鱗殺雞炊黍肴菽陳

情貌相稱禮意真男婦布席分主賓兒女行酒酬酢勤小庭花
木俱精神飢鳶投邨日將落主婦持觴勸斟酌田家習苦不知
苦敢問官人在官樂豆穀滿廩齋滿讐租稅麤完筋骨活今年
竊幸免稱貸饗客休嫌供奉薄八口團樂畏別離晝寢晨餐除
束縛不知官況定如何願官略述勿我訶我聞面赤顏轉醜因
貧求仕心苦多無才竊祿居下位飽食類養疲癯疴肯分繡壤
卜鄰住朝衫願換農夫蓑主人送客重嗟憫主婦車前淚難忍
孺人頗愧老萊妻不與先生事偕隱

黃河小泊

新婦乘鸞向烟霧

左侶
女弟

郎君倚劔傍星辰

拱北
秀才

今宵同在枯查

坐都是黃河以北人

徐州道中

晉井何知表經茅下爲營窟上爲巢乘桴偶借杯行水安土依
然芥處坳待與河魚求麥麴徒將藪澤任舟鮫難行賈讓移民
策誰肯千金市一匏

嶧縣道上

叢叢喬木陰泛泛若新蒲不知水淺深但駭坤維無竊疑偃溟
渤注此鄒沛區秋濤卷彭城緬想睂山蘇闌門潛深淵聞夫餓
而跌昔市稍可辨破瓦魚鱗鋪鵞鴨穿戶牖唼呷銜葭苳層軒
泛敞笥高棟橫轆轤荒祠倚廢寺神鬼氣色枯時至附土梗運
謝銷肌膚靈頑槩如此興替理亦孚俯仰天地闊泛濫波浪麤
利涉頂豈滅汜濟尾或濡我家載兩艇憂喜相持扶窗櫺對啓
豁招手時一呼內外有常課未肯閒朝晡書牀錯繡具刻苦偕
妻孥兩兒雜亂聒何以置我軀暴漲魚鼈肥野航醅可酤殷勤

理壺觴奉母爲歡娛聊將百升酒消此千里途我無治河策奚
以敵天吳樹杪聞人聲夜火熒熒孤道此偶然耳微禹吾其魚
自夏鎮赴南陽有述

河潰勢莫壅岸谷陡然變阡陌沈浩渺潢汙奪平衍石隄若鼇
背鼓盪露一綫長年理篙伺船底防割剽積舟貫街衢振船偃
籬椽連邨散星留悽慘遞隱現屋剝拱軀殼牆撐失扶援對宇
借略約牽蘿縛罌獻樹柵立家室葭菼謝風卷隆然覆泥淖聳
脊比牛羈偃僕慎出入苟且具闔扇旨蓄遭蕩滌蘋蘩給廚餼
日乞一溢米無土掘藜莧魚鰕故可飽長物乏晷晷老幼曝寒
日促鄰對瞑眩牛宮坐新婦忍餓哭笄釧辛苦嫁時心榮辱託
釵鈿奈何河伯婦暴掠成婉變雀艇來前莊狼狽爲弔唁陷溺
有同病飢餓各看面一息知親疏且復相繾綣停船問父老樂

郊鼠猶羨利禍偪處此宜獲覆巢譴歎吁勉相荅客語計誠善
賦命罹險阻去此等窮賤偏災無常禍瘡土有餘戀况蒙拯溺
恩苟活堪展轉舍之就嘑蹴不若陽鳥奠波瀾覬時殺溝壑豈
辭先偷生待寧居冬麥尚可佃繫聞大江南饑疫方稍宴當其
流徙時播越擇鄉縣南北互甘苦所恃膏澤徧太平凍餒足終
愈死征戰盤渦倘斂抑茅茨得營繕去者生未知不去死或殿
客豈膏粱兒醉飽習安便天下多糞獨何取淚如霰我聞色忸
怩入道遜狂狷結膚抱悱惻出語慚急卞此儻守廉恥附比愧
雀燕百年首邱志一得愚者擅達理除畛域吐辭勵冠弁吾
皇舉春狩支祈具囚讞補助及淪胥書之存夏諺

讀昌黎集三首

原道排異端二氏說乃衰語必稱孔子孟尊聞行所知進學引後

生據席爲經師人性有三品荀楊各偏欹出入險阻間餘事工
歌詩元白不挂齒李杜孰敢嗤文人例相輕嗜好各異宜羣翺
郊籍賀一一鄭重之國家得數子入必係安危安得常太平使
爲華國詞

區區時相耳何足語薦士上書求達道傷哉君子志退易而進
難非其人弗自好賢昧緇衣口惠實豈至聖賢賤苟得浩氣塞
天地窮達關汚隆于道未云晦公約六經旨八代起衰替屈意
頌庸人文辭毋乃僞

昌黎學道人不免怯當路原毀與釋言跌宕事回護弭謗傷直
性憤激語多誤賢愚歷境異孰能求其故子輿藐巍巍那知公
喜怒著論恐得罪畢生抱憂懼不若睂山翁進退有餘裕

苦寒

百慮依一塗誰復相慰勞葵堇故甘美蓼蟲異嗜好嚴飈尋罅
入急雪擇簷冒地火之餘勁土室豁冰窖朝餐午末進薪濕水
凝竈敬薄養未隆烏鳥躬自悼兒唬縮如蝟凍餒就啄菹偃蹇
爲人父子職已蒙誚乞人滿街衢裸體互引導入市奪人食鞭
撻不辭蹈生趣旣如此亡命恣陵暴睚眦丐苟延以死易簞犒
身僵口怒詈餘力尚桀驚乃知造化心未肯均覆幬我淚墮已
涸入室頗憂懊愧無援手責何術拯昏眊妻孥色黯黹畏冷若
衰耄安得捧炎曦東來曝堂奧

盧孝子詩

有序

南安府南康縣人盧阡字孚一郡廩生也母病爲文告天乞代
哭幾失明及母死自沈以殉明日水面豎一指家人乃得舉其
屍阡父哀之徧丐誄詞予憫其愚孝作詩曰

我讀黃鳥之詩聲暗吞

肝哭母有黃鳥詩

子殉母死古罕聞曹娥輕生

精衛泣親非考終故覆溺母歿正寢兒命隨鷗鳧理不可知事
豈無獨抱此志明區區請看吾鄉孝子虔南盧盧生事母但欲
母病甦告天乞代淚眼枯身餘骨筋無肌膚天不佑母何用兒
此軀麻衣出走赴江水惜哉中流無一壺精魂隨母歸庭隅家
人覓之徒趑趄打鐵灘頭豎一指指天怨天促母死兒身似鐵
心似灘鑄錯憑誰聚灘水古風易降天性漓慈烏墮地子抱枝
紛紛梟獍覩人面末流不易求此兒觀過知仁未宜刻規矩人
倫有繩尺表之亦可警頑梗矯枉寧須定矜式

覆車紀行五十五韻

仲冬十三日晨發辭東阿八兩載曉霜銜尾穿陂陀隔帷呼我
名下車問誰何曙光照冰尋略辨鬢緣坡彭君

倚華

宰賀縣入觀

誇鳴珂故人來邂逅步語臨沙河長橋斷奔虹小艇沒駕馭土
人雜襪褸索錢踞濱沱澤腹倖未堅涉淺導可過一夫前打冰
兩夫挽鈴羸前車渡三乘我轂以次那車箱僅八尺偪仄風飃
窠吾母抱長孫正坐我則頗半濟傾輪轅翻摧觸鼉鼉寒濤灌
裘袴碎冰簇鋌戈我兒飲濁流驚叫浮髮螺母我未滅頂舉兒
如摘荷相持母子命大夢爲延俄豈其三世人併死蛟龍窩兩
崖聲沸羹汨者來盤渦引臂挾我子擲向泥沙陂中流聞兒啼
舐犢心摧劇兩奴扶母行衣裾凍婆娑忍見未衰親躑躅罹毒
苛崩沙絕人烟肌膚寒威磨里許斂茅檐男婦不我訶地爐焚
敗薪熏燎顏色和爲母索乾衣我婦解韞韞裏以吾妹衾苟且
相包羅持錢謝邨媪感激還媿嬰忍寒馳八里稍稍求衡藹倉
卒見彭尋護持心已瘥探懷出吾兒重裘暖無譌招我母子魂

饋食飲以醴須臾啓箱笥華裾互漁蓑百物盡膠漆日澹濃雲
拖相對歎隔世浮名等媒罔痛定復展轉胸膈飲亂落疲馬思
舊懋敢望天山禾中道不得歸傷手懼斧柯起挑土室鐙局促
負殼蝸涕泗沾衾裯宛轉縈蚪蚪朝服安先靈尚恐驚鄉儻如
何侍親側貽戚無逶迤此生墜缺陷安得鍊石媧僵身雪侵凌
愁氣風噓呵彭君六年別當火援飛蛾急難得友生交情倍何
娜來車旣如水去馬復若梭豈無迎養者不孝我獨墮叶志過
陳苦詞非等勞者歌前途轉安吉拜手煩祝駝

過涿州

斷續車鈴接荒城漏未終馬疑官樹影人畏市門風近曉寒尤
烈當關語未通帽檐冰的皜初日藉消融

丁丑

元旦早朝

問夜理章服登車聽街鼓貫魚入嚴城立鵠翔
禁籞九關啓閭闔曉色尚未吐闕門聚風力寒氣拓勁弩籠鐙
列繁星升降粲兩廡辨聲坐階屺各就所親語須臾東方白入
眼耀簪組突兀建瓴象聳脊就馴俯垂鼻知所尊屏氣立朝宁
陳輦設虞韶鐘磬尚待舉外朝祝

慈寧頓首相忭舞遙知長信宮

聖孝軼三古朝陽藹曠曠瑞氣匝天宇攝齊趨內朝廣庭張鹵
簿旌旗爛霓霞扇仗合葆羽陛級寶蓋縣一一彩雲拄九鼎飄
御烟鳴鞭掣宸礎仙樂南北鄉上下荅鐘呂中霽轟黃屋

聖人在宸斧階上森夔龍階下肅鷓侶鴻臚掌朝儀鳴贊攝班
序俯伏上賀章威儀誠與與桓桓九夷長服冕異風土梯航奉

正朔跪拜合規矩

至尊玉顏和盛氣實揚詡卿雲扇春風長養萬物覩九邊草木
生計日縛逃虜萬歲歌太平止戈以爲武

人日夢中題畫

屋後蒼苔如潑乳夕陽紅到青楓樹龕僧定力齋鴿知峽客離
思夜猿主幽禽無語泉溜迴綠溪艸閣一半開山桃門外落成
雪藤杖伴吾歸去來

山陰范烈女

噬金如腊身不死不死何能明妾志門前凍碧寒且深抱石自
學曹娥沈重門曉開盡室駭拾髻沿流見衣帶驚波雖逝性不
移鬼神侍立姑猶在遺墨脂匳傳七字一一明珠照天地浩氣
千尋化閭風苦心一點涵金珥死能廟食生苦貧讀書立志如

成人小劫消除十九載靈旗往復空江濱作記慙無南董手鴛
鴦翦上貞松覆山陰重立蔡邕碑范氏七姑俞炳婦

抱甕圖

龍骨瀾翻轉鹿盧西疇無復旱田枯瓶罌入手甘勞力合配陶
家運甕圖

偕江椒田

新陶韋齋

淑

應禮部試寄宿慈雲寺夜雨題

壁

十載隨肩友虛廊抵足眠春燈人意滿蕭寺雨聲偏拓落同棲
處艱難小聚年夜深臺殿寂中有慧珠懸

登第日口號三首

天街一騎滾香塵蕊榜朝開姓字新報說和凝衣鉢好舍人名
列十三人

三十三齡老孝廉紫薇花畔許留淹公車十載三磨折纔作青
青竹上鮎香墨老母焚香一展眉九原吾父可聞知有人怪落看花淚不見番
番下第時

題某將軍繪全蜀圖四首

放眼窺全蜀巖疆一望收江山奇險處猿鳥過來愁傳檄方平
虜將軍足快遊壯哉橫槊者咳唾劍門秋音銘功崖久闢圖像閣曾開別有丹青筆遙知戰伐才春臨諸部
合山東大江來想見籌邊日從容數舉杯人空江留八陣全勢出三巴峽壁縣飛棧碣樓隱暮笳諸蠻晴練
鎖列郡翠屏遮笑指羌渾些奔雷走傳車故命錦里看桑梓鄉山次第圖至難稱蜀道信美是成都讀畫昇平

見傳家典籍俱丸泥封隘口從此罷前驅

王筠齋

鎧

太僕新居落成招飲

買宅猶如負山走甲第東華移八九烏衣老屋卅年存庭有琅
琊舊栽柳新宮月日亦數定恰似裴公猜已酉開廚行炙大官
羊召客同餐燕市酒座中慨慷賦華屋醉後歌聲壓銅斗太僕
于吾爲父執早歲登堂髮垂首曾假書樓開萬卷至竟儒宮無
一畝公車病我雉登木逆旅從公綱解紐人生窮達等夢幻桃
梗何須笑土偶公今埽除燕寢室心地光明佛離垢風檐月榭
數留髡百罰杯懸鄒衍口枕麴誰能卷白波角量公操不龜手
盛衰感槩勿復論絲竹中年聊可不老藤以南軒以北主人在
左賓在右及時良會可行樂底用求仙服堯韭薛華善歌白善
飲詩酒別腸吾欲剖

筠齋再招同人宴集倒和前韻奉荅

屋如大橘奕仙剖菜勝齋廚庾郎韭哀絲豪竹夜筵張跌宕仍
同太行右觚騰觥撻辯鋒銳醉問張儀舌存不高秋老饗足果
腹打疊持螯鬪雙手幸當今夕展勞勩不管吾生困箕口公家
別業隔千里老圃秋容絕塵垢謝墅差教噲等伍庾園失笑齊
難耦盆魚籠鳥一束縛絡首黃金歎羈紐閒身忽忽就仕宦清
夢悠悠在隴畝客來便倒鴟夷腹我癯竊比牂羊首藤花落後
星挂檐菊艷舒時漿挹斗吾儕愛作文字飲其味清空類元酒
辰雌底用守庚申丙舍真宜窮卯酉欹斜客醉竹搖風次第觴
行魚貫柳金石交新訂二三雲夢胸曾吞八九明年陸舫屬何
人大力還須鼻推走

馮均弼

廷丞

光祿贈句次韻奉酬

孟公鍵門防客走仰視天罡方據酉同官好飲恰無事一一清
銜署犀首馘笙吹作龍鳳鳴螺盞堆如螺羸負馮君視壁思捷
敏造詩若釀逡巡酒使才豪橫警羣動下筆騰拏破諸有八陣
圖開李藥師一龍劒拂張鴉九讀君家集昔未冠仰止三馮歌
鼓缶自矜尚論眼如鏡恥與時流同可不君能把臂友醜蔑不
聽悠悠讒謗口其爲倔強壓霜竹肯學欹斜受風柳當杯正要
管絃雜愛月未覺鰕墓醜東坡不生太白死那得神仙貽佩玖
卽今夢落古柯槐常恐身隨白頭韭君開萬卷坐甥館遊戲爲
官乘枸萑著書如縱雁門獵射生日試通身手吟聲中夜和鈴
柝一笑南榮插箕斗酸寒陋彼東郭生莽鹵嗤他北宮黝良宵
喜聚故人影起握驅雲埽天帝子歌我和桂輪斜荷鍤同誰臥

荒樓

催糲詞爲家華林 果 上舍作四首

流蘇金縷護魚軒四角都垂龍子幡爭看乘鸞烟霧裏泥金裙
上畫文鴛

紅杏尚書舊有名

華林內舅爲張得天尚書

微雲佳壻蔣山卿定情詩句同

低唱都作關關對語聲

霞帔珠裙穩稱身風流富貴出天真阿兄上應郎官宿不等終

南嫁妹人

翠釜鸞刀列竈觚嫁娘學下大官廚相公自有調羹手不用持

湯問小姑

熊文滌齋

本席上分韻

當杯能使鬢霜消且作遨頭折柬招梅未作花知老嬾菊還留
葉慰蕭寥交情古澹偏宜冷酒政森嚴未許饒同向詩翁求掌

故鐙前閒與話 三朝

寄輦雲二首

十年成進士三復感來書心死繁憂後家懸屢空餘艱危持道
力辛苦稱華裾幾許飛揚志當官盡埽除

虛傳迎養孝甘旨意徒存垂老餐粗糲低顏愧子孫骨從孤立
定心向故交論尚習雕蟲業何由報

主恩

陶然亭題壁

僧樓似堡依城闕酒巵如山飭菜畦佳日過之原洒落四時閒
者各招攜九天臺殿卿雲覆十里菰蘆翠毯齊亦是前人觴咏
地醉翁名字爲誰題

送歸安沈賓上歸葬三首

那得辭寒餓悲哉賦命窮士生多不遇樂豈在其中長物吾何
有遺金葬汝翁壽雨秀才還家營尺土埋骨峴山東

不煩于我殯稱貸濟君貧洒淚憐空橐低頭愧古人虛舟無積
麥轉轂是勞薪願作風帆健平安送爾身

未須憂逆旅歸去更如何兒餓知求食妻勞苦弄校關山念行
役風雨促悲歌想見梁鴻廡寒燈暗薜蘿

題雲中仗策圖送韋菴宰廣靈

拂面凍雲來雄關四扇開誰當雁門守獨上李陵臺底用防邊
策無須射虎才贈君循吏傳一誦一低徊

三春登第共匹馬服官初去到飛狐塞應傳繫雁書荒原畊種
少占跡戰爭餘若念燕臺友吾方弔望諸

寄孫壺園孝愉比部二首

妙墨題襟寄遠思朋來應悵執袂遲分無杜老秦中句敢付孫
郎帳下兒北雁南魚懷舊雨西曹東閣快新知刪除晉語唐風
後合借瓊琚玉珮詞

名臣本傳列儒林卅載聞知景慕深養氣報仇當日事尊人文定公逸
讀書憂國暮年心人亡世泣舟藏壑鶴化天留子在陰能抱

遺經承舊學相門才子稱華簪
德州羅淵碧沚亭圖二首

野外能供給憑軒俯逝水深魚鼈喜天闊雁鴻多入畫傳高
興撚髭有浩歌到門漁艇亂罾網聚陂陀

酒熟能消悶亭高可寄身菊邊留處士水曲念伊人有墅宜終
隱知誰與結鄰平生憐老杜最愛錦江春

送楊彤三出宰

范叔從來徹骨寒，俸錢堪給一家餐。能行所學須爲令，不忍于民可棄官。拜馬折腰皆有分，殺人求福太無端。閒中護惜詩書味，橫埽泥牆寫伐檀。

歲暮行

壓檐凍樹鳴枯葉，馬病車摧寡酬接。懶爲却鬼送窮文，恥作干人乞米帖。怡然讀書老母旁，冬菘作羹齋作湯。母顏歡喜妻子樂，鏡臺食案生輝光。雖探篋笥一無有，却撫胸懷百無咎。絕無故舊問囊空，肯令庸奴笑顏厚。此時寒日氣悽凜，何處朋歡鬪酣飲。九衢冠蓋各喧招，一榻琴書獨高枕。

春帖子詞二首

氣轉陽和萬彙生，九衢歌頌泰階平。千金隄合桃花汛，一綫春和細柳營。

捷報甘泉喜氣融，將軍新挂定邊弓。大宛收得桃花馬，滾向香塵御柳中。

蠟石磬同家作梅聯句

工師辨石琢蜜脾

士銓

象以磬形浮泗澹

櫛

博古程式精磨治

士銓

雕鏤鐫削幾閱時

櫛

滑膩宛截駮肪脂

士銓

黃中色正無

瑕疵

櫛

松膏柏液老樹皮

士銓

崖頭曾誤羣蜂窺

櫛

礪齒則可

嚼豈其

士銓

融味入音中邊飴

櫛

其文雷回錯虬螭

士銓

盤龍

拱極目睢睢

櫛

伐檀作架衣桁支

士銓

連環雙轉絡索垂

櫛

紐自任千鈞絲

士銓

設業設簾同矩規

櫛

寸筵當折黃梅枝

士銓

鏗然一擊徐疾宜

櫛

八音得石辨有司

士銓

向背戛叩合耦

奇

櫛

封疆之臣我則思

士銓

列庭當與編鐘隨

櫛

配以垂和叔

之離

士銓

堂上堂下和且夷

櫛

有心之歎無所施

士銓

懸室勿

令齊人嗟櫛師襄入海偶棄之士銓張華博采能聞知櫛藜賓

古鐵同躍而士銓海南作貢來京師櫛大禹聽政上古資士銓

聖朝典樂命汝夔櫛汝拊此石供咸池士銓

日戊寅櫛南城邱烈婦櫛

元妙觀中烈婦并千尺寒冰凍修綆白髮道人不敢汲銀牀月

照夫人影當時避賊從衆耳賊意洶洶一心靜夫人視賊若狗

彘給之殛之暇以整賊能出我比珊瑚我能沈賊如龜鼃皇天

后土鑒此情羣婦日覩歎且驚那知雙眸炯炯光透覆牆上白

日照之如火明不幸遇賊氏獨爲烈婦同時生者皆腐朽富貴

壽考之婦豈無有烈婦死時年廿九智井雖枯靈不滅鑿井銘

之乏齋曰喜泉福濟軍濂林空靈戶大哀水再將焚思同香

題右北平遊草

出塞何爲者盤鞍亦古人行邊心自壯攬勝蹟全湮破壘無容

築殘烽不敢新長城空似帶中外一家春

邊雲隨馬起落葉帶鴉來但覺提封大何知虜粟哀微吟風土

異放眼版圖開我欲操強弩從君射虎臺

國初休寧汪杕榮偕兄子爲龍從定南王孔有德平粵

西獠同死于難其妻戴氏吳氏撫孤守節詩以表之

三首

二士從軍樂孤城纍卵危諸蠻摩壘日兩婦閉樓時噩夢飛邊

徼寒星落大旗雙懸望夫淚何處覓遺屍

招魂不可葬浩氣壓沙場守土存官職酬恩享國殤冥誅粵西

賊生揖定南王勝作迂儒死雙忠骨並香

勢面成同志留身育兩兒功存將門子涕灑竹林枝間氣精魂
聚褒忠祀典宜雙溪嗚咽水常爲四人悲

陳星齋太常正月十九夕招集寓齋分韻

燭花交蕊暮堂深齋滿宜教酒客尋婪尾宴開春讐破收燈風
細夜光沈天弧示象宜藏服時聞逆酋在鄂羅斯殄滅太歲占年定守心恰
稱先生文字飲尊前料理凱歌吟

澹澹卮鱗款款斟監奴不報漏籤沈藏杯花幻如弓影列陣觴
平異局心絲餅紅縑連夜結用補天穿事印牀銀鑰隔宵尋明朝便

有當官意殘蠟唯應抵寸金

送帥藥房光祖還奉新

半載局蕭寺清齋却埽餘老堅求道力窮不上人書對爾爲心
服茲行逼歲除栖栖成獨返辛苦賦歸與

願作東風暖相從解凍顏征衣存裋褐老伴得江山雪喜人孤
潔梅知鶴往還詩書留大藥能轉鬢毛斑

少宗伯檜門先生視學直隸用汪康古孝廉甲戌祖席

舊韻

僧寮祖席似前時酒對芳郊未忍辭小別最宜浮白飲臨岐纔
補踏青詩官程桃李新陰接驛路鶯花老眼知認取東坡是奎
宿廿年玉尺慣操持

悼馬

天街正憑軾轅馬忽低頭力爲泥塗竭身緣老病休路人誇駿
骨逸氣散梁輶載爾歸黃壤深予秣飼憂
僕倦巡空廐童癡舞舊鞭吾方塵鞅息悟以塞翁傳物命寧同
賤勞筋自可憐平生思舊意悽惻敝帷邊

送張惕菴

甄陶

宰昆明

平生心折兩循吏一張一袁

守定

不相下後世聞風欲見之我

乃同時親炙者張公讀書空山中已許身為萬閒厦瀛洲給札

本蕭條粵嶺專城最儒雅六年五邑

鶴山香山新會高要揭陽

春風和千家

萬井生趣多卯翼鴟鴞變鸞鳳調理詬諄成絃歌大吏倚之作

舟楫事機政體無偏頗公餘齋戒坐小閣退食不敢擊尊螺關

心世務極思慮把筆屬草傾長河積之三篋書百幅私淑新吾

實政錄

先生著有學實政錄

不教俗吏赧顏看未許迂儒褊心讀居憂三

載服闋來尚騎瘦馬行天街死生散落感復涕舊游三五傷人

懷晏嬰裘是十年物子夏冠且高崔巍時人豈能辨卓魯文士

或喜尋鄒枚廉衣先生敦古處

李編修中簡

獨為名宦開高齋我方

俯首學詞賦如縛麋鹿居樓臺柴車過訪太投分脫略行輩忘

形骸袁公報最竭相值改官禮部比鄰偕

袁公以曲周令八為禮部郎

我以

吏事敏二老磁針黏吸無睽乖公等據枰各善奕我于局外眸

常指吐辭頗亦合典則安得犄角言恢恢昨者滇南馳奏牘萬

里昆明待推轂

帝曰甄陶出宰此聞汝賢能不貪酷彤墀拜

命束書去行李

蕭然從雙僕離筵慷慨翦紅燭臨別殷勤酒相屬我生不願作

公卿但為循吏死亦足

題袁叔論儀曹未學詩鈔後

愛君冰雪文沁我冰雪胸十年讀萬過至味不可窮坐言起則

行早躡循良蹤誰呼袁青天楚人萬口同其政感人深誠意相

涵融豈惟格民恥教養克有終拂衣將母歸芷江山叢叢歡聲

變悲啼父老連兒童至今頌遺愛陟峴思羊公憶我識君初泛

艇波濤洶同舟色沮喪君貌能和冲竊以驗道力所恃忠孝躬
河伯固暴虐對君失其雄小別八改歲思積夢屢逢聞君復出
山欲建濟物功誓天焚苦詞貪墨遭殛凶翩然宰曲周愛民如
芷江一役不下鄉訟者自趨從民昔苦徵發符令飛秋蓬科派
盡錙銖民瘁官從容君悉罷追呼蓋藏民以豐官出一柴車官
到如父兄叶和氣蒸桑麻雞狗平鬪攻服稽竟有秋立政稱良
農考績官儀曹僦屋鄰我宮忽出一卷詩坐我疎林中水流見
花開禽鳴覺山空妙悟觀物化深省聞晨鐘清機發咏歎想見
靜者衷蕭疎稱規矩澹遠爲蔥蘢陶杜韋柳間揖讓諸老翁乃
知味道人吐語含清風取詩合其文水月交溶溶君雖曰未學
學者誰實工自謙恐類誣得失君豈蒙俗吏對江山強顏說明
聰剽賊鮑謝篇文飾欺瞽矇那知袁易齋胸懷具鴻濛宦成學

亦成心手經綸通請看元道州用筆如生龍

病中讀鍾叔梧

建魁

秀才碧溪詩

簾烘藥氣燕辭幕牆吐朱藤蜂放衙別院尊前風日美亂書堆
裏枕衾斜臥延新綠鳥聲喜起踏落紅人眼花何處傳來碧溪
句心蘇真似得黃芽

常睡

鳥啄檐花鴨啜泥人多屋少笑雞栖春雲過眼我常睡朝日滿
簾兒互啼書味細迴饒舌苦酒杯深遣病眸低經旬謝却當關
客垂首空槽惜馬蹄

寄懷叔梧成都幕府二首

元戎暖客有貂裘上座談經禮數優合令軍傳諸葛扇未同身
在仲宣樓彈冠遠發青雲興聞笛常悲舊雨秋名士幾人飛食

肉那容新沐試兜鍪

玉堂書掩一條冰
祕閣牙籤散帙曾
少見飢蟬餐故紙
孰然仙炬繼殘燈
文辭自媚初心遠
民物相關壯志憑
試問栖槃老居士
舊寒應記最高層

留客

物理多端道味存
嗒然憑几共誰論
南風斜下送書雁
好月滿浮留客尊
斗柄垂天高插屋
燭龍銜炬夜當門
空庭人散露華重
古事塞胸聊自捫

領祿米二首

自憐臣朔本來飢
力穡都無土半犁
備位只同滄海粟
素餐頻竊太倉稊
難酬春雨羞荑稗
不辨嘉禾媿夏畦
聊共齊民歌鼓腹
一囊兩季各分攜

風裊廚烟釜竈温
炊來珠顆溢餅盆
不耕難恃終身飽
舉筋寧同一飯恩
漫說食功全瓦墁
大都屬饜計饗殮
百年麤糲三升豆
粒粒香粢是淚痕

俗情

風箏落樹宿禽散
餅卉弄香新蝶來
百慮漸隨官況集
一名難謝俗情猜
靜看虛室爐烟直
夢怯前山鳥道迴
待長捎雲數竿竹
釣樓應許老夫開

索索柴杖歌爲彭丈耕原作

有引

索索柴出巴里坤
土人刈以爲薪兵
備道朱君取其磊
砢者作杖貽耕原也

一索而得震再索而得坎
終動利用止阻險防入窞
爲蒼筤萑葦健則不可撼
爲木堅多心倚之見勇敢
大澤藏陰山勁艸異

葭莢厥名曰索索取義亦何闇穹廬婦樵蘇腰斧兩髦髡曳柴
烹牛羊拾薪供炙啖朱侯擁千騎忽向爨餘攬斷為三尺筇却
贈佐元覽高節抱磊砢直榦謝阿叵倚壁生龍鱗擲空破鬼膽
能銷竺庫燄足攝虎視耽我聞赤城藤九節類昌歎又聞身毒
杖薰以天夏菴呼為木上座字以般若眼老人事遨遊此物擅
舒慘看雲撥鬢鬣尋花歷藹菴扶疲更起弱功力使人感先生
八十餘神完樂恬愴步健躡趨捷瞳方燭深徹佳日憑曲几茵
席布芳毯邾前繞金紫饋醕執醬醢刻鳩立靈壽祝噎驗頤頷
新歡就和豫舊夢絕輾輾生理已除閏甘味正回欖桐孫挺青
鸞 禁省握鉛槧撰杖陪嬉游童顏發朱萑西域休 王師艸
木釋餘憾流憩策扶老觀易意彌欲不藉葛陂龍飛行閩風淡

臺灣賞番圖為李西華 友棠 黃門作

畫旗金戟開行轅繡衣使者來賞番胡牀踞坐白玉山神和氣
肅春日暄社商土目領番衆魚貫膜拜不敢喧麻達未娶之番穴耳
雙巨鑲薩鼓薩鼓宜乃銅器如捲荷繫背頭艾纏番以艾纏首編竹箍腰捷鬪
猿番以善走為雄幼即出艸獵也捕鹿鹿壓肩長鉞勁箴插壺韉
鏢弩挂腰血蝕鮮文身花鳥臺閣緣漆頤鑿齒相媚妍膩新番婦
美好貓未嫁番女悅仙已娶之番首飾雉翬項螺錢含羞艸名艸颯釵梁偏
錦裁比甲達戈紋番錦曰筓裙下遮禪前幅也烏布縣鼻簫口琴手
昨牽婚姻以鼻簫口琴聯合曰牽手牛車看花能渺綿渺綿訓曰飛天即秋千戲都盧咽轆
祝唐官番呼漢人曰唐人來獻都都極團也糗資團歌聲味噶舞翩儂連
臂踏地意態閒使者顧之有餘歡 聖化普徧滄瀛孺羊酒錢
布粉花烟閒以雜珮流蘇攢番人得賞稽首崩厥角心羨通事
能唐言南北各社共欣快宣德布惠使者尊其語感人簡不繁

眾番翼戴

天王恩我聞乾坤東港華嚴世界婆娑洋語出佛書琉球別部地勢

如弓彎荷蘭日本據此作互市其他佛郎呂宋雞籠淡水一

資籬樊世傳金人避元匿毘舍臺灣本名毘舍那耕鑿竊比桃花源顏

思劉老香殄滅鄭成朱貴一起跨海乃有施將軍襄壯公琅龍碩偽鄭銅

失勢七澳靖森舍成功小字鴨母一貴混名驅游魂千頭銜鼠艸雞死記

中隱語遂令五十二區三十六島歸中原 敕置郡縣奉正朔海

色如鏡安其瀾風艸無節颺颺息斷帆屈鯨虹霓刪臺人以風

颺風一次又驗虹如斷帆梢屈鯨者颺則大至熟番異俗浴同川氣候常暖地少寒冬

菊春荷蔗滿田女耕男饁家家築禾園倉廩也杵臼手春百日赤

米嚼米為麩釀法便織毛茜草機杆巧竊花得詈誠可憐上元夕番

女入臺人花園竊花得罵者則得佳婿之兆手操鱗甲獨木舟名吸鴉片烟名弄潮不畏天

吳顛猱采檳榔摘番槎番躍樹取檳榔為採槎即番杏也硫井金穴生每捐又

聞生番殺人髑髏用金飾雞距傀儡皆生番部尤毒猿一耳為衾一

耳簞形狀猙獰惡同神姦暗洋一歲一晝夜墨洋如靛不可眩

當今聲教訖海外鯤身鹿耳恩澤寬險礁沙綫伏蛟蜃使者穩

坐巡臺船尾樓一鐙帆倚天登檣下碇恃亞班海船舟人曰亞班洋更

十下香甲煎放洋炷香為夜漏一夕凡十更赤嵌一點天水連郡城為赤嵌城近聞番

俗漸文雅童叟各能守一編賦筒筆寫紅毛字七夕磔犬長揖

魁星前番女障面出擁蓋幼者讓路長則先春耕齊聽鳥音吉

番以鳥音卜吉凶勸農使者乃至李氏東郊園鐵綫橋南亦多雨兩多在橋

北不過橋南優曇貝多花麗娟居室恬熙若內地使臣不貪守令賢

黃門先生小臨川口銜 鳳詔海外居三年六公采風之圖黃

公使槎錄臺灣既平黃公叔墩首以侍御巡臺著臺海使槎錄後滿洲黃門公六十七亦奉是使著臺灣采風圖

拾遺補缺著述嫻海神力可御風浪變滅百怪操微權鯤鵬擊
運眼界闊潮雞警旦忽下扶桑巔畫中面目本來相歸來展看
精神全只恐臺人亦解摹張騫番兒還鑄冰霜顏爲君作詩效
蠡測補入裸人叢笑篇 孫公元衡巡臺著裸人叢笑篇

忠雅堂詩集卷六

忠雅堂詩集卷七

戊寅 下

鉛山人蔣士銓 定甫

王禮堂

鳴盛

學士新居有青棠二株作詩詠之予南隣

李杏圃

綬

侍御宅亦有一株覆予苑牆乃爲二詩以答

二首

美蔭過牆一蓋圓歡能相合忿能蠲閒措老屋看花眼不問南
隣種樹年艸木有情知旦暮風蘿隨意助便娟朝曦午旭尋常
過分受清涼枕簟前

吾廬宜住懶眠巷學士新居宣武坊下直扁封雙白板中庭徙
倚兩青棠老樹著花存妙理主人留客話年光黃昏睡態無須
照恰對軒南息偃牀

生趣

閒居遣意病終日永晝共眠書半牀門外市聲宜衆耳樹頭生
趣媚朝光倦眼喜開新雨後深衣疑在古人旁風鈴不語簾垂
地起嗅餅花無限香

題盧紹弓

文昭

編修檢書圖四首

六籍有至味饒夫嗜腥羶酒炙繞絲竹饜飫時世賢蕭齋好學
者萬卷圍一瓊讀書人海中詠歎操微權衆耳不解聽其聲上
聞天冷月出高樹豔豔穿屋椽

厭客困語言所急名與官枯莞設空堂韓公良已然蜉蝣笑老
蠹食字求神仙緬懷經綸手伏几誠可憐隨身短鐙檠相倚爲
壽年擇術貴自存未可棄一編古人不長生神氣聊與傳
珥筆垂華纓作者豈不多沒齒權勢盡無奈千載何先生味道

人寂然事編摩偶作文字官足配冠峩峩豈惟當世稱名字將
不磨鴻儒列高第誰復相譏訶

擾擾百歲中其志皆可知嗜好異衆趣一卷長抱持簡默成靜
者澹泊如微時智慧勞精神樂在焉敢辭君不求令聞譽者寧
盡私此日足可惜來日復有誰木榻當郟穿心苦亦何居

困雨戲作二首

重檐忽散千條練小院平添一斗泥穉子褰裳愁滅沒家人裹
足隔東西牆如壞堞留三版屋比荒田恃一堤較可阻風船上
坐碧油簾下少鳧鷖

熟梅天氣故鄉邨那及連朝濕霧屯車泛九衢塵似海客來深
巷水封門堂坳自具江湖勢屋漏都懸篆籀痕夜火星星出窗
戶小池涵泳破黃昏

雨中聞王琴德舍人至京眷屬同居禮堂學士宅詩以

東之三首

一經齋酒三年夢不識故人何處留彩筆干霄傳賦手好風吹
汝到皇州水街頭地同官讓才子高名此職優料理直廬持被
臥晚涼應透瘦生稠

鐙下看吾別後詩花前可要認鬚眉蠶牽新繭萬千緒人異少
年三五時自照只憑心作鏡早衰無那鬢成絲酒酣斫地因何
事除却王郎總不知

耐可烹茶當酒肴合歡花作紫荆交圖書雞犬喜同姓風雨鵲
鴿來共巢曲牖安牀宜美睡小鬟掃地要親教鳳池仍用絲綸
手聊與詩人續解嘲

看書

老眼觀書如讀畫峰巒豁壑太分明成文波縐循行出著紙烟
雲逐字生窈窕態宜橫側看飛凌心許破空行百回愈見軒昂
甚舉手捫來覺未平

飲酒

隨身小硯新苔嫩挂壁寶刀古血腥病後空花浮淚眼坐來龍
氣拂青萍酒杯罷遣愁眉唱詩句頻教老婢聽醉態婆娑要人
見戲摹吾影上鐙屏

庭花

幾時詩骨此人瘦昨夜雨聲隨病來永日杜門天空闊高情懷
古興悲哀歸于時命誇竒遇說到經綸想大才孤負庭花爭爛
漫倦眸常是不曾開

真樂

長齋看母難經卷曉讀聽兒誦國風廿口餐糜留骨在一鐺和
藥與妻同貧到團樂真樂見官無束縛世緣空平生未敢忘溝
壑還爲諸賢任固窮

裘超然舍人秋原射獵圖

老樹蕭蕭出人馬馬如匹練破空瀉誰識雕鞍控勒人本是綸
扉珥毫者郎君壯志橫青冥草頭白鏃如流星未知狐兔匿何
處意思已拓燕然銘偶然快意騁竒捷買劍安能事游俠相如
揚雄世無有待爾偉詞陳羽獵馬蹄火熱獸作堆炙肉行酒呼
鷹臺南山射虎等閒事秋氣拂面從空來手柔弓燥色不變落
鵬貫蝨尤能擅驚蓬忽報麋麗龜墜彩爭看雉帶箭展圖心喜
眼倍明短衣記我少年行可憐閉置帷中久夢繞弓弦耳後聲

張吟鄉頃秀才至京喜爲長歌

三十初度泊姑胥無屋却借官船居醉埽虎邱石壁書虎氣入
筆驚闔閭昏黑歸船墜江底手挽舵牙脚踏魚躍水立船送君
去寒藻挂面裘袴濡天明君來繞臥榻我悔未摘龍領珠枯腸
飲河覺少潤睥睨震澤如溝渠別來彈指忽五載中間尺素頗
不疎聞君獻賦官未除但有賢婦憐相如藥烟縷縷橫綺疏垂
死病中憶心餘我方事母栖田廬夜夢鬼伯促登輿延我上座
吏睢盱約以冬至鞭魅魘我叱冥官鬼蜮縮覺告我母母涕洟
母禮北斗禳帝車神力挽救乃活予買船奉母載妻孥浮江涉
海憂患殊火焚水溺與母俱出入生死膾皮骨神鬼賊害天公
扶一官閉門謝走趨六經分壞手自鉏有時飲酒說忠孝古人
滿卷真吾徒奴出買藥報君至病步造門執子祛語言雜碎齒
舌憊問對不給聊相於引鐙看面各憔悴死去復見敢厭臞別

後新詩累篇帙覽之若佩瓊瑤琚文詞智慧少年技慎勿過巧
齊公輸滿眼華筵樂歌舞公等聰明我獨愚此身不死敢弭謗
貧病未足困我軀道人有隣道不孤友子無異黃友蘇蕭齋但
可數來止共作雅頌歌黃虞

送熊肖石南歸

人海拍浮不肯居急衰手抱河渠書笑騎快馬隨鋒車去佐使
者游澤潞司農治河先治睢相度伊雒憑淮徐砮然分穿百道
渠血脈通貫痼疾舒經年宣塞延道固礎石不畏鬱勃魚豫州
底定墳壤奠厥田中上開菑畚一鐙寂寂照行幕主人蒿目客
喟吁畫灰夜對訂謀略按圖曉出巡田廬醞釀豐亨換漉澹撫
摩枯瘠生肌膚君能載筆記聞見鑱刻雅頌歌哭俱功成返轡
主賓喜詩卷小納洋洋區九河倒瀉入胸膈吞吐潮海凌韓蘇

江山助人長竒氣吏治化汝爲真儒他年百川在手掌白圭不
敢來睢盱當時對榻歷青兗縱觀海岱周東隅六年彈指一再
見是夢是覺皆蘧蘧國門轉側送君去別意繚繞歸人裾君爲
老鰥十七載昔年白哲今有鬚牽牛涉波鵲知候河伯娶婦誰
作巫萱堂暗覓九年綫桂殿早植三秋株栖遲且理鹽鐵論管
子富國古有諸經綸在胸窮益固書史滿腹遇必殊匡時策不
負所學 廷對賈讓稱臣愚

題何孺人遺像二首

鳳有高梧玉有芽勝他徐淑配秦嘉如何忽露從軍影一卷韜

鈴一鏌鉞

遺挂蠨蛸網細塵鰥魚纔現宰官身行邊目斷桃花馬去看秦
雲似美人

送趙方白

寧靜

還南豐省母二首

歷落欽寄一老翁長看深目面如童偶然萬里作行脚今欲九
秋隨去鴻藥裏詩瓢驢負載世緣塵味酒消融卅年看徧圍棋
手都在山人覆局中
漢陰久息丈人機與物周旋本願違老愛讀書原好學秋來懷
母便言歸共看慈竹孝烏繞君有故廬山翠圍七發安能起子
疾只須常寄藥苗肥

答玉亭

自掩魚扉歎索居輕裘何日賦歸歟木棉閒放姊尋妹么鳳對
鳴兒讀書人在艱辛當解悟佛言因果有乘除銀蟾未必終沈
海甘味將回諫果如

蔡葛山

新

司寇澄懷八友圖二首

水木清華退食同直疑樓閣在虛空地臨海淀兼三島人異淮
南正八公春滿雲邊天尺五書聞花外漏丁東仙源小聚文星
影照取鬚眉一鑑中
東序談經珮黻連天分靈境坐羣仙笑臨池水知心跡同要松
身作壽年畫裏却兼詩爛漫人間無此地幽偏好風香帶圖書
氣春在先生杖履邊

已卯

雜詩四首

多願實自苦無常乃爲病守約而有恒我則立其命熟觀修齊
理求福亦有柄莫短乎苟得瞽者昧所竟從俗豈不好竊懼傷
直性省躬識夷途應物畏機穽衆棄良可取吾亦順吾正
既貴而忘賤其貴寧可久況以易盡身于樂無不受聚斂亦太

勞但爲耗者誘心憂日中昃及時聊鼓缶德敗失所強何物聽
防守無驕爲至樂寡欲則常壽當身營石椁不如死速朽
嘉卉敷穠華其質本未堅榮悴春風中婀娜誠可憐柔者悅其
媚時來挹芳鮮叢生美易盡驚飈起其前爭榮各有時但惜無
常妍如何蜂蝶心戀之不舍旃

曉飲花上露朝氣盈我懷栖禽未及窺羣動寧與偕翔陽浴海
中天宇淨若指衆星本熒熒夜輝不敢儕我性厭喧雜豈能與
俗諧雞鳴衆人起我復扃高齋臥持平旦心恐爲視聽乖

題吳伯玉山水幃子

畫作于萬曆辛丑

吳生作畫萬曆時一百五十六年我見之人家何代移入畫中
住村莊姓族皆未知樹中堂戶綠陰滿屋後屏幃蒼苔滋衣冠
質樸意太古人與喬木同風姿居士開關埽黃葉扁舟載客登

漁磯茅亭二叟撫琴坐礪水瀼瀼鳴漣漪谿橋一丈臥澄碧別
有野老三五策杖隨山中燕居風日美往來言論難尋窺胸無
機事酬接簡真趣醞釀無嫌疑雞豚桑柘結春社烟嵐暖潤和
風吹想見畫師把筆意矜重不謂後人山墅風雨泥牆垂我亦
翠微深處有破屋把卷樹根無不足境移讀畫一低顏前身原
在畫中閒

送李同侯侍郎終養還安溪

心懸魏闕臥江湖護樹長春足自娛樂府應傳洗兵馬夏官會
佐簡車徒台星久已寒霜栢履道從今集孝烏曝背南榮愛冬
日和他父老話唐虞

茅鹿門寄其子章邱令家信墨跡卷子題後

武侯誠子書顏氏傳家訓至哉修齊理條舉曲以盡讀書貴致

用治術苦雜進名儒生歸安循吏業稱駿兵農禮樂意源委各
疏濬宦成子登仕肘縮章邱印老翁縱筆書治譜列音問藹然
仁人言愷悌發忠信哀矜惻怛中一一經術醞製錦有義方流
風播仁聞析薪子克荷兩馮可同論兒孫寶手澤遺墨含秀潤
詞條挺堅蒼腕力轟嶄峻想其握管時纚纚若游刃刀筆筐篋
徒武健恣蹂躪雖登考績書死後等灰燼直道本三代民氣故
可振舉此勒學宮庶以理縣郡

喜汪輦雲至三首

君隨北斗柄言渡桑乾河林際馬方歇卷中詩已多執手客顏
好登堂人意和年年士不遇從此罷悲歌
初攀薊門柳不見黃金臺慷慨風雲色飄零管樂才跡隨古人
去君及暮春來原有招賢閣從容待汝開

同時文字友十載鵲鶴心倦鳥將投樹夫君始出林交從貧賤
密詩以性情深天意踟躕極還當報苦吟

陶孚中

其慄

比部疾後移居輦雲竭至書寄四韻

八載官將改相思友竟來鵲聲親小巷鐙影豔深杯却埽琴書
靜相依仲季才庭前風日美還報紫荆開

題石谷從孫二癡居士畫冊八首

竹勁而便娟石介而大壯兩樹對軒昂俯仰成倔強同有貞固
心相友不相讓可憐蒲柳姿當秋獨惆悵

夏山蒼翠常如醉中有北窗消暑人蘄州竹簟邯鄲枕畫裏何
年著此身

清味澹如此故宜窗戶橫亭虛受涼月籬短過秋聲桐似高人
立詩從靜者生當年讀書處苔蘚最分明

桐陰書屋

思翁畫筆如其字蒼秀中含靜婉姿十載胸頭萬青壑到來忘
記是何時

老顛墨淋漓酒作一山雨走筆商羊來濕雲吹不去歌樓與客
舟我夢落何處展卷憶僧廬影對一鐙語

石脊濃堆太古苔樹根橫臥氣崔嵬十年閒煞黃肩弩欲伴將
軍射虎來

枯木竹石

酒醒孤篷底舟人夜雨時潮來身命賤雞唱夢魂知壁峭波迴
猛江空月下遲平生飄泊慣對此欲悽其

桐廬江平鏡出匣龍子陡穿青玉峽一巖一謝生死之遂令山
名傳畫法璜溪跡未可尋當時入山何不深叢祠換取漁郎
屋可是披裘男子心

送陳恕堂

守誠

赴三衢巡道任三首

雁塞與秦中冰銜兩雪鴻天憐親舍遠官注浙江東節鉞三城
拱家山一髮通桐君應拊掌迎汝白頭翁

立政操何術初官重此身常存在山志本是讀書人巖壑含清
美閭閻愛好春衢尊如可設同飲使君醇

澄慮戒紛擾靜觀心自閒人來姑蔑地花放富春山燕寢好風
台衙齋晴翠環從容畫清影紅燭簿書閒

述懷二首

久將泥絮比風清幻影空花雜想平到眼春雲何處止閉門秋
氣有時生才多畢竟歸才盡宦薄終難望宦成飽食晏眠成坐
廢幾人身後得高名

醉夢虛聲未可居百年勢盡等焚如高談道學能欺世纔見方
隅敢著書茶薺苦甘生有數蜣蟬清濁事皆虛三年窮到無錐

立慚媿先生鼠壤蔬

送黃獲邨先生出守麗江三首

笑擁朱轡益部東鐵橋金馬控提封雪山寒藉和風解麗水金
宜大冶鎔負弩定環高軾拜執經應有外夷從由來教養兼師
保爭賣弓刀事老農

疆分越裔四州開檠戟威嚴接上台黑水波恬兵衛列白蠻書
譯吐蕃來漢家太守多名將絕域官符等迅雷坐使南金歸職
貢舊時蒙段敢相猜

忠孝原從至性生彈琴曾聽不成聲廿年姓字循良傳五十悽
愴孺子情官署樓應題北顧行廚詩又續南征王陽叱馭增竒
氣知異當時喜懼并

賀病篇次歐陽可堂韻

方丈披戒衣不受佛花蹊生遺身或存損積心益恹項癭與齒
黃蒸染莫不應精神衛形骸猶國受君命得官每夢尸養生輒
多病寸懷絕愧忤二豎可驅令歐君窺道要竒語發篇咏上藥
彼何物美疢亦我性嬰怒而就烹文摯豈云聖鏡機工文辭僕
病未能聽君言勝刀圭奚翅仁者贈朝餐齋粥共夕醉鐙月並
守一養以和世累不可亂我聞凶悔吝迭勝若覆枰愚人死安
樂造物各有偵外強中已乾簪黻飾優孟勞生息以死得病庶
幾靜祝君疾復作額手乃交慶

再和

熱客投冰壺顏色不相暎墜戶寡酬接齊物一歡恹兒眠列鼎
足呻吟漏籤應官貧重骨肉老幼實共命母疾始稍甦婦勞益
成病僕媪皆患渴無以給使令思繁違曠懷愁劇輟高咏忘寢

坐階月憐惜本天性乃知兒女情足以累賢聖隣翁效雞卜竈
婢爲鏡聽紛紛吉祥語慰藉作投贈我生命窮薄憂患與生並
天意或深厚人心且逃亂常恐混黑白偃仰入碁枰區畫義利
界杜絕鬼神偵兒頑雖過陶母賢竊比孟起居得安吉花木亦
閒靜諸雛霍然起酌酒爲親慶

六月十二日霖雨沛然恭賦志喜

聖人禱雨居齋宮減膳徹懸憂見容爲文責已意迫切請脫民
謹歸

皇躬百靈拱侍帝左右 御筆著紙神先通常雩再舉豈得已
千里赤地民何終壇前再拜焚祝版版烟直上穿圓穹墨精字
液至誠結氣力倒作陰雲濛乃知天心愛民不若愛
天子一語感極蒼蒼從敕令天神殪老魅疾遣列缺隨豐隆九

龍張鬣下江海捲水入甲吞妖虹炎官收威各屏息火繖立偃
扶桑東古來破塊戒急瀉珠玉細洒膏腴融要令點滴漬土脈
雨師不敢矜豪雄飢腸得食慎過飽久病進藥當徐攻斗覺生
機潤六合萬物鬱勃含蔥龍九門平糴均哺穀郡縣跋涉爭腐
紅卅載之通制國用推食要度倉庾充東南順成年穀賤飛挽
可濟西北窮小民至愚重一飽不飢乃有恒心忠昨聞道路肆
攘奪國門以外俱洶洶盜賊之漸不可長刑罰且與誅姦兇皇
天一雨足洗滌歡樂氣盛乖氣空

皇帝至文播海內讀者涕泗悲填胸唐虞謨典去雕飾

後聖本與堯湯同萬民身命繫 宸極位育豈復煩羣公扶犁
叱犢事方始披蓑絕倒多牛翁眼前萬井已快意

天子尙念西成功愚氓遂願卽縱欲

至聖得意仍虛衷三農便乞挂龍骨婦子佇待歌年豐禮臣齊
肅請報祀十日一雨從茲供

送宋慕劬五仁教授九江兼東陳時若奉茲解元三首

冷署冰銜內外分檐花細雨夜深聞栖栖已謝微生畝鼎鼎應
慚鄭廣文經術詞華歸老境閒官風味異初醺著書已就名山
業何事還爭出岫雲慕劬以不得為令常悵悵

九派秋濤拓畫廚四圍屏翠卷簾鬚母能健飯得真樂兒解讀
書堪自娛絳帳生徒懷稷契峩冠賓客講唐虞江樓拄頰烟霞
外簿領優游况味殊

苦憶閉門陳正字茅齋一榻枕江聲吟成梁父悲屠釣聽到黃
雞念友生有數人才猶拓落未來天意定分明五窮原是多情
物魚鳥飛潛莫與爭

歐陽可堂正亨孝廉醉後作歌次韻奉答

家人歲飽天庾粟回憶飢時心已足平生長物百無有書籍斜
撐宛邱屋十年不受黔敖憐一畝差同伯夷築門封白板軟紅
避墻枕西山亂青簇俗事挂眼如烟雲小庭和氣春氤氳世短
慮多讓公等我視華屋皆坵墳夜風掀弄雪成水一鐙相對歐
陽子抱志何妨盍各言論年却道毋吾以不願穉子他日定為
時世賢兒輩方就可堂授經但求識字能畊田清門自古賤銅臭布地且
積青苔錢不知肝膽向誰熱但恐鬚髮無由元書生至死弄柔
翰酒闌對君皆可憐君能浩歌發清籟當踞詞壇建牙旆淵明
籬菊有正色濁酒臨風敢霑丐我生懶惰同宰子痼疾待爾刀
圭除君不見餘子清裁誇館閣身後難求返魂藥與君醉臥艸
堂東天地原為吾席幕

靜者樂冷澹于秋意常許每當清曠中蕭然見延佇識君各年
少于鬢忽相侶時命悖幽獨仕宦成逆旅兩髯來翩翩一癯愧
勤苦別久情益孚交深道逾古覲面更展圖拈髭竭憑戶垂檐
翠濃合當楹菊新吐幽蝶戀晚香揚揚抱風舉惜花一童俛得
偶兩雞伍物理各有適妙悟自含語君把種樹書參究歷寒暑
幡然出從政于此任穀哺薺麥茂可守蕭艾害當去榮落若彼
性燥濕視其土治道發生機足以通稼圃官閒苟除架花木成
媚嫵灌溉固本根卵翼護毛羽阿段與信行指使不嫌魯順物
戒撲捉養材忌柯斧慎勿感微祿嘲覓美蒿苴

送張廉船仲子落京兆解遊關中

窮官賃居蝸戴殼旅客讀書烏擇栖豈無几榻著佳士却少窗

戶安談雞同邑張生又媼姪禪而北來面色黧啟門洒涕念執
友山堂一棺人慘悽疇昔見君駒落齒頭角向翁鹿引麕今年
二十富文史江海瀉筆不可隄鳳鸞翻反虎豹立斑斑文采垂
虹霓勁力欲持造物轉直氣可使南山擠君謀習靜掩虛白我
屋喧雜兒女啼留賓難拓十笏地飯客枉儲一饜齋可憐襍被
就師友兩月三徙南東西舍人愛才忘貧乏趙雲神舍人掃除
旁舍開竇圭爲君適館授以粲令我顏厚如塗泥竭來才子效
伯仲謂張商言秀才出則肩比入手攜夜鐙快論雜嘲謔三陣犄角譁

鉦鼙和而不同君子友豈等狎暱相訶詆我方桎梏困文字筆
囚硯獄朝昏羈有時脫身整步履酸醎爲汝調鹽醢服除應試
忽報罷二張一點時命齊用才之地不得住却縱兩馬關隴嘶
致身終見蛛挂網感遇莫歎天無梯微時哀怨亦同調達後憂

患寧分畦不如瀟洒度函谷倒挾胸臆供揮題壯遊歸去治先
壠松楸手植笙鐘谿篝鐙夜侍母勤績挂經朝佐兄扶犁孝友
便可挂青史况君氣力吞鯨鯢山中若見北來雁當念趙蔣愁
眉低秦州以後有佳作寄刮塵眼如金鏡

南池凝香圖爲沈椒園

廷芳

觀察題二首

二老同龕孰與爭長庚猶傍女牆明江山舊跡今如是李杜前
身或再生畫戟香濃開燕寢碧廊陰重放蟬鳴六年碑字新苔
長還許詩人念客卿

池館涼波古雪堆平鋪枕簟就高槐階前乳竇玲瓏瀉檐際風
帆轉側開別墅旌幢鴻爪跡虛堂鐙火古人才汴州雲樹流風
在重爲三賢上吹臺

吳蓀圃

璟

舍人移寓珠草街與子隔巷作詩柬之

人海僦屋如泊舟隨風著岸不自由偶然隣舫接故舊但願打
頭吹石尤舍人同舉十三載江湖出没隨鳧鷗東西南北意俱
盡世網束縛魚銜鉤比年仕宦鹿麋聚兩心臭味荃蘅投憐君
入直太忙迫寓扉虛掩或暫休雨窗月檻寂寥坐鐙前讀書庭
院秋我來浩歌共排遣箕斗插檐光射眸立身各具竹石意下
筆懶爲兒女謳晝日三接童僕喜經旬不見琴酒愁君家秋燕
忽到眼掠檐一過如星流移巢隔巷似相語敏門失笑除百憂
畫中堂戶足深遠簾底花木含溫柔曲房似解媚幽獨暖意已
覺生衾稠孺人油壁整秋駕蛛絲靈鵲占可求禮云婦摯柅榛
栗兩家應各儲脯脩與君久託鶴鴿侶娣姒亦當鴻鴈儔蘋蘩
蠶績一勸勉頗似文字相校讎虺蛇倘肯效吉夢吾兒定作關
關鳩明年我去君獨留蜻蛉一縱不可收檣烏北海望南海我

屋與君風馬牛

贈熊西牧 士伯

讀書貴識字此語聞退之汗簡與說文傳寫多闕疑六書八體
中如牛毛繭絲開卷輒膏然何必點畫奇熊君抱隱憂考訂不
自欺客來辨魯亥置酒觴鴟夷才大心轉細豈好爲人師以此
鄉曲間載書來相資緇衣美好賢結交誰復遲況有活水園竹
石含清漪主人擅三絕擲笛同桓伊詠歌空山中足以傲當時
思君別來久厚意千里施展卷逢故人磊落顏鬚眉子雲不世
出荆舒語支離可憐兔園冊謬誤難悉知他年築菟裘傍君雙
井湄博觀檢萬卷爛醉攜一甌睥睨侍側豪役使鼠目兒弄麀
爾何人腰下印纍纍

門人石生餉菊爲屏戴篋圃同年來觀并貽長句依韻

奉答

誰遣花枝伴枯槁步障橫陳麗人好衆芳絕妙鬪嬋娟居士蕭
疎自嫌老朱門歌舞蘭麝吹餐英不入秋堂思朋來我赴山簡
會酒闌客遞淵明詩冷香著人愛黃素蜂蝶所爭懶迴顧霜中
折枝不受春鐙前取影尤宜暮葵心出土卽向陽蟋蟀入戶還
上堂將身感序對屏菊低亞亂堆差免俗期君一日一度來右
手把筆左舉杯遣秋且復和衷哉

東翟依岩舍人三首

下直君如退院僧經旬獨處若無能轅駒真愛主人嬾庭雀欲
爲居士朋仕宦蕭閒因見拙年華荏冉竟何稱緇塵火熱車輪
轉誰要先生脚踏冰

巷南巷北隔橫街各枕枯桐閉小齋壁上山教飛夢過花時眼

爲讀書指逃禪孤坐一燈牖守道曲全千古懷拂鏡開眉還失
笑自呼名姓作乖崖

端居自奉影形尊竭慮常愁志氣昏晝寢難辭尼聖責貴游應
笑翟公門蒼鷹祭鳥名真美腐草爲螢燄亦存漸解平心看月
令物情宜與化工論

汪輦雲落京兆解南歸長歌傲山谷體送之

少時筆硯兄弟親可憐無力回鴻鈞同輩三五有起伏君獨苦
吟長賤貧十載慰君五脫解蒺藜刺心艾炙身每聽風雨泣寒
雁輒念江湖藏困鱗君來辛苦入太學氣極秋冬當換春明鏡
夜照故舊影愛君歡喜雜怒嗔書生氣猛不可屈強力壓制寧
見馴翻杯覆局駭童婢正色凜然來鬼神須臾和溫泛美釀清
辣味厚原最醇行年至強乃可仕古人則然今豈屯廟堂用爾

橐駝坐鵝鷺應憚獬豸瞋我懶閉關抱六籍君來不迎去不聞
承歡坐我老母茵婦具廚饌兒析薪天末鄉人等骨肉況復知
已同斯文高談廢事忘日夕對飯不知誰主賓秋風吹榜復報
罷令我心死同灰塵花前爾淚墮何處我家愁歎驚四隣有司
恩讎本烏有造物播弄知何因翁子五十始富貴人生有才終
得伸所嗟襍被逐萍絮未能柴關鎖松筠明朝相送別岐路我
腸隨汝回車輪

送李載菴敬躋同年出塞省親二首

三年兩度出關行短後衣乘匹馬輕萬里穹廬親舍遠九邊沙
磧塞雲平草低大漠牛羊見人獵長城虎豹驚併入天涯遊子
目據鞍凝睇不勝情

瓊帳燈明忽作花白頭低照鬢絲斜征人出塞依行李戍客愆

期感及瓜歸夢南飄思骨肉臣心老去戀京華那知雪捲龍堆
外重見飛來反哺雅

題姚白河聽雨圖

懷鄉感遇悵離羣醞釀新愁到幾分可惜華堂箏笛耳秋聲如
此不會聞

題韋約軒

謙恒

舍人翠螺讀書圖二首

各有幽栖地追思最可憐出山殊志趣飛夢戀江天碁局爭先
手官袍不在船誰知郭功父原是李青蓮
能圖石牛洞只有李公麟退院僧應閉前修佛自親書聲來半
夜鐙影過西隣舊學商量處依然畫裏身

徐傳舟移情圖二首

詩肩危聳玉山孤島嶼周迴雪練鋪海國波恬諸籟寂成連舟

去此聲無七條瘦玉魚龍聽一葉輕航李郭俱試問紫裘吹笛
者可能彈指伏天吳

雪捲枯槎巨浸中鯤鵬搏擊過方蓬戴舟鼈化一拳石渡海客
憑三尺桐變境呈時諸象出驚魂定後萬緣空由來道力勝憂
患還藉絃歌壓颶風

垂釣圖

結夏千章木消閒一卷書本來心似水誰道我非魚鉤直夫何
取機忘信有諸言尋釣鼈客載訪渭濱漁

庚辰上

題宜春袁魯齋

芳杏

十畝之間圖

門前十畝秧稻田田中老屋三五閒屋內田翁雪滿顛笑看壽
母凍梨顏春來倚鋤愛早起花開讀書常晏眠兒孫耕種解文

字婦女蠶織攻蘋蘩山農提壺爲母壽母飲隣翁邨社酒催租
小吏不入門孝義蒸蒸到雞狗翁昔綰綬官撫寧北平父老傳
治聲萬事不擾市廛靜一物失所魂夢驚中年拂衣臥鄉里不
肯折腰爲俗吏籬邊菊放媚詩翁屋上烏來憐孝子殺雞祭賽
親田功一家和氣春風中桃源誰畫劉子驥壽州自咏董安豐
田家勸課亦經濟世網束縛皆虛空請看吏局三長史何似袁
州一老農

同年戴匏齋

文燈

禮部菜根書味圖二首

昔時宴坐此圖內佳日讀書雙樹閒薺麥共憐君子守雞蟲無
礙圃師閒習靜園林真瑟瑟照人文彩自斑斑菜花開落年光
換展卷還應一破顏

短籬如放夕陽晴算水似鳴環珮聲誰煮雲腴澆舌本笑摩空
腹飽藜羹文章禮樂當官事邱壑詩書出世情只恐拋荒荷鋤
手蹇驢車上過平生

題曾公遺照爲石圃

日珏

賦

我翁友公若弟兄幼聞我翁說公名老來踪跡判隱顯子弟不
復尋先盟三年傾倒曾家季豈知聳是公之嗣捧持遺像索新
題展拜前型徵舊事事經髯述涕淚零言入我耳若夢醒昔公
仕宦賢聲徧畿輔萬家歡悅公心苦廉泉自飲人不知磨蝎臨
宮身莫主生餘父老泣棠陰死得兒孫傳治譜起廢尚聞存公
名可惜青山便終古此圖晏坐神渺然笑看枯木纏朱絃意中
有語不可傳松風入琴時一宣想公當時不以高軒易此十笏
地對花讀書誓與終餘年今公諸子縮簪組各抱鳴琴坐公府
菊墅東湖半就荒笙曲南陔或同補我歌我歎公應聞生不拜

公公豈嗔我聞孝子聽于無聲視無形況有此卷隨髯身

送徐蓋山下第還鄱陽學官任二首

北闕陳書又南宮報罷仍寧同士不遇常恐世無稱君子平憂
戚文章有廢興何人誇早達此事古難憑

好春容易去況奈別情何老懶新知少銷沈壯志多繁憂散行
李古意滿關河可惜飛騰路年年感逝波

題茅鹿門訓子書卷後二首

治譜當時著循聲異代聞傳家雙墨綬繼世兩馮君此職官難
稱于民意獨殷遙從開卷際凝盼挹清芬

屈鐵爲波磔長松裊壽藤揮毫本心正沒世故名稱一字蒼生
繫殘縑浩氣憑何人速官謗甘負讀書鐙

忠雅堂詩集卷七

忠雅堂詩集卷八

鉛山 蔣士銓 定甫

庚辰 下

題秦礪泉學士柴門稻香圖

與君昔同田間來舍鉏橐經辭江淮棲遲未肯戀十畝意思直
欲窮九垓公車數上境蹇澁老農屢報田汙萊是時山店飽香
飯坐羨野翁擔秫蕪枕穴穿光魚貫入世網挂士蛛絲排數椽
僦賃落湫隘一車閉置衝塵埃妻孥食祿免行飢提甕豈願東
臯偕少年結習老不忘微時託處心每懷布衣躬耕臣潦倒豐
年擊壤人和諧櫻鞋桐帽故態出竹籬茅舍新圖開門前禾熟
叟腰鍤屋角酒香鄰舉杯鼻觀潛通稻花窟夢魂遠接江鄉隈
知止心當念廬井受恩身敢還巔涯此情達者亦俱有山嘲隴

笑真類談有田於義不可去況君與我無田皆

又題礪泉種樹圖

中年百事皆飽諳懷抱所向知苦甘閉門奇石作儕友繞身美
樹爲兒男圖書古香爽氣接戶牖靜妙天機含主人晏坐無客
談役使童僕分兩三或攜畚鍤或餅飢氣力巧拙雜秀慙種植
理深或未解培灌習慣俱能堪本根不傷土脈固雨露欲滋筒
溜涵楸羅五株豈易得槐列二本真嫌貪榮華一仗秋氣肅秀
發乃過春風酣先疇勤苦驗多稼析薪負荷期能擔堂垂嘉蔭
意可久息避惡木心無慙置身已除少年想託志何必長林耽
永叔稱翁歲未老淵明責子樂亦湛旣欲其生實欲可求火夜
照聲咕誦人生子弟要佳耳老諄不念徒耽耽心田耕耨倘無
倦他年喬木應森參

黃鶴谿

釋照

舍人以相馬圖索題但有馮某一記未見

圖也書此以報

相馬之圖落何處試玩馮君記圖語一奚引馬顧其主主人科
頭倚高樹馬立矯矯樹不如相者何人城北徐我聞地用莫如
馬曹霸而來幾圖寫世無孫陽相馬經不知圖中主人所師是
否西河子輿東門京畫師身可作馬形其法可備儀氏帛氏及
謝丁都護青驄豈得見鄧公廐底不須定爲房駟精十二閑中
雄姿柔德漫題品可憐塗泥驛傳馳者負者焉足評年來西師
轉戰數萬里就中汗血之馬千匹萬匹爭立功與名天山嘉禾
供芻秣長城海水飲罷還嘶鳴絕塵滅影奮奇逸卻顧花前陌
上款段孰重輕若借相馬之法觀人恐未合請舉東萊妙議可
以非荀卿王充辯相頗辭費此論未許名爲衡莫使丹青凡手

寫凡骨幾人親到渥洼窟請君來相大宛所貢充滿濯龍廐方知出羣之物不在肥與瘦

陳時若 奉茲 同年令蜀中次韻餞之二首

飛揚老兄弟十載幾離羣得第真嫌晚當秋卻送君循良千古業治理六經云那可耽詞賦輕談玉石分

聞道空船峽陰崖轉側晴布帆無恙去蜀道未難行官稱詩人地秋宜白帝城文翁本何術常是一編橫

辛仲家弟 熊昌 要同人爲文字之會次泰初舍人韻

底須膠漆說雷陳同姓招攜不厭頻
脚跡吾家原故物頭銜明歲盡
新人他年宦海當求岸如此秋光忍換春
願逐酒龍長夜飲拍浮三十六金鱗

故澤州牧修公信侯 國龍 詩爲公子永定河司馬滿謙

齋 保 作

當吾誕生時公致仕六年吾生甫及晬公復入澤焉我翁髮垂艾匹馬往急難九齡翁歸來竊聽述公賢凡公在澤事約略知未顛看翁笑復悲夜闌燈黯然冉冉閱三載時公樂邱園我翁三入澤縛我坐馬羈太行青峩峩公名遍雕鐫澤人話遺愛婦女同涕漣政教苟未深愚賤何弗諉突兀見公祠崔魏府衙連豚蹄走兒童伏臘森豆籩問公何能爾請識澤人言言公初至時擔石易三緡發廩借民食活者億萬千減耗及除役撫摩呻吟間誠心冬日融善氣春風妍公與父老遮公袂孩提牽一州爲一家孰知公是官何來撼公者一黜公被冤州民擊鐘譁此意皇天憐公危復就安歡迎溢壺簞平陽民亦譁其譁太相懸謂苦酷吏虐變且等揭竿檄公往撫綏數騎如飛鳶不挾討亂

兵但申誅暴權片語民入城詰朝市復廛至今絳縣叟談之有
餘歡澤本無亂人公爲築城垣澤亦供軍需公爲蠲俸錢以此
立公祠公去民泣攀澤人言若是昔聞今益全我翁謝澤人古
誼爲一宣憶公困縲緲林木嗟禍延州民勇赴義釀金一千鍰
白晝散陰靈脫公桎梏邊思公再往省將老還入燕衰顏主賓
對把酒悲歡填老屋餘蒼苔清風吹古絃偶聚遂復散悼公遊
九原傳言脊令痛哭殉頽齡捐汨翁攜我歸奄忽返道山定知
二老翁泉下仍往還我年二十九東遊滄海壖文登公舊治異
政俱不刊溯公宰此時歲月六十遷東人如澤人所思尤緲綿
當時公壯盛定力持猛寬強暴入鞭箠獍劣皆帖奉安良捕寇
盜平獄誅淫奸循聲達

天聽賞賚因羅駢澤人在東者相語若弟昆篋墳倘共吹父母
難獨專兩地我親歷聞見毋少愆可知百世後仰慕龔黃虔公
子守治譜所在民氣完湯湯永定河長隄帶蜿蜒迴抱甘棠陰
下覆廉吏椽中堂龕木主畫像垂巖端主人感霜露主婦躬蘋
蘩享祀公百齡典禮爲吉蠲族黨合嘉會孫子肅駿奔我隨賓
僚後再拜愴心魂景行三十載乃得瞻公顏几筵神洋洋生氣
齊晉旋政績壽千古歲紀寧可論東人祭海島澤人祠河源請
看雲氣中千里交香烟

喜晤秣陵李晴洲

朗作二首

一千人內不羈馬十五年前未脫錐太守槐廳掄秀日先生蓮
幕下帷時文章青眼終身感桃李春風一日知惆悵平生景行
意雲山眞恨訂交遲

念舊無如秦學士逢人每說李詩翁江湖夜雨因相憶貧賤天

涯各轉蓬蘽籠更名慚小艸雪泥留爪見飛鴻由來風義兼師
友傾倒秋堂一拜中

韓湘巖 錫胙 同年令江左二首

吟詩作循吏讀禮任經師魯國絃歌遍諸生卒業時來乘京國
馬獨把相公卮坐論招賢閣羣公未許窺

依依堂戶月灑灑故人杯驛路仍相別離憂不可回與君絃外
賞此意性中來執手慚東野春雲到眼開

孫勗堂令安徽二首

齋粥能勤學韓歐亦早孤婦翁知國士北地有通儒上第三年
學新銜百里符清時重守令莫謂一官龕

倚棹江南岸山川試一憑過都求疾苦爲政戒趨承官甌塵生
好臣家壁立會盡心須學術常剪讀書鐙

蔡葛山 新 司寇觀海圖二首

拂袖蓬瀛許暫還無煩海客話神山惟將報荅春暉意寫入
君恩似海間

蠻舶商艖門羽翰收帆針路賀安瀾天吳對捧珊瑚樹暫乞先
生理釣竿

疊舊韻東南鄰韋約軒舍人

隔院聲聞宛一家坐堪同席出同車經廚過訪應無間人海因
依卽有涯撲棗未須防婦拾乞醯猶可倩僮賒春來喜送窻前
艸佳兆應生閣下麻

卽事

剪將秋水作瞳人喜有精神大過身失乳重憐爲母苦多男倍
覺在官貧

七月二十六日四兒斗斗試周戲成

堆盤列几試貪廉探手仍將兔穎拈慧業根芽何必爾儒生風味正無嫌若與三兄分硯席定從老子乞書匳他時學畫葫蘆好休似迂翁筆陣嚴

送羅旭莊

暹春

前輩典粵東試二首

赴闕重依講幄旁朝衣將點柏臺霜持衡忽奉樓船使過嶺非同陸賈裘十乘明珠生越海一星南斗應文昌靈槎直泛秋河下不用仙人五色羊

笑持使節過鄉關父老歡迎太史還竊比臣心文字水最當人意吉州山故園風木休縈夢歸路梅花足破顏載取炎方珊瑚網到扶桑曦彩耀朝班

京師樂府詞十六首

弄盆子

先擲一盆當空起再持一竿拄盆底竿頭盆轉如旋牀持竿之人目上視竿竿銜尾次第續忽直忽彎隨所使露盤端正向天承蓮葉偏翻任風倚竿人舉趾飄驚鴻疾行緩步仍從容乃知持竿若把筆收撒頓挫皆中鋒有時作勢令盆滾竿欲離盆盆自穩暗裏抽竿盆不知仍賸一竿相播引以竿植地足挽之雙手合掌不肯持回眸視盆尚旋轉宛若天龍獻鉢隨禪師須臾竿繞肩左右優曇亂開珠四走旁人驚恐彼失笑盆乃完全竿脫手吁嗟乎爾作游民身手利何不從師舞劍器不見飛仙肉身名沈光軍中其拜王鐵槍

畫眉楊

小楊口伎以藝名喉中能作百鳥聲畫眉黃雀與白翎啁啾求

友分重輕魚鷹掠水吹水鳴鸚鵡嫌籠嗔索鈴鷄雛入嚙乳狗
爭狗母受撻雞母驚每當風日佳時使作伎但覺花閒睨眈跳
擲唬新晴鳥學人聲語言好人爲鳥聲喉舌巧轉喉觸諱彼爲
誰可謂人而不如鳥

象聲

帷五尺廣七尺長其高六尺角四方植竿爲柱布作牆周遭著
地無隙窗一人外立一中藏藏者屏息立者神揚揚呼客圍坐
錢入囊各各側耳頭低昂帷中隱隱發虛籟正如萍末風起纔
悠颺須臾音響遞變滅人物鳥獸之聲一一來相將兒女喁喁
睨衾枕主客刺刺喧壺觴鄉鄰詬詈雜雞狗市肆嘲謔兼馳驤
方言競作各問荅衆口嘈聒無礙防語入妙時卻停止事當急
處偏迴翔衆心未厭錢亂撒殘局請終勢更張雷轟礮擊陸渾

火萬人驚喊舉國皆奔狂此時聽者股栗欲伏地不知帷中一
人搖唇鼓掌吐吞擊拍閒耶忙可憐繞帷之客用耳不用目塗
說道聽亡何鄉顛風忽縮土囊口寂然六幕垂蒼蒼反舌無聲
笑耳食巧言惑聽真如簧

唱檔子

作使童男變童女窄袖弓腰態容與暗迴青眼柳窺人活現紅
粧花解語憨來低唱想夫憐怨去微歌奈何許童心未解夢爲
雲客恨無端淚成雨尊前一曲一魂銷目成眉語師所教鐙紅
酒綠聲聲慢促柱移絃節節高富兒估客逞豪俠鑄銀作錢金
鏤屑一歌脫口一纏頭買笑買嗔爭狎褻夜闌卸粧收眼波明
朝酒客誰金多孩提羞惡已無有父兄貪忍終如何君不見鶯
喉一變蛾眉蹙斜抱琵琶定場屋不然去作執鞭人車前自理

當年曲

戲旦

朝爲俳優暮狎客行酒盞筵逞顏色士夫嗜好誠未知風氣妖
邪此爲極古之嬖幸今主賓風流相尚如情親人前狎暱千萬
狀一客自持衆客嗔酒闌客散壺籤促笑伴官人花底宿誰家
稱貧買珠衫幾處迷留餽金屋蝓蜨轉丸含異香燕鶯蜂蝶爭
輕狂金夫作媮媿形穢儒雅效尤慙色莊覩然相對生歡喜江
河日下將奚止不道衣冠樂貴游官妓居然是男子

兔兒耶

月中不聞杵臼聲擣藥使者功暫停酬庸特許享時祭搏泥範
作千萬形居然人身兔斯首士農工商無不有就中簪纓竊紳
黻不道衣冠藏土偶持錢入市兒喧譁擔頭爭買兔兒耶長鬚

闕口供玩弄可惜官人無角牙中山盛族管城派消得盞筵小
兒拜漫營三窟逞雄狡終見一朝成粉碎君不見狸頭破敵稱
上將麝頭求官作奸相驩頭食魚頗自豪魃頭逐疫顏何壯吁
嗟乎昌黎先生傳毛穎青史弄臣皆佞幸形容不待老見疎纔
過中秋便無影

戲園

三面起樓下覆廊廣庭十丈臺中央魚鱗作瓦蔽日光長筵界
畫分畛疆僮僕虎踞豫守席主客魚貫來觀場充樓塞院簪履
集送珍行酒傭保忙衣冠紛紜付典守酒胡編記皆有章礎刀
過處雨毛血酒肉臭時連士商臺中奏伎出優孟座上擊楫催
壺觴淫哇一歌衆耳側狎昵雜陳羣目張雷同交口贊歎起解
衣側弁號呶將曲終人散日過午別求市肆一飯充飢腸我聞

示奢以儉有古訓惰游侈逸不可無隄防近來茗飲之居亦復
貯雜戲遂令家無擔石且去尋旗槍百日之蜡一日澤歌詠勞
苦歲有常有司張弛之道宜以古爲法毋令一國之人皆若狂

雞毛房

冰天雪地風如虎裸而泣者無栖所黃昏萬語乞三錢雞毛房
中買一眠牛宮豕柵略相似禾稈黍稽誰與致雞毛作茵厚鋪
地還用雞毛織成被從橫枕藉鼾鼾滿穢氣熏蒸人氣暖安神
同夢比閨房挾纊帷瓊過煥館腹背生羽不可翽向風脫落肌
粟高天明出街寒蟲號自恨不如雞有毛吁嗟乎今夜三錢乞
不得明日官來布恩德柳木棺中長寢息

冰牀

九門一夜頗黎合玉帶彎環抱城脚冰牀出碾輕綃痕舟無櫂

艣車無輪箱中坐客苦偏仄放溜飛馳收不得如蛇赴壑箭出
弦不利偏頗宜正直止水可涉冰才能無足而來牀氣力未煩
杯渡鴨頭波已覺身游水精域陸行鬪捷車苦遲共鼓貨狄那
得知輿夫莫漫耽耽視且看東風解凍時

開溝

井田雖壞古法留街衢下列行水溝道旁錯落露溝眼積穢所
入淤不流一歲一開夏政修五城官役役溝頭溝頭斂錢按門
籍溝夫畚鍤啓溝石窈然深黑惡氣騰往往溝夫死絡繹左溝
先開右溝遲街面土作街心池溝中滓穢汲萬斛傾注池內日
曝之康莊坎坳行不得一月車輪暫休息官人騎馬懼昏黑陷
阱在旁君可識左溝將閉右溝開驗溝官吏次第來疫氣流行
借溝氣月令觸犯人身災君不見路人握椒相引避掩鼻如遊

鮑魚肆江南此日夏初臨紫陌風傳蘭麝氣

潑水卒

城內天街淨如拭老兵潑水有常職軟塵不飛帶餘潤風伯揚
之無氣力泥掃反道見禮經負土抱礮兼守更司寤掌夜比都
候宵行夜游分以星街心除掃如鏡平驅馳但許官車行微風
細雨真堪樂坐對軍持怕久晴

堆子兵

街心巷口屋一椽鎗挺插架弓矢懸地分營哨棊局布法本亭
候臂指連老兵佩刀兀然坐坐倦頽然枕刀臥反裘執鞭亦壯
哉色動九門提督來朝來愁雨復愁雪鏟削塗泥出雙轍晚來
戴露還戴霜敝裘風透寒莫當煤車過處兵相笑稅之一撮非
爲暴市人爭鬪兵解之彈壓行路守伏尸轉更聚喊發高唱擊

柝吹螺遙守望千門萬戶熟睡肢體舒獨有堆子之兵如鰓魚

搖鈴卒

衆卒守夜如鰓魚一卒擊柝巡街衢破帽籠頭冰滿鬚敝裘反
穿折腰軀臀後挂鈴牛鐸如一步一搖還一趨以柝按節聲疾
徐二鼓將盡三鼓初人家開門笑盧胡半夜嚴飈透肌骨忍寒
出看搖鈴卒一回跳盪與一錢柝聲鈴聲共狂顛兒童笑倒籠
鐙邊可憐昏夜營求之態亦辛苦不如白晝人前八風舞

唱估衣

古廟官街各成市估客衣裳不在笥包囊網載重如山列帳當
衢衣滿地數人高立聲噓呵唱衣價值如唱歌相誇奇服極意
態千衣百裳身上過手足將疲唇舌燥欲賣還看衣帶票短長
寬窄稱其身絺繡文章從所好衣新衣舊閱人多人往人來取

衣較形骸土木原可憐牛馬襟裾或相笑我聞東南蠶荒絲貴
人又飢機杼倚壁織女啼眼前道殣盡裸葬令我對此愁眉低
縫窮婦
獨客衣單襟露肘雪中凍裂縫裳手檐風吹面身坐地兒女爭
開唬笑口夫難養婦力自任生涯十指憑一鍼狂且或動桑濮
想蕩子戲擲秋胡金君不見紅粉雲鬟住深院雙手不親鍼與
綫笑他女兒性癖習女紅窮人命薄當縫窮

唱南詞

三絃掩抑平湖調先唱攤頭與提要高談慷慨氣麤豪細語纏
綿發忠孝洗刷巫雲峽雨詞宣揚卻月批風貌冠纓索絕共歡
譁玉筋交頤極傷悼密意感人最慘悽談言微中真神妙君不
見杭州士女垂垂手聽詞心動鸞皇偶父母之命禮經傳婚姻

私訂南詞有

辛巳上

題袁楚材舍人臥雪山房圖

槎牙老樹蛟龍折寒雀無聲樵徑絕橋南十枝五枝花門外千
峯萬峯雪誰移茅屋山中間屋中臥者身姓袁其人豈共木石
隱此意卻借丹青傳君家世守孟氏易王臣之烈後必延汝南
隱德類邴吉介節磊砢蒼松堅吾儕心骨沁冰雪冷淡直奪炎
飈權未須苦寒學蟲蟄吐納可以回春暄丹衷未肯逐灰冷何
必露處如焦先君今擁被直薇省章奏繞身銅箭永禁門鴛瓦
合瓊樓宮井琪花凍銀綆歸來寓扉閉寒旭拳縮童奴若龜鼯
卻思山中燒楫柚新釀溶溶注杯瘦笑尋父老卜豐年醉與妻
兒惜餘景可憐局促百僚底鬱鬱用才文字境既不跋馬行九

邊又不待獵持橐韃官街夜有凍死骨雙牖獨聳哦詩肩高臥
之心毋乃苦安得大地鋪黃綿吁嗟乎萬間廣廈何時具正少
圖中屋兩椽

吳二匏

寬

舍人贈方氏墨並索題句

舍人贈我蒼玉璧紋若元犀堅過石晴窗磨試光黝兼但覺烟
雲吐靈液我生守晦寡嗜好熙載昌言等奇癖惜命不如崔老
融奪好差同李公擇譜經所記亦焚如南北宗門分系脈廷珪
以下十三家耳食誰能強稽核唐時墨官職已廢潘谷沈珪猶
踐迹陳惟達麝篋難侵朱萬初香人共惜易水遷移重款派祖
墨應難萬金易羅方手製已罕覲而況蔡瑫景煥之遺焉可獲
我聞高奴石脂采已盡遂以松烟競標格斧斤所向分棄取林
木呈材互因革膠煤歲久乃凝固所以犀角魚胞光奕奕舍人

之友密菴氏列竈燒烟肩是役齋題茹古媿曹吳力抗強宗制
虞號建元遺法等家訓六義五象加潤澤鎮庫應防供搜討入
水定知無裂磔賤新貴舊有常理他日視今猶視昔我無文字
服絳人不解草元分黑白班孟王遠太狡獪聊學滕蘇飲空碧
舍人囊中亦何有圭者珽者珮絡繹贏得途間傲鄙夫壓倒綾
紋刺三百

羅旭莊前輩寓齋丁香始花招同人小飲分賦

堂虛畫簾深院靜春風度朋來玉堂客花發丁香樹短檐交綠
陰疎牖羃芳霧婀娜左右列蓓蕾參差吐紫綃倚霓裳霞裾綴
瓊璐氣馥郎官含枝柔美人護蕉心苟共展桂性亦同具名能
佐百藥根本絕羣蝨尚書手所植草木亦成故依人齊兩肩夾
砌並雙跗觀其繾綣情似客相愛慕尊前兩歌者孌孌蠻與素

持觴唱玲瓏。舉芳沍甘露。回眸花影亞。接袂香颺。互幽襟。好月照喜色。紅燈助酒鱗。沁餘馨。絲竹發深趣。留髡斗石盡。投轄更籌暮。攀條花欲睡。拾葢春還駐。醉看帽簷斜。蹢躅插花去。

德州趙叔常

大經

以鄉人畫鸚鵡屬題

我聞鸚鵡不逾濟。魯人寫生乃如此。偕遊不共白鳥籠。獨立却與蒼鷹似。丹青花鳥未多覲。鸚鵡山雞等閒耳。林檎便面出裕陵。元吉蘆花傳畫史。君不見子舟之筆利如錐。不材爲福語亦悲。韓公感賦亦何有。荆州餉客毋乃癡。吁嗟乎轉喉觸諱多辛。苦舌在何煩學鸚鵡。但將畫幅挂田廬。地有蝗蝻借君捕。

同年薛補園

寧廷

乞假省親樂陵戍所同人書冊爲餞

兩度彤墀對問時。似聞天說挺之兒。父名竊感

宸衷記臣罪惟應

聖主知代戍身留空有子。陳情書奏却憑誰。木蘭心事緹縈恨。不忍看君淚雨垂。

王燮堂春郊嬾牧圖

老牛不受黃金羈。況被文繡充廟犧。齧艸春腔礪雙角。舐犢樹陰偃兩兒。秧針刺水風日暖。彼牧何人似牛嬾。麾之竊喜鞭箠閒。勞者相憐筋力緩。江鄉老農歌豐年。門外白水連青天。爾牧不占夢中語。此意隱向圖閒傳。君昔牧民得牧理。至今牛羊共歡喜。疲來忽動曳尾心。寫去應傷牛後志。千金之犢服紺轅。屋角偃臥輸烏犍。乃知耕耘牽挽之債。有定分不見出關青兕僕。僕馱神仙君云兩犢。卽吾子千里之駒。何必爾是牛是馬。數則然角挂遺經。背書字君不見長江浩渺萬斛船。安穩不如牛背閒。今歸去訪牛眠處。可以當時抱犢眠。

題劉創野

爵謀

秀才詩卷

質樸交奇士端嚴近酒人衆方嫌禮法君獨抱天真門外山原
古窗前艸自春燈明念詩老三復最傷神

葉紫珊

敏

下第南歸索詩送行

力田可逢年磨盾可從軍市門倚者誰不如刺繡紋喪馬未云
禍覆鹿或忘羣蘭膏以明煎蕙艸以香焚致身亦有時用志戒
其紛夫君南州彥讀書貫邱墳朱顏被鄉舉顧盼生青雲名駒
一再蹶長嘶惜蘭筋憊然厭微逐歸然舊窗芸從俗本無益守
道良足欣吾鄉尚風骨規矩垂先芬譬諸拙工手難運巧匠斤
君爲六月息閉戶功可勤養雞與承蜩豈必爭紛紜絢爛返平
淡矜躁等醒醺盛世無棄才底用悲劉蕢

送陳澄之

濂

孝廉還商邱二首

尚堪將母臥夷門襟上何須點淚痕逆旅相關惟舊雨盛年差
喜是朝暉無窮至味憑書卷難遣繁憂仗酒尊目斷楊花飛雪
苑河聲嵩色最銷魂

照人光采比干將驗氣誰瞻北斗旁蔡澤問年心本壯陳平看
鏡貌非常經春別夢橫幽朔一寸愁心滿大梁可許枯查泛伊
雒與君兄弟坐沙棠

謂令兄望之太守

何鶴年

在田

孝廉放鴨圖

庶人守畊稼執鶩以爲贄義取無他心舒緩乏遠志伊人嵇阮
徒結想山水次昂昂駒匪矜泛泛鳧寧是力雖怯匹雛食豈爭
粒糲續脛或可悲沒水罔自棄友君東湖側蒲葦雜菱芰浮深
交素纓戲廣接文翅集若雲霞鋪來比風雨至卽無畫闌鬪敢
引竹弓試菽稗感不足磨礮聲輒避今同漾萍茵襜褕短翎寄

我將童化翁君乃翔復墜呼名慎語言減脚懼泥滓已輸鷗鷺
逸却讓鷹鷂鷲升藻爾終能飛易我何恃紛紜丹青手畫虎誇
絕技何如龍伯高終爲自全士

和彭芸楸

元瑞

同年移居詩二首

生白剛餘斗室虛榻來舊雨對牀居已拌痛飲消長夜忽漫移
家闢小廬抱膝久耽人外想低頭還讀館中書柴扉犄角延三
益夾巷招攜不用車

觥籌棋局任天真周北張南步履頻原毀本無韓子筆閉門初
絕庾公塵相依各叩尊前志屢空俱留賤日身料理齋鹽堪永
夕一鐙分照骨嶙峋

送王燮堂還丹徒二首

十載挂高席緬懷京口山故人淹吏局江水自潺湲我折琅邪
柳言從魯國還不知頭上月分照使君顏

鐵鑿咽江聲驚濤下廣陵關河諸友隔詩禮兩兒勝哭母烏盈
樹懷人雁一繩浮家他日約應有闐風乘

苦雨仆牆戲東北鄰韋五舍人

初疑落奔雷再疑馳礮車三日仆兩堵二宅成一居舍人我同
心卜鄰半載餘月輸兩餅金各負一蝸廬櫺連鱗瓦接檐合蛛
網紆側耳聲聞通入夜守望俱蛩駘恃或然駝鴨媪則無豈惟
水火求每感疾病扶臥聽兒女唬靜誦古人書循牆遵乃銘仰
屋守其廬夏霖淹淡旬牀下將生魚性情戒屏翳託處宜空虛
土崩間隔去塲毀遮蔽除料非神鬼瞰頗類穿窬剝商君破井
疆陳仲隳廉隅長城究誰壞短垣寧自逾毋乃子產猛其或干
木迂知命信無咎處堂何必愚幾同羊觸藩竊懼豕負塗點睛

怨僧繇立壁慚相如六月雨不止數椽恐成墟及肩可窺君捧
腹真笑予汲婢慶合簪爨媪欣連裾主人互約束畫地分城區
臣僕不逾境勿罹春秋誅君仲有新婦綠窗定踟躕局戶垂房
櫳閉置如在與君有兩嬌兒毛羽雙鴛雛中庭問詩禮我子堪
陪趨城府既不設畦畛詎復拘別嫌禮則然交謫語亦俞仁政
始經界畊者敢睢盱陰霾苟驅埽版築盈街衢君當效豸求落
以吾家廚眉睫起屏幃糞土加堊朽且爲樹塞門居然兩夷吾

晴

朝曦豔豔漾簾波人意天光一樣和蟬響暗移嘉樹美瓦鱗濃
放濕烟多遙山滌翠鬟新沐積水涵虛鏡乍磨便有官人強馳
逐驢車門外沒泥渦

家人

窗櫺曲尺午風徐掃地常教鏡面如老嫗曹騰聽詠歎小鬟粗
醜罷妝梳推枰尚戀全輸局插架猶多未讀書愁看嬌兒支病
骨瘦妻唬眼最關渠

五更

讀書一室古人滿看月五更清味多洗滌我懷加冷澹牽連人
海尚蹉跎濟時勳業應難必學道年光恐漸磨坐數殘星聽雞
唱曉風頻試骨嗟峨

讀史

讀史鐙前率性真每當快意笑還嗔閨人解聽談忠孝午夜追
陪泣鬼神歎佩相看俱惘惘雖麟每問亦津津綦巾愛學儒冠
腐故與梁鴻作主賓

醉醒

醉聞星斗落空階醒看風雲入壯懷木榻深宜幼安坐蒲團雅
稱太常齋愁中補履收名劔興到敲壺折古釵難覓菟裘與終
老此身還借亂書埋

斗兒病劇

兒女情猶未盡忘辜帷忍看阿侯庭雪膚全減存山骨唬眼微
開避日光乳失經年糕作餌醫窮衆手藥堆囊最憐病婦垂雙
筋終夜奇擎繞曲房

略記

略記兒時病不勝可堪慈母耐凌競燈微夜怯釵蟲化鑪冷衣
懸淚雨冰力瘁劬勞衰故早老無甘旨累相仍朝衫黯澹今爲
父只是無言枕曲肱

尊德會詩爲同年蔡季實

以臺尊人作

諸叟宴分湖布席齒讓敦朋來八耆舊坐有三達尊几杖帶烟
霞饋醕羅兒孫我讀嘉會詩如觀集西園深衣冠峩峩白髮容
溫溫或仕謝組綬或隱耽邱樊或鳴鶴在陰或抱犢是羣就中
神仙姿翁實主嘉賓竹石具生理花木含餘春和氣一蒸鬱道
機盎然陳堂上何所有琴瑟連壺尊古樂發天籟真意揚華氛
豈惟鄉黨敬實見風教淳宛如親醉翁陶然倚紅裙時和歲年
豐壽星輝卿雲

兩宮祝遐嘏輔翼番番臣春融萬年枝熙怡徧垓垠修撰蘭臺
彥珥筆頌義軒藉玩瓊琚詞益仰詩禮芬乃知尊德堂芝蓋承
靈椿況有龐眉壽歌詠山澤濱年年迎翠華相率康衢民或令
載後車禮養來成均修撰扈講幄得省高堂親執爵醕父執
拜舞顏色欣以茲孝弟意泃然感鄉鄰共欽良宴會再舉通德

門走無龍眠手遙繪黃綺倫作詩附史官直筆臣所云

三里樓邨居圖爲同年顧北墅雲吏部作

昔年君在畫圖居今日天涯看畫圖縮地應嫌費叟費移山真

效愚公愚江南水鄉何地無樓名三里距白蒲如皋有白蒲鎮溪翁忽

抱艸堂想畫史恰許鄉人摹水如環珮樹扶疎綠啖界畫僧衣

鋪籬落春帆嬾娜卸隄腰繡壤參差鋤就中成室蔭修翠人外

小築開林閭赭牆周遭隱衡廬檐楹向背結構舒門前老屋三

兩俱牛羊倉廩然非歟邨農渡澗酒旗漾穉子掃葉漁歌呼門

內堂廡曲尺如小樓突兀堂東隅逸老所巢思前儒堂後竹石

奇秀儲軒窗深隱連限樞堂名貯清旨趣殊好風油油萬象蘇

左日熟睡右花雨宛見希夷天女來于于中藏圖史琴瑟觚主

人晏坐曾讀書阿瑛玉山此其亞巢民辟疆今已蕪燕居風日

每忽視勞人夢想多鬱紆君今退食念桑梓尚可面壁遊枌榆

況有弟兄友朋共晨夕寓齋花木亦足相歡娛憐余典宅泛人

海虛舟從風堪盧胡一椽蔽身等蝸寄對畫乞爲黏壁枯

九月十四夕夢中作二首

屋偏藏老樹衣濕散歸雲水氣乘閒出山身向晚分年豐農事

足客到犬聲聞便借茅堂宿無因識隱君

鐙暗雞傳唱涼生月入扉破空人語細行遠寺鐘微地僻消塵

慮心清集道機明朝出山去幽思定多違

寂寂

屢空吾真拙長貧計本疎重衾雙敗絮兼味一枯魚長日蕭蕭
過華年寂寂除平生賤温飽此志定何如

哭四兒斗斗八首

百藥因兒試三年在母懷眼昏雙濁鏡骨賸一枯蕪落葉鴟鳴
屋移鐙鬼嘯階那知寒月底玉樹竟生理
乳燕啁啾似哀哀喚母頻雙眸憐久暝一息苦相親學語如祈
命呼名徧別人游魂與精氣何藉去來身
氣盡猶疑睡形銷豈是臞喪明先及汝喋血死何辜薄福留冠
履深恩乞襍襦撫摩經百徧纔冷到肌膚
函骨棺三尺呼兒痛一家撫尸勞祖母掩面別娘耶戲具都爲
殉生年竟有涯萬千憐惜意到此不能加

汝兄皆穉弱哭汝繞棺旁其命三雛在同巢一羽傷孩提知死
別友愛出天良慘切呼子弟哀哀小鴈行

僧廬開小圃淨土闕黃泉穴坎藏兒骨書名刻墓甌延陵心最
苦白傳誌堪傳忽漫成癡絕吾生等逝川

寄埋永樂
菴後園

劇憐新鬼小焉用紙錢多入夢家千步招魂草一窩生宜依佛
界轉莫任閻羅不願探環再彭殤總擲梭
三十七行年吾生亦黯然無成過歲月多感到因緣繞膝情難
已扶肩夢屢牽纔知思子淚不必讓前賢

忠雅堂詩集卷八

忠雅堂詩集卷九

鉛山 蔣士銓 定甫

辛巳下

乞畫竹柬王德圃

啓緒

侍御並令弟詒堂

燕緒

編修二

首

幾年拋擲籜皮冠何處因依綠數竿醫俗漫言燒笋易舞風真
覺放梢難花栽直木聊相慰畫有斜枝便可看欲借新屏空翠
色小窗同我較清寒
裁詩乞畫本來癡移去應如竹醉時但要風駿來幹馬恕無海
石祕仇池巧偷豪奪吾何敢穀是臧非兩不知已掃茅齋三尺
壁待君持贈歲寒枝

贈董生

弦高犒秦師智罈託鄭賈宛人法孔氏曹邴變鄒魯白圭治生
產自謂比伊呂趨時若猛鷲遂作當世祖糟糠苟不厭窮巷徒
自苦貧賤談仁義名高究何補徐君八口家一屨溷塵土饗殮
或未繼風雨孰能侮董生召南裔混跡金陵估嗜學過小儒行
義慕三古鑄名挂仕籍老與選人伍邂逅友徐君同人慶于旅
皇皇傲推解急難亦云屢但行心所安市德本無取乞詩志高
誼感者良足許薄俗競錐刀珠玉易歌舞一擲百萬盡身世託
莽鹵心非簞豆恩意切乾餱忤既逐雞與鶩豈辨璞爲鼠俛固
比封君清則抗秦主紛紛愧董生焉可同日語貨殖傳何人低
頭問遷腐作詩慨以慷竊比怨非怒徐君苟富貴慎毋忘在莒
歐陽可堂觀濤圖二首
放眼爲文者乾坤乃一空每當會心處不與腐儒同石湧千尋

嶂波迴萬里風含豪渺然際常記蠡湖東

此境何能到全收向筆端苦心爲蓄洩奇勢接風湍泛濫吾滋
懼翻騰興易闌低回古人作字字一平安

田退齋少宰招遊陶然亭

小車穿荻葦宛爾泛輕舟野闊瀦羣水陂迴露一樓林亭如負
郭風味最宜秋斗藪緇塵外偷閒取次游

送座主錢香樹先生祝嘏入京 賜尙書秩歸里六

首

朝衣一品五雲裁爭看神仙李泌來心地芝蘭天護惜丹青喬

梓

帝培植上賜公老人星象連奎壁耆舊賓筵集鼎台醉取梅

英插霜鬢尙書真配百花魁

人數山名與古同

九老奉詔遊于香山是日風信甚嚴

紅牆銀漢繞珠宮攀躋

許徧瓊華島游戲真乘列子風膳飲從游瞻

御宿簪裾入畫

指仙翁誰知老鳳攜雛鳳却被中官喚阿豐

公五郎汝豐從游宮監識之

邱園甘旨

主恩偏故爲司農益俸錢誼極

君臣同父子感深廊廟接林泉

重巡樵李期三月再

覲華

胥訂十年還恐詩翁勞杖履特教疑佇里門邊

顏書杜句本無雙柳雅韓碑滿廟堂大手只今歸老宿

聖朝

從古用文章上珍

賜到分牋謝

天語批來透紙香獨握智

珠圓滿極暮年詞賦益光芒

曾參孟軻涕漣漉母像安能乞

御題作記可知歌當哭開圖

如見笑兼啼慕同孺子心常赤孝感

君王意轉悽我亦深嘗熊膽味衰年忍奉一黃齋

郊原拜送共依依奇福新榮自古稀臘雪未容侵老鬢官梅爭

愛點行衣還家篇什琅玕富放眼乾坤錦繡圍傳說

六龍將

過處橫空先看鶴南飛

壬午

石門蔡貞女詩

同郎一月生後郎三歲死郎死戊寅妾辛巳妾初心豈如此父

母之言妾之志郎死戊寅妾生亦庚申妾心隨郎死妾命且復

存郎訃來投筋嘔奔喪未能噴血斗誰留兒父與母誰念兒姑

與舅呻吟牀蓐間姑來執兒手姑言望兒痊姑意誠可憐願將

依戀心繫姑衣帶閒姑云兒勿悲深感兒志堅遂爾同穴心叩

頭謝姑言妾命短長術士焉得知妾病淺深庸醫何能爲郎葬

有日矣妾死其如歸絕粒目乃瞑四月四日時皇天后土色黯

慘千人萬人涕漣漉河城里在石門居者誰蔡與田郎名何田
兩元貞女誰蔡氏媛朱陳邨死央續我銘之激勸存

題少司農裘漫士先生舊照九首

馨膳南陔愛日長家人和樂母康強朝衫肩袖鑪烟暈半漬飴
香半乳香

尚食攜歸佐壽杯分甘真喜衆孫來願摹彩鳳將雛意常博高
堂笑口開

采衣繡祿慶繩繩瓜瓞披圖信有徵子抱童孫孫抱子卅年添
寫到雲仍

右抱兒侍母圖三首

昔年加飯弟兄心宦稿聯珠對賞音不用西堂夢春草謝家詩
意滿秋林

清如雙鶴戲林阿退食肩隨語笑和未讓彭城對牀夜秋聲還

較雨聲多

曾聽溫公拊背詞天真豁露樂怡怡可知勸飯添衣意更勝推
梨讓棗時

人琴悽惻畫圖懸掩卷重思鴈序連歸遣生徒說詩傳定應藏

過脊令篇

右秋林競爽圖四首

遷喬要擇木千尋全樹真教借上林臺省廿年交稷契出山應
慰在山心

蒼顏比較益冲和歲月堂堂展卷過料得歸尋釣游處當時新

柳十圍多

右求友圖二首

黑小子聯句三十韻同戴匏齋李載菴趙春礪朱月階
作

酒器也範砂爲之黝質瓶形一枚值五六錢俗以其賤而適用

也呼之曰黑小子

文房重罇占柴汝官哥判犧尊考子尾

戴文燈

令壺諧曼倩制

器出陶旒規形不秦漢大遜魏王瓠

士銓

樸擬紀侯龐宵貌惟

蕞陋鑿竅猶混沌青黎憶範初

趙大經

沙土亦參半無煩丁緩

鑄豈藉嵇康鍛悶可豁心胸

李敬躋

提不勞手腕袖同朱亥椎

蹲可元孚冠對此邑中黔

朱邦楷

緬懷桐下爨煨以紅爐火置

之青玉案劫燒餘浮屠

文燈

偏提逐款段但期楚醴甘勿辨魯

鼎贖虛中受有餘

士銓

挹彼能無倦詎足佐豆邊或可給廚傳

倒懸子龍膽

大經

徐瀉元暉練每當素交集能使朱顏燦勿謂

小夫知

敬躋

遂蒙大戶訕具體笑樵僥嘉名錫童卯時亦荷拂

拭

邦楷

終焉免塗炭微聽蟋蟀鳴旋看醍醐灌可憐口不守

燈

致令首重頓餅疊尚知恥斗筭何足算白屋儕瓦盆

士銓黃

流羞玉瓚自惟麴蘖腸不利旗槍戰漆身豫讓來游魂伯倫變

危哉居井湑

敬躋

夥頤淘河畔碎軀豈敢惜傾心良所願願君

勿見嗤猶能齊貴賤

邦楷

再送李載菴歸滇南

前年送君北今年送君南南北各極萬里路君身轉徙一再三

人生豈有豎亥步短衣匹馬何能堪緹縈木蘭古女子可憐七

尺今兒男白雲高飛兩阻絕遊子顧之心寸結黑龍江氣馬頭

昏揚磨山嵐衣上滅此身突兀無飛翰手提馬搥身據鞍雙親

久賦垂老別獨往不知行路難與君同甲齒相若況復共依紅

杏壇酒杯書卷易感觸中有孝子唬痕斑天門誅蕩不難叫子

舍飄泊無由安何當長夜哭師寢籍湜心死昌黎韓趙三朱五

等骨肉鯉庭喪禮相稽繙服勞治事倚君獨慮周心苦丰神閒

春風油油合品彙白石磊磊迴波瀾高才用處始一見誠意密
時終自完朝來黯淡整襪被日歸將母言辭酸柳條初轉驛樓
色杏花欲破離亭顏情多忽歎雁分陳道遠且學鮎循竿絕塞
或添雞骨卜北堂已聽芻尼喧三年捧檄辭桑梓過處爭看李
公子傳家治譜劍門留遺愛文翁蜀人祀玉關生入豈無端屬
國歸來其在爾

陳怡堂耕雨圖

一犁劃波牛力勝一牛掉尾游田塍牛背坡陀比山穩牧牛小
兒嬉戲憑主人行田具屐笠細雨潤衣烟霧凝提壺催喚布穀
仍橫笛似有秧歌磨大輪嵐翠三秀承中有抱犢仙人朋弟爲
中郎兄右丞山農不用徵書徵黃金絡頭鼻繫繩試舉問牛牛
喜憎介葛盧云牛有云以羊易之吾未能

題劉笛樓坐月圖二首

何地無涼月鄉山看最明況于高榭上兼有畫闌橫入夜存清
氣宜秋是笛聲天涯今展卷應會百端并
皓魄簾鉤轉邀君坐玉堂樽前逢酒客愁外失他鄉讀畫樓陰
遠題詩笛步當他年官貴日爲我據胡牀

送饒四星垣南歸應省試

昔年偕君駕飛航棊鐙掩映匳鏡光中書愧拜管城子小妹學
爲新嫁孃奴婢犬雞各媚媼主賓琴酒爭角張江山夷險命相
倚弟兄姻亞心永臧匏瓜偶懸便久繫旅雁北鄉仍南翔前番
送汝意頗壯拭眼桂籍期飛揚汝栖故園兩脫解聞汝力學精
神強讀書僧舍眼如月題句酒樓詩滿牆丈夫失意賤苦語志
士養晦羞激昂我心喜玩蟄蟲理汝兄眷念征鴻行兩年京雒

再聚首兒女繞身揖拜將苔痕滿地我高臥馬蹏踏階君上堂
每欣真氣出胸臆不厭鄙性同桂薑今君再歸逐秋試對酒惜
別傾離觴科名張鷟士弧矢反求志體休旁皇布衣貧賤亦干
古隱遯豈得栖膠庠俗士尋常溷軒冕美人不必皆嬪嬙忠孝
根心敢菲薄浮沈守官奚短長古來貴人若沙蟻青史所載晨
星望可憐當時困阨者百世仰企何光芒君歸日飲湖上水清
味足浣塵埃腸富貴時至則可有勝敗偶爾毋庸傷知君久識
得失理咏歎淫泆期不忘青袍席帽九千士就中稷契誰能量
才高命薄未可恃識遠器大終難方我兄見君定痛飲道我懶
情形羸尪小園三畝倘相過坐對菘韭嗟蕪荒日歸未能情悵
惘舊雨嘲笑非爲狂酒龍詩虎亦何有爲我問訊新城王
堂也

羅旭莊前輩既移庖廚于書室至舊庖屋爲舫齋要同人賦全韻詩落成予得十賄六十韻

移居等置碁趨吉比求賄安或就湫隘危或避爽塏門問互啓
閉徑路數遷改相宅古有經發室豈爲詒先生學道者寂處觀
自在隨寓足安樂掩關謝尤悔守舊知有常革故亦復乃檢帙
帥詩婢徙薪督膳宰如轉粟就民如挾岱超海陵谷本相替幽
喬成對待書牀換珍廚經笥易食櫺攜來短檠鐙負去太羹鼯
掃牆滌舊污墜壁受新采簾紋水差差砌石玉璀璨碁局阡田
田硯山岫鬼鬼畫義依茗壚琴拂承劍鋸鑪香坐椒蘭瓶卉列
喬隗懸圖看海岳澎瀛帶巋巖山鳥若鳴春池竹欲舒筴談塵
飄離披酒具簇礮礮風光一室聚文史百川匯岸舟與陸舫取
適自閑頽差同濠濮游底用波流浼主人招要頻數子過從每

耽吟賢乎已好客敬勝怠小史調琴笙中饋出脯醢闔題蜥隱
孟聯句珠綴琲老輩擅詞場公才故十倍筆鋒摧四軍心花吐
千蕾竒情動膽魄妙理解頤頰幽含秋蕭寥秀發春蕩駘鼓吻
餐繁英漱齒嚼細蓓赤幟驅百靈華構結萬綵取譬嚴附會數
典却腐鯁豈惟振衰靡實可起萎媵從朝或至昃自卯輒逾亥
掌握一寸鐵力舉百鈞礮十手未搴旗三矢已奏凱豪奪曹景
宗雄壓慕容廆獨提鷓兒軍似著獅子鎧能令萬馬却不畏衆
石礮橫馳莫與抗絕叫誰敢欺當公偏師來令我壯氣灌以此
固壘守數以疑兵給自維郊島儔濫與鄒枚宋孤栖惜羽毛獨
酌平礮礮如鳥驚襪襪如竹枯尫尫如獸走躑躅如木病魁癩
繁憂繭抽絲雜感髮覆髮顧影形偃僂看鏡面痲瘡舉杯醉司
命似見鬢絲睢已知白守黑不望盧變彩紛紜厭薄俗跌宕想

綿載可憐懷抱盡遂令容顏備久齋道人心罷鍊健兒骸退鷓
難彊進飢鷹故先餒降旗爲公倒應諒岌岌殆鑄詞笑贅附命
意誠鄙猥投詩抵銜璧庶贖逋逃罪幸從君子室永以佩蘭茝

題秦樹峯尚書味經圖舊照

玩易梁邱賀談經井大春當時貴公子一代讀書人絕學真難
繼傳薪要此身平生耽六籍餘事出經綸

題觀海圖送譚誨亭侍御赴興泉道任三首

列戟施行馬驕嘶御史驄地分閩嶠險官到海波融符節提封
遠魚龍拜舞同憑虛遊汗漫心目一爲空

春水綠生波其如惜別何展圖看巨浸把酒唱勞歌島嶼千門
列乾坤一鏡磨無煩射犀手談笑伏蛟鼉

放眼洪荒外塵襟得展舒爲郎思省月秉鉞任輶車浪湧琴仙

舫山移裸國魚星查臨浩蕩應載木元虛

感事述懷詩爲重光觀光兩彭郎作並示衣春冠同年

方伯坐薇省禮士清惠堂我時衣逢掖得近君子光灑落賓客
間出入弟子行豈有文字才屢辱言詞張官書束林筍百手不
可將公把判事筆疾掃分目綱政舉人心和豈唯庶事康江山
氣色靜草木生意長至今傳口碑在昔垂甘棠多士樂宗師羣
黎愛爺娘官民十載過協洽尊卑忘用我文詞間坐我琴樽旁
詩歌雜碑銘刻晷須成章知公戲相困微笑觀閒忙我如學習
鷹又如觸藩羊但知逞搏擊豈暇虞遮防縱恣鬪捷敏淺露成
顛狂公竟罷塗改亦復無懲創謂如出胸臆出向羣公揚吾師
檜門叟共抱冰雪腸與公風義友載我星槎航相期松竹堅不
但桃李芳跌宕兩賢側愛惜同琮璋以此友公子志業多扶匡

是時子兄弟繞膝三雛凰季甫在襁褓伯仲纔扶牀頭角俱蘄
蘄秋水瞳人雙碧梧翠竹中安樂自有常長養拂天羽他日看
翱翔豈知十年間萬里成阻障波濤鼓雷霆宦海不可量烟雲
隔夢境雨雪霏愁鄉身代無由能驚慟唯自傷巢覆卵幸完岡
焚壁猶藏每從嵩洛人可憐問訊詳伯季抱經史仲也奄忽殤
何期兩名駒蹠蹠燕雲黃執手復看面喜極翻惻愴爾翁閉請
室五易星與霜歲時一存問橐籥具壺觴痛飲對獄吏兩耳鏗
銀鐺當時頭上月下照圓扉牆省親來二子默默無言相歡意
動頰頤悲情蘊眸眵戀戀不忍去侍側歷旦明叶至孝感臯陶
益驗知能良虛堂置樽酒團樂酌諸彭爾兄我同甲與爾鴻鴈
當禮求心所安無取分低昂願持一寸心積誠格穹蒼 聖世
放囚詔或慰緹縈望語繁雜悽酸痛定哀存亡墓門落何處感

歎懸滄桑長歌誌弗諼追憶空茫茫兩郎骨相竒豈久羈組繯
奮志殖所學慎勿嬉而荒八蹄驟雲程六翮排天閭上書陳苦
情會待闕析楊

次韻答家仲升

元樞

孝廉

麻衣如雪記分襟聞道王哀廢苦吟畫閣琴書封別館聖廬鐙
火夢荒林梨花麥飯鄉人淚宰木烏啼孝子心還遣親臣祠
故相九原應泣

主恩深

鑾輿過吳門

遣官展文恪公墓

畢秋帆

沅

修撰以其友像屬題絕類應真戲作

如來面作白月滿卍字當胸智珠轉萬籟不聞耳觀寂豈識芭
蕉有舒卷偶然現身入畫中淮海之士陳元龍不知其人視所
友題者彙列文章雄邊太守呂將軍羅漢有武復有文惠洪笑

指雲堂像失却西來第五尊

戲題右軍扇嫗圖

老嫗識錢不識字竹扇被污擔入市市人爭購老嫗驚縱橫蛇
蚓何足爭將軍墨戲那可復老嫗貪錢心未足好持六角換鷺
羣還爾腰裙書滿幅

送涂品峯

錫禧

比部乞休還里

著書恥襲諸儒意治獄爭排羣口議胸中直氣抗秋官眼內方
瞳無俗吏以刑救世天心慈酷吏殺人豈得知溫舒坐守法曹
老學者厭計官崇卑入臺典郡看流輩萬卷圍身一鏡對朝衫
已作荷葉枯歸夢新從風鷓退忘年與翁交最真文酒往復鄉
人親六十康強驗道力鶴骨矯矯熊羆神紅袖添香列才婢綠
酒問字來嘉賓齋鹽送老有餘味詩禮教兒皆能馴一朝投

挂帆去便臥江鄉狎鷗鷺同官歎惜愧轅駒賤子低回感萍絮
圖書雞犬船中存送君目斷柴桑村歸田定入耆英會築室還
開駟馬門

題孫二西峨眉雪騎圖

疲驢入蜀尋親者三十年前倩人寫張載曾題劍閣銘文翁久
祀青城社雪氣出卷寒光懸天梯石棧紛鉤連蜀山萬點失空
翠縞帶一線相縈旋哀猿墮穴子規死白氣反攝東西川危橋
屢縮凍蹇足積素漸重蠻奴肩此時遊子懷明發應恐霜花點
華髮冰綃寫入皆有神舊圖可寶兒孫珍昔賢題詩贈孝子今
日看畫思先人謝公述祖存風烈一卷堪傳忠孝節從今孫氏
讀書幃不用階除借殘雪

七月二十六夕夢中十字橋題梵宇左壁

羅袖迴風燭影搖河聲浩浩馬蕭蕭神官笑解金魚贈仙吏歡
持絳節招大筆干霄山作案寒濤飛雪氣爲潮嶽寄厯盡穿天
眼暫駐旌幢十字橋

汪溶川同年來都喜晤有作卽次移居元韻二首

七年離思不曾寬忽漫招攜舊雨歡問訊幾番勞驛使優游真
怪戀田盤烟霞疾痼方纔起膠漆盟深豈便寒比較鬚眉驚老
大試磨明鏡與同看
絮語頻商出處難年來已覺壯心闌蟬魚食敢求仙字鼃龜居
仍落井闌坐廢頻增身世感酬恩真負歲華寬幾人姓氏堪青
史雁譜煩君重檢看

送鄭東里先生

之僑

三首

三年兩度見吾師函丈依依似昔時種樹已成仍灌溉散材將

老倍支離文章報 國慚通隱桃李先春感受知許作衙官陪
屈宋願從詞客采江蘼

典郡餘閒闢講堂濂溪古跡發新香雲山入眼天空闊樓閣凌
虛地鬱蒼儒術從來兼教養清才自古說沅湘文翁事業傳青

史老手專城獨擅場

平生隱德可箴銘芝草琪花徧鯉庭肘印新摹二千石函書恰

授十三經公子十鶴琴隨地娛清節名字從天寫御屏八座

好看迎壽母嶺雲深護老人星

無題二首

官柳琅邪本易攀長條踈地惜春殘如何解作漫天絮不點王

孫八寶鞍

紅酣綠瘦小庭芳乳燕鳴鳩取次狂不信桃花人影亂翻令仙

犬吠劉郎

柴門聽蟬圖二首

暮色滿柴荆新蟬接翅鳴林端遲落日風外曳殘聲憶去家何
遠聽來客共清晚涼蛩響續應耐此時情

夢迴孤杖底秋在半林中村抱寒山小門低榭葉紅喧時人語

亂寂處旅愁空輸與圖中叟蕭然倚暮筇

八月六日入京兆闈紀事呈梁觀兩院長及館閣同事

諸君六首

觚稜晴靄汜晨光冠佩趨 朝集瑣廊 御筆僉名珠顆貫禮

臣宣 勅鳳鳴鏘鶴鸞小會聯新翼奎壁重來解急裘時兩院長于塞

命至 何幸微臣檇散士叨陪列宿入文昌

雕輪銜尾出東華六府頭廳已放衙齋日例停京兆宴天衢樂

導使臣車迴翔雲路思前轍指點風檐說舊家那識虛堂清閣
極斗牛邊畔許乘槎

玉皇案吏並台階新侍長楊羽獵回文囿全邀枚馬坐絳紗

仍爲戴彭開同人半出兩先生門下三年種樹依喬木王夢樓宋小巖已卯舉京兆卽出兩

院長節次持衡應斗魁竭好同來簪筆侶十八人皆先後出入館閣是爲盛事朱

衣屏後最低回

院宇深嚴戶牖排登瀛人數恰相偕豸冠雙入監闈使縹檢分

呈聘禮牌鳳覓高梧原有舊曾與分校者皆各居前舍燕投新壘便爲佳難

忘矮屋苔花碧檢點衣痕尙可揩

陳編寢食廿年俱忽漫巾箱寸帙無伏案低顏思卷軸聞雞失

笑近庖廚朝曦過隙心猶惜夜魄窺簾影未孤此是桂輪蟾窟

裏萬間廣廈一冰壺

老眼無花鏡月懸玉堂連袂領羣仙臣心空洞知恩重

天語分明藉口傳兩院長口傳同考諸臣各宜公慎經注牙籤編象緯風

和蘭座聚星躔消閒擬和坡翁句試院茶香可共煎

初七日同趙雲松夜坐有懷三首

雲間坐數珮環聲孤負鸞驂滿玉京却怪天風晚來弱不曾吹

下許飛瓊

縞素衣裳雅淡妝言從魯國伴姬姜婆婆桂樹無人倚閒煞嬋

娟翠袖長

烟雲千里夢模糊料得鮫人淚點枯那識驪龍開睡眼月中相

對念遺珠

初八夜對月感舊呈葉毅菴秦敘堂汪畊雲紀曉嵐前

輩張懷月舍人五君子皆丁卯鄉舉同年故有作

微颺料峭嫩寒尖門徑斜封鎖鑰嚴題紙裁雲同密護印泥分
彩各新鈐秋河顯晦翻層浪好月盈虛隔一簾十六年前今夜
漏六人五處臥風檐

汪紀同舉京兆

乞酒戲呈監試明惺菴紀心齋兩侍御
斗柄插屋百慮收酒星退舍空尊愁遣秋愛覓犀首飲泛月或
喚秦青謳鎖闌靜夜對官燭良友促坐思觥籌豈無法酒醞百
斛但恐濁鏡昏雙眸當關禁令一夫守愚公併力移糟邱龍門
似下萬鈞閘涓滴不作迴瀾流平生文字抵麴蘗豈必沈湎爲
拍浮枯腸芒角藉少潤消渴未欲尋茶甌買菜猶希圃師益貸
米許向監河求豸冠繡服兩儒者闈內司命職有由米鹽瑣細
仗家督江海灌溉資陽侯麴生可否召白墮從事何必拘青州
調羹例得取梁醴多則益善淮陰謀諸君垂涎有同嗜發顏三

爵看油油荷鋪寧如伶便瘞滅燭或者髣還留兩公監酒亦所
願童殺請罰號呶儔不然破觚毀酒具白簡彈劾公其休

謝酒疊韻酬兩監試

酒龍得酒渴吻收滿引一洗尊前愁雲階似有桂叢護月府但
少霓裳謳不知來夜吸玉琰已可兀坐消銀籌深槎未果藥玉
腹小杓恰浸鷓鴣眸杯鐺入口豈嫌少爲下因澤高因邱胥井
心枯豁微竇溟渤量寬含細流須眉倒映色清泚和氣益益春
波浮倒鏘博濟勢不足客則吳越燕荆甌賢聖雖中衆不厭逡
巡解釀吾何求醇醴虛筵敢效穆酒瓢挂壁應同由乞郡誰移
汝陽守居鄉欲奪無功侯遙思撒棘屈指樂過有蟹無監州
三升去向酒胡索一斗歸與山妻謀鄰讐重煩畢卓枕襟痕藉
滌桓元油此願終酬意先騁薄酣易醒身仍留疵瑕求取豈公

度悉索箕歛堪予儔發棠可復虎再搏衛尊不竭真休休

初十夜葉毅菴宮贊監梓試題次前韻屬和三疊酬之
後院鐙火次第收高堂列炬鰓魚愁蝨弧未許一戰霸郢雪再
試羣聲謳蠟丸恐洩出關字虎帳藉運防奸籌削人墨氏各有
職面面爍睽魁星眸循行數墨慎魚豕鐵筆下處如山邱層烟
亂抹雨脚黑萬紙疾過雲壑流靈藥難容兔蟾竊霜楓敢逐溝
渠浮諸生聽漏測經旨各各射覆窺孟甌真詮或與實學契私
智詎可虛車求贊善中宵眼如炬精猛突過兼人由吏胥半倚
牆壁睡刀筆絕少蕭曹侯三分勢比立周鼎各役分據三席九點烟欲
橫齊州燭光人氣互糾結神工鬼斧相參謀不知席帽八千士
幾人坐盡鐙檠油曙星點點屋檐隱曉風習習簾鉤留啓門捧
出隸役散比戶分給青袍儔東方漸白衆欲起六君乃作投牀

休董斯役者六人

題壁間畫松二首

循牆突兀見蒼龍几榻平分濕翠濃可有風雲藏五粒居然樓
閣坐三重寒濤欲捲虛簷月密葉疑留別院鐘鶴夢難尋塵夢
醒不知身傍七星松

十九年前潑墨時

畫作于甲子

盤空真見氣淋漓蛟鱗未蝕泥牆影

鴻爪新留雪壁詩慰我枯禪三宿過伴人長晝一株宜明春誰
更稱彌勒來覓松龕作總持

閱卷四用前韻

試牘過眼晨星收疾風捲擗成坐愁賞音難覓古時樂悅耳且
乏新聲謳分來細載束筍簿棄去等擲量沙籌妙藥寧無辟洸
手蜚鴻不入揮絃眸千鈞一髮敢下筆敗葉堆積俄成邱誰肯

枯桐爨下泣可憐斷木溝中流文瀾浩淼鼓波浪珊瑚搖曳相
沈浮鯁生未覺夢迴枕佳士自許名藏甌豈知弱水不可渡徐
福妄作神山求身世茫茫數有定鬼神默默知其由排風少怯
便倒退射石過猛終難侯飛熊掌且入珍鼎巨鼈冠應加神州
明鏡烏容尹邢遁善戰可敵孫吳謀珠鞭漫策瘦蹇足豨脂莫
轉方輪油圭中有玷尚愛惜沙內無屑仍存留此時心苦孰能
諒昔日曾罵冬烘儔安能借彼九還力砭石一起膏肓休

中秋夕紀心齋前輩用乞酒韻作歌見貽疊韻奉答

青天六幕垂不收明月照破人間愁羽衣想象素娥舞水調欲
發髯翁謳瓊樓昨現壽星彩海屋遠報仙官籌金尊檀板宴今
夕幾家顧曲迴青眸同人閉置聚奎壁鎖院寂靜如林邱闌干
橫挂北斗直臺閣影臥天河流喝月倒行耳輪熱酒鱗灑灑

穹浮朝來啓鑰進食籍京兆餽節羅梓甌

謂申笏山先生

擲杖雖無法

善引犒師且免弦高求罵座寧煩灌長孺授餐喜託顏讐由干
層餅出渭城叟五色瓜謝青門侯當筵公忽奮奇氣浩歌力撼
燕雲州太白不死有此樂郊島寒瘦難爲謀詩成洗盞更斟酌
玉壺倒瀉錢唐油想公鄉思逐潮滿拓弩有夢隨婆留沙棠我
念泛湖舫白社久別尋秋儔夜闌悵望人籟息戰蟻應入槐柯
休

朝來偶作

秋堂氣肅靜無譁茗甃碁鐙似一家退院僧參魚貫出分廳客
散雁行斜畫樓曉日鳴霜角紙閣晨炊汲井華攬鏡朝來看帽
影宮花新颭角衙衙

時有金花銀盞之

賜

覆閱落卷有作三首

六千猛士競橫戈十八霜毫雨點過不敢輕爲紅勒帛明朝遼
海哭聲多

再燃犀炬照波心恐有潛蛟碧海沈記得當時銜木石十年辛
苦作冤禽

不辭倒篋更傾箱玉尺從新與細量忽有陽和生黍谷筆端擎
曲返魂香

填榜六疊韻

合圍大索獵騎收得鹿者喜失者愁歐公豈避馬首課鄭人或
造輿前謳當盆喜奪雉虛彩覆局怕數擣蒲籌藏蕉枉憶夢中
語射雀要中屏闕眸諸生經傳置高閣豈復博雅探墳邱荒村
學究坐講席往往諺種相傳流拔十得五古則爾學海浩淼壺
難浮書城筆陣貴堅固要使無缺如金甌同人默凜故步失

老靜對虛心求天衢雲路關周道先進後進皆同由蹇人升天
忽墮地勇士折臂終能侯京畿首善領文運百靈陰鑒先幽州
良辰榜定按甲乙賢書將入隨嘉謀卷簾寮案列四坐院吏秉
燭燒玩油糊名拆裂細填注公道不泯斯文留姓名高唱說才
俊老宿兼得孤寒儔春華秋實有時命角觝且勸魚龍休

題黃荃仕女戲效香奩體六首

神仙眷屬水晶屏並坐隨肩學誦經願化彩雲偎弄玉徧尋錦
瑟叩湘靈閩風可畏寒拌忍明月無聲夜獨聽遮莫情多心不
死薄嗔微怒任丁寧

戀

殘妝半面暈啼痕綦縞非同倚市門鏡合應償難了願珠沈翻
斷欲銷魂浣餘紗綫貧將母拍徧笳聲老受恩只怪朱顏憔悴
極牽蘿辛苦向誰論

怨

遠山眉黛鵲華舒一笑曾褰百寶車
看手文朝盟後戲牽裙
縵晚風餘雙聲又誤仙郎顧
散髮何堪阿母梳
熟誦心經重懺
悔那知愁煞病相如懃

笄纓初上翠鴉盤
對鏡妝成不自看
羅襪生塵容我賦
玉釵微醉挂臣冠
紅蕉紋窄書何密
修竹風和倚却安
底事三年壓金綫
尙須惆悵嫁衣難懶

盈盈年紀試妝新
睂翠纔添粉未勻
花曆半舒仍匿笑
眼波微漾却迴身
藏嬌有待終迎汝
記曲能多或殢人
聽徹玉簫渾不寐
可能騎鳳一歸秦昵

相悅相憐姊妹行
寒宵驀忽遠相望
靈風定送憑虛影
好月宜窺絕世妝
醒易睡難教輾轉
愁多歡少耐思量
導師解證三生事
却恨雲窗隱曲房憶

題趙松雪仕女圖二首

雙頰紅潮絕世姿
笑從鴛鏡看蛾睂
如何誤觸金如意
暗裏偷尋懶髓醫

初試重帷五蘊湯
羅衣暗卸解明璫
海棠簾底窺新浴
纔信昭儀透體香

題壁間畫花木四首

兩行叢桂倚娑羅
秋色平分夜氣和
不似人間梅嶺樹
得春濃處得花多丹桂

陽和端借化工迴
桃李無言接葉開
松栢顏唐生子少
任他蘿葛寄枝來松栢

將開欲落最愁人
遮護頻頻洛水神
忽放瑤池雙菡萏
就中狂煞采蓮身並蒂蓮

禁舞山香佛力堅驅除靈麝賴神鞭如何迦葉含微笑只在拈
花手指邊 佛手柑

送張二翁堂

景沆

落解歸濟寧省視并懷錦堂

兄弟雙龍劍雲霄一羽毛幾年悲覆局三復到離騷我夢南池
月君浮濟水舸相思如北望應上酒樓高

董參軍詩書付兩孤兒

景沆

不似人間尋常詩

七年不見董參軍孤兒突兀來破門三尺五尺孤兒身喚我作
叔揖拜殷問之哽咽淚霑巾忍痛細聽孤兒云太歲在丑父使
秦于役客死秦無人浮漢曲溯淮之濱八口尚滯漳江濬狼狽
買舟北向奔伏戎于奴肱篋蹇寡母有翁官虎賁老病編戶高
唐氓母寡可依託饗殮旗籍却注雙雛鵝老僕擔兒若荷薪乞
食苟活歸我昆戚鄙死亡無六親族祖帶甲老益貧兩孤倚託

歷冬春兵糧養育

朝廷恩國書有學業頗勤每懷旅櫬潛悲

辛欲返無力哀鮮民我聞惻惻泣且輦解衣裹兒肌骨溫秉燭
作書緘素鱗飛達漕府楊公轅公抱道德依于仁踰月報書一
一言遣吏覓棺棺故存載以糧艘妥游魂遠涉勿慮蛟龍吞反
覆誦之顏色欣八月秋濤捲高旻舳艫截漕停析津百緡再爲
謀舟輪由通達涿工力均合葬爲啓前妻墳土花蝕骨窳木湮
易匱歛藏重沐薰孤兒泣血皇天聞君名法喜名宦孫厥祖弘
毅令奉新殺賊捍患祭法尊不及百年事漸淪王公與吾時我
藩我爲言之達九閭 朝命旣下俎豆飭君及陪祀受賑膳君
云隱願幸克申此外官職安足論言猶在耳跡已陳哭君有詞
連類因友于我殯義可循九原可作知我真

十二月二十八日哭同年田伯庸

玉成

檢討于蓮花寺

四首

七日春迴藥竈温
踉蹌為爾慟黃昏
三禪證果維摩室
十地修文宰相孫
壽骨難憑真怪事
蓮花不染見仙根
六年同館重傷逝
還忍俛寒哭寢門

庚辰吉香晚庶常卒于歸舟

瀛洲同日拜恩時
卅六人中最少姿
華胄頻煩

天語及

君每引問爾乃田懋之子

見上必

初階稍為

國書遲

君習當庚辰散館

國書

散館

特旨再留教習

一年辛巳授今職

清門再世貧逾甚

強項如翁介

可知典盡琴

尊存直氣掩關愁
病倍支離

錦瑟重張十五絃
愛看雛鳳影娟娟
懷家忽賦新婚別
送婦歸承太母憐

舊疾逢秋餘骨立
殘年乞假謝羈牽
如何欲賣羅含宅
先掃香龕結淨緣

親闈噩夢可分明
視殮悽涼幾弟兄
除日蓋棺羣變極
西州擁

鼻百憂并人天解脫
微微笑鴻雁翔迴適
適驚賴有阿咸朝夕
哭招魂真見死生情

君養病禪室唯族子光國孝廉相侍屬續之夕則子與李衣山陳松山在焉

繪檜門先生遺像藏祀于家敬題幀尾

竊比終身慕平生
一瓣香遺詩不忍讀
沒齒豈能忘饗祀
難為報音容宛在堂
九原誰侍側待我白雲鄉

忠雅堂詩集卷十

鉛山 蔣士銓 定甫

壬午下

寄賀熊廉村中丞移撫浙中四首

門庭清肅倚雙藤
卅載朝端介節稱
鐵面猶傳京兆尹
牙旗再領大中丞
銜兼樞府威何遠
世守冬官信有徵
不愧臣心清似水
自來周禮重廉能

特達圭璋感受知
龍幢又向越中移
邊人定臥棠陰轍
粵嶺應摹峴首碑
澹泊依然初服志
勤勞益著在公時
春來民氣多和樂
掩映湖山草木姿

護花椿樹慶齊年
各紀春秋歲八千
筵步屏山一衣帶
蓮舟鶴侶兩神仙
崇高守貴諸侯孝
令譽榮親百祿綿
想見華堂壽觴

舉老人星現斗牛邊

油幢晴日射崇轅雪偃江湖靜不喧鄉有前賢朱相國古推名
宦李長源爲邦正學看宏放在手元功得潤暄早晚尙書喉舌
地履聲翔步領三垣

寄懷熊滌齋前輩時就養浙中三首

養素真如鶴在陰湖山端要壽星臨告身一品新冠冕宿望三
朝老翰林海月江潮重攬結風船水枕細探尋高年鐘鼎兼邱
壑天愛詩翁爾許深

蘭陔芳膳映簪裾僚佐稱觴禮問徐開府誰能鄰錦里老人真
合住華胥六橋宛轉迴簫鼓八座尊嚴侍起居十里紅燈滿堤
月兩行牙將捧安輿

撰杖依依笑語融三年夢繞石城東玉堂風月思前輩書榻琴

尊憶太公蘿薦新承喬木蔭孫枝舊接杏花叢伏生倘應元纁
聘經席重資一啓蒙

癸未

靳大千哀詞二首

有序

大千名樹椿鑲黃旗人爲文襄從孫乾隆庚午由興國州牧來
守吾郡明年爲遊客媒孽被劾予時纂南昌縣志見公詩乃與
訂交甲戌公車再執手都下遂久不相見壬午歲暮公奉詔
來京師攜一子一僕栖逆旅一夕中危疾走告予予往視之公
伏枕流涕言罪廢無家挈家人乞食淮南編籍清江浦爲文襄
祠堂守者歲食其香火之資昨迎鑿蒙恩許入覲今病
且死無倚藉者唯君賴焉予惻然爲具醫藥謀日給而公以癸
未元旦竟卒因典二裘爲公具棺殮作詩哭之

飄零江浦替祠官
靳總河孫若此寒香火錢輕家累重祖宗功
烈

聖恩寬迎
鑿許附羣工
覲刷羽真同獨鶴盤不道成翁首
邱志歲朝消受一桐棺

昔識礪明一語親訂交文字亦緣因率更貌寢寧辭侮馮衍情
疎或被嗔表墓誰題前太守寓公應誌老詩人清淮渺渺龍堂
在魂魄歸宜駕赤鱗

陳仲牧員外新刻山谷詩集予惜其未見任天谷註本
拈韻示蓀圃四首

空山古寺曉鐘定
斷磣老木寒烟深
橫枝臥壑皮骨裂
好花靜發春天心
誰歟涉險覓幽賞
水力上篙絕
菰蔣石牛洞中吟
苦時此境在胸成獨往

戒衣懸珠傍龍象
圓蒲坐忘藏佛心
絕壁如鏡入僧影
古雪沒腰禪定深
樵徑齒齒不可往
枯藤舞風似菱蔣
一聲梵唱落諸天
不許宗門野狐賞

太白仲連嗟已往
睨視秦少游錢穆父與鼃美叔蔣穎叔整斜疎密是爲

佳那借歐陽季默賞
蝓蚌江珧天下珍
至味獨契髯翁心
江河萬變同歸海
行潦潢汙自淺深

雙姑插天幾人賞
不似青溪小姑蔣
飛仙劍俠帶孃娜
絕跡凌空妙還往
書家孰解綿裏針
世無善本剝蝕深
陳郎未見任淵註
梨棗成堆亦苦心

題袁楚材舍人臥雪山房圖三首

苦愛山中雪重圖
獨臥身亂峯白似水
古木彊于人谷鳥將遷
樹巖花欲報春融融
風力轉解凍及佳辰

四十飛騰日寧同暮景斜窗懸虛室白夢落老夫家冷性耽邱
壑孤踪感歲華只應添二友謂子與蔡班卿呵筆賦尖叉人谷
散帙憑烏几飛花點敝裘硯水鸚眼合爐暖芋魁留境比天懷
潔詩隨酒力道不知烟外艣誰泛剡溪舟

錢慈伯客游山右學使幕中寄示新詩題其卷尾

心兵困文史忽忽意不懌但尋隱臥几罷理踏青屐春風來堂
堂花信含脈脈晴烟倚朝杏暖氣抽宿麥不知細犢車已徧軟
紅陌詩傳上黨緘書報遠方客啓械豁新愁洗眼驚暴獲始觀
舌拄腭再讀手加額情往理竭來事過感彌積初謀讐底醉繼
效橘中奕游藝道本在玩物志頗役稍稍累口腹駸駸溺閒適
飲醇過魯釀擊鮮勝灤鯽搏兔全力爭烘蝨九族赤幽思發深
秀妙旨窮刻畫興盡悲或乘痛定慘尤劇由來兒女懷足動壯

夫魄終篇意縈繞掩卷緒紉繹記從并州兒昔仗雲中策浩歌
太行險俯瞰天井窄山川一塵影歲月兩駒隙卽今拂顛毛坐
想整飛翮如何展敖游往復怨局脊願違每多慕境有莫知惜
請看雁門守不如一逢掖

移榻蓀圃寓齋同居匝月書壁志別

僦屋待君兩月餘春風吹到南來車孺人繡幃行次且入口尚
滯任城隅簾櫳著地燕寢虛招我由房賦鳩居我時避客謝毀
譽如蟻墜戶蝸隱廬攜被擔囊巾卷俱瑟縮共處壺公壺茶烟
不動臥綺疏隔牖愛聞君讀書琅然玉琴戛鳴琚聲音和平心
志愉朝餐夜飲主客娛三年瑣事談徐徐李生溫潤玉尺如詠
嘲時一相盧胡閉門清晝筋骸舒依然並肩山澤癯誦君文章
明月珠積久始達其時歟修身力學福祿胥底須鐘鼓饗鷄鴟

鳩化爲鷹鼠變鴛鴦理所莫測事有諸懷哉君子慎厥初仕宦閱
歷知苑枯弟兄同學勉相於門外輪蹄各奔趨東風解凍開河
渠扁舟躍躍上冰魚明朝我去君掃除孟光睂案來斯須小鬟
炷香博山爐鏡臺修潔看妝梳早眠晏起友朋疎對牀風雨還
能無

得史閣部遺像並家書真迹三首

誰爲保圖繪公久外形骸身不歸柴市神猶墮藁街遺容亡國
棄賸墨野夫懷可惜梅花嶺無人裛此埋
守祀無兒託偕亡倚婦賢危軀成獨立正氣本孤懸蔽珮難同
畫精靈許比肩請看家信字血淚故斑然
代重雲臺像公堅馬革心孤忠前世事殘局再生任畫日身猶
在傳來感亦深虛堂駐靈爽從此謝銷沈

辭補園夜飲味道齋次韻奉答三首

低頭亂書堆百端入我抱堂中古人徒門外長安道功名何紛
紛寢食但草草麥秋未可期春色已如掃綢繆仁恩施枕藉餓
夫倒官粟發億萬民命有遲早感激託微祿妻子幸相保行歎
復坐愁孤生寡朋好

獨酌觀萬物美醜皆有姿同生風日中亦復爭葳蕤形氣分陰
陽各自爲耦奇君子氣常靜順以成歲時天地多境界所值偶
得之虛舟泛微風江河浩無涯身世苟局促拇指生駢枝倚伏
有至理消息如相期

微禽對啁啾飛蟲互翩翩餘花落深院階蘚青連錢一二君子
交澹然相與還所言多迂闊共式道義門辭復忠孝士頻來慰
清寒古意在琴瑟深情託壺尊好我本天性豈但文字間請看

酬酢詞燕居告温温

再酬補園三首

三復館閣文鬱鬱傷懷抱豈無俳優詞所慮終害道古之玉堂
彥剪燭視何草生者春華榮死或疾風掃食飽一酣睡竊比玉
山倒求達嗟已遲固窮幸猶早不知士夫志何以異傭保再拜
語辭逢底用賦詩好

顧臨河朔偉魏徵娥媚姿肝腸雪霜白腰腹瓜瓠蕤薄宦不快
意豈獨傷蹇竒此儻念明發淚墮無人時孩提懷抱中老大間
隔之朝餐感半菽夕夢天一涯安車東方來笑倚護樹枝把酒
更遙祝偕老同耄期

長袖則善舞羅袂何翩翩西施市上過可憐值一錢物盛終會
衰世無丹九還君本作達人亦住祇陀門譬啜湯飲水自知暖

與寒醇醴豈易謀餘味留空尊我非瑚璉器敢戀堂几間何以
裹凍骨薄綿信竒温

次韻申笏山

甫

少京兆移居時晴齋二首

齋爲汪文端故居

鑿壁潛通屋數楹齋頭重認醉翁名移山却免愚公負縮地疑
從費叟并室邇偶然分主客牆低自昔共陰晴琴書取次過庭
院略有當時紫燕迎

宋玉曾居庾信先結鄰當日信因緣替人本是同龕佛別墅應
題並繭綿水竹園荒空入畫

笏山舊有三分水二分竹書屋圖

滄浪亭小漫輸

錢松陰若見邢和璞不待書鏤異世傳

謝吳百藥

肇元

侍讀餉滄酒

釀法古亦多于今蕩無遺海內指數者南北分屬之北醞尙燒
春乾和實其師禦寒疏滯注立效過良醫風月歌舞筵文字鶯

花卮舉此作酬勸未覺相稱宜譬如勇敢士束縛就矩規骨峭
風稜稜奇氣多盱眙南醞出吳越絡繹舟車馳會稽比若下越
客尤居奇佳者故可飲味敗酸豈辭齟齬作贊歎強顏爲飾詞
豈惟善文過飲趣實未知況聞讐盎中砲藥陰塗脂義取毒石
固行遠無損虧可憐沈湎徒瞑眩頭如錐吳醴例作甘甚或如
飴飴昵人故恬媚似少烈婦姿久嗜生宿痰停積傷胃脾水爲
酒之母先天本于斯麴蘖等習染美惡殊可移泱泱滄州水淥
淥波淪漪土人汲而釀五齊六法施湛熾器復良滴滴珠槽滋
品居通介閒弗敖弗詭隨清冽異剛復和易難狎嬉淩雪愧庸
劣汾潞慚嶮巖羊羔濁乃俗羅酒怯且羸條山在畿輔大力負
者誰詩翁不善飲妙解糟與醪雙鬣笑相餉口沫垂頰頤上以
佐甘旨轉我親顏衰下以滌壘塊慰我枯腸飢澆書盡半槎豁

悶傾一鴟歛抑緩酌斟敢掉長鯨鬣嬌兒或偶竊下客焉許窺
孰補酒經闕南董多偏私此酒類通隱嗜者罕見推我性頗與
近再拜顯以詩願代長者醉揚鱣當折枝倘肯寄外府不妨繼
纍纍本作醇醪交詎同甘醴啗請覓社公酒報德爲醫治

百藥
患聾

故云

張松坪

坦

前輩手植庭前新柳題句十二韻錢擇石先

生補畫橫幅同人和之

生意垂垂縮柔情縷縷緘雨絲初入剪烟鎖半開函睡態纔偷
起眉痕欲競影青圍春女織碧破化工鑿弱尙難勝舞疎何忍
遽芟分躔連井鬼惹恨到塵凡薄暈賊黃酒斜披慘綠衫飄池
魚影貫縈笛羽聲誠蟬噪分明待雅藏特地銜眼疑將盼眄腰
漸露纖摻攀折兒童戒栽培伯仲監

令兄秋芷
侍御同居

隋堤鄉里樹合

浦吉祥杉松坪時復館職遮幔朝眠穩窺窗夜雨喃書堂羣翠古筆陣

一軍嚴渭水情無那琅邪感亦咸便添舟作屋檐際著輕帆

癸未傳臚日公宴寶齋堂紀事

主客圖中大京兆文章坐上老詞林事成典故風猶古宴答筭

簧禮重尋奎壁一時開朗運門牆三處得春深謂戴篋圖第示王羽仲大鶴王

詒堂燕緒三編修十年鼎足台司地還嗣錢唐座主音乾隆年一甲三人同為六卿者

唯乙丑稱玉堂盛事少司馬王白齋先生主今年禮闈故云

題葛仁山天申長林小憩圖

眼無纖埃塵胸有萬青壑與君觀九原死者誰可作沈翁自窺
鐙丁老久成鶴鳶蟻理亦同儻忽苦相鑿君把相墓經冥搜極
寥廓自披法和圖甘受呂才謔平生循吏傳慷慨置高閣十年
幾返頭四海一行脚驚鳥繞上林鍛羽竟何託每馳貴人車去

試隱君藥貧猶賤黃金饑或撫空橐我亦信州士醇醴對斟酌
何時買青山漫擬營石柳意多趣難窮求寡心自樂倘偕逍遙
游從君理雙屨

送顧息存汝修前輩罷廷尉歸蜀二首

落落君子友藹藹同年生蒼顏閒黃髮真意樽前傾道德文詞
閒往復鳴嚶嚶佳時聚簪黻巾帶春風縈古道良可師薄俗但
相輕先生具篙楫諸老圍籌觥就中羅豫章欲別還怍怍可憐
後進者觀感難為情

巴江接天流猿聲隨峽轉蜀道古曰難歸人獨稱善猗猗成都
桑綠陰差可辨當時題橋字一笑脫軒冕瀼西開溪堂簾牖碧
波卷鐙明聽兒讀韭香留客剪平生稷契懷深杯藉一遣秋月
兩川明離心較深淺

送吳二匏舍人返歛二首

心折延陵四舍人詞源筆陣露天眞風流最怯秋來散仕宦多
從冷處親黃海分雲圍老屋紫泥添印署山民行騰去約蕪湖
長消受江鄉跌宕身

謂杉亭也

圖書瀟灑具扁舟繡襪紅糝足破愁官雅妻孥存愛敬才高天
地怯雕鏤中年風味思行脚九月霜華欲上頭那得偕君賦初
服本來池鳳半汀鷗

王石谷倣郭忠恕湖莊秋霽圖爲諸桐嶼

重光

編修作

洲橫衣帶如田塍遠近界畫湖三層一巒左立端秀凝山下老
樹頭鬚髻樹裏人家湖莊朋兩家相接薛倚膝簷楹深淺向背
承北鄰堂庶欄檻仍屋多人少烟嵐蒸兩客水榭几對凭一客
空堂坐如僧南隣小閣高峻嶒有叟讀書童子香門前修竹遮

蘿藤屋後挂瀑笙鐘磨湖西怪木之而矜別隱崇臺供眺登奚
奴臺趾負書升主人長嘯羣鴉翻湖色一白波不興涼雨已過
秋光澄洲橋隱隱沙嶼乘行客簑笠同魚鷹牛羊馬驢脫羈繩
牧人一一揮之肱遠山斷港洄洑緮灘石累碁浮芡菱此湖此
莊不可徵石谷收入六尺繪恕先原本見未曾名手所作寧淄
澠郭奪樓觀藝苑稱尺寸矩度莫減增清暉摹之氣力宏豈但
烟客傳明鏡我友山水癖有恒挂之雪壁映壺冰鑑湖欲乞尙
未能對畫願爲屏上蠅林泉福命未可憑江鄉何處拋魚罾畫
師可作舊本膽卷中著我君莫憎紙鳶一線吾猶勝

恕先有紙
鳶圖一綫

長丈餘爲
藝苑奇品

蔡瞻亭

觀瀾

侍御以十年前不寐舊作屬和時侍御督

賑東壩因次其韻

十年一詩成故紙公昔不眠今早起新懷伏几得良多舊句粘
牆哦不已守官聊學鳥擇棲閉戶豈同居近市偶然奉使東郊
停河堤僦屋安疎櫺是時饑民去鄉邑十室已見八九肩犁鋤
拋棄付渚澤椽棟折輦來神京
聖恩大賑列十厥督者
詔遣蘭臺英先生分隸駐東壩花驄
鐵面人知名雁鴻初識溫飽樂溝壑漸轉陽和生朝曦送暖入
茅屋四野流亡罷奔逐苦心哺穀力扶持實政敷陳手封錄春
深定有老農歌月朗不聞新鬼哭赤子是保

阜至仁牛羊司牧何如人衆流湯湯展溪壑兩岸蠹蠹堆芻薪
柏臺整肅衣冠古正學承家說漳浦公餘力學足自娛挾策臨
書功獨苦閩中士夫能習勞風節砥礪各有曹百年相守久恐
變涓涓易極江河滔我生豫章性陘隘早年任俠儔荆高希榮

久效蹇人拙好義竊比饒夫饜酸寒坐廢但紆鬱跌宕自慰誠
粗豪報君濟物有時命俯首詞賦予心切蔡侯靜者肝腸白齒
豁頭童亦堪惜此身于世須何益相與和詩尋典籍

同年李衣山以內憂去賦別七首

靈氣天地間轉旋無端建方畫疆域始判中與邊人才以代
興盛衰若循環末俗重勢位割據文章壇牛羊見方隅各抱蜣
蜋丸生前獵名譽死去多寂然雕蟲本小技剽竊斯可憐忠信
苟好學十室有聖賢奈何輕薄子詡詡邊人前

眉山屹然立蘇氏父子生退之產昌黎歐陽起廬陵子厚萬事
裂亦有身後名鄉人配永叔卓犖王與曾古聖多北產學問相
師承自秦漢而下秀靈散蒸蒸何人立門戶其言良可憎讀書
貴自立援倚何足矜可憐疲瘵卒云是衛霍兵

而翁生滇南一出驚衆目

至尊拔用之下士皆蜩縮仕宦有通塞世態多反覆率性行所
安文彩在鸞鷲持衡歷吳越斯文久相屬俯首大宗師巨鼎扛
百斛遙望點蒼山萬里接天綠

十五病骨立夜讀聲達旦定交藥竈間我困君未冠六載喜同
甲餘事弄柔翰所契本天性出入比鴻雁君時擅詞賦筆力百
家貫纂組架上書五色一編爛窮經解象緯凶吉瞭然判填門
長者轍占卜各有願誰憐李翰林文字作貞幹

妖狐能祟人百計莫爾傷媚惑雜恐怖毒害過虎狼孱孱五尺
軀挺挺百鍊鋼鼯鼠五技盡其去如鷹揚君作驅狐詩直氣排
天閭以此驗志節外鑠不可戕韓公亦有言百怪入我腸恐是
文字魔幻爲時世妝

浩歌無古今君每露隱憂問知母疾痼嗒然十春秋不語復不
出不藥不喜愁形骸若遺忘扁神類天游君婦左右之至孝無
與儔一朝委蛻去夜壑藏虛舟生膺一品封歿歸十二樓君于
草土中夢母南海陬潮音擁仙巖或者居上頭
中年盛哀樂況與君別離君去得所託我窮欲何之悠悠人海
中九陌車雷馳知己古曰難頗戒求人知坐廢兀兀身日誦無
益詞嗟哉同年友死亡閒此儗食祿感恩抱志將語誰當秋
兩行淚因君情益悲

袁止水

匡肅

舍人香影庵圖

茅堂四開天地白老樹橫斜鬪標格蒲團偶現宰官身驢背曾
爲苦吟客飛瓊下舞羽衣亂天女歸來蕊宮闢十株五株羅浮
雲千片萬片南山石花中有人屋深淺雪後尋香風順逆習靜

休題彌勒龕巡檐漫比林逋宅樓臺水月幾家住花柳春風萬
人陌湖山車馬足徵逐水玉窗櫺何偏仄乃知孤潔異本性獨
守高寒信竒癖嗜好所寄各有真畫圖可著平生身千年老梅
萬古雪要與居士傳清神冬心老翁金壽門解寫此意筆更新
用朱頗似玉泉進尙質不減龍眠麟君藏此卷已四載塞山往
復隨鉤陳馬蹴層冰四蹄熱驛使孰寄江南春空山入定經幾
旬面壁欲叩三生因可知絳衲參禪者不是紅衣把鉤人

邵蔚田

嗣宗

前輩杏花春雨圖三首

曲江風颭帽檐欹十二年前第一枝忽憶江南春社好小桃初
謝燕來時

絕倒金門索米人不知原是此花身上林風日蓬萊樹拋擲年
光到幾巡

輕陰乍閣裊烟絲孤負瞻蒲荷鋪時安得高眠黃犢背笛聲吹
過晚晴遲

前蜀王錯書妙法蓮花經殘葉爲鄭西崖口作

龍八月見洵陽麟十月見璧州武成三年祥瑞哀扶天閣功臣
圖文思殿貯羣書張格王錯恩禮殊賊臣紛紛事殺戮學士寫
經藏浮屠妙法蓮花有正義六萬九千五百字能以圓教度無
邊王八子孫應世世危腦帽何不祥金蓮冠倚醉糝青城山頭
衆仙戲彩雲作衣霞作裳官妃唱罷甘州曲畫舸龍翻錦江綠
簾帷珠翠滿城香爭看李巖來聘蜀貪狼怪風橫空來回鶻小
隊官人迴三趙邨南十八芻佛力普救何有哉潼川剩有琴泉
寺八百餘年塔輪圮經函幾倖劫灰遺却被頑僧等閒燬一千
三百二十言首卷殘葉留人間燼餘幸落鄭君手唐末手迹相

傳觀平章相業無可紀妙墨唯存書數紙當時共仰筆如椽降
表還推學士李

送劉創楚秀才還里

仙源豈在五雲隈誰遣劉郎誤入來明月冷穿京國樹秋風寒
到故人杯乘軒病鶴如初瘦北鄉飢鴻合早迴却愧留賓無一
榻不知何處用鄒枚

題紀心齋侍御滌硯圖

隨身一硯三十年墨香入骨光黝然石君老去面如鐵主人達
後心同堅早充良田任耕耨近與白簡相周旋平生文字出胎
養幾度洗伐求神仙相偕入畫喚老友滌之偶仿襄陽顛練紋
鋪砌散冰玉松液繞指生雲烟陳元出浴體滑笏秀氣別染苔
花鮮先生所思渺何許兀兀露坐精神全昔人硯癖本好事後

世愛物思人賢張華之德尙可念玉帶況以文公傳三災恐置
俗流几一唾防污髯翁涎真手不壞豈在硯淄者磷者皆可捐
臨池恍惚聽石語與公守黑全其天

釋石先生寓齋小集分咏叢菊

霜枝倚叢叢冷萼粲可數香分野人擔秀出老僧圃入市隨蟹
柿遣秋敵風雨蕭疎成慰藉閒澹相嬉媿幽人階砌間得此足
賓主吾師一畝宅小院數弓土四時蒔雜花香泥釀芳臙行閒
蝶蜂競隙處藥苗補灌溉各有宜剪剔俱入譜西風動簾帷金
色滿堂戶層軒面南西獨樹閱今古益以君子交骨性實其伍
冷吟開簾罽閒醉出尊俎頽齡那須制晚節故相許腰脚苟長
健萸杞亦奚取寫生屏可張助美籬當樹尋秋及敖游送酒約
佳侶師如御籃輿門生尙能舉

送汪魚亭還里

來何栖栖去艸艸送君再出長安道柳條不似昔年青秋氣真
隨故人老君將入仕游未倦我欲著書心已槁不忘溝壑守窮
乏耻向妻孥說温飽年來自許粘壁枯相對猶憐擇枝繞君身
木彊氣不屈神鬼揶揄百端擾高才易竭須善繼美譽難勝貴
終保千金屢散身枉勞萬卷重開歸及早孺人穉子入鄉夢淚
灑燈檠客懷渺陶潛醉語醒者怨杜甫登牀貴人惱家無擔石
豈得住主客初心亦難曉敝裘羸馬天蒼茫投轄傾囊事縹緲
漫拋心力繡平原誰出黃金鑄賈島卅年故舊幾人存千里關
山何處好布帆安穩浩歌還回首交遊跡如掃

汪魚亭爲亡友趙山南

由儀

作芙蓉城雜劇題詞四首

信有神仙便可招滿樓江色氣蕭條才人命短詩人困還忍低

頭按綠么

玉宇高寒日似年嘔心文字悔生天芙蓉落後嬋娟死只恐仙
官亦可憐

同物偏慳會面緣記從滕閣望歸船我登科日君垂死還住人
間十六年

夢作閻羅事已非恐勞詞客再霑衣橫江我有將軍板待拍驚
濤十丈飛

送孫壺園比部出官閩中糧道作述舊篇

峩峩石樓山運會五百年于有文定公挺然生其間承先待後
學著作金匱傳道德醞名業遺澤世弗諼公子服庭訓習禮敦
詩爛公歿乃入仕克守西曹官十載擢監司始發見用端祖帳
集車蓋離心各偏反賤子列通門就中應有言我翁昔任俠三

十遊太原張公兄弟行射獵雙橐鞬投壺閒雅歌飲酒分彘肩
禮以嫂叔見情親共悲歡蘭閨有淑女爲君太夫人偶爲指句
讀許儷當時賢是時文定公昆弟諸生聯讀書養竒氣智勇當
鉅艱手搃仇人胸青衿血斑爛義聲溢郡國事定名克完我翁
登君堂肅肅儒者筵太公杖而出子弟陳壺尊春風坐融融欲
別還流連日歸語張公相對爲嗟歎旣而太夫人百兩歸清門
助公四十載一品承
皇宣童年聽翁語旣長知公存或聞建牙幢或聞掌絲綸老儒
在 朝廷百僚正衣冠自恨蹇足困不能叩賢關通籍歲甲戌
公已乘雲旋君時讀祭禮奉母居邱園愛我傳唱詩遙寄贈答
篇未見情脈脈旣見膺拳拳乍欣文字交漸尋先世緣更知庶
子師舉主公淵源君在長者列隅坐吾所安豈惟裙屐從板輿

恒往還我母太安人每每偕魚軒閨門白髮儔真意切痼瘵及
今遠別離內外同悽酸三山富名宦樹立期勉旃傳家有龍節
治譜存班班重開看壽堂永駐丹砂顏濟美會有時先德百世
延我家隔數峯中有祖父阡行當返田廬將母栖林泉爲農荷
犁鉏我志將終焉佳時動高興相訪緣寧慳應偕小合河同謁
武夷君

題王蔗邨 祖庚 太守鏡影圖

抱影水壺中置身明鏡裏相對久忘言卽此是知己
一輪涵太虛中有滿月相平生自照心湧作光明藏
鑑空無我相水靜波亦止手拈幽蘭花妙香乃如此

忠雅堂詩集卷十
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百

忠雅堂詩集卷十一

鉛山 蔣士銓 定甫

癸未 下

重裝長椿寺九蓮菩薩畫像歌

聖像勒石傳琳宮觀自在身太后容丹青畫本世罕覲京師梵
宇分頒同城西舊有長椿寺玉軸猶存尚方賜袈裟瓔珞天人
衰靈氣浮空花雨墜金粉半脫目有神老僧略識娘娘尊當時
諸佛避寶座今日故紙黏梁塵昔輔神宗持國柄外有江陵內
慈聖諒闇不負託孤心嚴憚同欽蒙養正曉漏聲中呼帝起長
跪讀書寧恕爾不須定汝作官家須知汝亦都人子煌煌慈訓
天下平帝長唯賴張先生九州富強天子孝報恩崇佛工繁興
黃金布地恩難答嘉靖求仙換家法一時庫藏散浮屠請看堂

中多寶塔後來帑竭煩征輸國戚助餉多加誅皇兒泣隨菩薩
去六宮齋醮無時無可憐酣睡太妃側萬歷初年還共憶世宗
神祖善功垂仙佛如何難殺賊嗚呼往事莫具陳重裘寶相開
金輪槐花落盡香烟冷麥飯誰人念老身

掩骼篇邀申鐵蟾孝廉同作

安化寺中芻纍纍新鬼故鬼紛追隨生居五方不省識死聚尺
土相因依旅人賃地如賃屋寺僧食租如食穀棺存那管狐兔
穿芻裂寧知髑髏哭尋秋有客聞鐘來破墓入眼同悲哀本無
金椀鎮石槨但有白骨生青苔墓田何處正邱首貧者應須死
速朽餒而寧借子孫存廢矣難求翁仲守兩人出錢萬四千馬
鬣十四俱隆然生王死士終難保柳下能經幾百年

痘殤歎

三四月交十月閒九門出兒萬七千郊關痘殤莫計數十家襁
褓一二全殺胎破卵君子戒天殛神罰何爲然可憐修短繫祿
命電光石火風輪旋雛嬰殞折等毛髮乞丐顧復同豪賢育嬰
有堂制亦古

聖朝幼幼恩無偏蜂房夾廡列戶牖螺贏各領蟲娘錢安眠一
榻魚戢戢索乳滿席蠶蠕蠕長成亦有弟兄誼委棄那得耶娘
憐但存年月注簿籍未有姓氏求淵源生來死去牛輦載移根
接葉人因緣昨聞車箱有兒破棺出痘母所赦城闔喧入堂兩
日哭者至三世孀婦來兒前喜兒不死嗣弗斬揭盃負去歡生
顏歸家徧語四鄰婦兒死慎勿輕拋捐

王麓臺富春秋色橫卷爲顧晴沙

光旭作

山蒼蒼水泱泱山水出奇險云是七里瀧誰將劒門割一角嵯

峩擲向玻黎江雲嵐峭倩秀欲絕竹樹倒壓風枝揚無風七里
有風七十里入峽出峽舟閒忙富春春色最窈窕司農偶爾圖
秋光昔年舟行看不足對畫益愛江山長山閒虛豁閱谿礪山
外平遠開帆檣嚴祠謝墓屹相向樵徑斷續縈漁莊秋容閒靜
澹逾好却有橋林楓葉矜丹黃潮聲不敢亂鐘磬但聞禽語飛
斜陽此山此水足千古豈借遺民釣叟爲低昂麓臺初得子久
富春本摹仿數過人爭藏勵家昔戒設寒具不及百歲多散亡
侍御三癡有家癖典裘購易緘縹囊顧廚可令鬼神守靈畫善
遁君其防

命書 韋約軒尊甫鐵翁授經遺像

公歿廿載瞻遺容公子執經公座中聞公有道抱六籍學者遠
近擔簦從平生醞釀經世學在官偶試多陰功晚年投簪課諸

子鯉庭蘭蕙含春風五郎鍾愛比文度入畫雙暉秋水露少爲
雛鳳啄桐花長珥麟毫對雞樹舍人及第天扶持九原一笑公
聞知卅年隱德被桑梓官秩不稱同嗟咨關西夫子孰敢賂琴
鐸錚錚愚者悟坐看梟鳥化慈烏笑聽貪夫遭鬼仆蝗蝻出境
避三鱣哺穀飢鴻亦可憐有時微服問疾苦往往痛哭桑麻閒
泗州久作蛟龍壑田吏報淤還報涸一田兩糧民力殫官不矜
憐胥吏樂丈量之 詔一朝下公以儒師歷田舍請裁冗官減
浮賦歲取從茲七千罷我聞虞山文肅官司農積誠上書陳
世宗請除浮糧六十萬天佑父子爲三公江南之人尚能言其
事功有廣狹仁心同腐儒有文但局促俗吏無術多凡庸經義
治事具體用本諸德行言非空不特泗民效尸祝金壇溧陽人
士皆思公前賢馨欬渺難及公子西清同出入有孫未冠哀公

書三禮六官能手輯身如瘦鶴目秀明隔牆讀書朝夕聲他時
述祖詩成後把筆還修韋幔經

壽萱堂小集分賦金陵古蹟得周融艸堂二首

隱士松門久不關禪師龍象亦難攀烟霞自在興亡外猿鶴寧
知出處閒學佛堂空僧入定移文人愧鳥飛還聽鼃臥病輦牀
走應解傷懷禹井山

謂孔稚圭

譎諫談經宦味超齋居戒殺道情饒素餐本自宜葵蓼肥遁如
何近市朝異代堪迴逋客駕不才應謝鶴書招定林支笏歸何
晚誰爲山靈續解嘲

豫章樂府詞九首

廣廈歌

抱書侍立士兩旁經師前揖公中央論文授經聲琅琅公曰汝

士我梓桑汝不志穀汝學臧我則繡壤爲汝餵我爲月旦牝牡
黃太平有道士氣揚十年三度觀國光休哉利用賓于王豐碑
題名立上庠鸞停鵠時相翱翔不見門外花旌獵獵馬繫樹多
士低眉送公去王公白公人不知人但識公講學處

瑣闌秋

當午白袍如立鵠邏者爭汲折轆轤一斗之泥果人腹井渫不
食公乃蹙嗚呼樹人先樹木取材以義爲士祝曰桐曰槐曰金
粟鑿井十二井水寒作銘大書鐫井闌千人萬人飲之永不乾
矮屋打頭屋漏注公欲改作奈何去公曰來者何人念多士此
是昔年辛苦地

質肆平

官街蒯卒大索人質肆晝閉市僧奔械之廳事脫布禪方伯怒

罵吏扑臀不仁者富剝我民按簿示罰民欣欣失重失輕權異
衡一正銖兩毫釐分金準一兩錢一緡反質勿阻其有遵大書
警誠懸肆門持錢入肆來紛紜小兒襁褓妻釵帚負歸茅屋傳
公恩君不見一牒遄郵十三郡萬世西江著爲令

三厥糜

婦人由左男由右壯者在前弱者後或跛或瞽或癯偃背肩聳
嫗兒在手形庭面墨雜老醜遙聞粥香涎溢口延慶寺前雜還
走寒風吹骨衣露肘縣官當門坐垂綬阜隸記籌不記某往年
煮饘飽雞狗今年篷底粥濡首飢人一飽卽田畝胥吏擲掄不
敢取方伯食我德已厚出門果腹遇其偶或來大悲或天后

院天后宮
皆粥廠也

可憐鰥寡孤獨天下之窮民何以親公皆若親其親

大悲

寶昌鑄

我聞僞錢不蕃民不疑限錢弛禁復苦私又聞尉曰真宰相職
事便民則請之江西錢輕千文無二尺荇葉賊眼愁風吹我公
胸有洪鈞錘請立大冶延冶師法本九府圍則規輪廓肉好三
官知黑濁氣盡黃離離公不愛錢錢用滋誰敢將髭呼渠伊鳴
呼泉源不竭國可富那須河間錢如雨銅向雲南來公向雲南
去請公選受一大錢留示兒孫寶昌鑄

辜坊獄

辜坊大猾毒如虎戕命剝攻莫能禦力能制賊作賊主順者憂
愁逆者苦奪人粟帛據人婦當街見之不敢怒井中魂斷宗蒼
五公爲中丞命吏捕沙埠塘邊虎變鼠長繩縛頸眉倒豎觀者
堵牆爭起舞當市誅之血汚土從此吾民不閉戶何事鄉邨男
女皆欲向公拜城中已殺辜籠患

周道謠

溝瀆塞道路仄泥滑滑行不得時雨降水騰上車折軸馬脫鞅
維公念之命我匠三涂五軌尋尺丈鱗石引繩功必當毋坎毋
埵毋使枉從橫若局平若掌誰其爽者趾相向摩肩擊轂歌蕩
蕩民咸安居土無曠厥聲載路行者讓使民由之永無忘公平
其政辟人亦樂哉季春不用司空來

章門渡

不可爲徒杠不可爲輿梁迴波如箭一葦航隔江招手人寸長
舟子搖艫兩目張索錢叉手江中央其心自閒客自忙性命不
直一孔方此時舟子如耶孃索客錢盡看客囊輕篙短槳神揚
揚禁碑一丈立江汜公遣吏偵不少貸滕王閣下波如綺葉葉
風帆去來駛舟子低眉估客喜估客估客莫漫喜我畏方伯非

畏爾

俎豆馨

以死勤事則事之以勞定國則祀之天地閉而賢人隱嗟哉處
士不得爲西江廟食誰得祧廢者圯者公能知文公謝公致身
在王室此都捍患當專祠大節不奪公所儀手書大忠顏其楹
經歷之祀久已奪同公靈氣千鈞絲公來更爲作木主大書深
刻鐫于碑八隱祠邊香若霧一時俎豆都如故忠臣隱士空中
語价人維藩篤天祐御風共倚高觀樓珮聲度水靈旗駐吁嗟
婦人正氣亦千古雲中笑指婁妃墓

葉商士秀才以詩本寄正喜題

清籟璆然覓賞音紙窗燈火一高吟七年夢斷鄉山友添得詩
人葉石林

春雲姿態月精神
忼爽襟懷汲古身
想見著書茆屋底
酒酣時一薄今人

程生煇張生舟兩逸才
與君便可結桃哀
鄉人不少能詩者
只恨茗生未見來

幾人

幾人頭白眼花時
尚吐春蠶未盡絲
那惜笑啼供勉強
更拌腰脚與支持
栖栖見哂微生畝
憤憤真憐子叔疑
解報衰翁勤苦意
兒孫歌舞一償之

咏老將二首

將軍老去飯能強
記得河山古戰場
射虎弓猶開滿月
籌邊鬢略點新霜
名標崖石翻旗字
臂袒袍花隱箭瘡
夜半觀星奇氣出
暗抽壺矢注天狼

長揖歸田墊角巾
霸陵醉尉敢相嗔
童顏舊寫麟臺像
壽骨終全馬革身
自注韜鈴通史事
肯令歌舞亂天真
消閒熟玩邯鄲枕
帳下新傳散美人

除夕

歲鼓聲中臘又除
屠蘇觴暖壽顏舒
飛騰四十來朝是
寂莫行藏本願虛
徑路無媒通彼美
鄉山有夢戀吾廬
微酣笑伴梅花睡
放免朝正待漏車

甲申上

柳陰雙馬圖三首

俯首雙轅沒巷泥
疲騾瘦蹇仰天嘶
何人解惜馳驅苦
別寫偷閒八馬蹄

駿骨泥塗豈易求
金繩細細作籠頭
不知齧草相羣者可願銅

街附八騶

鞭箠長辭遠志灰未妨調笑喚駑駘嘶風臥露長林下那借孫
陽顧盼來

趙損之

文哲

舍人龍湫濯足圖

濯足安得萬里流滄浪清濁非我求踏冰雙脚厭塵埃何處踢
翻鸚鵡洲近來燂湯洗鞢韞逕去拍水隨鳧鷖舍人忽現邱壑
影白氣出卷不可收天神四垂古雪亂羽衣萬舞晶簾鉤羣龍
戲海湧貝闕中有王者冠懸旒只疑天漏瀉銀漢黃河倒落崑
崙邱跣而踞坐有奇膽叩脛不懼龍公尤知君胸次納洪瀨俯
視巨浸同浮漚偶然插脚水精域跨躍江海思乘桴我聞雁蕩
高峯百有二雁湖十里開山頭永嘉而後顯靈境老衲接跡栖
巖幽遂令尊者諾詎羅道場直與天台侔天下瀑布之水我但

見其一開先匹練飛雙蚪君言石梁較奇險山骨半偃力抗千
幽縲雷霆萬斧擊不斷至剛乃敵元冥柔不若龍湫直下五千
尺離絕倚傍飛旂旂空靈神妙甲諸瀑他樂敢附簫韶儔平生
魂夢浸靈窟攝入巾卷成巧偷昔者吾友畫宴坐王穀原好勇
與爾堪稱由奇觀挹取豈爲過往事溯洞聊復休蛟龍齧趾亦
可畏丈夫有脚寧妄投夷猶我欲衛其足濯纓笑聽兒童謳

送錢慈伯游雲中赴景學使幕二首

未可悲淪落斯文賴別裁行邊詩骨健立馬塞雲開古事存碑
石長歌借酒杯書生懷抱盡還上李陵臺
士不遇如何依人雜感多高才憐偃蹇此意滿山河識大身寧
小心安氣自和請看歸去者一樣歎蹉跎

黃烈婦

死爲黃氏婦生作喬公女妾名鍾齡郎熙寧二十一而嫁兩月寡
身入夫棺人弗許人弗許妾心悲死則同穴生何爲妾左右誰
伺守我不死矣可出走人心安妾豈忘問寢視膳皆如常妾幼
讀詩書胸有經傳香昔慕曹娥殉親于江慕宋伯姬蹈火不下
堂妾爲處子屢瀕于死天留妾身今復何俟父官河東母歸淮
南舟覆惠濟盡室風潭母弟未出妾先出骨肉共命死亦甘妾
豈畏蛟龍再躍驚濤中手攬兩衣裾餘生幸相從父官河南河
決楊橋危城剩三版衆命如萍飄妾衣已密紉得正焉可逃再
爲河伯遺妾命多堅牢堅牢亦何益妾死終莫辭未知有生樂
不如下從曹娥宋伯姬開我百福奩獻我八寶簪請翁營壽藏
下慰熙寧心熙寧苦無嗣當立小叔子叔長宜早婚庶得抱孫
喜舅姑泣兄弟來父官黔中傷我懷此非永訣詞兄弟勿相猜

空房計時日夫亡閱三旬喚婢具蘭湯浴我松竹身浴罷向空
拜自挂何從容五城十二樓笑躡雙鸞蹤乾隆年歲壬午六月
十七天大暑有司請旌 朝命許吳淞江澈底清上海烈婦孝
且貞詩成拂拂清風生

李貞女

李止玉金谿人簪著簪服練裙誰家女縣令孫誰家婦周氏子
訂姻盟笄而字夫廷燄丙子亡女未嫁神暗傷明年聞祖姑卒
姑早殞舅久出女欲往經紀之室無人女何歸閱八載志弗移
閉深閨誰得窺上日月下冰雪女中央共光潔歲癸未族人議
遣素車迎女至成婦禮終厥志見于廟祖宗涕嫁未嫁無同異
廷燄居新橋涖止玉居珊瑚里水粼粼燄不明珂珊珊玉有聲
女未亡心永貞我作詩清風生

紀心齋侍御獨柳堂春讌分得聲字用杜樊川體

臘雪微銷艸未萌溶溶庭院月波橫春袍暖共簾衣卸笑靨歡
隨酒暈生鐙落檐花留客影風迴鄰笛過牆聲尊前後日吟嘉
樹應念人栖白下城

愍忠寺傅雯畫觀世音三十二應像

虛堂湧現人天身三十二相何紛紜聲聞辟支毘沙門梵王帝
釋天將軍宰官居士長者倫比邱優婆男女羣天龍夜叉人非
人修羅摩睺金剛神珠睂火目莊嚴尊魁肩鬪鼻醜怪均芙蓉
頰輔丹砂脣黃金臂指藤蘿筋或大歡喜或怒瞋或頭叢叢或
龜龜冠珮紱冕纓旒紳笏杖劔塵戈鉞鎗一一粧束離六塵明
霞彩霧相鮮新善氣熟視衆欲親兇威乍矚皆退奔誰其畫者
爲傅雯十指爲筆掌擦皴爪甲畫剔蠶螺紋雯也倔彊性莫馴

窮老不作王侯賓使酒嫚罵直氣伸忽然醉弄松烟盆狂叫拍
抹獅王蹲思議徧攝諸天魂大笑捨之祇陀園噴灑墨雨飛慈
雲妙香四壁浮氤氳名觀世音何緣因無盡意聽佛告云云何
解脫萬劫輪稱名普救如其仁寶珠瓔珞奚足珍衆生卽佛無
合分青蓮九品花葉根三十二相孰假眞現身說法空勤勤離
愆者誰菩薩顰雯汝多事慈容嗔

饒霽南前輩春雨課耕

少年力未勝犁鋤有愧識字耕田夫本無繡壤藝黍稷但有破
硯充蓄畚中年灑落取高第揮手蓬瀛恣遊戲屢開元圃樹琅
玕還泛仙槎求象珥更事漸多心目空好夢每落鄉山中昨聞
買田報米賤便欲抱膝歌年豐將身畫入南東畝萬綠中開讀
書牖耦耕何必勸山妻叱犢唯須任農叟主人胸有種植書能

轉磽瘠成膏腴。況當春和土脈潤。插秧雨過蓑笠俱。眼前樂歲飽飯饔。日後歸田偕伯仲。雞豚社裏饗齊民。腰鼓聲中唱幽頌。十年與君姻亞親。同來索米金馬門。兩家子弟各童穉。豈知稼穡多艱辛。一飮之施期自效。食祿思深何以報。敢當盛世侶樵漁。暫與山農說忠孝。吁嗟乎江南老翁多。犉牛豚蹄歲祝盈。車篝歸歟我是無田者。戲問荒莊可有秋。

消寒雜咏和王蔗邨太守十三首

百八聲中夜氣寒。幾人新夢戀邯鄲。孤墳鬼拜燐光冷。破廟僧眠佛火殘。醒後悟多身可化。心頭事集悔無端。景陽別有妝成者。斜倚薰籠坐未安。

寒鐘

危峯偃蹇似高人。落木中存入定身。點黛曾誇眉宛轉。倚天今騰骨嶙峋。雨雲暫晦非無力。虎豹潛驅尚有神。拄笏君休笑枯

寂山靈面目此時真

寒岫

雪滿峯腰細路危。墮樵何藉斧斤施。濕薪冰重難爲束。冷竈人飢正待炊。荷蕢行來霜滿擔。誦經歸去凍橫髭。觀碁莫等終殘局。呵手愁他落子遲。

寒樵

水落空江怒已平。靈胥更與朔風爭。波迴猛勢朝辭島。雪捲餘威夜打城。車馬潛藏當歲暮。魚龍偃臥各心驚。海門天闊銀山凍。僕病焉能聽此聲。

寒潮

忍凍眞憐舉網遲。游鱗不餌竟何之。牽來涸澤蛟常避。曬向冰天雀轉疑。影羃頗黎千頃白。舟橫風雪一蓑披。冬來可是澄潭暖。欲往濠梁問罟師。

寒罟

葉葉蒲飛下上難。檣烏瑟縮認驚湍。乘風且放從橫去。帶雪眞宜轉側看。打鼓迴時須便利。牽繩收處要平安。推篷飽識冰霜

苦每念江湖行路難

寒帆

枯樹荒涼幾箇存，勞他點綴夕陽村。
將雛過嶺栖牛背，接食隨巫集廟門。
孝子廬中堪爾汝，丈人屋上又黃昏。
晚來銜尾驚飛去，晴雪濃拖墨數痕。

寒鴉

冷漏頻催敢熟眠，司晨聲共曉籌宣。
凌競凍羽何須鬥，卵翼飢雛亦可憐。
絳幘難隨鳧入網，翰音曾導犬升天。
誰人起向寒燈舞，雌伏雄飛亦偶然。

寒雞

荒邨月冷吠聲振，深院鐙沉警夢頻。
山鬼嘯時原可怪，驚鳥閃處亦相嗔。
緣慳未逐神仙去，氣猛難爲盜賊馴。
可惜狺狺風雪裏，不辭惱亂暗中人。

寒犬

三冬雪案閃疎樵，織室漁家散幾星。
何處銅盤爨畫燭，更番腐草化飛螢。
山連野燒神光亂，月暗叢祠獵火停。
撥盡爐灰成底

事短檠，終夜照遺經

寒鏡

雪擁柴門食芋魁，燒殘楮袖賸煤灰。
山中對畫休饒舌，獄底重燃亦死灰。
獸炭誰家通夜炙，瓊帷幾處怯風開。
冰心久未因人熱，不用綈袍戀戀來。

寒鑪

黃獨苗稀雪意賒，灌畦人愛晚菘芽。
嚼來至味無如菜，看到荒園可當花。
卒歲瓜壺輸老圃，迎年酒肉讓豪家。
庾郎貧薄休相笑，猶有宮商在齒牙。

寒蔬

風雪隨身一畝田，石交惟此伴寒氈。
敲同古鐵心原冷，試以層冰骨更堅。
玉匣輕函疑黛瀋，金爐小炙潤松烟。
龍賓苦要冬烘守，彼此相磨二十年。

寒硯

觀張樗寮書金剛經墨迹王文園

顯會

禮部所藏

金剛經本寫者誰樗寮，老人張卽之白頭尚有孺子慕久孤獨。

抱終身思淳祐六年季夏朔府君諱日孝男作寫經薦亡事或
有人子之心渺然托六十老翁筆有神腕力屈鐵迴千鈞萬言
一氣畫沙出剛柔胎息相屈伸端嚴可親美難狎隸骨艸姿成
楷法形模虞褚體稍變此筆前賢後賢合放收垂縮凌空來控
勒生馬去復迴天人降時佛微笑空山靜處花繁開儒者衣冠
多肅穆老衲飛仙伴幽獨拙中妙帶木石古媚處羞同桃李俗
綿中裹鍼古法垂鷗波俛首曾相師流傳寶祕得完好想見得
意揮豪時儀曹好古亦其癖往往質衣收典籍殘年風雪購此
本不顧官廚無擔石出觀鐙下紙墨香最後藏者畢懋康跋語
雋妙董其昌其下復有趙宦光人天護持佛歡喜豪奪巧偷徒
爾爾劫火難銷罔極心金剛之力故如此

題王蔗邨太守消寒詩後二首

舊第閒居擁鶴琴博山烘硯動長吟東坡老筆無衰氣宋玉微
詞亦壯心

當時公子多名士一輩詩人數醉翁風雪九門歌舞地苦吟常
對一鐙紅

查恂叔太守榕巢圖

潭潭府中太守居簿牒滿案圍吏胥公餘却嫌官事擾何處掩
關宜著書池上老榕壽百歲入地參天閱人世斧斤赦後得全
生風雨來時堪自蔽一枝撐立孤鵬鶩一枝橫偃蒼龍眠池邊
倒影鏡花舞岸畔側身隄蟻穿中間架屋小巢露賢守新營讀
書處繁柯巧構豁檐楹密葉微開通牖戶瘴鄉毒淫五嶺同可
有麥麴山鞠翦樓臺豈但坐臥適腰脚亦免沴濕攻方丈真如
鳥窠綴半夜吟聲出天際山川幾處借雕鐫木石居然無廢棄

嗚呼名賢所過勝蹟留後來攬結思前修碧梧翠竹多鸞鳳下
視憐他鵲與鳩

題彭芝庭大司馬蘭陔永慕圖二首

至孝曾于畫卷傳生徒久廢蓼莪篇不須更補笙詩句每到花
時一泣然

神仙骨格鳳鸞姿元髮朱顏似昔時此是清門祥瑞艸國香叢
畔又生枝

自題認影圖二首

一點靈光落轉輪更名易姓了前因守來軀殼成今我忘却精
魂是古人待盡浮生等行役難移烈性本天真也知面目皆空
相多事還圖現在身

苦樂乘除夢已多談忠說孝又蹉跎病根只是名心累直氣難

辭幻境磨照水鬚眉憔悴得流波歲月等閒過唐生詹尹都饒
舌落溷飄茵奈爾何

查恂叔太守招飲接葉亭看丁香分韻得眠字三首

為湯西崖舊墅

北地花開此最先變枝紅杏恰隨肩蕊成丁字名非假氣雜辛
香性亦偏小宴重張詩老宅斯亭曾見永和年春光九十堂堂
去讓與山公枕麴眠

那要滄浪十萬錢花時觴詠繼前賢虛廊靜得山林趣怪石欹
如鶴鹿眠種樹幾人成過客看花半日比遊仙持杯醉問風流
守底事歸無宅與田

曹騰都忘養花天春色園林已爛然昨夜癡尋槐莢夢今年歸
作海棠顛飲耽文字存餘韻事若流傳感後賢試裂長縑寫巾

裕座中還仗李龍眠

送王夢樓侍讀守臨安三首

早傳奇氣擅清豪手釣長鯨履巨鼇一代才名流海國千尋文
欲壓風濤歸游蓬島誇仙骨笑探瓊花奪錦袍不忘王孫投贈
雅醉中還舞繡囊刀
殿前作賦聚枚鄒藝苑名高領敕頭講幄纔稱香案吏朱轡忽
擁樊城騶二千石貴惟良任九萬程遙亦壯游莫歎迴風成阻
隔滇池波暖接天流
牂牁郡古控蠻司諸葛威名尚有祠艸木知春迎五馬文章有
道化諸夷攜來琴鶴存清節看到江山要好詩若見唐三
須問訊可能遙寄艸堂貲

四月二十日出都口占

髀肉潛生欲自憐出門西向舊愁蠲八年乍見官程柳不覺攀
條亦泫然

宿單青陔嶺司馬署齋二首

中夜河聲雜樹聲醉看涼月轉南榮置身宛在山林裏雲壑風
濤枕上鳴
太平兵卒戍伊犁列幕平沙息鼓聲一道夜營人語寂月中征
馬不聞嘶

盧溝橋二首

桑欲乾時水濁渾銀濤一線玉龍奔驚風疾卷花如雪想見當
年萬馬屯
垂虹千尺駕靈鼉回首金元往事過設險天然成帶礪百靈于
此護山河

樂毅故里

黃金臺成三士至辛衍雖來不如毅將軍在趙已存燕武靈久
易河東地登壇大合五國兵報仇連下七十城齊潛無道國人
怨破竹之勢何能爭兩邑難攻莒卽墨田單守之不可克功成
去作望諸君老將誰憐舊昌國反閒玩弄無人知劓降伐芻弗
稍遲火牛一出騎劫死貽書報書皆可悲乘危立功享茅土戰
國人材紛可數夏侯泰初強解事妄以燕人比湯武嗚呼召公
遺澤九百年子孫仇怨相鉤連但憑蘇代堪亡國更用荆軻遂
滅燕

鐵篙行

鐵方六寸長四丈斜倚橋闌插春漲持篙誰見刺船來勇力爭
傳鄆州將豹死留皮人留名跣而履棘能飛行鬥雞小兒李亞

次餘子碌碌何重輕夾寨營開德勝口敬翔靴內繩何有三朝
破敵衆竊笑滑州且飲椎牛酒奇兵夜伏韃炭舟燒鎖斷橋屍
塞流段凝書甫達朝宁存勗楫已趨楊劉兩軍俱浮各據岸日
數十接接輒戰引笏畫地爲不恭角巾歸第堪長歎中都死戰
人馬傷唐軍夜認王鐵槍大事去矣豈人力姦臣未誅身已亡
病中笑喚邈佶烈六十老翁寧苟活澶州妻子不在念切齒李
巖張漢傑吁嗟乎天性忠孝不必知詩書烏未擇木悲何如紛
紛反面事仇者一死不及將軍愚將軍鐵槍久已折甲士巨斧
土花滅當時鑄錯彼何人後悔難求九州鐵此篙何年矗立琉
璃河亦如天吳石犀鎮壓蛟龍渦船中若許載冶具請鎔此鐵
鑄像砭傳譌

督亢陂雜咏三首

沃美曾勞寫地圖
樊將軍死亦何辜
謀臣義士同歸盡
存國嗟無藺大夫

蔡澤功名目已瞑
蒯通雋永說誰聽
不知世有盧郎采
歸臥樓桑注水經

灼艾陰橫虎視眸
太原終老懼難留
一時父子同兒戲
竟割燕雲十六州

樓桑邨

童童羽葆五丈垂
桑陰下覆東南籬
兒嬉便欲作天子
妄語滅門須戒之
身長七尺取席履
狗馬音樂性所喜
平生師友植與瓚
讀書敢忘劉元起
國賊大盜何紛紜
奮臂一出誅黃巾
芻中枯骨袁公路
天下英雄劉使君
領州作相起復仆
妻子流離極孱憊
閉門荷鍤種蕪菁
誰識中山靖王後
可憐馬躍檀溪前

雷豈必心茫然存孤不忍負
劉表娶婦且復依孫權
天心屬操可知矣
諸葛關張相繼死
永安宮裏事如何
五丈原邊恨難已
粉榆何處求新豐
桑女采桑攜竹籠
前邨指點桓侯廟
祭祀君臣伏臘同

張桓侯井里

曠日當橋爾可識
身是橫矛張益德
史傳猶存霹靂聲
靈旗尚帶風雲色
愛敬君子嫉小人
率性亦見公之真
鞭撻健兒置左右
天令此輩戕公身
井里祠堂留碧瓦
林邊每繫行人馬
范強張達彼爲誰
鑄像應教跪階下

定興有懷介子先生二首

桑榆翳翳上初陽
土潤泉甘美蔭長
不識杏壇花底路
令人低首讀書堂

咸陽昨寄弄璋書
閒就鄉人問舊居
指說彥方三畝宅
年時佳氣已充閭

安肅令謝慎庭

昌言

留宿古遂書院二首

善氣油油四境和
都人士更解絃歌
儒生事業循良傳
得力陳編不在多

卓午停車叩縣門
談經席上笑言溫
人間滋味都嘗遍
來就先生齧菜根

荆軻里

匹夫之勇一人敵
蓋聶心輕句踐叱
博徒爭道亦何爲
早識荆卿無劍術
燕丹力弱思報仇
滅亡禍伏智者憂
批鱗不聽鞠武諫
結客竟與田光謀
高臺置酒美人舞
何以酬知心實苦
人頭七首兩俱得
易水歌成聲激楚
秦王虎踞咸陽宮
衛士不敢入

殿中擊之弗著意
頗快此時刺客心
何雄虎狼倉卒威
亦奪環柱誰能使
驚愕藥囊提擲客
笑罵殺身已負燕
丹托壯士不還奚
足云太子弗若衛
成君狗屠變姓且
矐目置鉛筑內誰
殷勤噫噉吁博浪
之椎難中彼天意
未終空復爾華陰
道上鬼遮人纔報
明年祖龍死

保定游古蓮花池

池是張柔鑿當年
供冶遊流傳絃誦
地尺五帝王州上
谷輿圖壯西巡警
蹕留迎鑿民躍躍
敷政吏優優引水
憑千鍤移

山遣萬牛縈梯通
園苑拓沼貯瀛洲
掩豁坡陀轉逶迤
閣道週飛廊橫疊
帶短瀑注懸旒竹
樹南東畝簾櫳上
下樓龕雲陰洞闕
虹彩畫梁浮出入
迷還到攀躋眩復
休亭軒幾方丈臺
殿百虛舟柳幔雙
隄合蓮衣一鏡收
鷺拳酣午夢魚戲
洽天游舞鶴

斜窺渚飛花密泛溝參禪幢蕊笑習射羽星流

御墨鑄靈壁祥烟滿上頭 省方遵典禮行樂奉

長秋島石仇池比荷風曲院侔神仙如可致寧復慕丹邱

郭隗里

垂鞭倚羸驂言尋郭公里慨然獻其身求賢自隗始邈矣黃金
臺誰為薦奇士朽骨苟可售駿馬期速死樂君用未竟閒乘何
足齒俯仰傷予心悲風颯然起

方順橋小憩夏叟 棟 樂志園二首

土室三弓屋柴扉半畝園居鄉能樂志守拙亦忘言林翠浸魚
沼河聲入井睂鄰翁提甕過時有轆轤喧

傳說華封叟居然拜

至尊八旬稱伉儷五代看兒孫碑記存天籟牆詩上蘇痕鄉閭

薰德久應喚善人邨

拱辰鎮光武故城

弟好耕耘兄好俠見大敵勇小敵怯白衣老者爾何來冰合滹
沱須早涉誰驅猛獸巨無霸一戰昆陽震天下傳說長安赤伏
符佳氣曾飛濟陽舍火德中興四七際白水真人銅馬帝以柔
治世推赤心王莽奸雄終罔濟嫗呼文叔比周宣不異歌風置
酒年漢代威儀欣可見岐陽石鼓可重鐫

清風店弔紀信

滎陽女子出門東黃屋輕投烈燄中看到韓彭盡誅醢始知一
死泰山同

定州咏中山靖王

聞樂歛歔亦苦心憂讒真畏吏相侵多男應比儲錢富好內寧

同盜嫂淫酒色全生求自晦弟兄相笑少知音二分帝蜀歸賢
裔始歎先王積累深

真定隆興寺大菩薩歌

菩薩七丈二尺高黃金之臂四十條修尋偏袒跣而立耳輪髻
穴栖禽巢層樓百尺嵌空際雕甍刻楯飛檐寮登樓繞像上復
下及肩及乳連肱尻誰云怖鴿見佛顛積糞污染天花拋聚銅
範像始貞觀尉遲老將監鈞陶削平禍亂一海宇受釐迓福工
材勞古來誰見佛肢體當日自鑄民脂膏常山大郡焉用此太
宗英武天人豪蕭梁佞佛鑿不遠創建無益誇岩龕雕牆峻宇
聖禹戒釋氏況乃虛空逃觀世音名義可想于聲聞際爲益饒
體物不遺泯迹象三十二應寧拘膠或爲丈夫或女子附會穿
鑿隨兒曹傳聞像不去高麗云何畫地爲堂坳竹杖曾量世尊

頂丈六丈六難求髻七多羅樹色身耳法身何在天昭昭佛且
示滅孰不死秦皇漢武真無聊英雄氣衰有同嗜太宗壯盛何
求要毀佛鑄錢亦多事成物不壞奚煩燒吾

皇兩詩炳日月弗泥弗闢神理超旱乾水溢果能救宜並社稷
祠牲牢菩薩閱世本平等此像巨矣同秋豪

趙州梅林寺觀吳道子畫壁及虞永興碑

碑二片列東西堦上刻攀

龍鱗附鳳翼六字字徑三尺奇古可愛寺壁畫水麈筆也題詩啜茗而去

道元畫水久剝落我所見者誰所作香龕後壁列兩牆仰睇風
濤太浮薄吳生胸納溟渤寬倒抉江海奔豪端筆力吐吞萬水
動木郭賦手形容難今之壁畫界眉髮曲筆層層偃新月潢汗
止水可一笑拙工腕底波瀾竭後庭古碑苔斑斑六字擘窠雙
石完誰其書者虞世南龍鱗鳳翼許附攀吁嗟乎吳生之畫幾

時朽虞公之書獨垂久我來且喫趙州茶
贗畫真碑亦何有
趙順平故里
擇木同栖比慧禽將軍智勇極深沈
眼空紹瓚知幾早死異關
張獨善任殺賊屢誇迎敵膽臨危先見托孤心匈奴未滅誰恢
復身後封侯恨不禁

魏鄭公祠

嶢嶢者難強皓皓者易汙彝目爲書生頽叱爲老儒煌煌直諍
詞一德君臣孚因事則納誨每日貞觀初良臣荷美名忠臣嬰
禍屠古訓戒面從後言心可誅疎慢益嫵媚有此諫大夫元齡
後一人豈遜諸葛徒篋藏二百奏屏列十漸書如何人鑑亡積
羽沈舳艫停婚且仆碑軍還始躊躕嗟哉君臣際終始堪長吁
強諫守史職遺直貽孫暮下馬指曲城公祠久荒蕪弔公公不

聞我懷空鬱紆

喜晤晉州周宜亭刺史二首

策馬來觀政油然父老歡投金誰破戒鬻產自當官訟解加刑
少民和學猛難每聞庭鞫語吾亦涕闌干
退食下簾旌相依一短檠牀頭書爛漫襟上墨從橫寡嗜能勤
學同功每避名尚留絲竹在不廢浩歌聲

同年劉翥軒

騫青

進士紫綬

紆青

參戎招飲

數株喬木百年廬挂壁弓刀插架書門榜雙題文武第鐙筵同
坐水雲居碧梧翠竹兒孫並鴻爪春泥聚散如建業水清吾去
飲輸君飽食武昌魚

李左車

敗將不可以言勇亡虜不足與圖存井陘空壁立漢幟可憐儒

者成安君生得廣武釋乃縛虞亡秦霸公其倫愚者之慮指諸
掌燕齊坐致如公云假王眞王亦何有蒯通武涉空多口神龍
之尾豈可見左車爾是張良偶

馮唐墓

頗牧不能用豈必思鉅鹿譎諫語實戇魏尚于是復賞罰失輕
重文吏且拘束闔外智莫盡李齊亦將僂晚達爲楚相竊歎年
命促九十舉賢良何以報推轂

荀卿

諸君尚游談荀卿頗聞道言性雖未醇緒論亦精奧手訂禮樂
書漢儒藉編校相秦逢君惡豈盡出師教世無子與氏誰復敢
輕誚紛紛攻異端奚足與相較

平原君

躄者先求殺美人李同毛遂乃呈身諸君食客知多少却要如
姬助却秦

隆平晤袁雨辰

文煥

明府書縣齋壁二首

入境民風古登堂吏事修宰官清似佛衙舍淡于秋自却妻孥
累民知父母謀公餘愛枯坐讀罷一登樓

原是一書生蕭然木榻橫斷齋偕子弟縛架比柴荆官潔嚴私
謁民飢感再生那知同學者名宦獨先成

衡水喜晤陶韋齋

淑

明府江椒田

道新

學博兩同年

當年蕭寺共蒲團蕊榜升沉雜笑歎十載重尋對牀約一循良
吏兩儒官

孔穎達墓下作

老師宿儒遣刺客文學之途何偏仄三世司業爲經師時人亦

復稱美之以謙訓君太宗許以法養蒙太子侮乳媪焉知事君
義儒者殺身期有補君不見顏祕書仕宦不進空著書闔門謝
客負初志巾帔蕭散游林墟又不見陸德明世充聘之不肯行
先生畢世享令聞馬鄭之徒功豈遜文人坎珂死不免尚有沙
門馬嘉運

忠雅堂詩集卷十一

同手遊八里峯

忠雅堂詩集卷十二

鉛山 蔣士銓 定甫

甲申中

新樂縣泛水同周宜亭刺史作

羣馬入亂流泛泛若輕鳧我據黃騮鞍瑟縮不敢舒兩夫驤馬
首馬腹翼兩夫一夫提馬尾擁導相持扶驚波忽倒濺人馬互
霑濡身非弄潮兒挂腰無一壺陷阱列河底失足喪我軀迴瞻
服箱驥力歉鞭箠俱刺史勇過我罄控能自如戴星四五里列
炬來城隅出坎乃相賀共命投蓬樞可憐馬前卒一一豕負塗
然鐙洗鞞鞞早發還登車

康莊二首

康莊一雨便成河水入車箱馬沒渦平地波濤行不得乞靈無



秦道神何

泥中列阱道旁嬉橫索金錢一挽持過客囊空民橐滿可憐官吏不會知

馬逸

鞞絕踞奔勢亦危據鞍騰伏未斜欹勞他動色誇腰脚那識書生是健兒

無題

劉郎眷屬共天台曾覓仙源訪問來烟外羅浮忽離合雲中雞犬費驚猜銀鉤字細教親寫金釵環鬆許暗開多謝鞭龍笞鳳手繡幡還爲護花栽

蔡班卿舍人集時人書爲一卷屬題卷尾

昔賢善書者篆隸實其師立體或不同用筆無兩岐內在筋骨

中神氣結構之瘦勁異枯瘠腴潤殊肥癡染翰雖一藝頗具萬物姿油然入神妙元功氣淋漓學聖得近似各自成矩規醜怪極變態不失先民遺皆由胸膈中瑩潔無瑕疵天機與逸趣故與腕力隨可憐齷齪子學書貴毛皮文飾利達懷強附獻與義佞柔取姿媚俗至不可醫豈無一日名勢力久則衰其人不足稱雖工亦徒爲近尚館閣派雷同互矜推光圓雜肥濁輕佻兼蹶痿散漫以爲靜蕩佚以爲奇唐宋數老翁冤誣莫能辭誰洗翰墨獄焚硯埋毛錐蔡君有書癖碑搨泥牆垂參身龍蛇中熟玩不覺疲今人亦可愛集美足相資徧乞時賢書一卷常自持百物聚所好廬陵豈予欺諸公顏褚儔况復生同時流傳後人手寶貴未可知

佟太恭人詩爲永定河司馬

滿保作

太歲乙巳月丁亥日壬辰時癸卯屆祿命相同亦偶然後生我
列諸孫輩恭人六十我始生我今四十母百齡齋心濡筆紀遺
媿母居列宿隨長庚公昔東方擁千騎母治內政公外治夜營
大譟斬關出揭竿遍野飛旗幟闔將驕淫甲士譁誰能赤手搏
驚沙公乃提筆入壁壘一軍伏地呼娘爺是時縣門胥吏闖母
按昆鋸出綏衆孰倡邪言我刃之兀坐如山莫能動蜚語銷聲
萬戶安公乃綏轡提兵還夫人智勇足定亂文登父老今能言
澤州舊有萑苻賊飛隼入籠羈不得官人鞅掌正馳驅捕者紛
紜已羅織虎兕入柙守者憂母能縛囚防縱囚投諸陷阱不可
出牆棘未許啼鴝鷓平生兩事人爭述可入金閨董狐筆其他
庸德底須論彤管今爲存什一福命前定母有徵覲然男子嗟
無能几筵一拜堪流涕沒世之名爲母稱

通州解纜顧晴沙侍御遣吏再送十里外并馳詩來

感酬三首

別意河流孰短長慨于人海遞慈航君心更比江神急要縮燕
雲近馬當

一年纔入畫中舟別酒留賓過石尤他日屬君攜此榻徐家亭
子在南州

兩載南鄰借綠陰三朝退鷁傍臯禽此心出處原無異鵲自摩
天鯉自沈

天津夜泊夢檜門先生三首

入夢精魂感重尋臨岐老淚痛悒悒二毛初見全家去豈是當
時種樹心

三載前牽素旆舟瑣闥凝睇淚空流公爲列宿光芒在還照歸

人野岸頭

只有心喪永不除生徒會葬禮何如明年負土成公墓築室還教賜獨居

讀宋儒奏疏三首

眼如澄波清心如古鏡明篷窗展書讀妙趣紛然呈古來治平理一一爲權衡因時審其變治亂天人并可憐數老翁力與元功爭邪正迭消長當者成令名名成亦何益家國尋歆傾徒令百世下感喟難爲情

古人不可作簡編見其志文字雖百變忠孝旨無異和平雜慨慷情至語卽至容悅喪本心激烈懼干戾干戾亦奚惜有補職無愧謂君不足言此念先自棄食祿但俯仰傷哉君子涕

月暈而風生礎潤而雨作機形有無閒智者每斟酌事在百年後局勢早開拓隱處方冥冥微處已躍躍盛衰倚盈虛是豈無所著其理本自然諸賢且迂闊諱疾而忌醫何者是良藥

卽事

故人十讐官廚酒消盡關河九月寒就岸買花秋色滿繞牀栽菊露香團經帷母健持觴對鄰舫人過卷幔看更感沿途知己意數令軍吏問平安

題同年彭允初

紹升

進士秋陽軒詩卷三首

未讀神已淒讀竟心欲死哀哀孝子言天性乃如此詩人語多僞忠孝失本旨修辭等喪志至竟何所恃人子欲言者言之莫能已一唱三歎中懷哉彭季子

季子席華盛刻苦如諸生 廷對且未冠豈日無令名聞道一何早會閔同經營閒爲咏歎詞杼柚纏綿情本根植深厚柯條

謝枯榮識遠絕餘嗜學足含元精時至會有爲閭修聊自貞乃
知讀書者與世原無爭

一燈明水窗萬籟杳然寂我誦故人詩孰聞長太息言懷彭季
子策馬度沙磧擁鼻穹廬中古事滿胸臆幽思托吟鞭猛氣謝
鳴鏞可念南征鴻歸隨退飛鷁

飲酒二首

古來數大事據我方寸胸積疑孰與釋恆理皆莫通屏之不肯
去存之靡所從愚人好自用喋喋飛蠚螫私智逞穿鑿牽合安
雷同古聖不可作謬誤難折中癥結漸成疾但借酒力攻醉臥
亡何鄉竊幸心空空

酒力有時盡書卷雜蕪穢束之了不觀妙悟別有會河山莽浩
浩積氣偃一盞開我閱世眼滌此胸次隘袒懷納萬古齊物禦
百怪洒然坐終日君子則常泰

牽舟

輪困萬斛舟突兀百丈繩牽于逆水中如蟻緣邱陵莽然負怒
者肩腹偃僂承子子飢寒軀日暄霽雨蒸噓呵邪許詞一唱羣
聲騰扣舷我何逸相習忘憫矜長繩劃然斷倒退難遽升勞者
已顛蹶逸者何所憑悟茲倚伏理庶幾爲我懲

年豐二首

河流千里下迎我讀書聲課子求先業浮家屏俗營年豐聞戒
少天暖放船輕岸闊宜新麥居人競晚暝
地僻雞豚賤汀迴斥埃孤棗梨充市集隄壩立薪芻抱布來田
婦攤錢醉狗屠何當水風急知向閘門呼

夜闌

伏几聞雞唱披衣坐夜闌貪看一輪月忘避五更寒野籟因風
息栖禽得樹安倒身珠斗直吾欲倚闌干

四女祠

四女能爲養雙親並享年遺槐明不嫁拔宅笑成仙地志傳貞
孝鄉祠潔豆籩憐他貝州士應廢凱風篇

東昌汪蓮塘

化龍

太守招飲寄懷羅旭莊前輩二首

遣吏認檣烏鳴騶隔岸呼言瞻故人駕特啓步兵廚琴鶴陳花
底笙歌起座隅酒酣寫蘭蕙香與桂叢俱

誰與畫真真歌喉宛轉勻風流懷杜牧離索感汪倫粉署鳴珂
乍蘭臺走馬新寧知文字飲相對按箏人

舟中

戶牖玲瓏面面開全家終日住樓臺風亭月榭更番坐水態山

容轉側來岸柳斜侵虛幌鏡汀花閒撲晚筵杯旁人未識天隨
宅還擬乘槎問斗魁

謁仲廟

長留浩然氣特立子之門禦侮諸賢遜成人一死尊家祠垂禩
遠餘勇至今存忠孝兼儒將孫吳敢並論

四十初度呈蘧翁舅氏三首

二十醉赤壁三十泊姑蘇奄忽又十載拔宅浮江湖不覺氣力
衰但惜歲月徂始念亦漸泯頽放安其愚怒焉撫茲辰零落矢
與孤顛風困危檣淮水流舒舒同舟六七子絲竹相歡娛旣進
鷓鴣杓復啓魚鰕廚鄉語亂四座真意同傾輸船窗納空曠浩
蕩來鷗鳧酒酣一攬鏡慨然成老夫

母齡五十九齒脫髮未宣兒言戒稱老何以嗟盛年敢云祿命

薄自覺氣質偏知已亦屢喪邈矣當時賢抱此一束書日對家
人眠有時課兒童孝弟爲勉旃不願去貧賤但願無尤愆春秋
奉邱墓揖讓執豆籩汝曹克勝此吾復何慕焉

有舅過者年腰脚比甥健兩郎能典謁一孫足繼綬同居歲九
易共濟時一變寒暄互裳衣飢飽合饗膳堂前友于義頭白未
云倦昂我初度詩厚意感深眷豈無歸妹心每覺自媒賤不如
借翁去漁釣老谿礪人生貴自知山林有餘戀

渡河

菱槳橫東水中央挂席飛馳十里黃濁浪千年沈馬壁金隄一
綫鎖淮揚劃開氣候分南朔包舉泥沙接混茫至竟河源在何
處張騫徐福恐荒唐

清江浦與監河曾栗岩

日理

話舊悼石圃二尹

日珏

旣貸監河米還開上客尊人琴悲季子雲物藉招魂寡婦迎千
里雙雛繼兩門憑君肩古義相對淚潛吞

後上翁行

江南江北青山繞不識誰家墓田好安人先壟在淮陰記得當
時墓門道鹽河之北翁纍纍中有張公考妣碑九年再舉展墓
禮扁舟小泊淮之湄督漕太保尚書老特遣材官爲除掃寒郊
樂奏晉牲醴錢紙飛空散林鳥朱家土屋新壓茅男婦候門喧
笑高堂前重布主賓席竈側亂開鵝鴨庖老者病者相繼死幼
者壯者皆抱子主婦孀居頭漸白酬酢尊前互悲喜子孫今幸
勝犁鉏能效徭役供征輸室中已無豆麥積門外每驚胥吏呼
十年人事歎屢變安人憔悴壻有鬚昔來今去意何若可否信
宿中田廬持觴痛飲笑不荅醉矣登輿泥滑滑安人已作老萊

妻偕隱之年三十八

漂母祠

婦人之仁偶然耳不遇韓侯何足齒鬼神默相飯王孫齊王不
死楚王死千金之報直一錢老母廟食今猶傳丈夫簞豆形諸
色餓殍紛紛亦可憐

韓侯釣臺

太公釣致其身子陵釣全其身韓侯釣殺其身釣者死釣臺存
魚潛不深蛟龍吞三十八世姜家孫周武王如其仁

漕督清江先生招飲卽席呈教四首

久受經生業纔登通德門安和天趣滿恬澹道心存視國如家
事宜民報

主恩凌寒藉春氣盡日笑言温

真意儀文簡高情物我忘兒童教列侍棗栗遞相將門外軍容
肅尊前絮語長開簾心迹見涼月白如霜

公餘尚勤學一榻古人情五夜吟聲朗三霄鶴唳橫家風傳蠹
簡長物是鐙檠道力因文見澄觀澈底清
偕老雙喬木趨庭列玉柯琴尊留古淡花木駐春和燕寢詩書
繞芸編節義多那知飛挽路轉粟效謳歌

高郵

養士安能比趙家李齊臨難自無差如何不愧科名者還有余
公泰不花

沈錦章

雯

刺史席上漫成二首

畫燭清歌徹夜筵勞他舞袖太翩翹詩人老去風懷減還爲驚
鴻一撫然

山抹微雲句有無藤陰醉臥倩誰扶不如消受紅粧勸一串歌
喉篋社珠

露筋祠二首

朔雪炎風閃畫旗淒然一死嫂寧知此心堪共夷齊語三復東
廊老米碑
香骨憑誰瘞腐餘貞魂曾否在空虛蟲聲尚作驚雷響願乞靈
風一掃除

邢溝晤吳杉亭

痕

家春農

宗海

兩舍人

障面來過避市塵驚聞二老客通津江湖腳跡山林臉都是燕
臺舊酒人

瓜州

蟹舍漁莊碧玉環茅簷青靄隔江山渡河而後征裘減劃斷輕

寒是此間

渡江二首

兩朵金焦八度看乘風破浪此心闌迴舟敢避江神笑來借漁
磯著釣竿

南北東西意渺茫欲從江左買溪堂如何纔見鍾山影便覺并
州是故鄉

解葬

小引

幼子知讓忽云萬世之下最後死者誰其葬之予弗能答作解
葬

七齡讀一經幼學已云廢每每發奇語心意別有會敏黠本性
生識解果何在通達未可知亦覺勝蒙昧盤古誰所產賢聖不
能對如何慮暴露獨爲後死慨南山不可錮石椁詎云貴渴葬

鬼豈知疑翦骨已潰鳶蟻理則齊莫究亡者悔痛哉土親膚額
泚逐蠅蝨人子心則然達者故奚罪況隨萬物盡既盡便無累
爾幼頗了了長成或憤憤譽兒古有癖作詩貽誠誨葬與不葬
等究竟同委蛻

金陵送蘧翁舅氏還南昌五首

依依對江天各各理篙楫當時同室心豈云中道別共餐托微
祿九載歷霜雪心厭冠蓋擾夢與山水接具舟載家人渺矣大
川涉養疾栖石城寂莫異畊飴飢寒或相待敢復聚輔頰
醉日我父出母子無所依言歸尊慈側八載意無違歲凶齧糠
糲糜粥療我飢老幼曳敗絮布帛裁我衣兒時解垂涕豈日無
所知我仕二老歿欲報嗟無期

舅氏比伯叔每與先君偕豈但共憂患訓詁加童孩我既官中
書迎養誼所該觴酒豆肉閒藉慰老母懷聚處亦云樂我病不
可排一身等風萍蓬轉無根荄

住旣無可爲去亦靡所恃早衰已漸覺茫茫感身世言就山水
窟聊且悅心志康寧母歡喜舉室拜天賜壽觴但弗罄雲物足
相媚當年讀書懷至此入游戲
南昌一椽屋可奉舅氏居分我粟與帛出我甘旨餘頭白還故
鄉儒官次猶需兩弟已逾冠長者兒女俱童心當自戢志業擇
所趨資生仗何策未可仍戲渝我占解凍風挂席來相於聚久
散故難小別亦躊躕風前攷雙淚何處爲吾廬

官戒詩二十四首

親百姓

百里之民視爾如親爾或疏之民隱曷以陳匪惟疏之又自崇

其身爾身從田間來曷貴于民
天子命爾官此蓋昇以父母匪臨以鬼神不聞父母挾其奴僕
威其子孫奈何草芥賤之而責其不淳虐我則仇民亦可畏哉
吁嗟乎官人

入田里

山中茅茨道旁桑麻父老藍縷婦女髻縣官與汝爲一家奈何
避之如蝮蛇我誠欲看官畏官多爪牙牙爪退後官下車嘗我
土銜羹飲我瓦盆茶聚我父老及婦女豆棚雜坐無闌遮念我
勞苦教之孝弟官言質樸不浮華傾耳一聽一吞嗟顧盼相戒
無匪邪再聞官來笑聲譁鄉人愛官比娘爺

圖郵落

命官知縣事責汝無不知道道路如畫郵郵落如布棋傳牌按籍
行保甲試舉問官官目迷地圖大槩苦糾結不如一郵一圖分
繪之街衢廬井田疇民數如列眉張之素壁且熟視宛然日就
田間嬉東西南北指諸掌險阻道路誰得欺古人讀書左置右
史互考證疆域不辨慙職司千錢萬錢購名畫掛向官齋何以
爲

察隸役

無以利其身胡見役于人苟能安於貧胡自異于民見民如虎
見官如鼠其聲豺狼其言糞土譎詐百變少喜多怒彼有衣食
不知疾苦彼有肌膚不畏箠楚橫行鄉里莫敢侮索錢逼迫鬻
子女捕役養賊爲賊主閭閻被盜怕官捕民駭雷霆作衙鼓官
猶曹曹樂歌舞嗚呼吾聞古人立木可爲吏放囚歸家尅期至
莫歎今民不如古願官懲役勿爲厲

聽獄訟

庭階草青青民迺訟於此數尺之地何異千里人藏其情官用聽視匪鑑之明匪水之清匪權衡之平一念可否或鞭或撻或死或生鞭之撻之死之生之誰得復爭觀者受者但吞聲官如眩之鬼神鑒之民如怨之天地厭之

慎疑信

理之所無勿遽曰無之事之所有勿遽曰有之慮有弗決胡弗用其信知有弗及胡弗用其疑過疑則亂過信則舛平心而審察之思其過半名法之家能守其律豈盡得其情準情合律恃官之聰明聰明誤用不如名法之家疑邪信邪官其慎耶

戒閹人

官民至親有門限之一夫當關民不得窺使非其人官處于危奴罔厥利亦竊厥威一顰一笑錢刀隨官曰我廉民曰爾貪中有饒夫厭且甘閹如喉舌官則如心環此心者臟腑伏其陰喉舌饕餮臟腑迺浸淫惟心受病日以深官苟無私重門可開奴司啓閉耳何取其有才閹乎閹乎安得司馬君實僕目不識字心無欲

偵獄卒

園扉棘牆所以禁囚國有常法卒肆毒于幽拷掠榜箠怒罵弗休吁嗟於卒何冤仇衆囚殼觥視卒爲喜憂飢不與食倦不與寢汗穢不與掃治疾痛不與呻吟悲哀不與哭泣而錢刀是求不見囚之爺娘與妻子見卒膽落如見鬼五刑之屬有所止叩頭卒前求速死

禁縱博

貧者縱博久則化爲盜富家縱博漸且至于淫民氣日壞盡根
此曠時廢業蠱毒深微行密捕誓與變薄俗法能斷絕官苦心
不見塵市博塞呼盧禁已厲衙齋日作攤錢戲民間游惰尚可
懲官衙博徒何以制

懲姦慝

稂莠不剪弗殖嘉禾殺一警百其生實多婦人之仁奈官何蝕
民之蠹必與誅速誦之雀必與羅雨露不以荆棘而示恩斧柯
在手當盡刈其根殺人媚上身必滅殺人利民功自存一國之
人皆曰可殺迺殺之無以殺戮爲不慈

正風俗

民勞則善心生忘善則惡心生風俗不正教化何以行民有廉
恥待官激揚之民有悖邪待官懲創之子女相淫父母則引愧

弗勝民蕩其心官弗知所矜或同官而轉相告也或爭述而更
相笑也爲民父母當民之無良而弗知悼也而莫知夫道也是
民之盜也

抑華靡

欲民富足在抑華靡示以規矩辨以等威不率教者刑罰與隨
澹泊明志以身先之夫子不正何以教爲

教儲畜

教儲畜備凶荒崇節儉謹蓋藏老生能談之官曰不遑官豈不
遑大抵無其方因民度地謀小康五方風土各有常熟思審處
官勿忘

崇文教

士氣不振民氣則靡礪其風節養其廉恥閑之以法待之以禮

以文會之以意媿之鼓舞而激勵之春氣盛而秋氣退而民曰
吾之慈母也士曰吾之經師

辨興革

利則興之安知所興非利也弊則革之安知所革有甚於弊也
利既興也其弊亦得而乘也弊既懲也射無弊之利者其弊亦
得而增也利多於弊其弊不可懲也弊多于利其利不可興也
苟勑其始當念其成也否則無輕用其更也

審利害

苟利吾民勿計害於身苟害於民何有利於身建官者凡以爲
民牧民者豈僅養其身以身殉民身或不至於殉邪以民殉身
其民烏得而殉也與其使民笑我也無寧使民弔我也居安思
危審之審之

事上官

職在則然貴安其卑禮在則然寧等諂之爲我心有差等兮弗
愆其儀事關民生是其所是非其所非苟爲不然僅可默勵其
操而弗移錚錚佼佼無使人知人或及知爾身則危橫逆則順
受也而未可與持征求當禮授也而未可厚施彼哉豚魚尚可
以中孚格之而況上官亦民之有司不誠不信吾知爾殆而不
廉不謹吾見爾殆而

處寮友

君子無多何必盡我交君子雖多何必皆我寮我與君子厚何
必無小人之友君子福我我本坦然而就小人禍我我寧曹然
而受不惡而嚴不嶄嶄而召嫌介然而謙岸然而恬不勝於彼
弗輕用其銛無免於我我姑用其潛和不流涅而不淄內清

外和夷惠是師

待賓從

敬爾之賓必有禮以將之惠汝之僕必有法以防之其敬維何使吾賓無內顧之憂其惠維何使吾僕無不足之求禮足以服人敬之迺益善也惠足以使人防之又何怨也不知其人而事之使之皆陷也汝何以有知人之鑑也

省倉廩

錢滿官奴囊米到卽上倉鄉人錢空乏糧來不收納倉門坐守腹中飢官米滿擔不敢易粥糜交糧一石加半之借口耗羨誰敢持豈無文告切禁淋尖與踢斛交糧歸去一路哭糧若交遲倉米足折錢入囊不收穀官之美缺半飽此豈識窮簷盡枵腹筦倉入衙樂金多勸官明年早催科

謹奢侈

俸錢在囊祿糈在倉仰事俛畜各以康官腹甚飽而野多餓殍官衣滿桁而民多凍僵當時畫粥斷齋捉襟露肘志何事豈爲鮮衣美食計紈綺無織塵奪爾印綬汝不如窮民華筵羅八珍劾汝貪饕汝不如細人可憐墨吏子孫死溝瀆怒罵祖父不惜福

防窺伺

利之所在趨者如鶩左右內外之人有同欲惟官之勢處於獨一室之事不盡知一縣之事豈無疑官有七情人可得而持人情數變官莫得而窺或好或惡或喜或怒有人竊之以求厚賂傷哉爾官實爲孤注至親且然矧彼陌路

釋史鑑

忠雅堂詩集卷十二
三日不讀書語言無味面目可憎於戲山谷此語何競競國之
治亂政之得失人之邪正備於史以古證今指掌耳今之所爲
古人皆先之今之所駭古人皆全之汝胡弗展卷而貫穿之乃
以俗吏武健之術自勉旃之噫嘻今之退食者縱欲孔多粉白
黛綠恆舞酣歌不學無術遑恤其他優孟衣冠終焉奈何

安進退

偶然者仕宦綽然者吾身苟無媿於君父吾志可以伸官不與
我生俱來我不可一日無官也何爲也哉人非聖賢得喪欣戚
亦有懷平生所讀者何書迺於富貴利達沈溺而不同持一束
書而得官持一束書而罷官歸揖父老父老歡飲我竹葉酒著
我鹿皮冠古來宦海多波瀾中流覆溺亦大難爾何視官爲性
命鷄皮鶴髮作傀儡千狀萬態供人看

贈 御醫邵道久二首

閭闔爲君詰旦開朝衫爭認壽雲裁他年去向漁樵說曾對
軒轅素問來

積損成衰百感生養和守一道難成小還丹訣煩親授便擬天
台采藥行

忠雅堂詩集卷十二

鉛山 蔣士銓 定甫

忠雅堂詩集卷十三

甲申

尹望山督相招飲同袁簡齋秦礪泉兩前輩席上作

衙齋幽比玉堂深十八科中四翰林雅集還同真率會虛懷彌

見讀書心思隨泉湧詩頻和墨帶池香帖細臨箕斗插檐銀燭

換清言都忘漏籤沈

本無田里可躬耕奉母來栖白下城得到靈山纔見佛偶趨公

府亦登瀛拈花旨妙人同笑立雪門高地益清誰識寒宵方丈

裏一鐙圍聚老書生

次韻壽滌翁二首

鷺嶺蓬山屢換春琪花開遍幾由旬仙翁守過庚申日詞客推

為丙戌人十畝書堂容膝久幾番麻紙
告身頻丹經注就黃
芽出讓與先生養谷神

綠蘿門外早懸輿曲沼真同賀監湖招隱誰參龐叟座授經人
畫伏生圖談深轉借賓陪主齒健翻嫌婦乳姑料理瓊林來歲
宴酒酣難却衆仙扶

喜晤袁簡齋前輩卽次見懷舊韻

未見相憐已十分江山題徧始逢君榮枯總是同岑樹舒卷俱
成入岫雲花墅留春知冷暖宰官藏影悟聲聞微翰彩袖承歡
後消受金鑪換夕熏

甲卜居四首

半窗紅雪一樓書廿載辛勤有此廬不肯被他猿鶴笑移家來
就北山居

鍾山真作我家山揀得行窩靜掩關洗去六朝金粉氣展開屏
幃畫烟鬟

簷端十廟古壇墮屋後臺城壞殿基讓與爭墩兩安石家門只
傍蔣侯祠

寓公庭院四時春釀酒栽花媚我親藏過頭銜署新號雞鳴埭

下老詩人

句容道上望茅山二首

棄官成道羨茅家來往三峰鶴羽斜底事仙翁多一事去從句

漏乞丹砂

華陽洞裏寄閒身嶺上雲多自可親却怪當時強饒舌更將宰
相屬山人

自丹陽放舟赴江陰道中作

放舟呂蒙城言入毘陵道寒流疊衣帶詰屈爲循微谷刀等摩
肩往復驚絕叫枯林織歌岸牖戶冠曲隩前津指甄山一一暮
鴉導

漾水

夜風凍微波鏡合寒光平篙櫓劃其中金鐵錚然鳴槎牙簇戈
鋌戛擊流瓊晶臥聞懼割裂凜矣臨淵情朝曦上雖遲少女不
敢爭圭稜漸澌滅氣薄難久凝黃河立驚濤峩峩聳邱陵千鈞
轉輪轂碾之力亦勝地軸豈歆側南北分重輕水柔冰乃剛此
理誰能明

李鶴峰侍郎龍湫觀瀑圖

公度千頃陂公才萬斛泉靈湫落眼底瀉入胸懷閒公云此水
不可畫風力所到成雲烟颺輪轉側變晴雨旁散正落風迴旋

酒不到地忽飄去勢欲注壑仍屢遷游龍戲空素鸞舞意態百
出氣象千雷轟電繞萬馬驟耳目震駭銀河翻誰能曲繪無定
相神妙難到秋豪顛仙官樹羽一臨駐山靈遂以詩人傳公懷
活潑應萬事與此默契離言詮散彌卷藏未易測一芥中隱須
彌全九年時雨潤吳越秀良拔舉無遺賢冰壺久濯智慧影香
界偶結烟霞緣昌黎以水喻文字百變不竭揚波瀾公以道力
握真宰收攝衆派歸一源亦如龍公挾湫水左右揮洒皆逢原
燃松煮瀑啜清茗笑吸靈液吞潺湲知公胸次有霖雨豈借此
水澆瓊田置身山澤會心遠羽衣遊戲公其仙

冒雨獨遊秦氏寄暢園

笠屐衝泥覓靜便谿雲林雨瀉涓涓池開十畝名泉會石併羣
山遠翠連滿塢秋香掩圖畫兩朝喬木占幽偏主人卅載明光

裏騎鶴歸來定黯然

時味經先生極始還里

莊滋圃中丞招飲席上作二首

十年重剪夜筵鐙感舊懷人意不勝客換冰銜仍後輩天留司
寇領中丞述來恩遇頻流涕想到酬知但撫膺對擁地爐看
醉影一阿羅漢一枯僧
衙鼓隆隆侍者稀盤堆蠟淚茗香微春來座上雙龍節臣本田
間一布衣盛世經綸能靜定書生面目自嚴威明朝長揖軍
門去敢道傳經心事違

除夕梁溪道上用東坡韻

桃符身舊我何悲毛羽雲霄本至微十日定居仍作客一年飄
泊更懷歸喧闐歲鼓鄉音別錯落船鐙去艣稀銀燭燒殘枕書
臥憐他兩僕話依依

乙酉上

元旦

山何叢叢水何悠悠繁星滿天下照我舟

一解

荒雞亂鳴物華

已換中有旅人扣舷而歎

二解

太歲在酉乞糶得酒維南有箕

維北有斗

三解

自京口覓篋輿經龍潭趨白下

江行百里餘頗憚風力阻舍舟載籃輿斥堠粲可數如砥拓
御道蕩蕩澤行旅驛樓新樹拱窪沼雕闌撫規畫開閭閻塗墍
到牆堵寒溫換節候佳氣仍邨塢六飛一來臨仄陋失貧窶羣
峰莽迴合積鐵歲亦古鑿石鍊粉堊破碎誰得補鍾山勢蜿蜒
掉尾入江滸豁達窺深潭神物樂其所出入不可知靈栖閔風
雨連岡遞起伏陟降愁仰俯突兀見孝陵守衛存戍伍先朝遺

忠雅堂詩集卷十三
佚事老卒尚能舉一笑指斜陽松濤怒如虎

到家

新居如舊喜歸來椒酒重斟補壽杯序齒全家增一歲隔年相見是初回
鐙檠絳蠟參差換鏡檻紅梅向背開薄醉登樓檢書帙出門心事漸成灰

題報恩圖二首

銜環久已笑微禽此物寧酬長者心更恐瑤環無處覓可憐人怕受恩深

沙場結草頗神奇鬼解酬恩或有之若使昇平無戰馬老人心事見何時

偕袁簡齋前輩游棲霞十五首

春風來城隅吹我出東郭言偕瀟灑人取徑度林薄蕭蕭竹樹

靜存苒帶邨落廢塚森堂皇殘碑氣昏錯功名時代移姓字風雨剝當日公侯王九原不可作石馬臥寒烟夜深時一躍

梁碑世罕見歸然一二存劫火燒不盡文字留精魂誰銘始興績鐵畫銀鉤痕筆力透石骨虞褚皆兒孫一幢戴橫碣反書竒可捫腐骨瘞何處今古誰與論既死則速朽何取祈連尊

繖山未云高遠矚了無異平疇徑縈紆度越久方至長林夾廣術紺宇出深翠崇墉開闔闔上有栖霞字入門啟仙都臺觀虛無悶豈惟人情况已出佛思議渾言懼多遺悉數恐莫暨離合分兩戒左右歸一致視聽苟無眩竊願作詩記

西鑿十頃池題日彩虹鏡飛軒曳長橋水心一亭正偃波赤闌垂倒影碧峰淨青蓮可喻法已植千玉柄仰觀且無窮俯拾當有竟過此勞躋攀前谿一僧迎

拾級梯翠微所歷卽漸高但聞松子香排立蒼虬蛟右折般若
臺石磴歧途交下瞰德雲菴古礪桃花飄奇石伏虎豹谿硤關
深濠積水猛穿貫萬蟒翻銀濤疑在匡廬中俯窺三峽橋杳然
非人間我欲攜漁舸

惟石稱至剛惟水稱至柔峩峩疊浪巖乃學江河流皴劈開層
波磊砢懸浮漚四海水皆立溟渤移陵邱石罅披蒙茸碧如荇
藻浮驚瀾展千丈疑有蛟龍游鱗甲苟一動銀漢不可收潮音
爾何來萬木鳴颼颼

萬松圍山房株株具竒矯皆爲千歲物造化不能槁就中九株
松形狀比人老離立爲倚藉相顧顏色好天章一題品諸叟
益壽考拍肩倘能言晉唐事了

磴窮寺門出乃造幽居菴僧雛看宇秀解作搖松談詩人與談

嘲不答心自諳彌勒學道者許客來同龕佛火照深院妙諦團
樂參寒月出桂樹下界鐘魚含侵晨倚導師北嶺爲幽探

寺東啓朱戶是爲幽居園臺榭妙不多曲廊相往還叢桂香十
株修篁綠千竿此外盡山石怪變呈竒觀凹處豁池沼立處張
屏藩沼中伏犖确屹屹龜鼉龜誰持切玉刀界裂衍波箋御
題雲片字詩句摩崖鑄空翠拂拂飛我亦南宮顯

舊園接新園萬石聚成海或爲鸞鳳騫或作虎獅待或屏幃摺
疊或洞穴杳靄茲山本磊落峭削矜礫礫昔遭泥沙瘞卓犖變
鄙猥譬諸七竅塞稍稍露頰頰豈惟失秀靈面目亦全改相公

尹望山
先生

妙開闢剔露出鬼鼻洗刷其罅竇積滯一朝解稜稜挺

天骨脂肉不妨醢大邦現城郭名將耀甲鎧土淨石全出嵐氣
發新采世人構亭館卷石萬錢買岸嶸如可移吾將賂真宰

北上最高峰大江落手掌江南地欲浮江北山盡仰天風吹我
衣下挾萬松響壯心忽一動慨然發遐想大千局屢變六代事
已往誰求攝生藥不免埋草莽决眦送冥鴻滅没青雲上
下山循東谿離宮接陂陀層檐裊修廊中貯陽春和涓涓白鹿
泉分溜穿巖澗決筧瀉飛瀑琴筑交鳴珂山形若紗帽漉酒誰
能搓 御宿最幽靜百靈衛松蘿唯聞翰墨香彩潤飄巖阿
巍巍千佛巖鑿山象能仁石亦具佛性化作千萬身一龕函一
佛閱歷幾微塵雖無劫火燒巒頭漸崩奔可憐巧匠斧難免空
王嗔隋時阿育塔龍象標嶙峋何者具威力佛亦當時人我聞
無佛處亦可稱其尊

前尋紫峰閣仰挹功德水一磯承暗泉宛然飛燕子纖鱗恣游
泳碧沼清見底試流上已觴豈遜蘭亭吐乳竇味甘冽汲煮漱
玉齒斜日不下照白雲暮歸矣

東磴下已盡依然緬前院琳宮聳中央突兀獅王殿返瞻周遭
山勝景抱三面前開半月池虹鏡分流濺懷哉明隱君避喧匿
槃澗捨宅爲寺時榛莽依稀見巖壑有顯晦翦剔遞更變今茲
湧蓬瀛金碧傳丹絢若使真仙游裴回亦忘倦

雙龍燈

炎官豢龍龍熱中飼以烈炬丹其衷白帝之子不敢鬪誰爲御
者神祝融齊驅並遣下元夕叩首掉尾垂雙虹一珠墜擲等拋
餌兩龍倏忽騰虛空珠升珠降龍下上龍飛龍躍珠西東勃焉
糾結不可解珠却遠颺龍難從砉然開散各奔赴一珠仍引雙
龍攻不知究竟孰勝負但覺龍身珠顆繚繞變滅雲霞紅共欣
神物不易覲那識百夫扛舉播弄騰挪工擎珠之子更狡獪能

以一珠八面相彌縫
驪龍抱珠臥不起
真龍在天豈屑驚凡庸
燭龍雖假可狎玩
葉公拍手同兒童

邀尹公子似邨陳公子梅岑李大令竹溪過隨園看梅
小飲仍用前韻

池館都無一點塵
濠梁魚鳥自來親
看花時節閒非易
招隱情懷懶是真
久托龍眠圖雅集
竟邀宋玉過東鄰
紅綃綠萼皆仙眷
解勸深杯莫厭頻

書胡書巢德琳入蜀紀行詩後五首

蠶叢竒險入雕鏤
大筆真能挽萬牛
若向詩壇拜茅土
也須封

作什邡侯曾令什邡

上界題詩下界聽
江猿峽鳥叫冥冥
淋漓墨染千尋壁
抹倒張

郎劍閣銘

羣山萬壑指螺收
如展圖經續臥游
毛髮開張看險語
頭風疔瘡一齊瘳

杜老秦州以後詩
居然搖筆與爭竒
才人氣力英雄膽
俯視乾坤是此時

買得弓衣細細看
山廚煮雪對袁安
子知君拄笏齊烟裏
近令山左

不忘生平蜀道難

次韻答似邨

連朝屐齒遍荒園
疎影香浮吐萼繁
酒賣僧樓寧惜醉
琴彈仙院不聞喧
江山王謝家何在
烟月齊梁局盡翻
更欲邀君攜鴈
櫝尋春去聽野人言

烏龍潭訪汪氏廢園

風潭百頃木千章
一丈荷花十頃香
天入夏時無暑到
木當深

處有龍藏荒園老屋人堪隱好友東華語最詳謂龔鑒成仲子豈料探尋成瓦礫兩年中已換滄桑

隱仙菴聽鶴雜道士彈琴並讀龔鑒成友題壁諸詩有感二首

雲房蕭瑟石壇閒有客尋幽扣竹關丹竈火温茶正熟羽衣人去鶴難還神仙已化絲桐在竺道士弟子能詩操縵徙倚中庭雙桂樹古音盈耳借舒顏

壁上書留舊墨痕故人消息共誰論家饒田宅爲身累士解悲歌是病根天與高才知不死詩多奇氣定長存無因買屋居陽羨爲爾親調藥鼎温

陶谷看梅花

一塢寒香一嶺雲至今空谷屬徵君花開野店人爭訪酒賣斜

陽客半醺破屋簫吹吳市曲春山詩唱鮑家墳三層樓倒無通隱風外松濤孰共聞

難別

新巢泥濕罷經營又買江船泛宅行難別紅梅向人笑歸來應是綠陰成

江行三首

連巒橐洪瀨積帆散頽波驚風千里來鼓盪蛟龍渦挂席爭中流擾擾知誰何井邑冠層崖居處人亦多輕生涉險阻恬懷失天和微軀鮮寸鱗焉敢狎江河眇彼投綸客鼓柁隨駕馭逝川淹華景含意傷蹉跎

浮雲隱崇阿飛雨灑遙汀流電掣空江乃知水氣明萬籟各屏息六合奔雷霆俯仰孤艇中每聞暗浪驚天威遞收攝漸有兒

嗚聲迴颿或可借裊艣同宵征
朝曦耀廣川溟漲含清暉積晦斂長巒蒼然來翠微芳洲艸已
綠暖烟織林霏衆鳥悅晴光迴翔何所歸縈想不能語渺然悵
多違

醉言六首

暮天入空江列星勢欲脫包涵不能盡始見青冥闊春月氣微
寒娟娟起林末窺我獨坐時睂眼借開豁讀書心久死每被酒
力活所志古有命不可倖而奪失記張強懷覆杯聊一過
檢我少年詩多怨類女子斤斤計窮達所見一何鄙呼兒試讀
之秋聲滿雙耳悲歌亦何益豪俊幾回死汝曹但修身他日勿
爲此

蚩蚩句讀師立訓求富貴豈知先入言已錮畢生志豈有功與
名利欲汨神智可憐患得失所爲復何忌身名終敗裂有學益
滋累煌煌聖賢業浩浩古今事所以教兒童當存周孔思
古人書亦多讀者自得之憫彼寸光眼分門各宗師聖賢亦有
徒何取諸愚癡謬妄只自戕先覺恕無知焚書豈無見六籍終
存遺

游藝屬餘事通儒無不能用之廟堂上鉅細皆克勝取少而積
多寬裕歌同升俗士竊章句驟貴亦自矜國家數大事何以爲
肩承兵刑錢穀閒茫然日兢兢仕優不遑學没世將何稱少賤
歲月寬慎勿悲填膺

旣醉語不擇每作無稽談妄言或蒙恕迷罔我已酣我本不識
字所論只自慚邨雞叫喔喔斗直星河參江水手可挹飲之味
清甘褊心塵垢多洗滌一再三庶幾生智慧不復終愚憨

讀史三首

我讀唐虞書命官各有專子孫世厥職家學承其先一事不易
任兼攝何能全後來分途科借求天下賢人各有不能忝竊真
強顏不學而備位倉卒難勉旃黠吏上下手每每操微權宋明
兵戈際用人尤可憐一將當八面調遣如循環人才一何少庸
豎蠢其間豈無遜世翁山中掩柴關斧斤既莫及朽爛同曲拳
只令論世者讀史興長歎

禹稷契夔龍治世自有餘巢由彼何物輒敢傲唐虞無用托高
尚其人本庸愚臯陶既爲士狂誕當並誅我疑無此事寓言同
子虛如何二子名不載聖人書

清時耻貧賤致身惟恐後乃知

聖明朝隱逸不必有繫辭遜蠱閒亂世爲亦偶求達遊終南何

異自媒醜錮疾沈烟霞有無不足取數徵不肯起所挾豈真厚
鳳麟禽獸耳感德現郊藪

文字四首

心與文字會飄飄起春雲又如春江流波瀾了無痕篇成覺微
妙其故亦難云改念谿逕別再爲工拙分平時讀書力醞釀卽
漸醇此境不易到可爲知者論著作有時運何況樹功勳

巍巍淮西碑中有萬丈光君相力難掩天地舒其芒蘇文入厲
禁厄盡久益昌後生學操觚汲汲恐弗彰剽賊浮泛詞竊譽豈
能長其言本無根夕萎奚足傷

熟精文選理少陵亦有言豈謂摭浮豔詡詡華藻閒與義究何
在讀者多茫然摘獵什百字僻詭矜雕鑿復贅雜腐晦拗澁兼
拘牽讀之了不快自詫千秋傳嗚呼六朝人何處明誣寃

文章本性情不在面目同李杜韓歐蘇異曲原同工君子各有
真流露字句中氣質出天稟旨趣根心胸誦書見其人如對諸
老翁後賢傍門戶摹仿優孟容本非偉達士真氣豈能充各聚
無識徒奉教相推崇之子強我讀一卷不克終先生何如人細
繹仍空空

辯詩

唐宋皆偉人各成一代詩變出不得已運會實迫之格調苟沿
襲焉用雷同詞宋人生唐後開闢真難爲一代只數人餘子故
多疵敦厚旨則同忠孝無改移元明不能變非僅氣力衰能事
有止境極詣難角竒奈何愚賤子唐宋分籓籬哆口崇唐音羊
質冒虎皮習爲廓落語死氣蒸伏屍撐架陳氣象桎梏立威儀
可憐餒敗物欲代郊廟犧使爲蘇黃僕終日當鞭笞七子推王
李不免貽笑嗤況設土木形浪擬神仙姿李杜若生晚亦自易
矩規寄言善學者唐宋皆吾師

春雪

龍公試手剪霜毛恰共春霖潤土膏但入田疇滋黍稷莫歸江
海助波濤危峯暫失青千仞涸渚旋添綠半篙欲敵新寒借邨
酒暮天空闊一漁舸

皖口謁余忠宣公祠二首

十載重瞻廟像真同龕相敬故如賓一塘清水澄千古三菊香
泥葵六人貪祿敢存能死念臨危纔見讀書身江濤氣靜靈旗
閃天馬邊旁有畫輪

雨歇空江濕霧沈特攜妻子一登臨乾坤空闊巖疆小鐙火高
寒古殿陰徙倚暫舒行役眼蒼茫同見古人心殘碑再讀何關

涉不禁潸然下拜深

極目二首

江山奇勝總偏安天塹茫茫固守難史冊事隨春夢過皖公青
入酒杯看

雙姑秀色接金焦磯石攔江露一椒萬壑千巖苦收束讓他中
抗海門潮

讀荊公集二首

事業施行與志違當時得失咎何歸更張治國求強富錯誤隨
人著刺譏立法至今難盡改存心復古豈全非終身刻苦無知
已文字誰參意旨微

定林酣睡半山游豈是江南隱逸流學術偶偏誰曲諒功名難
遂自懷憂得君許用匡時策言利非同爲已謀商鞅宏羊何足

責由來賢者繫春秋

題荊公集後三首

力肩家國任非輕宰相何堪氣不平若使虛懷能悔過當時君
子自無爭

許國知人事本難豺狼反噬可心寒憐他一代斯文友說到功
名白眼看

千鈞筆力氣嶙峋一代文章侍從臣却怪當時枚卜錯從來相
業恕庸人

讀昌黎詩

巖巖氣象雜悲歌浩氣難平未肯磨自古風騷皆鬱勃人生不
得意時多

讀宋人論新法劄子

三代而還不可爲漢唐刑措且難期羣黎福薄人焉救累葉財
空運久虧本欲鍼刀蘇痼疾誰知藥石付庸醫後來十九遵遺
法功罪如何請細思

小姑山下見鴛鴦

第一故鄉山江烟擁髻鬟波濤莽迴合竹樹自蕭閒古廟羣龍
拜扁舟十口還鴛鴦最恩愛同宿水雲閒

湖口縣二首

江水平分處湖光繞縣門磯迴漁艇聚沙淺釣樓尊古壁添新
翠春流驗舊痕巖風弄鐘響疑有暗鯨吞

列岫鬱蒼蒼彎環挂女牆烟波接彭蠡門戶鎖南唐地入魚鰕
市天隣橘柚鄉迴頭看湖水一半下潯陽

大孤

凌空留直性立脚見孤根不黨規模正無依氣象尊六鼇扶地
軸一塔語天門幸有前峰在中流托弟昆

望廬山積雪

九疊玉屏張晶瑩接混茫際天迴暝色返照出寒光凍蟒翻銀
瀑飛鴻散石梁臨風懷酒客頭白坐書堂

讀晉書四首

隱囊玉麈閒粉澤尙文雅不知廟堂中誰爲謀國者太平幸無
事盛氣不相下新亭流涕時夷吾毋乃寡

羊公讓開府歉然以爲媿侃侃薦三人不敢竊高位未達多勝
臣賢路宜早避謝石彼何人襄墨乃其諡
當時浮華士笑輕王景略去隱華陰山飄然若孤鶴桓温不可
並苻堅聊且托賢哲生亂世通顯等流落勿謂燕無人猶有慕

容恪

儒素爲古拙詞賦爲君子卓哉李士恢議論乃及此義不關勸懲相尚入奇詭齊梁亡國音風教日淪委作俑始何人嗚呼操與丕

落星墩

星隕遂爲石其理夫如何落者不復上繫天恐無多但見大星落不見大星生名將果何物誰見來蒼冥蟲魚雜鳥獸列宿二十八不信土蝠精機聲弄伊軋盜賊應天象水旱移星躔斗南箕尾人大抵想當然

詠懷三首

勝引不可卽深衷見良難每託古人意一唱再三歎我憂亦何繫中夜慘不歡起攬將敝裘一禦江湖寒崩風徙哀壑猛雨驅驚湍默坐不能語寂寂摧肺肝

溟漲圻陰崖頽波蕩陽谷稻梁散洲渚尚有饑鴻哭天灾罰寧道

聖澤流何速溪痕縮三丈濱沱已成陸茅茨渺難見荒邨餘破屋全生賴網罟魚鰕命良促浮家溯江湖涉川亦云屢春雲起天表下有先人墓錯迕紛世緣故鄉不得住去官失微祿飢色漸如故積隱未易明疑者或多誤默念孤生桐萌芽托誰護

懷袁叔論二首

春禽聲裏念冥鴻俯仰寬閒一畝宮海內幾人成達者山中七載作詩翁性靈獨到刪常語比興兼存見國風辭却龔黃就陶謝卅年心事漸消融

平生心折友兼師初服言歸媿已遲招隱無書寧見絕登臨有
賦定相思桐鄉愛慕存生祭綿蕞威儀託見知老向柴荆嚼冰
雪賞音端合付佳兒

左蠡

異哉漁家兒乃欲作天子用兵亦如神敗則爲寇耳艸木鱗介
儔效靈各有以義士卅六人先後得其死十廟起鍾山功臣盡
誅矣

樵舍

朝建大將旗禽賊孤蘆下暮坐九華山蕭然學道者功名處危
懼性地益瀟洒危哉兒戲朝名器笑相假朝廷豈無人柄國一
司馬西南盜從橫剪削賴儒雅流連極荒淫憑誰扶大厦十丈
匡廬崖淋漓自揮寫

南臺登舟圖周景桓學士奉使琉求小照也乙酉裝潢

成卷屬題

閩吏恪具朦朧舟海色如鏡祥光流翰林奉使全與周銜命遠
涉封琉求聖化八紘包九州東西南海同浮漚南臺屹立控遐
陬一堤以外乾坤浮去華入夷途孔修水籤特報初程郵

皇威臣寵丹青哀氣象千萬一卷收導引龍節旌旗存儀衛肅
赫軍吏侔周公繡袞乘華騶玉山蠹蠹春悠悠端凝風度如陵
邱送者觀者歡油油公繼看山產于涪文筆扛鼎挈龍虬誦詩
三百美專對

帝曰漢臣惟汝優公涉險阻忠信謀天吳向若不敢偷臨事排
決無蔽俯燭照物理人焉瘦獨持大體宣

皇猷謝絕贈賄嚴財賕濱島地下苦隘湫公出正氣驅疾憂夷

風國俗相咨諏一一載記聲鉤輶作志練賦閱春秋濡染大筆
何其適有時攬結爲吟謳懷

主戀闕多夷猶竒情藻思乙乙抽物外狀態供雕鏤赤文綠字
耀衆眸仙人讀之針芥投歸獻明光付鞮鞻

帝曰汝才遠克柔夷使疊至陳共球識公暗指清班頭當公詞
館職校讐循循何異書生儔況公自好不競綵

帝拔于衆誰實由用公作楫安陽侯小試已見承天庥事過追
憶雜喜愁皇華四牡斯圖留底用射魚跨之罟鴟鵬曾伴逍遙

遊

次韻答武寧盛收秀才二首

修竹爲子身纖瘦挺而逸下筆鳴朱絃鏗然中徐疾萬籟各有
聲子獨語其適乃知靜者言食氣自胎息掩關聽苦雨不若鼃

鼃出驚雷一繞柱稍藉破沈鬱時枉後生駕子學與衆別如何
讀書眼瞭瞭若明月

繾綣對之子黯慘思尊人

于明先生

昔爲河梁別遂作幽明分傷哉

大雅才不入鄒枚羣布衣抱六籍泉石甘沈淪釋我矜趨氣襲
襲吹蘭芬入世廢然返心志悲煩紛雛鳳鳴高梧清響欣重聞
子能起吾衰奚翅翁長存

次韻答汪雲谷

德鵬

秀才

平生幽恨古今積半夜歌聲風雨驚但借文章敵憂患莫看科
第作功名淚多豈必臨歧下感雜真憐逐字生讀罷君詩燈火
滅我心終夕一光明

辨命篇貽揭生

二氣運五行兩曜領羣星萬物產其中恒沙相滅生賦稟適與

值豈復能將迎造化任厥勞苦爲持權衡富貴貧賤之瑣屑煩
冥冥察察降禍福恐傷真宰明我身非稷契本不關重輕偶參
萬彙閒倏忽委骸形無德竊高位糜祿負虛聲縱免世俗責終
懼干雷霆我生四十年喜赴鷗鳧盟待盡豈不樂遑計軒冕榮
揭生讀書者抑塞困一經偶開談天口默識誰公卿其言亦多
驗叩者來充庭所得不償勞頗覺困憊并辨士風塵中賢愚各
經營但爲利達謀時被寵辱驚子術善推測孰是列星精孰抱
用世才孰立不朽名千百有什一庶幾

聖朝英惠吉而逆凶理數嘗代更幸語蚩蚩士福命休強爭

市人鬻紅鶴詩翻刻本子石蘭購一本與思慧并成三
絕句見示讀竟愴然次韻志其事三首

鶴返仙源術莫追棠梨一樹殞宮垂誰翻副本街頭賣三百青

錢兩卷詩

彈指浮生信有涯自來無命屬多才六年欠爾招魂賦怕惹秋
墳鬼哭來

空將遺艸委街塵萬幻何曾有一真阿姊買詩嬌女校可憐愁
煞序詩人

射鹿圖

讀書射獵過生平攬鏡披圖亦可驚乞我黃麋三斗血爲君重
唱少年行

謝蒼厓丈西堂小飲次韻六首

別去紛離緒歸來倚至情愁多詩漫與歡動酒先呈壁畫塵難
掩簷花架尚繁深杯對斟酌細向雨中傾

引退窺微理追歡惜寸陰誰兼才學識幾閱去來今力薄防恩

重官貧得累深如何泉石叟亦動絕交心
穿墉勞雀鼠布策悟天人衛足輸夔巧除疴倚艾神舊巢鳩占
半華屋燕窺頻不與浮雲競知翁嬾是真
老去仍豪俠黃金散不歸碎琴心已淡說劍興猶飛蜂趁殘芳
亂螢爭腐艸微巡檐觀物理筇杖獨依依

書摹乞米帖人喜閉門居醉後爲狂耳飢來每宴如留賓申繾
綣作達減欵歎我亦長貧者初迴墨翟車

翁歌招隱曲我脫進賢冠髮已星星變書猶細細看誰憐十年
仕尚少一枝安棋局平非易中心莫再彈

黃泉哭贖屋

典宅具舟當日事傾囊贖屋此時心寬宜舅氏全家住僻慮東
湖淺漲侵碧井長開窗底鏡老樟仍落巷南陰爲翁門榜題安

樂三匝無須更繞林

贖老屋

祖遺百年屋結構樟以南昔貯萬竿竹花木喬夭參地廣屋不
多南東向猶兼卅載邁中落離散誰能監家貧力難守典質一
再三傳舍歸強隣視者環而眈我歸越門巷憑式憂心惓稱貸
以贖之一洗先人慙逡巡入故巢頽敝誠何堪剪伐失嘉蔭風
雨摧層檐補葺具塗堊拮据持危阼敬潔西三楹中設祖考龕
二十四栗主九格分藏函聚處妥先靈簡陋祈弗嫌蠲吉肅籩
豆齋沐先期嚴質明率家人禮意俱能諳承祀爲世守受福繩
繩覃北堂兄嫂居生長宜兒男古井依庖廚泉清味芳甘新婦
試朝汲庶不勞餅甌綽楔表衡門稍冀殊閭閻豈爭鄉里榮或
免強豪貪予心自綿邈達者嗤愚憨析薪如之何竊願兒曹擔

瑞洪鎮奉太安人展外祖考妣墓

十年一度牲醪獻二老千秋鑒格存感極欲招雙鶴語官微難
答九原恩平生盛德傳間史他日
皇宣表墓門六十慈親同孺慕霞裾來拜尚聲吞

饑民歎

去年霪雨落半載田畝漂沉鄉井改今年霪雨落十旬迫促萬
姓爲饑民雨中行乞水中死屍積河壩人滿市昔爲饑婦躬蠶
桑今作楊花飛道旁貞淫飢飽互倚伏野鴨浮沉孤雁哭良田
廢壞地不毛老屋毀棄全家逃貧富無常本如此苦雨綿綿何
日止

後饑民歎

輔中丞去霪雨止明中丞來黎庶喜救饑拯溺甦餘生官米分

厥公微行博濟事難心力盡一念真能立民命往年煮粥哺饑
民自朝至午猶候門粥餒粥冷苟活爾待粥食粥前後死人氣
蒸染疫乃作轉眼紛紛委溝壑往年賣米飽吏胥今年賣米弊
稍除人多米少且相恃中丞苦心盡于是不見他郡民飢官不
聞恨不生作南昌人吁嗟乎南昌之人愁復愁中丞明日還蘇

禁砂錢

富人錢多朽貫索窮人錢少生貲薄奸民聚徒剪錢邊大錢逐
日變砂錢中丞忽下禁錢令官吏滿街真暴橫搜求廛市繫樵
豎販負歸來囊橐罄別有官人猛如虎砂錢不足大錢補千錢
萬錢入官衙行者吞聲居者苦吁嗟乎剪邊之人聚何所

弛錢禁

砂錢未竭中丞死中丞之禁何時止萬家歡迓明中丞綵樹接
巷懸珠鐙明公令弛砂錢禁可憐笑獨存軀命奸商鬻米尚效
尤官來當街箠不休商云官前撻我用砂錢今復撻之不我憐
窮民欣悅官長笑後先但奉中丞教吁嗟乎明中丞來吾豈料
題林雅成有彬詩後並寄平園同年有席明府

妙譽稱難弟清才說小林廿年鍵戶客千古讀書心比歲流亡
集諸生智慮深歌詩崇大雅樂府嗣遺音畫壁詩留史朱絃操
入琴羣公登袞袞一劍走駸駸風雨牀堪對關河感不禁學常
憂閒斷跡未許升沉經世功難見名山業自任人看逢掖貴爾
抱璞函琛久躡湘東履頻題漢上襟離思紛已極嘉會喜重尋
問訊分行雁傷嗟失乳禽喪應讀祭禮官不媿慈箴鏡具齋猶
緩齋廚突未黔霉痕衣彩漬霜點鬢絲侵鷓翮真成退麟豪已

罷簪朋權蚤負駟交義芥投針泛宅終懷土披裘實賤金誰能
振毛羽只自笑蹄涔渺爾雲分岫懷哉樹共岑檐花落如雨何
日酒同斟

忠雅堂詩集卷十三
蘇子休以白芙蓉
忠雅堂詩集卷十三
蘇子休以白芙蓉
忠雅堂詩集卷十三
蘇子休以白芙蓉

忠雅堂詩集卷十四

鉛山一蔣士銓定甫

乙酉下

雜詩

地力養萬物至慈過于天但任發生勞不操旱潦權川澤本納
汗時代已互遷割圻日紛紛坤維體常全誰搏大塊土懸置天
水間六面聚人民如蟻緣彈丸中藏萬類骨雜以木石穿量厚
故可久順承歸自然

到鉛山有作二首

曉日半城山人家積翠閒確輪晴雪轉麻地綠陰閒鳥勸田翁
酒谿明浣女鬟天涯求樂土難道勝鄉關
餘糧栖壟畝鄰里說豐年穀減荒時價廚添破屋烟扶犁歌飯

雙糶米計囊錢敢笑樊遲稼躬耕少薄田
上翁詩六首

十年展邱墓歸舉焚黃禮鳴騶擁飛蓋
鳳敕函中旨肩輿從
眷屬馨潔載牲醴循塗詣崇阿次第遵遐邇

皇仁逮艸澤榮輝動鄉里多謝路人言積善報如此

我祖生吳興九齡值喪亂全家避氛警
局匱匿童艸大帥逐狼
驅挾以逾嶺坂于時我會祖譽望
鵬湖冠張筵友衛霍醉發微
蘭歎爰乞靈芝芽移植瑤階畔
嗟哉覆巢羽卵翼恩無閒長松
蔭修蘿寄生成直榦

祖妣十五齡綦縞賦于歸共命歷艱難
涉世心已微夫子性冲
逸遁跡慕翔翬旣冠窮五岳數載一言歸
性樂支許儔元詮契
無違垂老厭世緣內省悟前非
鸞耀有同心繡佛栖林霏翩然

棄二雛竟作冥鴻飛

言瞻梅山塘崇岡羅竹樹峩峩三尺阡是爲我祖墓
生遺簪組
榮歿荷 絲綸譽 贈官如厥孫晉階承異數豐碑改華秩
隱
德垂斯裕煌煌誦 天章泉臺淚如注

迺駕指九都迤邐紆田疇嵌空裏高鳴祖妣藏斯邱
去天不盈
尺千仞蟠靈陬妣德植懿美規矩清門留 敕贈太安人鳳紙
耀松楸我母昔于歸及送芻靈輶寔息卅三年老淚尚莫收
未
荷含飴恩生晚每自尤脆質任重難仰冀垂慈麻

曲阿抱東郭云是古蒿里我考夙願違恩遽窳于此奄忽
歷歲
月改葬期尚埃惻惻感霜露引責不能已 贈秩陳墓門深恩
逮存死我母率婦孫再拜酌清醴三稗解傷懷天性良有以

西山庵訪程舊湖 煨

青嗟接西郊紫紆繚田盤寺門闕深翠修篁萬千竿詰曲陟古
磴幽禽時一喧中有習靜者讀書掩禪關抱經二三子講學松
筠閒舊湖俊彥士文彩比龍鸞廿載困一經樂不改朱顏涵養
經綸才岩谷有餘歡坐我最高峯俯瞰羅城闕開豁萬古眼惆
悵亦難言樂哉愛斯邱荷鋪吾何患

瑤坪隱修園訪程重黎炎二首

讀書宜園中三程爾最季未冠角嶽嶽已露軒然氣廿載復相
見獨抱匡時志學掃章句言識洞古今事兀兀鮮同調把卷或
流涕秉燭話深夜一契平生意昔賢忠孝心微時敢自棄可憐
伏處者刻苦見文字

小園荒不治生意滿軒楹瓜壺綴松棚鳥雀安柴荆手釣方塘
鮮汲井爲我烹生徒質疑義辨論多從橫逡巡進斗墨索我書
素屏一掃三十幅擲筆山鬼驚農談出夜半九穀豐年成酒闌
相浩歌河漢橫庚庚

安泉園拜張素邨前輩匱卽信宿水軒感作三首

再過西州路山堂一慟時科名生死接身世去來知己逝歸何
處猶存憊若斯八年磨鏡具還及總帷垂
手築依山墅堂軒一半成花垂傷逝淚鳥作憶人聲雜樹留遺
澤諸郎護短檠賜書能共讀寥落慰平生

跂足眠孤館林空衆響來招魂先滅燭感夢出餘哀兒女緣初
定時爲次兒知風雲念久灰朱陳邨落在何地起樓臺

宜園與張儀清岐周凌十士洲昆仲夜話二首

衡宇聚深巷馬衙張氏居祖父立清門兒孫守吾廬閉戶謝人
事孝弟相歡娛堂陳古琴瑟淳風見唐虞森森列童稚玉笋驚

雷舒揖讓無疵瑕各解嗜詩書于人無取求倉廩恆有餘比戶
苟如此民氣還古初

宜園三畝宮池館閔花木但聞絃誦聲幽偏啓家塾小樓我舊
栖布席藉檐綠心苦祛百慮展書終夜讀忽忽二十載每至生
感觸秋燕戀春巢飛鴻漸前陸主人知此懷追歡勸醺醪

太安人攜家人避暑觀音石淹留竟日題壁二首

芒屨又落故山中記得仙巖積翠通一徑斜開青峭舊全家來
坐碧玲瓏雲根翕闢幽宮啓地穴裕訝伏暑空戲掃苔痕留醉
墨不煩他日藉紗籠

家人雜坐縞綦聯拔宅居然作散仙水月閒參觀自在川巖誰
證妙因緣勞筋息後存真性慧識通時破野禪收拾宰官身便
得浮生何必問諸天

興安道中三首

羣山奔會中孤嶺每一卸叢叢灌木合隱隱邨墟藉後巘降已
深前谿入猶乍田疇好風日宿雨長禾稼丈人倚柴荆召客憇
茅舍繞屋栖餘糧倉廩無隙罅豐年豈有常比戶畢婚嫁
連巒石輪困起伏散壁壘我疑神人戰旗鼓擲于此免胄鬻爾
顛覆釜赭其底時清洗兵久刀劍不須砥地力用各殊藉以鎮
郊鄙團團列星隕鞭撻孰能徙崩崖垂象鼻宛若鉅橋圯石爾
苟能言吾將扣微旨

靈山自端居岑山走一臂側嶺臥高原城郭壓肩背縣門帶場
圃榛莽雜蕪穢街衢日色薄寂莫吏民對昔聞聚逋逃據險亦
可畏荒墟存黑灰冶竈今則廢懷哉古人心建置豈無謂

河口夜泊

斷雁叫人起暮江流月寒倚篷秋思苦入夢母身安客人家何在行多路益難依依感桑梓還作異鄉看

峯頂庵

直上五千仞直下一千尺始躡蹶湖趾旋跨駮湖脊杉檜谿谷量俯視綠陰積一徑度林罅幽泉戛璫壁環崖納崇宇城郭倚天立敕建選佛場大義首飛錫中興托養師唐宋歲時歷溶溶放生塘魚鼈自成國羣僧習畊耨打稻及秋日雖無慧業人具足資佛力出山高岡盤左嶂掌突兀如獸渴奔礪如龍怒騰壁誰云擲屠刀尊者幾回寂講堂負山陽朱陸手親闢鄭公立祠田遺制已陳迹但供官吏餐稔穗恣撫拾不若粥飯僧團爨飽香粒

張節母詩爲鉛山張湖妻黃氏作

生于黃適于張夫未冠游上庠年廿七夫病疴妻乞身代夫竟亡投繯入井不可得引領觸地生何望撫孤難死節易任厥難妾無嗣小姑有女叔有兒妾撫育之婚嫁之孤兒漸長老姑死寡婦獨存復何恃兒娶婦婦生孫孫歿婦歿兒亦淪母遭此阨可以死天殛神罰憑誰論母不死泣于天妾志堅天無權妾夫何罪至于此宗人有子卽夫子繼我子繼我孫枯荻再稊續本根啞啞庭中烏頭白猶將雛雛今返哺烏已老七十之年心力槁老婦何須乞壽考張郎有後餘生了吁嗟乎鄉人自請朝廷旌節母焉知千古名

暇樂園夜訪鍾季子銜書張仲子廉船

二子翩然兩臞鶴游戲溪頭同飲啄野人一艇渡黃昏接翅僊僊入林薄細路屢折叮哇通豆棚瓜架陰森中雙樹縛門一畝

宮花木掩翳芸香濃修篁千竿丈夫立斧斤久赦龍孫集炎威
烈暑敢侵越疎雨涼風時出入兩君讀書齋菜根俯拾葵藿充
饗殮縣城咫尺等隔世茅齋深隱誰叩門鍾生瀟灑不羈馬恭
謹束身能大雅每吹鐵笛裂山石時作浩歌飄屋瓦張生厭踏
十丈塵低頭笑作山中人烟霞醞釀感慨息經史浸灌才力真
我家隔溪一茅屋朝饗夕殮冰玉痕暇時難得樂豈易且其二
子傾杯尊鄰家農圃各酣睡屋角疎星低欲墜林中吹火覓渡
歸迴首柴荆失空翠

驅巫

巫覡紛紛行鬼教可憐不遇西門豹呵神叱鬼唬復笑病者驚
疑醫莫效東鄰夜半擊巫鼓擾我酣眠魂夢苦披衣踏月登鄰
堂妻孥含泣翁臥牀老巫搖頭作神語手持龍角呪白虎猙獰
醜怪神數層雜以淫哇真可憎木鸞金帖隱旗幟高爇本命符
牌鏡我裂神像付一炬脚踏餘灰折弓弩吹鐙罵巫巫疾走賓
客循牆皆舌吐巫神巫鬼紛竄逐明晨病者起食粥胡生
爲作驅巫詩三日傳誦城鄉知前聞太守召巫召已魂鼓樂送
巫歸廟門吁嗟乎妖由人興胡不聞

擬古樂府三首

郵農擔米環官倉倉門封閉不納糧納糧廿日倉已滿爾農交
糧一何晚青錢三千折一石擔米入市減米值賣米不足典敝
衣身寒腹餓含淚歸省城米賤近河泊買米入倉省水脚七八
年倉禁久開爾農何以不早來
官錢放息加五分市賈見錢爭閉門排闥委錢辭不得兩月收
息違爾責青蚨九百當一千奇贏無術捐已錢吁嗟乎爾賈逐

未較錙銖冥報之理真不渝
頭廳塵滿草垂葉闌人當門收訟牒訟牒一紙錢數百十訟九
年一二結閭胥里長報路斃無錢報紙不能遞自辰昏昏直到
酉秉燭聽訟侑以酒官醉吏役倚壁眠階下人逸無人牽雞鳴
漏急官睡醒放衙且歸各安寢

十月二十八日四十一歲初度避喧入西山庵宿程菴
湖書堂不寐題壁時菴湖赴西鄉燕席三首

擁絮君牀夢不成廿年真感友恭情誰知浙瀝山中雨一夜孤
眠聽到明
華筵絲竹蠟堆盤傀儡登場倚醉看豈料空齋亂書裏有人消
受五更寒
竹樹蕭蕭翠作雲菟裘終老可平分未能拋得團瓢去半爲山

靈牛爲君

張儀清小照

隔窗聞君讀書聲天風琅然調玉笙同時兄弟等膠漆廿年散
落如晨星高才無處索知己兀兀山中坐不起仙人或借芝朮
生丈夫肯學蟬魚死知君鬱勃莫能吐寄意丹青聊復爾樹根
松子落成堆石上苔花豎莫洗飄泊君應爲我憐我夢戀君一
畝園人生出處都無據圖像麟臺亦偶然

留別鉛山同學

扁舟留不得執手復依依故舊情彌厚鄉關願又違
資身無繡壤托足少漁磯却指天涯路翻言送我歸

送吳蓀圃舍人出牧象州

捕蛇封象迹如何八記風光取次過卽漸蠻荒盛文雅西南奇

秀在山河變通刀犢知官好感化鐘黎驗政和試覓羅池碑字
古硬黃蟬翼細摩挲

小除日在南昌有作三首

轉徙鄉國閒忽忽逢此日冬雷驅猛雨墜我蠶蟲室燒我楫楸
讐婦子對促膝煮酒娛老親頓失寒氣栗新居寄臺城遙望不
可卽窗梅孕丹砂徙倚定安吉

貸米養十口甘旨或難繼覲然爲人子何以歌不匱飢窶過我
者況復絡繹至情多敢自固急難遵古義乞醯縱傷直不違來
者意散金什伯餘苦海終莫濟安得天雨粟一卒飢鴻歲

去臘走金匱訪我同舉友風雪掩衙齋殷勤共杯酒鐙前紅頰
兒豔歌出香口倏忽歲一周元枵又迎斗悠悠身去來滾滾江
左右明年歸艸堂定坐讀書牖

廬山圖

幼吟永叔廬山高長從夫子

檜門先生

廬山邀廿年夢落山水窟忽

展尺幅來巖皋雙龍出峽閃寒練五叟拍肩依絳霄就中谿逕
指諸掌一一梵宇開團瓢畫筆難到意可會邱壑隱伏林巒包
山靈半面現于此東林控脊當其尻高僧栖托古驛畔冠蓋往
復頻招邀栖賢開先不肯住此意難解淵明嘲臥游得此挂雪
壁嵐翠滿戶炎蒸銷更求繭紙作圓囀四面分繪窮周遭

三邨看桃花次胡古邱

濬韻三首

錦浪連芳隴能銷酒客憂偶然登彼岸聊且泊虛舟津鼓迴漁
櫂江雲轉笛樓前邨紅雨亂花滿釣人頭
言尋西竺寺宛到養花天地僻堪藏墅春濃足破禪旃林諸佛
定詩壁幾人傳十載歸彈指憑軒亦惘然

行廚開竹裏隨意坐苔斑舊雨存詩骨飛英鬪酒顏濤翻疑卷
郭霧冷欲沈山雅意羣公極相憐倦羽還

寄友人三首

東陽清瘦不勝衣猶記當年較帶圍別緒久嗟良會少風流應
感舊游非花開石翠頻更主水過彭郎尚有磯獄底青萍埋十
載橐籥容我到園扉

一層蓮幕鎖花茵調笑蕭郎是路人斑管摹書憐上客紫裘吹
笛憶東鄰歸尋舊里無田舍坐對青山自主賓誰信豆棚瓜架
側依然藏過讀書身

小宴枌榆社酒多依依桑梓笑言和庾郎園小餘菘韭杜老家
存但薜蘿捷足久輸行脚健升天無奈蹇人何時子柴門拄杖
知音少安得尋君共嘯歌

游廣豐博山貽秋水和尚四首

一鉢偃崇岡南宗選佛場國師衣未壞曹洞水猶香寺古威儀
肅山深歲月長尋秋許相過言覓贊公房

獨擁青鴛座因開甘露門心安幡不動僧老佛同尊詩力金剛
大禪身古德存從容叩微旨煨芋火猶溫

閣迴延山月更深畫地爐細參元理妙終覺鈍根麓智果從何
結心花亦漸枯堂堂忠孝事此念未能無

偶作浮屠宿終宵旅夢清鐙迴妙香影竹瀉暗泉聲明日出山
去何年尋舊盟從師居塔院掃葉話無生

丙戌上

元旦

蚩蚩四十二年身兩載歸借草莽臣舉酒相娛康健母焚香同

慶太平春麓疎敢謂功名薄懶情翻宜骨相屯聞向江湖說廊
廟千行玉珮集 楓宸

竹鼪詩謝汪溶川同年

鰕湖青叢叢隨地富筠篠結實無鳳餐行根惟鼠飽彼鼪狀肥
碩以竹作梁稻穴土長子孫穿墉謝強矯旣無三窟謀亦乏五
能巧于人實無害于物取殊少齒牙一何利食竹如齧艸或傲
渭川侯或參玉版老化鴛計則抽入角智誠小山童護篔簹竊
慮迹如掃掘之不遺力睢陽雀同剿田獲比三狐居偕無一鳥
匿社寧待熏飛檄不煩討山林命庖廚族類豈終保汪君樂豪
飲珍膳此爲寶芼以薑桂椒別以炙煎爨餉客供老饕大嚼恣
吞齧走使相饋遺焉敢計鮮薹彼鼪若有言樂郊適不早見偏
亦已虐橫取毋乃擾孰竊田疇禾孰窺家室好孰戕篋笥藏孰

作盆盎攪貓懶久尸位百物任偷剽主人不之責揆括但秀撓
烹熬及無辜口腹欲難了鼪言豈不然自取勿予媯膏漆故煎
割象犀則焚擣修竹比君子賊之罪當表爾身具甘馨安得長
壽考寄謝山中人請益惠須紹拜嘉有常賜使者勿虞標緘詞
代瑤玖庶以資絕倒

二月自南昌買江船泛宅還白下

春隨天共遠江與我俱東身世餘高興行藏一固窮鄉思存故
國厚意感羣公三載歸何處扁舟類轉蓬

課兒二首

雜錄忠孝文孳孳教兒讀至言每傷懷舉家相向哭不忍根本
性卽事多感觸古人去我久我志弗能告置身事會中自盡恐
難淑抱茲願學心寂莫矢幽獨求用無經綸倖竊終自覆

名卿賢大夫其先多寒賤植德人弗知天意已深眷當其伏處
時有美難自見春風吹枯林柯葉發蔥蒨巍然將相業何取世
俗炫試爲考根源懷哉淚如霰

依依

烟波萬頃一舟行恰趁江南春水生岸樹青迴知節改簾衣朝
捲驗寒輕依依但覺親堪戀擾擾都無事可營歸與紅梅銷別
恨經年重見不勝情

雜詩四首

德薄竊高位始得亦自疑氣體久相習所願復多歧可寵不可
辱一蹶豈克持大書廷尉門難免達人嗤世情善趨避榮戚吾
何知但貴不能賤貴矣將奚爲
聖主錫天祿與其求臣賢忝竊只自知人亦何責焉任蔭俾其

子贈封及其先謀國異爾家冥罰理無訐庶職各有司守令責
益專汲汲事大吏隱隱積其閒小民失怙恃疾苦紛纏綿得志
我弗爲泣誦鄒儒言

民愚易爲感向背豈在多瞋目讐其子奈茲父母何或謂聖賢
書術與仕宦譌其守申韓言罔惜戕天和賊民斯受之焉敢相
詆訶爾後不盡貴他日誰撫摩

體用爲表裏切切言新民不取教養術簿書日相循谿刻肆誅
求樂只難強親豈無上考者運去裂其身悞懦氣奄奄武健聲
信信茫然平治理官謗誰爲陳

江程二首

郵籤底借報江程閒聽兒童數地名春暖攜家無客況日長消
睡有書聲羣山笑對如賓友古哲神交亦弟兄忽漫懷人渺天

末疎慵眞覺世緣輕

入饌江魚佐母餐家貧無累老親安宦情已盡無多仕琴理能
通不待彈

聖代樵漁嬉艸澤春潮魚鼈習波瀾晚來風急喧羣籟却倚絲
桐坐夜闌

漁市

鱗生浩蕩中以水作家室既苦鳩鷺饕復虞罾網密數罟久弛
禁竭澤不遑恤倉皇浮與沈恐懼入還出敢求濠梁樂竊慕滄
海逸避餌飢且忍畜池生莫必蛟龍妙飛潛魴鱖敢相匹敵師
無恩仇利在故常嫉豈惟腴汝生聊以炫其術連檣飯舵樓引
類泣魚骨腥風拂我舟砧血漬鱗乙垂涎戒朵頤鼓棹去宜疾
泊皖城迎江寺下值暴風夜作竟夕不寐

橫空萬馬一時驚駭聽崩崖坼土聲待卷岡盤開蜃窟疑翻地
軸陷江城全家屏息憑忠信一纜維持繫死生深感天翁佑慈
母每當履險却如平

池州道中北風驟發迴帆反指大通鎮得泊

寒飈半渡阻前之罷誦南風解愠詩悟到人生無逆境平安只
在轉頭時

采石磯登太白樓四首

江水一樓空登臨萬古同將軍渺何處有客更懷公才大難爲
用恩深竟不終騎鯨問誰見流恨意無窮

薦士臣之職當時敢任勞長流知命蹇不殺信才高得謗詩偏
捷傷心酒自豪空餘牛渚月夜夜落奔濤

朱雲援慶忌萬福救陽城二子存遺直汾陽共此情浩歌成獨

往靈魄自長生極望江如鏡公心若許平
已歎仙人謫還堪貶夜郎交遊寧黨附知遇但文章使氣非眞
醉沈江豈是狂錦袍聊自飾不許後賢傷

蕭尺木畫壁

蕭生昔畫樓下壁左岱右華峯歷歷匡廬峩峩更相對牆坵泥
傾青尚滴太白平生五岳游高吟踏徧名山秋靈蹤幾度息堂
戶面壁定注仙人眸蕭生明經不求仕畫本雕鐫傳好事心師
子美一詩翁畫贈青蓮老居士虎頭何處寫滄洲過客爭題太
白樓紛紛牙慧難終讀不見崔公在上頭

到家

蛛絲依約罨燈屏寂寂春光艸半庭梅謝葉舒今歲綠苔深花
疊去年青癡僮病久沽藏硯飢鼠糧空蝕舊經罷檢交游名紙

積魚書稠疊感丁寧

長江萬里圖周幔亭架製

橫裂十丈絹縮寫萬里江江流詰屈走一綫經蜀楚吳東注洋
千山萬山鎖不斷氣力壓地天低昂百千萬里綴城郭遠近斷
續一一分巖疆支流分會具條理貫穿肩腹尻股筋脈張豈獨
大千名勝指諸掌作者思力直以兩手提保障古今險隘壁壘
本歷歷大帥稽考可以坐鎮籌江防斥候相望列屯戍太平清
宴不許波瀾狂蠅頭分注九萬字包括水經山志地圖兵紀何
精詳遂使前人莫敢鬪能事夏范周陸所作慚胚匡自言蕭中
俞序三百幅舊本可法猶未臧又言江源西出繞寒去且與滇
池金沙諸水相頡頏於戲一源三目下九派朝宗于海不可量
吐吞萬象雜夷險清冽不讓黃河強想君懷抱納汗漫曾與神

禹談洪荒百川四瀆比涓滴筆端挹注迴天光我來橫覽且莫
盡安得操舟逆溯岷峩陽君才萬斛湧地水渴飲江水不可充
餽糧可憐離別輕骨肉浮沈一艇天茫茫我欲中流破窻起郭
璞爲君重賦此卷懸扶桑

天地球周幔亭製

六合以外口莫論六合以內手可捫誰將天地縮兩卵搏弄造
化擎乾坤天球地球落手掌球徑寸餘輕半兩中央貫針作樞
軸羅列星辰具輪廣牛毛繭絲字畫精書者蚊睫巢蟪螟九州
萬國聚乙乙三垣兩道橫庚庚一爲括地象一爲渾天儀出入
懷袖彈脫手駒衍豎亥焉得知幔亭山人多狡獪游戲塵區亦
無奈女能糊紙造璣衡兒解牽絲分戒界雙丸旣成太極剖雞
子團團黃白耦覆盆倚蓋想當然煉石斷鼇皆莫有八世出世
君可能管窺蠡測吾弗勝浮生偃仰兩球內地不可入天難升
宜僚弄丸身手巧蛄蜺轉丸亦自飽莊生齊物定如何撲破雙
丸天地老山人爛熟二儀書左圖右史頭白俱昇平交泰閒無
事請續周髀注廣輿

再題芥舟水榭二首

夾岸鉤簾畫檻橫盈盈春水綠波平誰家載酒管絃沸此地讀
書朝夕聲文字頻開名士宴琴歌不換美人箏生徒各啓蜂房
牖巾袷周圍一短檠

手闢坳堂芥作舟芸香縹緲鏡中樓嬉春客指扶風帳被禊人
追曲水游六代鶯花歸寂莫四時絃誦足風流烟波澹蕩堪忘
老六十經師尚黑頭

雙琴二首

雙琴留手澤敢藉曲肱眠抱比遺經重尊同守器傳深紋存舊
斷古調入新絃默念知音杳多時拂拭捐

痛矣師襄死

檜門先生

張絃不敢更中枯除木性餘潤定絲聲久掩
箏琶耳難忘志義情昭文义手慣不鼓見平生

周幔亭屋後得泉圖六首

來爲建業人便飲建業水山泉自在嘗是亦大歡喜
山花紅欲然點點入窗戶窗內讀書人疑在辛夷隄
朝汲復暮汲屋後鳴轆轤請臥一丈篔引入山家廚
人生一飲啄遲早各有屬誰題明月泉留待張伯玉
一萬里長江百千折黃河都入胸懷間一勺不足多
出地便爲泉飄巒便爲瀑不如瀉檐端終朝雨珠玉

冶城

埋金鑄劍等荒唐厭鎮空勞運會當一片黑灰銷劫火瓦棺泥
佛對淒涼

觀象臺

星緯銅儀互轉移高臺過眼賸荒基欽天山下雞鳴後誰肯心
驚漏盡時

桃葉渡

偶攜雙楫渡春江祓禊湔裙水較香莫寫桃花摹艷影衍波重
展十三行

邀笛步

使君原是不凡人豈與王郎論主賓吹笛撫箏同譎諫忍教疑
貳殺功臣

李濟夫

宏

河督壽詩

治兵倚福將治河倚福臣臣安河乃安河身卽臣身宣洩支脈
通導引氣血勻河流奠萬禩臣壽延百春每歌河清頌藉侑介
眉尊康哉河隄使手握崑崙根公生蟠根胄世仰金張門累葉
珥華貂奕代乘朱輪傳家碧油幢插架經國文公稟神仙姿性
具菩薩真偶現宰官相遂掌天漢津中間涉風濤忠信感益神
用豈資格拘升莫階級循良由大智慧作佛超由旬自公領宣
防河伯猛氣馴和風靖波瀾定力伏祁辰公持降魔幢百怪不
敢嗔爲政得體要簡默觀微塵龍象繞獅座無以窺笑顰聞公
寡嗜好儒雅何彬彬退食萬卷中吐納分故新醞釀爲詩歌高
唱吹韶鈞臨池老逾健筆陣排千軍傳鈔徧郵驛摹榻馳貞珉
又聞公子多麟鳳羅振振八士閨兩季九女增一人十爲數之
全汾陽豈公倫蓋秉川岳秀誕此甫與申六秩開瓊筵十笏集

嘉賓天花不沾衣何況儀幣陳令弟我賢友代徵華封言敢擗
溢美詞再拜述所聞公官大司馬輔弼多經綸偃武太平日韜
略非其勤爰以治兵法試用黃淮濱歲月恆河沙公壽次第臻
轉漕千百艘瀕河億萬民一一恃公福豈曰資榷薪公如須菩
提性海清且淪笑指功德水永侍吾

世尊

再宴瓊林詩爲熊文滌齋作

辛未庚辰盛事傳宮詹丞相並耄年重添典故詞林筆再咏霓
裳闥苑仙騎馬看花原矍鑠抽豪作賦益鮮妍詩成好寄新先
輩各對南山和一篇

典衣

玉珮金貂不可求囊空餅罄亦堪憂朝衫豈惜因糧賣彩服終

當爲母留乞米恥書窮乏字得錢先具旨甘脩廿年真氣填胸
腹肯效癡人訴旅愁

題熊丈滌齋塔影園圖園爲前明姚南礪市隱園舊址
龔芝麓復營池館攜橫波夫人居之園瀕於湖可瞰報
恩寺塔影故名二首

尚書舊墅翰林居市隱先生總不如照水浮圖城豈隔窺園龍
象迹原虛風鈴學語如求友鐙燄流珠欲上魚笑對高標成主
客定中身自愛吾廬

四十年栽竹萬竿老人眠食共平安圍身孝筍知翁健繞逕芳
蘭稱祖歡筆倚晴空看鬪彩鳳銜新實勸加餐風流莫讓前賢
擅添寫紅粧立畫闌

乞竹呈滌翁

從來醫俗借檀欒特乞蒼筤二十竿直節師翁分晚翠長身伴
我益高寒新陰今夜橫書榻嫩筍明年上食單敢闢三條求友
逕雨風霜雪閉門看

燕來巢

倏來倏去相擇棲忽下忽上同銜泥虛堂爲爾撤簾幕吉日戊
已除蒺藜琴臺花落罷頻掃寢榻夢酣休屢啼餘香莫漫漶睡
鴨絮語或可充談雞新雛習羽母爲導乳穀墮巢吾與梯毛乾
未可便飛去董家雞狗無乖睽

廚烟

鷲粟充糧薛疊錢欣看竈突裊炊烟治生策豈能操券求富心
終賤執鞭手散萬金多感槩家無百畝尚遷延竹花凋後桐花
老雞鶩紛紛亦可憐

白燕

粉臆罷霑紅雨片素心來伴玉堂人
煩君海上傳消息冰雪依然一病身

林承政親家扶病來訪二首

疎鐙明雨夜舊約喜重尋
道力難中定高情病後深
澄觀布著策寡欲理瑤琴
坐到忘機處相知託寸心
裊裊香縈幔翻翻竹受風
勞時多事過靜處兩人同
習嬾忘官味無成惜命窮
尚存兒女念料理作家翁

忠雅堂詩集卷十四

忠雅堂詩集卷十五

鉛山 蔣士銓 定甫

丙戌

出門六首

三十官京師迎母東華住四十歸田園別母臨安去
十年不離膝一朝行李具隕涕看烏雛啞啞繞庭樹

老懷重骨肉貧家輕別離
飢來攜子出低頭拙言詞
我腸轉車輪母淚落縷縻牽衣不成語
但道勿我思垂老別兒孫感傷唯
自知我生無弟兄親戚況天涯
馨膳托家人痛矣南陔詩
知廉十五齡始去祖母懷平生鞠育心
至此益無涯嬌憨性不馴恃愛每多乖
再拜萌本念號泣聲哀哀衣履悉手製
老淚痕難揩丁寧慎食眠力學期克諧
勿令受笞撻致我遙心摧

昔別但思子今別兼思孫服我初服衣舊淚連新痕祿仕養且
薄家食寧足存古人重恒產至性皆可敦俯仰有慙色勲業誰
能論一身苦支離難答

君親恩

病婦偃空牀行矣不能顧豈無兒女情門外多歧路藥烟啓羅
幃復牽知廉衣傷哉母子別慘于夫婦離兩季學母泣戀兄亦
依依送耶出門去問耶何日歸

歸期若許長去路日已遠語婦惜憂勞勸母加餐飯風來畫堂
深日下離亭晚抑情只自傷却顧敢頻反出郭愁思紛登舟客
心短夕夢共兒還孤篷雨聲斷

底事

底事中年引疾還清時宦興敢全刪讀書心較求官急許國身

容戀母閒本爲無家拋梓里翻因乞食謝柴關炎風朔雪天涯
路凋盡江湖壯士顏

武進呈劉繩庵先生二首

早受廿年知圖存感舊詩門生多病後夫子閉關時喪禮丹黃
遍麻衣涕淚滋至情難解慰敢廢蓼莪詞

未起尚書宅依然典屋居肅清門巷在貞介古人如有子魏科
列知公種德餘平生心不競官秩總 天除

無錫訪嵇尚書

十五年前落第時感公團扇贈新詩登堂再謁尚書第倒屣重
褰讀禮帷孝子忠臣家學正油幢璽綬
主恩垂黃扉虛席將三載莫歎霜添病後鬚

欲弔家倉場司農不得有懷健仔刺史辛仲部曹諸昆

季作

轅門鼓角潞河樽侍坐心承長者論
永別年華經兩換臨風涕淚故長存
生芻禮失成千古駟馬門開隔幾邨
墨經遙憐舊兄弟推篷延佇一銷魂

吳江信宿朱五月階東齋

林月挂絺衣談深夜氣微藤身老親壽
苔印故人稀感舊心難報懷恩涕共揮
門楣托君子刻苦下書闈

月階為檜門先生塔

嘉興道中二首

直瀉三霄水全慳半日晴連峯屯雨氣
萬物避雷聲麥爛農憂始田空野漲平
窮陰春及夏差可祝秋成

小戶魚游釜荒邨豕渡河踏車兒女瘁
散水桔槔多充食求菱筍無衣仗笠簑
卧聞烟水外哀怨入吳歌

謁香樹先生于里第為補書題檜門先生遺像詩

公敦千古誼詩寄五年前信落投書渚
圖虛歎逝篇良朋遺像在老淚墨痕鮮
隱願今朝遂三賢手跡連

檜門先生云平生知已三人句山香樹擇

石而已兩公詩久題幀上

烟雨樓觀錢太傅奉勅書各屏幃二首

水闊地無山高樓峙此閒窗宜青靄
入湖愛白波環菱蕩花初試鴛鴦夢最閒
嘔啞權歌發遺響滿前灣

舊碣華亭筆新屏太傅書宸遊春似海
樂國兆維魚世澤存

香火殊恩問里居標題名勝地同出表忠餘

范大夫祠二首

籌國謀真遠知幾去獨先自看湖水月
不受介山烟姓字埋猶變身軀鑄豈堅
功臣是何物藏骨必祁連

伏臘思遺澤靈威走越巫清風被湖渚古廟立城隅才大都無
戀功高不受誅恐彰君父惡豈但爲全軀

岳鄂王墓

宰相持和議朝廷本厭兵天收名將盡人歎國讐輕黨惡危時
盛精忠死後明無成關歷數感憤不須鳴

淨慈寺

出郭第一寺層甍翠微合堂安濟顛師檐俯黃妃塔佛現金色
身一唾具僧衲梵宇需蜀材神力暗輸納泓然運木井巴流隱
穿匝一柱蠹其中露頂不可拉墜火得俯窺疑有毒龍嚙堂東
列尊者五百坐相雜叩以西來義微笑皆不答門外明頗黎淨
業問慈鴿

漪園

閣枕雷峰塢門延印月潭修廊周枉渚荷氣接優曇空曠追涼
得清華結夏躡漪漪愛明瑟我欲畫拖藍

三潭印月

滿月寧分體三潭各印心浮波排瓦塔鑿影悟蹠泔曲直平橋
接蕭疎碧樹深攜琴倚虛籟一操水龍吟

湖心亭

瑩瑩水精域中湧一冰壺尺土浮偏穩虛舟坐亦孤亭林窺彼
岸杯渡藉吾徒風引三山動仙游得似無

照膽臺觀漢壽亭侯印

玉方二寸碧色古中空可貫五雜組琢來定出昆吾刀竊去誰
操白衣櫓如水心甘委越波拜爵銜羞蝕吳土魚龍護持百怪
遁寶氣摩空出晉罟深文兩面具九字上日亭侯下關羽乾隆

辛未入 宸賞旁刻 御書三十五商彝周鼎不可見漢壁紛
紛難比數潤澤猶涵君子德威名足禦妖邪侮想見荆襄坐鎮
時軍檄官書日旁午紅泥鈐處令如山符節中閒壓龍虎

聖因寺

軒轅張樂地宮寢巋然存 御宿慈雲護天閭梵宇尊聖因參
水月佛像幻苔痕念彼觀音力須看一老髡

六一泉

歐公偶來過泉以六一名于義亦何取髣髴其人清凌空架臺
榭跨嶺交廊楹蜀岡富結構遠接平山平試茗俯叢綠乳竇琤
琤鳴下瞰忠義祠牆屋多頽傾官工有緩急視此寧重輕古鏡
照鬚眉靈爽定如生默坐啜茶去望古紛紛遙情

花神廟

昔人侈功名自許當廟食令範全家像分掌司花職兩廡列男
女十二好顏色各抱月令牌按時布芳德勢盡鬼不靈慮遠事
多惑湖山自有神仍各領栽植西偏締名園池館妙裝飾 六
飛偶一經萬彙相努力杜碑與召棠自古有失得何必陵谷遷
民心秉遺直

賢王祠

巍巍賢王祠祀漢壽亭侯崇功報明德繫屬不敢偷當其營構
時層軒拱飛樓虛廊四十丈三面紅欄週中藏十畝園樹石蓬
瀛收堂交綠荷風魚戲白蘋洲庭前雙古桂移自淮南邱細蒞
飄金沙延攬宜深秋維賢乃樂此何况

聖人遊

蘇隄

蘇公隄接白公隄界畫湖分內外畦閒柳天桃連錦樹隨車寶
馬趁香泥因興水利成佳勝每到公餘愛品題日擁簿書憐俗
吏江山風月罷招攜
靈隱寺
羣山圍古刹諸天隱喬木陰籠冷泉亭翠倚韜光竹僧舍開蜂
房庭宇相綴屬香廚萬斛金可給千衆粥誰供布地金淨飯藉
天竺山深洽幽賞隄迥遮遠矚不見浙江潮飛聲度林麓

飛來峰

靈鷲不可見靈隱分一峰梵僧說飛來守者雙猿公雲根一一
垂嵌空窟玲瓏白日謝穿照崧訝匿蛟龍鑿佛陰洞閒其義亦
何從秦鞭祖荒唐愚負欺凡庸山石附地出簇簇青芙蓉世有
五金礦淘汰久則空行潦暴穿貫漱滌開幽宮如人身諸竅鼻
虛外穹隆凹凸具生初豈有後起功誕說足駭聽僻境多靈踪
吾邑積翠巖視此將毋同

湖上

湖波濼濼意融融人影分明古鏡中細艸青圍裙帶綠新荷枝
亞酒杯紅水仙王廟依林轉羅刹江潮落手空明日東遊探禹
穴無家真愧鑑湖翁

渡錢唐江入西興湖會稽

潮逆暮江流江心亘一洲輿人弄潮手擊客踏波浮半渡長年
接高帆七里收西興登彼岸仍坐筭將游

錢清弔漢太守劉寵

臨行受一錢錢清所由始在官無竒政除簡煩苛耳道乃不拾
遺狗吠于以止介節歷卿相蕭然去田里亭吏不識公長者故

如此貪墨喪厥身可以媿頑鄙後劉麟並芳譽遺惠皆可紀我亦豫章人思公弄溪水

戴山書院

採載人何在當年內史家橋存題扇跡池賸浴賦注萬井當樓見羣山抱郭遮地從人境別心到上方遐講席依峰拓名賢接踵誇吾懷本空曠此座實高華階級千尋迴雲霄尺五拏俯窺諸象得橫覽萬涂賒位置天公擇經營古哲加併優遷列肆鐘簾設崇牙俎豆湯劉永儀型孔孟嘉飭躬惟不苟澄慮在無邪敢立名山業先攻美玉瑕修途相砥礪疑義共梳爬偽體拳羣幟游談絕衆譁尋詩偕屐齒漉酒藉巾紗悅性何瀟洒敷言則正葩育賢吾道長養士何國恩奢僕病歸無用人才信有涯願書忠孝字朝夕語侯芭

樓居

羣山落落如高士雙塔依依似故人畫意詩情開牖得朝嵐夕靄卷簾新一樓居我多餘地萬卷教兒立此身安得菟裘就空曠白頭將母奉晨昏

躊躕

烟雲滿案五經廚山水圍身一腐儒四十歲人真懶漫百千秋事費躊躕頻勞魚雁傳親健恐有生徒笑子迂亦是玉皇香案吏蓬萊山畔住須臾

兩病

犯暑循川涂吳舳小于甌炎溽中肌骨所觸皆我病兒軀本脆弱慈心倚爲命甫離困店瘧感傷出天性竟夕呼祖母百呼祈一應豈知隔千里夢寐失歸徑力疾數起視我病勢亦橫平生

木彊氣至此不能勝旅依僮僕貞藥拜友朋贈子疾親倍憂足
爲不孝證一鐙對呻吟空樓月光定

感憶二首

半輪孤月挂危闌市語人聲下界歡夫子呻吟殘燭底病妻猶
自祝平安

淚痕承睫送征人悽惻難忘病裏身欲遣雙魚問消息江河橫
隔幾重津

立秋感懷三首

纔聽西風第一聲蕭條宋玉不勝情槐花滿院人初靜木葉穿
樓夢自驚病婦存亡消息遠衰親勞苦別愁并天涯砧杵關山
笛兩地同傷節序更

若耶溪水尚氤氳蓮動風開浣女裊自擁琴書同入定敢忘棊

編賦如雲愁隨夜雨添三尺淚共池波長一分自古竒文關至
性登壇人亦故將軍

六時消受倚闌望圖畫天然禹會疆郡邑河橋界棋局市樓窗
戶疊蜂房悲秋意逐羣聲沸病暑身隨一雨涼不用觀濤蘇痼
疾刀圭待覓越人方

天鏡樓獨坐

江海烟雲掌上過寄愁天外苦蹉跎城中氣候山中耳領略秋
聲此處多

趙方白徵君

寧靜

訪予于葢山留宿旬餘醉中言別

策杖杭州又越州山中許爲故人留平生世網久能脫六十老
翁何所求泥土揮金豪傑事雞蟲爭食鳳鸞羞關河飄泊難爲
子我髮蒼蒼叟白頭

禹陵

禹甸茫茫下夕曛當時王會想風雲心同揖讓傳賢子局定征
誅及暴君杞故無徵難考據舜先野死亦傳聞摩挲窆石爲封
樹萬古人心立此墳

吼山

越王臺下誅功臣犬亭山上羣狗奔鳥盡弓藏免鹿死敢竊幾
珥沈辜恩犬去山空石骨苦萬匠穿巖加鑿斧摧崩陷圻豁空
潭混沌全開誰得補潭寬壁俯十畝餘神魚聚族來深居大者
三尺小二尺有生無死游息舒潭中一石隱橫闕滋長雖多不
能出飛魚上天借風雨老衲安禪防罟罟陸墳破碎無子孫陶
氏築墅石簣書屋巖穴根四崖合建不朽郭一洞橫闕天然門篙聲
齒齒放舟入資餌爭投魚起立吐吞攘奪疊鱗鬣食盡波澄龍

子蟄屋後插笋山叢叢千狀萬態無一同中有立石戴橫石不
懼落帽重陽風列岫相招復相吼南渡攢陵忍回首但觀圍圉
放生魚莫問纍纍喪家狗

送知廉還白下三首

攜爾山樓住依依兩月餘病店憐汝穉行役愧吾疎憶母同成
夢思兒共倚閭當秋遣歸省淚溢數行書

兩弟魚同隊全家燕共巢藏書堪細檢舊業忍輕拋紈袴從來
賤虛車古所嘲驚看四隣子文彩照蓬茅

歎我無兄弟難爲去住身三雛當共命百事要相親御下加寬
惠承歡謹笑顰如何兼孝順兩世北堂人

寄家信書後

目窮江左樹夢阻浙東雲萬戶砧聲合羣峰夜色分樓高通海

氣天闊隱星文百感成遙集無因細語君

天鏡樓秋夕

市聲喧夜極山館得秋多節序催寒至文章奈病何越巫通夕舞國俗滿城歌并入愁人耳蕭蕭鬢欲皤

中秋

置酒稱游子停尊憶老親遙看白門月分照越州人病婦偎寒怯嬌兒念我頻新歸憐驥子解說倚樓身

劉豹君

文蔚

明經用蘇詩韻題拙集次韻奉答

高才貴學識豈但矜雄豪今古性情接其義兼史騷詩人豈不多苟作同弁髦可憐百家集轉眼漂洪濤牛角困鼯鼠敢充郊廟牢繁星不照夜豈知日月高我無著作才苦駕江海艘入世綴蛛網息羽時一逃手絕虹霓絲莫釣滄溟鰲劉侯讀書眼持

論慎許褒講學四十年相馬推歎皋插笋森玉樹立鵠圍青袍此都文章士磊落皆其曹嗜我本色詩許我詞林遨老手押強韻暇逸忘艱勞拜翁大將旗欲匿偏師旄益歎知己心契若風水遭雀艇詣翁門河身小于濠擬分問字觴斟酌看壽醪詩家任荒榛目閉毋煩葆

寄知廉二首

修篁落翠小窗明靜展芸編養性情更屬隨肩兩兄弟隔簾相和讀書聲

天鏡樓高影未孤支持門戶賴兒軀阿婆康健阿娘喜勝作新詩念老夫

寄家書二首

秋花滿院母加餐晨夕添衣禦薄寒鴻雁拂天魚在水一旬一

信報平安
十五男兒比母長
學書家信語周詳
浙東夢與江南夢
何處天涯是故鄉

病足謝劉豹君饋膏藥

厭踏萬里路
斂足來山中
庶幾息勞筋
一作跣趺翁
暇豫輸鳥
鳥倚藉失驅
蛩勞人不可逸
福過災恒攻
右膝忽苦痛
獨坐如
疲癢鬪捷性
所耻學步心
本慵跽拜孰
能屈伸曲
寧苟同配茲
木强身何有
山鞠翦杞菊
昔未樹血氣
良難充笑對
折脚鑄深
愧百足蟲
劉丈六十餘
粹然學者容
腰脚一何健
談詩數相從
登山著短屐
掉臂拋長筇
極知地行仙
久具內養功
周旋憫蹒
跚揖讓嗟
龍鍾惠我元
璧膏裂帛爲
攤溶蒸如
溫泉沃暖若
松
鑪烘譬飲真
一醪入口
周臆胸
腠窵納鍼
砭骨脛
驅濕風
徐徐

起孫臏冉冉趨
觸龍問叟膏何來
禁方出珍封
平生逐行脚
徧寄南北蹤
行優貢成均
駿譽傾鉅公
誰求干霄筆
一笑隨冥鴻
歸臥龍山陽
閉關時韭菘
散財濟戚鄰
執經課兒童
階前三琅玕
堂上雙栢松
百事不挂眼
萬卷猶繞躬
偶訂達者交
都忘詩人窮
欣看跛能履
報德將奚供
爲覓社公酒
一治牆東龔

疾

題豹君三小影三首

談兵說劍意銷沉
與叟同拋壯日心
一樣青編傳姓字
莫將游俠換儒林

佩劍

冷吟閒醉寂寥身
畫裏形模孰假真
自笑秋來道根淺
硯旁添坐學書人

索句

鶴鹿精神巖谷姿
松蒼石古坐遲遲
人天妙諦知難了
拂子當

參放下時 握塵

送揭廷裁還里

窗中秋嵐鮮簾底綠波淨賓屨上堂階戶外鶻聲定君泛秦淮
舟益發山陰興載酒游江湖跌宕亦其性力學無所遇屢空豈
吾病世人樂富貴不復安義命君獨恣游戲掉舌毋乃橫造物
無偏歆賞罰欲其稱可憐庸人愚求福昧操柄燃燭共君飲有
叩輒能應胸中所蓄儲娓娓皆入聽既見師承佳况復趨尚正
涉世學和易中有不撓勁我本磊落人與物亦何競樓居觀萬
象自許目如鏡潦倒文字間勸懲比爲政諸生多秀慧我以樸
直勝他年立朝廟孰應得人慶危亭蠹天半薄醉每同凭禹穴
落几席搏弄不可贈君歸探鰲湖桑梓實我敬寄言同心友漂
泊莫知竟新銜老學究憂虞益加併安得偕君還一聽山寺磬

連枝圖三首

四海相知一子由西風吹淚古藤州人生至性無生死寫到駢
枝欲白頭

割肉寧酬返哺恩行同曾閔舊知聞看雲憶弟人何處黃葉邨
南孝子墳

怕聽萁豆說同根嘉樹垂柯出翦痕請綴繁英添合蒂一花中
抱兩詩魂

洞庭烟水鄂渚風波二圖爲沈皆金秀才題二首

年少拋除旅客愁楚雲湘樹最宜秋真看有水無天地漫擬將
身狎鷺鷗碧杜紅蘭緘遠意美人公子怨靈修仙槎別後休惆
悵他日還提玉尺游

雨雪霑衣駐短驂山圍大別水拖藍自崖返者誰相導行路難

時我最諳繡被擁來真怪事明璫贈去亦荒談據牀許坐南樓
月狂飲還能竟夕酣

表忠觀三首

龍蛇走壁勢從橫石鏡冠裳氣尚生不是當時妙音院綠楊鶯
語尙關情

自知骨相輸劉季聊以功名比竇融一笑歸排衣錦宴效他臺
上醉歌風

雄才大節古無雙氣壓江湖百怪降食客三千州十四勝侂稱
帝海南邦

錢武肅王鐵券歌

長尺八寸闊尺一厚分五釐銅瓦式重百三十有二兩鐵質金
書精嵌飾皇皇三三十字乾寧四年歲丁巳八月丁未帝曰

咨報爾勲勞承信誓衛我社稷惟爾忠福我生靈惟爾惠恕卿
九死裔三死史館欽哉勅頒示臣繆再拜上表聞聖慮永保臣
私門曲加容恕感至德懼傷慈愛孤殊恩子孫保守皆忠附歷
世至元沈澤庫漁督一舉返台州千秋守器先靈護我聞洪武
之初褒功臣特命危素取券來稽勳濂禕詠歌甫畢響韓彭烹
醢多游魂君不見李懷光擲券地下聲琅琅疑人反者賜此物
臣有明信中心藏吁嗟乎唐錫帶礪報爾功宋奪茅土表爾忠
生兒浙臉符佳夢半壁河山一券中

題表忠觀碑後

不肯閉門作天子願作開門節度使西湖之水豈可填有國百
年吾足矣妖賊紛紛盜赤符公言赫赫傳青史三世四王七十
年功名五代相終始嗚呼仙芝漢宏一亂民黃巢嗜殺終滅身

可憐不識忠孝字高駢董昌皆重臣八州父老免塗炭九死包容
頌鐵券由來信誓出殊恩敢使兒孫罹國憲雍熙納地倖免
誅南渡陰還土一隅仁人再世且享國佳兵好殺何其愚勸忠
異代推清獻墳廟無虞還立觀特筆誰如蘇子瞻雄文壓倒羅
昭諫

龍井

澗泉每感發一竇豁龍藏辨才偶卓錫咒魚出游漾秦蘇愛風
篁陟嶺數相訪遂令物外心往往樂閒曠勝地厯千載御宿
欣一剏乃知山水窟姿態無定相攜藤詣靈區捫壁尋壘嶂山
石互起伏孕結各殊狀縈迴暗承接疎密巧侵讓芝菌根蒂連
師鹿角蹠向隙處松竹交敞處亭軒抗修廊續陰厓曲磴梯危
閱俯窺一泓碧深窈難測量龍公臥其中瑟縮不敢放行雨時

一出合郡拜靈貺佳薜香色殊頭綱品爲上泉甘土石潤地產
天長養汲水烹飲之勝吸白蓮釀坡谷數老翁各拜寺僧餉林
端浮全湖樵斧雜漁唱游人樂攀躋渺渺說龍象俱喫趙州茶
誰能參坐忘

謁于忠肅公祠墓

小人共爵祿錄錄太平時一朝遭危難君子獨任之倉皇昧適
從委靡聽指揮事過審利害傾軋相轉移忠良罹禍患冥漠皆
有司治病存古方飴甥本良醫幸與不幸閒公或能前知宗社
免播遷一死焉敢辭徐石等鼠蟻友愛天已漓骨肉變仇敵黨
惡何足嗤氣數出天運殺身立綱維魯廟躋僖公庶幾愧公祠

祈夢

大夢不遠覺身世亦多故吉夢與妖夢事後始能悟人愚遜神

智乞兆導先路就中弄狡獪示現雜疑誤禍福有轉移真宰不可訴修身以俟之雖寐亦常寤

嘉興錢太傅配俞夫人挽詩

夫人毓名門家世藏虎符翁稱老詩伯女誠傳班姑婉婉蘭閨中不字待醇儒外王父金叟相馬求龍駒吾師舉孝廉錦瑟詩成初叟曰此君異可爲淑女夫身有一品骨智轉十乘珠遂蒙國士知許贅甥館居師充觀國彥名宿咸相於煌煌著作才籍籍文章譽跌宕卿相閒賓燕無時無插架三萬卷績火芸窗俱交勉希鳳麟豈但弋雁鳧罷誦雞鳴詩達旦常晏如逡巡取高第藻采輝石渠夫人望南雲悽惻涕霑濡舅歿姑已老數遣平安輿是時太夫人悅志書畫廚因念孝婦賢就養辭枌榆師受特達知奉使紛馳驅畫義報屢空甘旨充盤盂借免內顧憂豈

識釵匳虛夫子篤古義故舊多遺孤手植寄生樹翼護失乳雛紛紛師荷擔一一母持扶哺以齒決乾裹以嫁時襦夜寢數起視撫摩寒熱膚漸從豪末中皆成合抱軀名材羅國楨拜母牽華裾誰知三十年長養心力劬可憐一寸心上帝爲嗟吁報以麒麟兒默示理不渝分誕筵室中六七唬於菟婦職孝有終母道慈莫逾緬惟善慶家積累起錙銖師開種樹庭桃李三千株起居問母安顧之和且愉孟公官翰林美秩歷拜除載領京兆尹司寇兼司徒人稱小侍郎肩隨老尚書母膺一品封不忘綦綈娛仲叔皆令丞幼亦偕公車康哉太夫人偕老林泉區每觀堯舜母出述

任奴謨禮法訓家人勤儉規彼姝熙熙蠶桑里比戶陳關雎母壽七十九夫子聰明胥插竹戲孫曾陋彼梁孟圖住世忽厭久

笑返增城嶼里巷罷春唱閨闈揚悲歎共歎通德門奕世天感
孚走爲門下士竊窺冥漠餘東南萬萬人老福誰得踰旣貴不
忘賤惻隱矜凡愚伊傅起田間寧與農販殊歎家主不績化爲
阜隸間維師與夫人寤寐存次且朝士苟如是百世昌可需走
亦賢母兒愧充轅下駑力小且德薄敢冀馳亨衢作詩紀徽媿
非諛亦非誣凡百賢者妻敬稟夫人模

香樹齋敬觀

賜藏太公太母詩畫冊子恭紀

卿母所畫卿父題十幅中各寵

御詩南樓妙墨內府富命摹副本偕弄之昔年卿進轉以賜朕
不忍留卿寶茲焚香展讀觀者涕何況至孝如吾師叩頭拜手
敬賡謝繕冊齋獻陳天堦藝林盛事古未有趙管惜不生同
時當年偶向南樓寫老梅著花雙管下母爲偕隱鹿門妻翁亦

舉橋賃春者江山秀色入腕中把筆一洗雲烟空酥融絹素長
花木胎息粉墨生魚蟲鳥鳴龙睡各具動靜理古雪香浮美人
倚遙想詩成畫後時一笑仙人啓玉齒已拌流傳寒具手敢望
披陳

玉皇几天題何幸倚龍蛇世守依然賜孫子石渠寶笈詩跋
傳詔從天上歸人間宣和璽印寧堪比鐵券同珍拜賜年

香樹先生錄寄題饒霽南小照詩用卷中陳句山太僕
韻依韻奉懷三首

天姥乘雲閩苑游八千莊樹獨春秋尚書幾日詩情減新樹梧
桐感白頭

蜻蛉銜尾競宵征問訊登堂意敢輕何事歲星猶感逝不偕仙
籍注長生

吟聲達旦豪于昔腕力盤空大過身更擘雲藍報康健因風傳
慰越州人

蕞山別諸生

結束歸裘五兩輕暫拋樓外越山橫平分小別關河意一種斯
文骨肉情終歲勤勞歸雪案寒宵攻苦仗鐙檠依依定有相思
夢還逐江潮早暮生

自杭州赴潤州塗次口號

七百程途一葉船艣聲伊軋客安眠雲山熟比知交會城市看
如壁畫懸見慣風光題句嬾習歸魂夢到家先如何半載飄零
意較勝當時別數年

十一月二十四日爲內子生日泊京口待風感憶四首

金焦兩點落船窗空闊江天立萬檣共聽來船說風利南人鬪

坐北人忙

幾分勞瘁十分愁銷盡朱顏病乍瘳廿一年中半離別相憐四
十我過頭

心長不奈道途長遙念三雛捧壽觴恨煞無情衣帶水累人牛
女說相望

來苦息息去苦遲此心只有道神知花前豈少團樂宴不及斯
辰手一卮

氣暖

氣暖風多逆波平艣更柔心隨歸鳥疾船帶暮雲收家近程偏
滯江空醉轉愁少眠書易盡孤雁報更籌

默飲

魚經江國美酒到潤州醇晚飯連檣又晨糲入鏡新僮癡憂米

忠雅堂詩集卷十五
盡妾穉問家頻默對三山飲琅邪本恨人

儀徵

城郭指真州清歌隱畫樓旗飛鹽客艚酒賣釣人舟花月三春
夢河山百戰收江迴沙岸盡依舊接天流

黃天蕩

落葉掃不盡幾年存此樓天空羣木老寺古一山秋壁壘移江
渚功名指石頭輸他塵外客縛帚坐林陬

哭盧端臣

明楷

詹事

艾首登朝未是遲俱從散秩踐台司詩人樂府旗亭唱學士才
名禁籟知歲有門生從玉尺時推協律辨金絲難忘刻羽移
商夜按譜煩公擲笛吹
除夕夢偕袁子才前輩登一高峰各成四語而寤

雲過大海渾無迹天入名山未覺高踏破虛無雙不借坐忘空
闕一秋豪

忠雅堂詩集卷十五

忠雅堂詩集卷十六

鉛山 蔣士銓 定甫

丁亥

執紼詞六章

賢吏女卞恭人賢吏子李石邨兩家祖父開國臣鑲紅旗人隸漢軍恭人于歸時十三淑女身曲盡婦職能儉勤夫子之學醇乎醇恭人斂衽再拜言一日之養不可易偕隱樂哉妾與君夫子笑曰我婦賢遂終其身不仕云

卞恭人仁惠性惻隱心朝開瓊瑤匿暮脫鳳皇簪錦繡珠貝萬黃金出親及疎人獸禽恩澤所周無淺深卞恭人人共欽買絲繡母同穿鍼

卞恭人三鳳雛炯熒熒美且都讀書史習矢弧先後舉乙科為

郎爲大夫或運秬稻來東吳或專帥闔提虎符孟子奉母江東
居五十尚曳嬰兒裾百計媚母母歡娛或得美玉光明珠綺服
珍饌貂襜褕羅列母側兒暢舒親年苦短兒心苦長孝子生孝
子安得壽母壽無疆君不見興武衛中十萬戶廿載鴟鴞知返
哺

卞恭人二女子適名門婿皆死兩身子然志同矢慈母心痛長
兄憐曰歸曰歸慈母前母所欲與兄每先不冠兩弟隨兄肩幼
者明慧百事嫻義烈之性金石堅夫病刲股夫不起母病刲股
母弗痊兒身之內不延年母死兒復何戀焉孝哉此女誰其天
張廣泗叔名張鈿

卞恭人七十六發遺占無不足含笑而逝一軍哭長男季女身
欲贖毀瘠形骸雙土木李大夫母有言傷身不孝爾勿諉大夫

叩頭嗚咽語庭樹已空母何所誰憐五十八歲兒兒出兒入復
倚誰

卞恭人匱登舟送者千人城石頭饒吹導引旌旗旂野祭之酒
江淮流風伯使風順且柔江神伏波優以游送母安吉歸神州
神州觀者來塞塗榮哉卞恭人孝哉李大夫

偕袁簡齋前輩登清涼山

文字無靈粉黛空銷魂延佇石城東三春花鳥多陳跡六代江
山兩寓公載酒船依宮樹綠踏青人愛畫樓紅秦中雒下蒼涼
極古帝王州大抵同

讀書四首

地力讓江河天光含日星明極故有容厚極故不爭萬古常有
餘大哉天地形星日或晦蝕江海或變更萬物才智小所以多

薄者視我厚賤者視我尊出入有車馬揖讓有衣冠我忽異庸
衆皆出 朝廷恩貸粟不調飢借裘不禦寒苟非竊科名生理
焉得全報國未可期感恩寧可諉方寸忍自欺安忍欺皇天
慈母計米鹽家政老尚操旣乏甘旨供復代兒孫勞壯者轉暇
逸飽食歷昏朝親恩無已時默念心切切
至矣君親恩厚施不求報富貴本時命愚昧托權要君子德難
受酬知恐莫效小人惠偶加責逋豈由道誰能墮名節數爲博
歡笑欲上宰相書懼傷忠與孝
百事難苟求讀書可終身權量決從違千萬古之人善惡皆我
師勸懲相主賓閉關謝交游先哲綢繆殷紛紜世俗言竊幸耳
不聞庶幾寡尤悔無咎安吾親

相逢行贈徐四椒林

紹

高冠長劔古丈夫仁者之勇君子儒遺編萬卷一目過強弩十
石雙臂舒種德家藏循吏傳開國世守將軍符曳裾應試被勒
帛決眦仰天堪胡盧怒投毛錐買弓箭一舉笑唾庸奴迂乘車
豈必游下澤執戟聊復官中樞聯詩每窘協律輩罵座數侮高
陽徒報讎白晝挺飛劔禁門剗刃金吾呼狂且兔脫免屠醢俠
士隼逸逃置學逡巡燕市不得意一麾出挽天庾鱸奉帷坐嘯
金斗郡屯伍戍卒蟲昭蘇雅歌投壺亦餘事潑墨題徧烟嵐區
錙銖羣史立論斷源泉萬斛瀾翻輸烏紗白帽試鯨飲盤稍角
射相歡娛粉侯十隊唱鸚鵡花枝笑舞紅瓊瑜人生行樂貴快
意真氣勃發誰能拘蒼鷹摩空百鳥怨美玉抱潔羣蠅污知君
幸有二三子未可竊歎形骸孤文人旣類女子弱豪客又苦儉

父麤金堅玉潤爾雙擅水柔火烈亦並驅
鐙筵縞紵一贈荅綺陌羣屐相縈紆
袁公子脫略盡三雅李侯再跌宕兼八廚
薨蠶脩脯食單列大嚼遠勝屠門趨
陳平宰社可治世大才所任無專途
可憐小用利濟手枯骨生肉無時無羨
君熟翻種樹書膝前寶萼開三珠名高
弟亦守劇郡宦成翁久歸田廬君今四十
勿忼爽介直天稟生寧虛旗常他日紀
家世河督孫子中山徐董暢菴守硯圖

故家法物半拋除一硯留傳玉不如
送盡子卿諸墨氏消他毛穎萬中書
挈餅守器懷先澤識字耕田等舊畬
勝似朱門遺繡壤巧偷豪奪易成墟

浦口二首

風景過江別拂衣塵土輕南都當重鎮
北地是初程上客愁帆

影來人愛馬聲津頭楊柳密總爲別離生

山勢猶飛堞江防久息戈蘆州晴雪滿
驢背積薪多健婦充傭保豪家計馬羸
居然勤儉俗犁耙及春和

過守禦門

誰從障壁徹狴狴濤齧城根改舊灘
獨賸盧龍師子座隔江蹲踞照波瀾

書宋史宰相傳後四首

國家倚重臣朝廷默培養庸人豈不多
寵辱一何罔每觀至難事輒存易地想
處我古人間何以竭忠謹

人才各有宜用違乃蒙禍強之所不能
殺之亦爲過幸哉臍可噬惜哉甑已破
可憐生素餐不若死窮餓大夫其速退
毋久中

書坐

傷哉國將亡小人接踵生退賢進不肖此意天權衡鄙夫何足
責應運成公卿不幸賈秋壑垂老綿州行

文山來何莫天地悲窮陰割肉救伏尸自竭良醫心家國縱無
補節義且獨任一代養士報於此見尺尋元亡不如宋恩澤分
淺深

曉發

曉聽定山鐘炊烟萬瓦濃江明朝氣爽雲薄翠微鬆畚鍤開旁
洫釵笄領上農田家重離別騎犢老相從

六合縣旅夜

土壁一鐙昏山城早閉門民窮胥役富縣小士人尊俯首黃茅
屋開顏老瓦盆停杯念慈母兩日別兒孫

時攜知廉偕行

至汭礪遊桂園感作呈承政親家二首

喬木風烟舊澤存小山池館桂成邨
遜翁已逝誰招隱羽客何香得返
魂齋散空堂笙鶴遠磬傳花鳴水雲
昏摳衣問字傷來暮詩法難追老輩論
人天眷屬比維摩處處房櫳藥氣多
兒女身嬌原易病詩書境苦亦生魔
諸緣淡定根于達萬物生機得自和
難乞閒身相慰藉伴君歡喜老巖阿

櫻桃源弔俞氏

巍巍天長軍粲粲櫻桃源六合負局翁攜家隱其閒蕩子出彈
碁兩穉娘膝前朝拈五絲繡夕抱雙雛眠北澗汭南澗夫子何
時還淫霖釀積潦地軸沈驚瀾春塍鳧鴨游巨浸魚鼈翻賢哉
拯溺人廣操苦海船方舟迎婦去婦恚呼皇天禮嚴不雜坐況
摩秦越肩寧爲抱橋溺不借腰壺全待斃挾兩兒共殉投潺湲

夫歸求遺尸百里長圩連積骸不可辨斷裾留野田矗立有貞
松已變青青顏袂袵偶一合殯向孤雲阡孝烏渺何處三魂暗
纏綿貞珉紀歲月辛酉乾隆年特筆書姓氏生俞嫁于袁波瀾
力易竭櫻桃紅復然鴻鵠不可射奕秋涕漣漣

大辭林氏歸白下秀中四女寄詩懷我語意懇摯荅寄一
章

長養深閨中蘭芽始舒萌汝未歷世緣亦未經俗情渾然太和
氣宜作鸞鶴鳴如何義烈性常發變徵聲讀史慕游俠觀物齊
枯榮每聞忠孝言眸子光熒熒乃歎不凡兒誤綰筭與纓九齡
隨耶娘宦遊來神京父執托姻亞拜我如所生瞳人翦秋水百
尺澄潭清負汝觀牆詩抱汝翻壁經愛同汗血駒寶若明珠擎
小別已八載喜聞身長成渡江唁汝耶痛哭鄰里驚收涕忽見

汝令我雙眼明汝長及我肩玉立身亭亭鐙前叩所學語出肝
膽傾謂女無所嗜但嗜千古名不知與不信耶言當敬聽我聞
三太息默念欣戚并天地有正氣稟者皆錚錚此最不幸事願
汝毋硜硜中和可受福激烈難獨醒順境多傳人何必悲哀紫
依依侍寒夜戀戀奉深觥達旦不知倦婢媪愁嚴更旬餘未忍
別將別一再停汝淚承睫閒焉得攜汝行我身渡江水夢留咏
絮庭汝身眠綺窗夢繞虎踞城使者持詩來讀之涕盈盈作此
以爲報慎勿勞心旌冬歸期不遠當遣柴車迎老夫越吟卷待
汝來同賡

奉太安人赴會稽登舟有作二首

春江一艇載家行夜雨兩枝柔曠聲老屋但憑僮僕守官程已
報吏人迎天涯芳草裙腰合柳外桃花笑靨生底事年年持襍

被掩書惆悵不勝情

逐逐難同子養烏栖栖猶賴母將雛兒童路熟知官驛鷗鷺身
閒笑老夫琴枕低昂天拍水繡牀消遣婦隨姑浮家較比孤征
好尚有離心別夢無

默念二首

買買求祿仕自覺才有餘默念古經綸始媿腹空虛小用輒自
利大用將何如全身或僥倖生子多頑愚乃知竊位者莫避冥
冥誅

我身如蟣蝨忽生世界中鳳麟頗出衆亦是毛羽蟲稷契輔堯
舜天地眷其躬庶司領百職賢智參愚蒙此生彼則死百艸搖
春風因時自榮落何必矜異同

守風燕子磯登永濟寺閱壁間戊辰舊作棖觸移時二

僧復出絹素乞詩三首

二十年中兩度過尋鐘又復看杪羅龕閒衲去枯禪寂壁上詩
存逝者多興會全非波滾滾江山無恙髮髻髻重來已撒懸厓
手覺岸難登奈我何

朝衫收拾宰官身笑作江湖泛宅人母老喜參觀自在佛多知
過幾由旬鈍根漂泊迷初地香界留連是宿因行脚打包緣未
了浮蹤只隔一微塵

鐵索誰牽不繫舟顛風勸我一淹留勞生眷屬難成佛閱世心
情暫倚樓舊句真慙少年作才名深感令君求

袁子才因壁詩訪予十年始知

姓氏里居又十年乃訂交白下煩師洗去東牆字說道詩人漸白頭

胥江舟次遇饒霽南前輩貽贈鉛山三翰林詩之一感
酬四疊原韻並示馮蓮嶼仲子時偕北上就婚歷下也

四首

來帆挂春雲去笳轉平樾推篷一招手檣影共兀兀喜近同心
人萬語情莫竭彈指換歲華邈若秦與越良規飲藥石厚意淡
肌骨願守金人銘竊比文子訥誰憐涓蜀梁畏懼到影髮君亦
聞弦鳥尚鼓濟川筏慎保岐途身各凜石路滑名場爭智巧能
者持滿發逸足方騰驤疲馬故顛蹶匹練懸吳門君眸朗如月
抱疴辭巖廊養素憩林樾寡營亦勞勞不飲常兀兀致身學未
充事母力難竭索居聞過少軌步謹逾越言瞻神禹陵笑措防
風骨眼豁萬象殊耳聾羣籟訥運甓知筋骸攬鏡驗毛髮居貧
聚六口泛宅憑一筏腐儒粗糲餐莫具滌滄滑每念天地恩清
淚不敢發卽爲溝中斷已勝轅下蹶頗愧杜陵翁瀟灑送日月
廿年柱史門弱植托高樾先生宿草長

靜山
座主

公子孤羆兀崇公

名德垂歐母心力竭諸喪得返魯八口始歸越手營千金產懷
抱兩駿骨獨閉風雪門林鳥任喧訥兒讀焚後書母理截餘髮
經師孟拜官學海仲登筏蘭橈一邂逅春波碧油滑同爲孤露
子相對感明發美哉陳平姿勿慮霜蹄蹶且持干霄筆點黛畫
新月

館娃不可見釵鈿委榛樾美人已黃土蘇臺空突兀芳香有時
盡蜂蜨采未竭施嬙豈擇地俗論豔吳越粉黛飾塵容金繡裹
凡骨孰啓師曠聰八音辨譟訥誰開離婁明萬態鑒豪髮太史
耽閒情每縱愛河筏烟鬟滿明鏡尚買膏沐滑東君轉青旛百
卉應時發情田怯耦耕意馬慮中蹶吳娘唱瀟瀟扁舟好風月
饒將納吳
姬故調之

雷門吟

餘姚有余霖四十老一衿謁我葢山麓涕出悲不任謂公具手
筆乞爲雷門吟亡兄名余震雷門乃其字霖生托遺腹母老欲
拋棄兄嫂奪血胞兄怙嫂則恃母亡兒六齡九齡兄授經魯鈍
不可狀兄獨嘉其靈兩姊及笄嫁一一飛脊令霖愚復多病二
十奄奄形病則奪書笈痊則還鐙檠欲繼先子業恐傷子季情
迴憶七齡時兄子同病瘍戒嫂善視叔叔安兒可殤日夕嫂抱
持兄子擲於牀我唬嫂則泣我笑兄則歡三十授弟室旋入膠
庠間看我衣上綫嫂淚存斑斑檢我笥中書手澤兄黃丹兄嫂
六十歿合葬上林邨南山宋家嶼有我兄嫂墳兄以貧廢學醫
藥活千人活者慟兄死皆欲贖其身霖困蓬蒿中懼掩兄嫂賢
椎心泣血詞願公采斯言我爲一一書孝義可云止愧彼尺布
謠用以資國史

虎邱

虎氣出空山秦人不敢橫壯哉死闔閭能走生嬴政鐵花開不
了憨泉流莫竟芻中小妓魂合受野鬼聘巖居酒肉集磴級釵
鈿競吁嗟荒淫地是爲風俗病誰解吳王愁山靈有邪正

懷人詩十二首

湘南薊北人尸祝袁青天儀曹宰相才長揖歸田園山中太和
氣散見三百篇 袁叔論守定

巖巖張編修去爲滇粵令民權上官怒剛介本天性一點不能
歸斯人何究竟 張惕庵甄陶

叱馭捧飛檄十年辭一瓊豪傑得施爲焉知蜀道難牛刀割雞
用懷哉龐士元 徐勣右文弼

留侯若處子二十去爲吏臥理窮六籍悠悠古人意誰采幽蘭

花蹉跎荆楚地

陶揮五金諧

幼孤抱遺經鄉舉乃第一十載對大廷西川宰巖邑彈琴山水
閒俗吏豈其匹

陳時若奉茲

漢廷用通儒風流侍御史高文典冊手時復調宮徵綠窗按紅
牙佳人啓玉齒

紀元稹復亨

五十上春官遂佐宗伯曹雞栖馬如狗自感匏齋匏夫君以窮
死誰復矜才高

戴光林文燈

公子官翰林刻苦過寒峻奉身若圭璧凜然忠與信生兒萬事
足傳家有戈印

彭六一冠

飲酒讀異書閉關絕紛擾四十掌絲綸中書未爲老獨處抱天
游修身以爲寶

蔡惺谷超

散金三十萬求者無不足敢盜官庫錢竟成墨吏獄薄命哀彼

姝可有曹公贖

周守鏡禮

一第用畸人論文乃千古獨擁廣文瓊真氣滿堂戶九原誰可
作欲起陳同甫

江椒田道新

讀書三萬卷栽花一千樹誰知錢唐人却買倉山住文字見經
綸壯心時一露

袁子才枚

天鏡樓家宴

十二闌干俯碧城珮環聲是步虛聲仙人眷屬樓居好禹會河
山眼界平遠翠都分睂案色朝雲時傷鏡臺生壽觴舉處慈顏
悅今日全家宴上清

晚望郡城燈火

市火船燈閃亂螢暮雲拖墨夜冥冥却疑身在層霄上俯視人
間有列星

夜半

濕霧涼烟盡日浮半城疎雨似新秋濃陰自潑三升墨薄暮常披五月裘地底笙歌通夕沸橋南燈火到明收山人夜半猶憑眺未願將身領越州

生氣

天心本至仁隕霜亦其候落木具死理不能強之壽生氣滿松竹永爲冰雪宥百卉慕榮華托根何弗厚

言述子挽詩

言述子厥名然子游七十二世孫十世已居山陰閒親早亡兄嗜酒遺我弟田五畝兒女將嫁百無有賣田買匱出弟手賢哉述子孝且友康熙之年歲在癸巳詔求言氏襲博士然爲大宗當拜斯職述子陳狀伏闕而泣臣偃墓在虞山臣未居守臣生

厚顏乞援衢州孔氏讓封例請以是職俾臣弟德堅臣歸鑑湖曲奉祠終餘年 詔如所請天下誦之公卿大夫咸美以詩言述子大布衣再游長安陳詩祝釐賜金歸來卒于先祠卒年七十二得正而斃嗚呼言述子是爲文學裔

天鏡樓銷夏雜詩十四首

傑構俯羣象高居無四鄰窗櫺終日啓雲物六時新寺竹過牆短檐花落視勻名 山容暫住只愧讀書身

疎槐交晚翠老樹立冬青落子香浮砌飄花雪滿庭多年相倚藉羣木共安寧未覺遮風日吾方曬六經

雉堞抱山斜通城十萬家檐開橋路直響雜市聲譁細細炊烟裊層層霧樹遮僧樓落闌底鐘磬散林鴉

雞犬白雲邊城隅地自偏掩關塵事遠卷幔翠微連小住成通

隱幽棲亦靜緣談經人散後常是枕書眠
菜竹何年斬堂東立小亭濤飛偁嶺雪樹壓鳥門青地迥堪延
佇觀空出性靈城低盤疊帶漁火上遙汀
三山若兄弟天柱位當中南鎮神猶赫秦皇望已窮越臺開郡
古禹廟隔谿紅坐對成朝夕因之百慮空
鶴鼓雷沈響神皋鳥罷耘荒唐王會遠苟且霸圖分兀兀先生
感纍纍後死墳種蠡皆寂寞何況右將軍
巖虛留宿雨風溼聚林烟水氣遙通市河聲欲上船居人愁米
價長吏祝豐年江海誰傾瀉蛟龍亦有權

山深朝氣厚人定鳥聲和澹澹風光轉駸駸節序過添衣防暮
靄斷飲謝微疴永夜留虛白樓高受月多
雞雛爭蟻穴蟲羽避蛛絲物理如何見微生各有知花香留客

處夜氣中人時每到澄懷後將心一再思

禾黍隨田沒魚鰕入市多積陰真可慮苦雨欲如何隴畝屯青
草郊原卷白波誰操汜舟役貸粟問監河

十口無家客中年未死身誰吹獨孤笛自飲會稽醇食祿恩難
報傳經學未真莊生齊物後不敢怨清貧

優游鑑湖長

任處泉太守

刻苦石帆翁

劉豹君明經

出處人皆老悲愉境

不同西園螢照字快閣酒臨風與我成三友寧論達與窮
萬里滇南路王師尚遠征貔貅方迅掃螻蟻敢橫行竊願移
風雨遙爲洗甲兵天威開霽處共仰日光明

蔡中郎

竹老柯亭鳳不來笛材收取伴琴材交情只有曹瞞重知己難
爲董卓哀蠶室誰寬子長死權門終累馬融才孝娥碑在緹縈

遠忍聽胡笳塞上回

赤堇山

允常鑄五劔薛燭一再顧湛盧走堪吳僚胸魚腸飛入闔閭墓
歐冶風胡亂世人鍛鍊五金助不仁大賢落手變耒耜循吏挂
腰成犢駢句踐英雄允常子更鑄八龍吾霸矣伍員纔拜屬鏤
恩文種俄餐懸剪死君不見楚國太阿晉干將後先尚力同滅
亡秦望埋金久化土越女術盡猿公藏我聞莊生三劔兩無敵
不用突髻蓬頭相技擊會稽霸氣黯如灰何貴區區堇山錫

卽事

澹澹山容若母閒稜稜石骨似兒孱風來竹有頽唐態雨過花
含窈窕顏物理相尋書卷外人家都落酒杯閒瘦妻薄髻妝梳
懶不共烟螺比髻鬟

斜曛

翠屏風展碧波紋縷縷炊烟合暮雲海闌全開行潦去魚梁半
啓綠疇分閭闔弊久誰能革盜賊巢深孰與焚袖手憐予棋局
畔兀然無語對斜曛

一樓

一樓二十四窗櫺終日全家對畫屏萬象態從初起見諸天聲
在上頭聽花開雜樹情將語雲轉羣峯勢欲扃暮氣平收朝氣
出依然排比佛頭青

歐雷山副將畫像歌

須眉颯爽風雲起身是仙人歐冶子霸陵不識故將軍夾漈爭
呼老居士將軍十九身從戎雙手齊開兩石弓雄心夜拓沈沙
戟猛氣朝馳汗血驄毘舍那洋開赤嵌橫海樓船飛羽箭香炷

三傳鹿耳更礁沙七轉鯤身綫將軍拜爵左先鋒殺賊曾推第一
一功龍頑無聲鴨母死姓名勒石臺灣東專城列戟牙旗展閩
越營門自移轉獅鎧榮披上將衣油幢遠挂東甌篆烽火全銷
息戰塵投壺日醉太平春老兵忽作探丸盜諸將偕爲賜珎人
角巾一旦歸田里沽酒騎驢經二紀山中每伴赤松遊橋上誰
尋黃石履髀肉潛生氣不衰陰符親授兩男兒孟公久註翹關
籍仲氏頻褰繡棨帷七十老翁誇矍鑠形容未寫麒麟閣一丈
霜縑九尺身封侯骨相輸褒鄂五十年前壯士顏丹青老向畫
圖閒百回把酒行軍令幾度挑燈看箭瘢滇南此日貌貅往不
知誰縛降王長王師豈必待廉頗名將由來多李廣仙翁壽骨
健兒身仍是當年介胄臣紅衣不把青溪釣世上英雄信有真

寄荅孫壺園觀察

三十法曹郎翩翩相門子七閩富秔稻往督欽哉爾華堂聚簪
裾法部調宮徵繾綣同心人各抱離憂始八騶夾雙旌酒行君
乃起諸賢改官秩先後辭燕市飄風轉驚蓬吾亦還鄉里聲名
君四達蹤跡吾三徙奉母栖越州講學羅多士誰卷扶風帳自
憑南郭几千峰相揖讓萬象互行止腐哉老學究定力一生死
兀兀思羣公洋洋下雙鯉君書結纏綿我意含悲喜上言老親
健中言宦情美下言故人疎念我飢寒只織文雙蒙茸裳衣錯
金綺爲遺母被服輕暖徹肌髓又言登武夷遙矚賊湖鄙懷人
四十言真意傾醇醜惜無偕遊詩欲語他年俟吾鄉去崇安地
接天尺咫名山未承足妙境常入耳老彭兩男兒周末共居此
第十六洞天靈域闢奇詭積鐵開芙蓉斧劈直到底穿貫九曲
珠包孕萬源水水劃山復連山東水逾駛離合分動靜向背作

忠雅堂詩集卷十六
蒼紫安閒變猛怪聳突開遷迤或端整秀倩或破碎崩毀或仙
翔佛坐或鳥騫獸跪或衣冠簪笏或旗纛壁壘或鐵索引援或
綫棧緣蟻僧負戴以梯樵荷擔而履旣纍纍巾箱且丁丁屐齒
中懸一絲喘外見二分趾觀者魄沮喪陟者神逸弛又聞采茶
人處處山樓倚靈苗發旗槍香散諸天裏敢以質遊者所聞抑
非是君張宴幔亭仙漿泛瑤匱尚憶蓬蒿人脈脈存俯視我遊
會稽山求書入宛委蘭亭長荆榛禹廟栖狐雉酬君百無有乞
醯吾亦恥昨聞朝天節冒暑將北指東華故舊多逝者莫追矣
願持廉鎮幢來作臨安使報書陳肺肝庶幾謝知己

哭汪魚亭訓導

夢尸方得官吉水下凶聞一壇歷三月畢此窮薄運螺川俗儉
陋弟子出寒峻哭寢來幾人誰實任君殯諸郎插玉筍苞籜猶

未褪薄祿了升斗瘠土無尺寸母老弟復貧何以發歸櫬君本
嶽崎人豐年獨饑饉飄搖三十載狼戾友朋賑每當寢門哀慟
欲以身殉至情感同類古誼益相親苦吟心幾瘁使酒氣一振
才名達千里鬱鬱抱孤憤春雨滋萬卉莫轉枯菱潤樂哉文字
飲喜極必加愠同儔互疑駭各怨語言峻知君我最深嘲謔解
瑕釁苦心輒蒙恕咄咄施亦僅豈忘酒德頌借洩飢腸恨破屋
納風雨賓至飭廚餽賢妻具雞黍銀釵每辭鬢深觥略酬酢雄
辨疎揖遜主醉拍按哭客嘔逾牆遯潦倒塵坱中莫解蓬蓽悶
五十膺師儒百逆歸一順忽爲官所腐奚翅溝壑殫吾儕之恒
產生理若朝薜沉竊雕蟲名未死美先盡身在傲軒冕身歿慚
負販憑誰托孤寡欲飛不能奮九原見楊屋執手有同忿痛君
還自傷吾身亦終困

梅梁化龍歌

神材飛入禹王殿化作龍身與龍戰梁塵洗滌現鱗甲尚若梅
花開片片此龍棲息彼龍逃鐵絙制縛拘神蛟老樹焉能更飛
去禹力久伏蛇龍驕新宮落成奉黃屋不是隨山所刊木椀栝
荆人罷輦馱松雲堯棟同森肅禹卑宮室戒雕牆古廟聊存俎
豆香邱山底用萬牛負玉帛不見祠官襄會稽禹穴誰能考舜
葬蒼梧皆杳渺羣龍拜舞百靈集風雨空堂爲除埽梁木飛去
龍氣存鱗甲遠化孤山春江潮忽挾寺鐘響涇河來會錢塘君
宛委山金簡玉書歌

符讖紛紛千百種衰世邪言特繁冗妄傳禹會拜琅函不但周
書開汲芻元冥失職當堯時蒼水使者彼爲誰六經焚後雜小
說商周占夢皆可疑下流始克終迄雍遂錫元圭通賦貢江河

歸海乃入越事後求書何所用傷心莫救羽山誅幹蠱忍聽黃
能誣宛委神人亦何物敢向大禹稱吾徒吁嗟乎馬身龜背無
文字聖人取象通其意朝廷掩耳造天書祥瑞從來等兒戲

默數

江氣夜浮空外白蟬聲熱弄靜中喧高名身後誰千古同輩年
來半九原花隴雲閒翔野鶴蕩塘香穩睡文鴛披衣起受清涼
意默數飛螢過短垣

雷門鼓歌

千里洛陽聞越鼓吳王宮中自歌舞隆隆欲擊蛇門蛇統統疑
驚虎邱虎尊天事鬼九術先雷鼓事神聲淵淵白鵠入鼓誰得
見却指雙翎飛上天孫恩本是妖人子內史提兵役神鬼海氛
撲面絮因風天壤王郎辭婦死敗鼓之皮一朝裂巫祝所施何

足說乃知無敵恃仁人禳厭雖奇終必滅句踐六世國乃除霹
靂匿響東城隅五雲縹緲樵樓寂布鼓經過樂有餘

豹君題兒子知廉詩本一律作此代謝

鸚鵡學語莎雞鳴八音亂奏無中聲雜雅忽向鳳凰舞野馬輒
對麒麟行詩壇叟據師子座人天方丈憐衆生居然手撫阿難
頂含笑爲說楞嚴經風雷欲助筍成竹山川竟望翠生驛乃翁
塗抹婢麤醜學母畫眉難娉婷叟嗜螺蛤亦奇癖下箸狼藉忘
其腥仙人指爪我屢乞背癢不懼王方平聖人刪詩愛雜取側
耳孺子歌濯纓五十六顆珠光明長者手賜何其榮兒曹後日
誇聲價及見前賢拜典型

鑑湖笛會圖

紫衣中央坐李暮白頭末席生獨孤十主延賓作高會淡月輕

航來鏡湖新裁烟竹李丹製暮也吹之矜絕技獨孤側耳悄無
言聽者生嫌吹者志請君再奏涼州行十三疊雜龜茲聲暮也
愧拜一座驚獨孤選竹衆耳傾暮持丹笛求屬和叟曰不堪吹
入破從容改正西番音竹裂一聲天欲墮明朝去訪獨孤家丈
人已去柴門斜神龍見首不見尾大智如愚敢自誇

登臥龍山望海亭

俯瞰越王宮孤亭倚太空江雷聲裂地海雪氣吞虹水國山能
鎮龍居臥獨中難尋文種墓枯骨滿蒿蓬

沈魯堂太守避暑商氏別業予適病瘧戲柬

沈侯不能瘦當暑苦蒸溽守令二十年偃仄存老屋有奴具廚
饌無地營水竹却借岸上舟枕簟過三伏臥臨百畝潭坐袒十
圍腹每邀澹蕩人共享清涼福我居屹相望招手隔溪曲海風

吹神山語笑相斷續言約十日飲去吸千頃綠如何病寒熱遽
爲瘡鬼辱限同事尅期來比客不速戛戛玉琢齒睽睽電搖目
盪身簸粃糠挾纊疊衾褥少焉變袒裸欲就冰雪沃拭汗交二
巾飲水盡三斛兩境卽漸滅百體逡巡復可憐維摩室獨寢遠
眷屬我無關中蠲誰擲子章觸致疾或有因勿藥當代鞠陰陽
貴和平偏勝忌染觸臣罪自知之補救猶可贖堆枵餽薑豉聊
佐餐淡粥寧嫌近周妻且莫噉何肉吾儕禱食指霍爾效遙祝

題豹君詠史小樂府後

三千三百年中事歸此四百八十字探喉出聲滿天地斷獄平
反真老吏誅心復見良史才大海作眼時一開乾坤萬古無終
極後世憑誰尚論來

督漕揚尚書夫人挽詩四首

母生禮義門是爲君子耦三命拜鸞封晚號尚書婦夫子古醇
儒帶經起田畝母篝鳴機鐙端坐讀書牖修齊切交勉平治別
先後鏘然珩璜聲琴瑟得其友緬昔賢媛行于母無不有臣妻
本地道載物徵坤厚

尚書起郎官敷歷及中外持節莅封疆內政維母賴綸翟居華
堂荆布忘尊貴蠶織供衣服諸婦不敢懈布惠無親疎萬物感
其愛肅雝著家庭善氣蒸和泰依然梁孟儔白首笑相對

五歲便謁公二十出公門坐我諸郎間仰承色笑溫玉堂祿養
薄我母依晨昏尚書督漕運歲一瞻

至尊仙查眷屬從聚晤同欣欣母聞我母來握髮禮意殷出迎
笑執手葛帔大練裙豈無一品服澹泊性所存紛紜貴人妻睥
眦無所云名臣古家法富貴真浮雲

泛家過清淮舉室登北堂夫人酌吾母一飲盡十觴星霜忽五
易嬾嫠徒相望驚聞步虛游鶴駕空中翔我母北向泣我婦燃
瓣香我哭母或聞緘淚瑤池翬生榮歿則哀考終亦何傷所嗟
白太傅老爲梧桐愴達情齊死生眠食祈若常大椿八千歲爲
國珍棟梁

七夕戲作二首

星辰繫於天厥名誰與創賢者智及之未必皆有當義和人臣
耳豈陟蒼冥上天官五行書一一輕測量真宰主默運風雨何
跌宕陋哉騶衍徒刺刺語多妄

明河有無閒微雲舒澹澹如何位星辰亦有情欲感漢唐尚卮
言剟論無不敢古聖所弗談譎辭與理撼小人鮮忌憚吾欲抉
其膽所以孔孟書未肯托元覽

寄懷梁山舟

同書 侍講五首

百鳥儀明廷君獨黃鵠舉豈無阿閣棲自返丹山羽當時鴻雁
羣薄言散洲渚栖栖稻梁謀遠念拂天侶物理難強齊不關出
與處托命本自殊焉能同日語

早遺軒冕榮澹泊明夙志退身萬卷中蕭然香案吏或禮菩薩
幢或檢參同契夕閉彌勒龕朝服華陽餌豈云樂空虛藉悅清
淨意仙佛不必有浮生共遊戲

托迹毋乃疎緘情未能剖室邇人則遐懷哉君子友判袂衰經
間契闊亦云久君握智慧珠離欲本无垢我愁如落葉斷續不
可帚虛舟從飄風每懼失其守纏綿寄斯言知君性情厚

勞生日擾擾不入靜者懷同凜巖壑姿焉得與俗諧經營究何
益只與至道乖遺安事厚積所嗜不可排默默觀萬物嗒然忘

形骸同心兩明鏡黽勉相磨揩

秋來未云悲春去未云惜抱此不動心端居倚竹石君已捐百
好尚有臨池癖放筆題湖山妙墨留真迹傳聞衫袖間狼藉麝
煤液相望隔江水我住永師宅待覓邢道人爲君指今昔

商飈二首

商飈起青萍綠波動寒色盤空一鼓盪羣木各悽惻修竹挺勁
姿不免枝葉側苟非金石器無以持定力山堂徙屏牖茅屋存
竈突一埽殘暑空萬物相屏息

雷聲破空落拔我屋旁樹疑我山中樓吹入不知處自起敲石
火几榻尚如故秋蚊隱薄帷求食弗知懼晨興看南山靜坐未
移步隨風苟動搖城郭焉得固物大不可行舉足實無路超海
挾岱宗飛廉力難副

秋懷二首

蟋蟀何所知瑣瑣訴深夜誰捫愁人耳兀坐寒鐙下少婦理霜
砧老女猶未嫁感秋心則同歎逝悲難罷春生夏育權至此皆
徂謝鄰翁臥相語明日滌禾稼

縛帚埽林葉蕭蕭入清聽卷書對甫山百念於此定慮遠事方
過思多物無應遙城下孤羽深翠度寒磬靜中聞見多強懷或
能勝

沈氏園弔放翁

母不宜妻斯出耳人倫恨事無過此孝子長懷琴瑟悲離妻不
抱蘼蕪死腸斷春游沈氏園一回登眺一悽然綠波難駐驚鴻
影壞壁空留古麝烟四十年中心骨痛白頭苦作鴛鴦夢故劍
猶思鏡裏鸞新墳已葬釵頭鳳暮年清淚向誰收香炷蒲團縷

縷愁無多亭榭頻更主半死梧桐尚感秋廣漢姜郎寧悔錯琵琶莫唱風波惡紅酥垂手酒猶溫柳絮過牆情已薄國恥填胸恨未平憂時戀主可憐生詩人豈似朱翁子孝子忠臣定有情

吼山紀游五首

泛艇出雷門沿流乃東指轟轟繞門山斜俯皋部市壘嶂立集鐵萬鑿下齒齒篙師偶絕叫響苔出其裏從橫斧劈痕屏幢裂條理萬牛負邱山千艘運壁壘一郡所悉索山骨不留髓巨靈無完膚混沌溘然死石槲一崩壓五丁爛成鬼存者崖傾欹陷者潭澄泚遙知百年後亭榭資流峙

卅里入吼山竹樹何修修人家桃花源雞犬依羊牛洞門欹側開中有三楹樓峭壁豁天讐下覆蛟龍湫冰壺隱巖壑僧舍停虛舟坐此水精域酌我白玉甌樵夫踞厓顛投石擊浮漚龜鼉時一驚欲出懼罟鉤迴眺戈矛攢拍肩天際頭云是旱石洞何不探其幽

反出護生寺越陌導而南叢碧隱細路清磬穿風嵐言尋烟蘿洞本是空明庵方塘蔽葳苕古屋栖瞿曇三五優婆尼是女非兒男埽葉炊伊蒲言語多愚憨亦是陶氏墅闢此維摩龕乳竇墜陰厓一滴曹谿涵洗眼清有餘浸足冷未堪默默啜茶去妙理無人談

洞右石叢叢離立如天人如佛如金剛如將軍應真一袒一合掌一冠一戴盆一側腦一偕一跛倚欠伸破碎不可狀虎豹紛難馴椎鑿所偶赦遂有迹象存危哉繞門山此是前車翻愚公苟能徙庶可逃鴻鈞

迴篙溯枉渚斜曦澹將夕效彼消搖游泛我清虛宅取徑詣崇

忠雅堂詩集卷十六
阿陵廟存禹迹狐狸戲殿陰蝙蝠穿檐隙危亭覆輪囷云是夏
時石吾聞不封樹附會誰與闢求深則已鑿妄聽斯爲適日維
七月望宛泛黃州壁全家一扁舟遠勝峩眉客秋光皓魄吐暝
色涼烟積歸臥叢山樓餘夢浸寒碧

豹君不相晤者月餘念我致形夜夢明晨入山歡然道
故作此謝之

秋熱懼出戶各伏萬卷中形骸雖不親賴有精神通叟云相思
苦入夢欣來逢安得黑甜鄉輒聚離散蹤握手感至情其寫契
闊胸因想造我形或鑄一切容此身落幻泡不死真氣充如蒸
黍浮浮如裊雲蒙蒙聚之作魂魄暝則隨飄風寸心所固結萬
物不可融我無鈞天思豈至華胥宮磁枕穴蟻閒了悟諸象空
因叟守吾夢有夢當叟從覺亦非真覺一笑聽晨鐘

忠雅堂院桃再花兒子知廉作秋桃詞和之二首

竹外重開一兩枝花神何事與秋期風霜影裏誇顏色也是人
生晚達時

更與劉郎現後身曾隨紅雨作芳塵天公節候渾難定敢笑當
時薄命人

宿西興二首

故人相約翦秋燈畫舫烏篷碧水澄今夜山中慈母夢定隨游
子到西興

羅刹潮聲過耳空驛門船火夜深紅明朝去載杭州酒先上吳
山望浙東

山望諸東... 忠雅堂詩集卷十六

忠雅堂詩集卷十七

鉛山 蔣士銓 定甫

丁亥 下

杭州郡齋假山傳是坡公所遺偶來登眺有作三首

移將夢裏仇池石掇取壺中九華山結構渾忘天匠巧高寒真
露使君顏皴痕妙啓元人法蘚印濃堆宋代斑得意毋煩論鉅
細但能容足便躋攀

居然遠岫列窗中致出高人便不同墨沼渟泓雲影散窪尊開
豁酒痕空欲驅鳥嶼鞭無力待竊陂陀袖莫籠名宦因而寄鄉
思峩嶷橫在筆牀東

沈香雪浪咏無虛經始難徵考訂餘有美記成當未構志林編
次竟忘書歸裝肯累愚公負官物何關白鶴居賴有松根細連

絡巧偷豪奪患應除

書倪文正竹石畫卷後

君子立身同竹石每與風霜爭氣力
猗猗獨挺寒瘦姿磊磊常矜嚴
冷色倪公貞介立朝右石骨錚稜
竹竿直心憂大蠹踞鈞衡目瞬此
璫如鬼魅形廷未燬三朝典講幄
空陳十六策竹頭不屈石難轉司
農之笏豈勝擊偶然縱筆寫橫卷
勁氣稜稜穿楮墨廣平鐵石貫梅
花坡老槎牙浮雪壁忠臣風骨義
士節隨處淋漓收不得思公遺像
那可見展卷似瞻公坐立

潘曦亭別駕招游三江觀應宿開宴飲竟日入城已夜

半矣明日作詩寄謝

兩山中斷開危峽內江外海蛟龍
狎海飛江立山脚破鞭石橫空立
飛開長三十丈闊二丈開板雙層
中貫插二十八洞排水

門各有星官司歎欲海如盜賊凜
窺垣江若虎兕欣出柙百川東去
難撼搖萬嶺西來敢傾壓天神列
鎮肅旌旗水將連營布兵甲潮頭
逆上見崩摧江尾順趨隨管押當
年人力豈能到太守默傳神禹法
連椿入地奠千秋積潦浮天消一
霎三城雪卷水安瀾萬頃春迴人
荷鋪閒看網戶稅魚鰕罷問舟蛟
掌鷺鴨湯公俎豆自不祧應請蕭
公分饗給我拏勁楫劃玻璃不異清
游泛茗雪人家斷續冠畦町岸樹
彎環互寬狹漁郎水嬉篙技擊別
駕鐙筵酒盟畝糟浮子鯨舌尖糝
蜜飴霜柑爪痕掐藏鬪戰拇各分
曹算馬度壺同用筴嘉賓側弁主
猶醒君子欠伸僮且乏歎斜揖別
雁翔汀偏仄登舟劍歸匣迴帆自
發小海唱冷月生寒透巾帽

夢中贈人

有引

夢一叟星冠鶴髦兩侍者雲鬢珠珮自稱華陽公子是西岳神
人長子出碧色牋三尺餘日小閣新成索詩題壁乃書八句而
覺
觀物曾於太極先星冠霞帔致飄然掌中文字爲公子石上蒼
苔記歲年馴鶴繞身堪作馬滄溟到眼屢成田雲窗六扇天香
滿開徧峰頭十丈蓮

病中生日感作二首

忽忽行年四十三病眠身似半僵蠶此生窮困由天授後日功
名厭客談肌肉全銷山露骨因緣已澈佛同龕
君親恩重無從答不死微軀只自慚
一樓霜氣擁重衾多謝門生取次臨說孝談忠猶耿耿傷離感
逝自沈沈艱難久絕資身計惻隱空存未死心盡典春衣投藥

肆却憐甘旨不勝任

守鏡詞悼宜亭

秋月不可守破鏡飛上天傷哉兩青鸞先後歸雲烟鏡存納衆
影一一光華全隱隱匣內出朗朗堂中懸好醜悉包容魑魅伏
其間屢照明亦疲浮塵翳中邊一朝墮地裂誰能使之圓當時
借鑑者不復揩磨先繫以五雜組黯慘同泥甄寶氣蝕土花埋
向誰何田昔逢鏡機子丁寧守容鮮如何隔三歲千里聞棄捐
鏡具遠莫齋鏡神涕漣漣徒爲守鏡詞用抵招魂篇

鍾進士獵虎夜歸圖

鍾馗食鬼常苦飢心厭鬼瘦貪虎肥虎能充庖鬼色喜奮勇去
合南山圍衆鬼猙獰搏一虎進士能文鬼能武欣然按劍騎馬
歸鬼卒後先分隊伍神燈挂入梅花枝一鬼前導雙手持主人

攬轡三鬼隨分荷杖笠巾卷扇笏相纍纍一鬼負弩何盱眙三
鷹一犬四鬼司鷹閒犬逸徒爾爲執挺之鬼竚以嘻一鬼鳴鉦
壯鬼膽五鬼揚威誇勇敢張弧舉槊弄刀斧十目視虎防虎噉
鬼雄勒虎殿厥最虎力鬼力相進退虎嘯一聲鬼向背黑月無
光向西墜我聞畫鬼易肖畫虎難鍾馗狀貌誰曾看將軍善射
無侯骨不若閻羅死姓韓

童二樹 鉦 畫梅詩

童君畫梅千萬樹自寫槎枒老蒼句花開古雪未消時香入空
山不知處梅花開落天地中出土那識春與冬羲和制厯造歲
月始覺萬卉難爲同著花結實偶然爾頌之惜之皆可鄙孤芳
或受雨露生羣豔空隨雪霜死童君能詩方九齡寺壁一掃太
守驚腕中天授黥艸法用以寫梅竒骨儻我不識君見君畫每

對梅花身下拜行根竊懼地輪斜放榦真愁天宇隘想君畫梅
身作梅十指屈鐵梅苞胎驅魂附筆萼怒發使氣入墨枝駢闐
圈花破蕊等飛白人與梅花鬪標格神慳鬼吝一青衿去作諸
侯老賓客

遊蘭亭六首

維永和癸丑至乾隆丁亥歷千四百年更十有四載嘉平越四
日詩人槩舟待招我遊蘭亭晨光弄寒彩主賓集簪裾童穉雜
觴莖輕撓出西郭重席布中壘樂觀山水清竊懼風物改沿緣
入南溪柔櫓相襖靄當時修禊人去我今安在

汜汜十五里轉轉山陰道繫纜婁公埠烟火帶漁釣復籃雜蹇
衛相載入幽奧逶迤陂陀閒往復得深造俛挹流觴水古礪轡
環抱縛竹爲長簾銜尾出崖隩種蘭俗已易栖畝有餘稻蘭亭

本郵舍無屋領其要緬維嘉靖初太守始移造講堂絕絃誦別
墅供遊眺谿傍列坐儔當年可曾到
晉無修禊亭宋立天章寺寺前古書院卽此蘭亭地道側歌石
梁百步見幽閤入門疊嵯峨西折轉坡峙廣庭鑿深池填委石
鱗次云是古曲水作者用其意中央拱虛堂厥右小亭峙堂左
屋不多花木留御氣堂後亭團樂中有龍蛇字
聖祖
神孫書穹碑昂鼻屨宸翰見家法義獻豈能至
西北一古屋是爲右軍祠儼然晉衣冠秀彩存須看生平名宦
業讜論青編垂懷忠不蒙用執苑徒相推偶捉鼠須筆感慨來
係之那須穿鑿徒波磔相信疑誓墓避藍田輕詆悔莫追可憐
功名地夷險惟自知後人賞禊帖真贋何所資祓除等兒戲百

端交集時

峻嶺依崇山茂林閒修竹茫茫成古今風景猶在目背尋天章
寺籬落轉喬木僧宇殊狹隘倉廩富黍穀乃知古剎燬寺額仍
舊屬冬青不可見鐵甌空埋六羣峰立城郭樹隙下寒旭小樓
牘經藏貝葉誰能讀

攬挹興忽盡返我谿上舟主人觴嘉賓放棹迴中流還睇蘭渚
山晚翠空濛浮邈然千歲閒何止萬人游游者遞泯沒有作誰
見收沿襲山水辭弁陋何足尤從來名勝區後至難與儔

自題黻珮偕老圖 有序

乾隆丁亥之歲清容居士四十有三安人張氏四十有一奉太
安人栖于會稽葢山天鏡樓偶屬王生寫夫婦小像爲黻珮偕
老圖

我年二十一君年始十九親迎南昌郡太歲乙加丑仲冬朔三日于歸爲我婦簪著曳練裙貧苦樂相守我生鮮兄弟以君作昆友君離兩親膝舅父姑則母習勞出天性豈但奉箕帚三月我出游侍養爾無負明年入庠序鄉舉旋弋取凡茲兩載中我從使星後時得老親書譽婦不啻口雨雪登公車涕泗浥襟肘南宮報罷歸哭父鮮血歐事母號泣閒況瘁相左右服闋遷洪州芝山重回首冒暑偕計吏再戰再北走三年入中書悽惻望南斗引假翩然還歸傷別離久顧我背生兒三歲解呼某典屋咏北征赴闕挾雞狗豈知川陸塗災阨靡不受水火閒盜賊飲痛荆棘藪出入死生際神鬼互踐蹂我窮呼旻天君曰是非苟省愆以修身勿負彼蒼厚艱難詣京師圍圍困嘗留閱歲掇上第珥筆拜魯叟備官文章列得侍

唐虞后豈有華國才只益伐檀咎蕭條室懸磬獲雜魚貫柳貧深疾苦萃命蹇艱危糾母哀匱旨甘朋來只藎韭憫君有四雛一一躬乳穀飛蓬遠珠翠集蓼依井臼莫報堯舜恩日歸梁孟偶退飛幸得告宿食苦無有江湖轉虛舟鄉里乏南畝浮家吳越疆終遂冀缺耦四十朱顏凋相對嗟老醜迴思廿三載艱辛亂絲絡君抱惻隱心結習頗同狂我揮千黃金君意無可否脫釧救饑溺大勇過賁黜匱罄虛明璫箱空覆敝笥苦者得安樂心結方解紐紛紜貴人妻衽服相導誘君匿不與謀諂讓或疵垢但云寒峻室未解珮瓊玖我讀古人書目炬穿破牖君恨不識字其聰過矇瞍語君忠孝事清淚滴尊酒默然長太息感觸一何陡隱意雖未陳似傷骨易朽侍者舉相問一笑罷分割君思棄巾幗我愧膺組綬每咨敬養薄但益顏色忸三男漸齊肩

來歲且姑舅茫然終老計生理向誰扣行將去齊魯都邑鄰費
邱老屋難安居初服頻抖擻夜夢共憂勞奚被寅厯酉境窮魚
上竹情篤絲在蕩寫形托丹青述志布蝌蚪偕老尙如賓白頭
隨母壽

題晉人悅笑圖

國人見虎驚若狂馮婦之勇如卞莊車中善士復攘臂失信於
虎虎莫避山君負嵎電目睽耋耄白挺莫敢撓山林莽蒼兩凶
鬪轉瞬不知誰死生鄉人竊懼入虎口婦穉旁皇執刀帚腐儒
晉語侈高談昔日騶虞見郊藪君不見老婦哀號泰山側孔子
驅車行不得賢人爲政虎渡河猛士無由施氣力搏虎救衆勇
且仁壯夫不隨人笑顰吁嗟乎羊舌氏有豺狼聲周犬難齧祁
彌明

立春前一日喜雪八首

失却窗南數朵青繞樓新放水晶屏始知身在茫茫裏人海中
閒一點萍
瓊瑤世界本來寬難得全家此處看萬瓦參差現鱗甲女牆低
護白銀盤
叢篁未肯折腰肢難免風前鬢若絲如對當時杜陵叟白頭吟
望苦低垂

晴過三冬萬戶嗟明年豆麥可生芽龍公忽展迎春手怕放來
朝五出花

極望彤雲接塞陰飛霏定慰

九重心豐年雪滿黃河北應賀遺蝗入地深

滕六真慚氣力偏漫誇祥瑞酒尊前關心萬姓無衣者安得求

他化作綿

遮莫同傾餞臘杯半酣身比玉山頽來朝春氣銷寒色還我千巖萬壑來

景物山陰擅六時兩年消受畫中詩明冬去看華不注白玉搔頭放一枝

酬胡學山

柳橋丈人隱君子八十能書擘窠字筆端氣力迴萬牛鐵臂伸縮爲剛柔不知是松還是石支離磊砢從空擲參差鶴鹿各眠坐顛倒蛟龍互驅策我識丈人廿載前丈人六十我少年扁舟對榻擁衾話浩氣直壓匡廬顛唐公上客獨推叟忘勢尊賢容諍友可憐珠履慕金多誰及深衣能墨守抱琴孤坐烟水亭七條瘦玉聲泠泠潯陽九派出手指風雨不動魚龍聽通侯封事

爭傳寫半出牀頭捉刀者經綸不入名宦傳詩酒還歸耆舊社我今四十叟八旬齒髮如昔視聽均壯夫忽抱垂死病老友竟騁飛騰身十里登山何矯捷看我尪羸悲久別親調丹鼎藥三升手進仙人蒲九節丈人古義今所無太乙不用青藜扶放翁久入團扇畫洪厓數上屏風圖潑墨贈我書幾幅夜半光芒穿老屋那須道德五千言願與先生守函谷

中夜忽欲起不眠同此心涼月定人影細風傳石林堂前通夕

宴屋底萬家砧念慮空如水懷哉兩客吟

靜者有宗生能閒思故清兩人方落落萬物苦營營我亦山中客徒深世外情書堂好風月誰與畫分明

將赴山左李中丞之招留別鍾介伯

錫圭

秀才

交情如探尋始至意猶淺漸深覺兩忘欲去不能返君攜臙脯
來請業能黽勉衆音或雷同清響輒自顯心許席上珍品異溝
中斷延爲孺子師三雛羽毛短君斂摩天翼習飛相急緩大者
解翩翩小者戒擊殘二百餘日閒已覺異豚犬始樂效紈袴近
頗安濯澣始愛暱紛華近且循樸簡乃知養正功範物各就限
君家戴山前十步豈云遠有親倚門間昏定念難遣我生鮮兄
弟負母逐蓬轉遠游吾所傷暮歸爾何赧况君抱至性衰經期
未滿君年未三十定力持侃侃豈無世俗撻義利克區辨先路
敢云導立脚期勿蹇聽我尚論言亦具萬古眼忠孝出肺肝涕
泗溢巾卷君云守詩書制行世無愧焚巢與胠篋何意歷天譴
是皆身外物消長爲聚散有者我本無奪之理亦坦安樂雜醉
夢死亡或難免蕩滌其疵瑕白璧潔逾善我欲挾君去汗漫歷

東究豈無四方志戀母心莫反別君吾遲遲送我泪潛潛我子
君弟子對泣廢餐飯壯夫禁離聲一笑亂愁翦天有扶搖風地
有吹律琯願君整健翮雲海力橫展小別期未長良會約當踐
我母方跋涉君母但歡宴嗟我浮家人關河傷足繭

宗芥颿紅袖烏絲小照二首

滴粉搓酥費揣摹金釵相亞畫屏俱人生富貴尋常事難得鬢
兼未有鬚

衆香國裏枝枝艷羣玉峰頭朵朵春才子從來無此福只堪都
作畫中人

將之山左留別戴山講院同學兼謝同好鄉先生二首

老友忘年特地親酒籌詩板共昏晨欣從洛社揮談麈愧比周
郎說飲醇脈脈相關絃外意惺惺爭惜病餘身風前一斗臨岐

淚洒向江湖作恨人

百尺樓居八口偕頽唐身借亂書埋越多君子交情重路入山
陰畫意佳雲物相於成繾綣風花易散重咨嗟無心引得虛舟
去不道吾生信有涯

豹君以前賢墨跡四種贈行謹受念臺公手書詩冊倪
文正畫石卷子卽用冊內題圓覺經詩韻奉謝

生死文字中相友托真意重以離別心遣之殊不易力學涉滄
海白首期共濟贈我書畫幀一一同守器兩公社稷臣不幸立
衰世殉國有餘恨名譽匪所計偶然留墨妙光燄燭天地倪公
骨如石立脚孰能跂嶢嶢見孤櫂介魄滿燕冀念臺孔孟徒亦
擅臨池技傳家忠義書手澤垂奕禩了然圓覺旨妙悟該鉅細
平原誌麻姑仙佛聊一寄古人不可作觀者但流涕精神耿耿

存昌熾宜爾俾得二吾已足可敢恣取棄翻覺馬易石坡老繁
論議受餐返其壁重耳豈能戲倘續集古錄君惠我能記愧無
瓜李報敢竊纓矢贊多儀不成享所重惟交際借壓米家船征
帆恐難曳

書宗芥帆詩本後

才如溟渤闊情與滄江深遣意珠房貫行蟻使筆春氣來空林
竒都破膽險鉢腎快立解鬱哀酸心少年如是老何若造極盡
變誰能尋海內休悲寶意死替人繼起君其任薦之廟堂作雅
頌庶幾變爾商聲吟才人自古不盡達吾爲子懼籌升沈

童墨林秀才攜畫梅相訪不值書以奉酬五首

偶乘籃筍探春光底事歸來鼻觀香尋到龍山花不見那知疎

影壓書堂

寫梅人定似梅清修到寒芳合幾生誰道新交不如故一枝相贈倍多情

平生愛畫更憐才未見幽人却見梅料想黃樓吹笛夜羽衣曾

伴鶴飛來

君歸自彭城故云

東風纔到暗香知不似年年春信遲二樹飄零鳳岡死讓君管領向南枝

圖書雞犬一青篷香滿歸航玉幾叢怪道詩人似冰雪兩童君

畫在舟中

先是芥帆以二樹畫梅見貽

戊子

上

元旦既起復寐夢登海山作

天雞喚吾起海色上屏風一碧渺無際曉光浮太空其雷喧爆竹有客號崆峒笑指人間世滄波流向東

去越州五首

依依會稽人去去山陰道改歲已七日具舟豈云蚤西郊列祖帳冠蓋雜輿阜離觴咽流波顏色未能好岐亭柳始芽倏忽變枯槁別語寧不多所言嗟艸艸

諸生步涯涘鷗鷺破相接霑襟濕青袍一一淚承睫嗟予結中腸抑情聊制壓揮手謝故人速發戒停楫誰知脈脈心欲渡不能涉

悽悽水澄翁

君豹

垂老別益苦躡躑十里餘再拜無一語子弟六

七人號泣相夾輔驪駒更迭歌別酒四三舉如何芳艸情復作春蠶吐丁寧食與眠康哉吾與汝

行期敢相給離況庶幾免同心數賢人

任處泉陳望亭兩太守潘筠軒學士沈月波秀

才金友

怪我意何淺別時竊自幸別後殊難遣快閣宴未央柔

鶴進士

忠雅堂詩集卷十七
十一
腸綠波轉回首浙東雲春風不能卷

我方掉頭去舟忽銜尾來推篷喚吾母戢戢筭與釵白髮古仙人從以姬姜儕泣然執母裾各道分離懷老淚輒盈把繫戀焉能偕但期天鏡樓夢裏相往回分帆去惻惻此意男女皆遙觀目送者漸反參差厓

欲去不得去

歸袞入江船欲去不得去豈有石尤風十日津頭住中丞托姻亞念我親年暮遠涉傷子心臨淵請迴步雖成越絕書未許齊人傳遂開崇文院彬彬集儒素銜書西湖長風光可全據庶幾娛母心衰顏得長駐援止卽止之頗滋食言懼敬謝東諸侯却聘倘蒙恕行藏我何知委之天與數

歐陽蘭畦

永祺

以浙臬遷粵東方伯志別八首

嶷嶷桂林伯待我逾交親不謂昌黎友我及見其人歐陽出廬陵介直存公身起家文章彥發軔遊西秦歟歷守令中所學皆施陳子弟依父兄都忘官與民間公何能爾公曰行吾真持節巡大梁露冕鎮於越敬事積勞勩心力未辭竭黠者笑寒儉巧者厭迂闊公抱耿耿心流俗不能奪所到吏役貧所過黎庶活賢臣國根本培養托藩臬公存讀書眼視事朗如月下僚事上官竭力無不爲麾幢一臨蒞僕隸持恩威公游郡邑閒肅肅清風吹勸警令與牧舊習期改移從者惡能廉有術無所施竊羨他人奴各各腰纏歸

積習難驟移慨然具封事請禁吏走趨庶以一心志君子性坦率俗物騁妍媚豈無動色戒所樂有同異安得磊落人居官成一

志雅堂詩集卷十七
一
栖栖寒峻子亦有文字能披沙揀金屑一一加尺繩士氣乃一
振奉教歌同升誰非田間來貴賤焉可憑章句進取技佳妙不
足矜願得經世才爲國充賓興與公托同調萬類知勸懲
公子習詩禮翩翩取科第清門天所眷種德非一世家風守儒
素練葛分裳帔可憐驟貴者綺縠雜珠翠官秩偶然耳但益後
來累朝廷相楊綰黎幹減車騎當時杜黃裳富厚且蒙議公真
毛玠儔豪侈或當避

嶺南公鄰國俗與嶺右殊洋舶集奇貨蕩侈奢淫俱教養還樸
淳是在君子儒察吏民乃安姑息蔓難圖爲政務大本瑣屑何
足誅公手持經綸入告多嘉謨政成鱷遷徙合浦還明珠
我讀古人書用世存夙願拜恩館閣中自効無由見文章愧剽
襲貧病積憂患養疴臥江湖奉母乏珍膳苟且充學究渙忍出

顏面諄諄講志節聽者亦多倦安得從公游日披循吏傳

天台萬年藤杖歌謝陳象臣

夢說

觀察

仙官來往天台裏父老趨迎男婦喜居民捧輿度峯嶸絳節桃
花相迤邐老藤蟠屈寒蛟僵萬古甲子不可量始爲繞指柔漸
成百鍊剛脫身未肯附松栢定性久已忘冰霜斂肉入皮筋入
骨混沌花葉皆收藏山鬼驚看避神物飛仙偶踏響石梁不知
歲月冉冉過但覺年命迢迢長仙官游金庭碧林瑤艸香不覓
胡麻飯不攜采藥筐長揖天姥云吾友有母壽且康願乞此籐
作印杖庶幾筋力如藤強天姥顧之笑美哉公意厚益臧神人
斤斧乃一舉截藤九尺直以方仙官拜賜去洞天聞寂山蒼茫
攜藤歸遺小人母堂北老親開笑口仙人之貽我則有敢不拜
嘉同稽首童孫代杖可釋肩看雲數雁藤周旋擲空莫化老龍

去倚壁不擾慈烏眠老安少懷見公志忠信作杖扶危顛公身
挺勁比藤健野狐敢近天龍禪此藤托根本福地由公歸我數
則然摩挲後世見手澤母壽願與藤齊年

西湖偶作四首

著眼銷金一寸鍋峰巒橫黛水橫波田疇六井經時變花柳雙
堤閱世多名宦風流遺醉夢霸才瀟灑拓山河息息結盡中原
局拋却湖船海上過

天賜湖山習晏安羣姦接踵據朝端貪夫柄國危亡定名將成
功晚季難立節全忠惟自了荒祠廢菊怕尋看揮戈未許迴斜
日敗局勞他儘力彈

韓園葛嶺跡相承如彼君臣說中興誰念銅仙辭北闕但憐蘇
小葬西陵極天戎馬將軍帳徹夜笙歌宰相鐙只有孤臣銜淚

去芝山亭下恨填膺

荷香桂子唱新詞立馬圖傳塞上知勝地鶯花招飲日游人燕
雀處堂時興亡已過春如舊哀樂無端酒不辭一樣南朝歌舞
地只堪游冶莫尋思

孤山

歐蘇歎美惠勤師方外留連我不知却怪林逋入山淺梅花開
蚤鶴歸遲

湖上雜咏四首

一語能捐使宅魚詩人遊戲歲星如可憐後日求花石只有諧
臣侍起居

四時爭泛總宜船酒氣花香帝業偏誰寫清明上河本洛陽風
景浙江天

忠雅堂詩集卷十七
宋嫂魚羹李嫂羊御廚疊進至尊嘗二宮麥飯何人獻雪窖冰
天飲酪漿

馬塍開遍殿春花龍井初嘗穀雨茶白傅蘇公都不見兩隄烟
柳對欹斜

韜光庵

寺從靈隱入源到冷泉分萬竹掩危磴一菴埋綠雲湖平空際
出鐘杳下方聞玉版叅難盡韜光卽此君

玉泉觀魚

三竺歸籃輿一徑轉而右靈泉古昔豁小寺後來有方塘繞赤
闌寬廣不盈畝中積百頭魚元黃各竒耦放生乃全生老此逋
逃藪雖然遠鉤餌樂飢物所否游人投糗資嘆喏相奪取濟南
有漪園池沼亦清瀏金鱗二尺餘年齒實多壽龍頭鷺目儔什
伯效羣友我觴池南亭太歲居癸酉於初爲波瀾輝彩燦杯酒
觀海難爲水對此不能久一笑我非魚莊生寓言九

還葢山作

六十七日歸舊巢同人延佇占於郊楚弓倏忽返江漢趙璧乃
竟離函嶠柔波迴合聚斷梗修綆束縛營懸匏羅浮偶爾雜風
雨并剪豈得分漆膠由來人事本天數益信分定關神交溪喧
花妥境兩異竭好獺趁兼鶯捎輿臺父老笑相慰豈但故舊連
茹茅山樓洒掃布几榻牆屋塗堊開漏庖檻前岩壑出古翠檐
角花木含新苞諸生春服恰被體絃誦依舊來堂坳臨歧悔洒
一斗淚破涕作笑嗟申包小兒簸弄若傀儡腐儒讐算真斗筭
延師竟與置碁等殆不可復妨詼嘲鑑湖倘許賜臣老杭州雖
好吾能拋

續演雅戲效山谷用筠軒韻

誰號兔且誰馬磨寒蟲得過聊且過麟拘螾現判襪祥猫笑虎
嗔分勇懦海蜃或解造樓閣水豹焉能任箕簸內蛇出關外蛇
入一犬吠聲百犬和負塗自得豕相媚犁畝不勝牛卒瘁黃羊
祀竈充神庖白鼠聽經參佛座跳梁但恐鼈厮踢織綃每防龍
督課驪貪美睡珠客伺龜解前知桑鬼唾瘦豺祭獸獍食母老
鰥不眠鼯喜臥黑衣唬泣懼鞭縛長耳嘶鳴愁負馱獬豸觸邪
魑魅伏鼻屨通文蝸蚓賀流雲豈虞蛛網阻皎月頻窺蚌胎破
獅兒覓乳苦批擊海母目鰕勞贊佐可憐蛭蛭借肢體不苦
猩耽麴糯能醫蜥蜴本仁術祛瘡尖團亦奇貨鹿茸熊掌怨烹
割犀角象牙遭折挫狼狽偕行夔足跛江豚叩首橐駝坐貂能
相煖反蒙害繭不受污常被流躑操五技慧終小狐竊三禪才

頗大射影含沙或云巧垂雲徙海真無那靜觀物理究如何都
入離騷供只些

朱生翰泉二十初度詩以勗之二首

栖栖風雨覆巢餘來與山公共起居垂髮已當多難後加冠纔
到敬名初看閒黃氣隨年轉杯裏弦弓逐病除惡夢頻醒無長
物篋中留得未焚書

每對名駒憶故人書鐙琴榻記情親驚心波浪腸應斷轉眼烟
雲跡又陳兒輩肩隨尋世講山堂弦誦是前因起衰何以勝憂
患二十年華劫後身

養正齋種竹

堂西讀書舍各啓南北牖北窗逼陂陀南窗面牆陡讀倦一欠
伸放眼百無有酥雨滴清和爽氣潤林藪移竹四十竿植向齋

前後欹斜相參差疎密互竒耦短檐入新綠苔蘚覺深厚斜日
避几席微風助吟吼遙知炎威減暑力除十九直躬不可屈虛
中乃能受堂堂證人社要此君子友我凭天鏡樓俯挹翠盈手
何期圭窬屋布列掃雲帚明年筍戢戢粉籜照尊酒但願後來
人毋等伐薪樵

李二郎 堯棟 詩

背誦六經如瀉水下筆春蠶食桑紙驕驕之駒走千里無人不
道佳公子學使心折冠一軍歎息兒子徒紛紛瞳人翦水玉作
身立鶴矯矯無雜羣父領三山二千石直氣當官挺松栢外甥
似舅古所云 謂梁階平中丞 廷對彤墀還第一襴衫四尺稱體長馬
上爭看李二郎紫禁誰呼小太白明年身惹御爐香

送范蘅洲 家相 守柳州三首

西曹清望比溫舒袖裏猶存尚德書名宦豈同遷客去詩人宜
向柳州居親承

天語官非謫拜領冰銜古不如宣布 朝廷恩德意陽春從此
遍耕畬

崑崙關外夜燈紅要使邊人識范公百粵河山歸掌上太平兵
甲貯胸中間閭揖讓蠻荒習詩禮威儀教化同題徧羅池觴咏
地使君餘墨照紗籠

詩繡弓衣到處歌紅芽誰唱定風波天連魏闕迴瞻遠地入龍
城按部過官樹陰籠柑柚古竒峯青列劍鋒多鬱金香酒相思
夢無那當時故舊何

樓空

白靄若江橫羣峯隔水生樓空收月氣林迴出秋聲子夜人孤

思雅堂詩集卷十七
坐雙橋火獨明霜天好寥闊辛苦雁南征

更闌

滿樓燈火透窗明
刀尺聲連誦讀聲
三世糴臺無嬾婦
一家人影盡書生
儒門習慣能安業
史事談多各動情
忽掩更闌數行
淚卷簾偷向朔風傾

思雅堂詩集卷十七

忠雅堂詩集卷十八

鉛山 蔣士銓 定甫



戊子 下

題文信國遺像

遺世獨立公之容大節不奪公之忠天已厭宋猶生公一代正
氣持其終小人紛紛作丞輔公不見用且歌舞朝廷相公國已
亡六尺之孤是何主出入萬死身提戈天意不屬當奈何十載
幽囚就柴市毅魄且欲收山河節義文章皆可考狀元宰相如
公少山中誰救六陵移地下真慚一身了亂亡無補心可憐天
以臣節煩公肩不然狗彘艸間活借口順運謀身全俎豆忠貞
遂公志嶺上梅花公再世鄉人誰復繼前賢一拜須眉一流涕

平岡一獅堂堂馳一獅坐地返顧之兩獅對滾戲一兒一兒旁
覷母乳嬉最小一獅立而窺兩獅渴飲泉流澌喜尾怒齒張其
威巖壑動搖相盱睢百獸之王人得持或貢康居或條支肉視
犀象孩熊羆鋸牙鉤爪百獸糜勁氣柔毳羣鬼披畫中驅瘡血
淋漓何況林邑衝羌夷永興賦筆眉山詩形容刻畫誰得知師
乎莫漫矜雄奇狼山尚有林中狸神勇善養安不危君子圖之
當九思

遊吼山分得東字三首

養花天漾麥苗風畫舫幽尋主客同魚國路通皋埠外犬亭青
在繞門東綠波人影羣鷗亂翠壁雷聲萬斧空一樣酒龍詩虎
會只爭紅袖凭烏篷

細細笙歌短短篷攜家上叟見遺風棟花邨鳴清明過秧稻時

光暖氣融鏡湧樓臺雙洞啓天垂雲樹一潭空坐來長晝堪移
屣還到烟蘿古寺東

舩船一櫂夕陽紅到處江山喜醉翁歇艤偕行穿彼岸倒身直
下瞰幽宮裂開地軸雷霆轉鑿斷雲根陸海空晚入雷門笑相
別扇橋西畔水澄東

飛來山登應天塔遂謁朱文懿公祠

東武誰見飛來時壓人入地人不知鰻井錫痕指靈異蕭簪造
塔來何遲沙門之說本荒忽賸有浮圖椽突兀越王游臺今已
無想見君臣覽雲物城南秦望山獨尊列岫相倚如兒孫江潮
西騰海北陷東接兩郡烟雲屯倒身下瞰十萬戶街巷河梁棊
局布城中曠土綠漫漫滿地頽棺無葬處相公祠宇山之陽侍
講切引花石綱全君骨肉正國體妖人何惜誅生光罷稅撫蠻

天下宴遺疏猶能比尸諫摩厓手寫小琅邪後世前身皆不見
越有天地有此山曰龜曰怪山無言相公不逐許詢返客影下
散斜陽閒忽有天風送人語大善寺名塔鈴相爾汝我欲攜山更
飛去

弔祁忠敏公

二十官人作司李飢卒譁然見公止三吳亂賊一手禽江左屏
藩祁御史直道不行飄然歸蕺山拜侍劉公帷再起再去時事
非國亡忍食西山薇西洋港中念臺死徑往雲門挈妻子別廟
文成絕命詩笑曰人生一世矣角巾端坐淺水中得正而斃舍
笑容誰死江湖死廊廟同年尚有倪鴻寶

天鏡樓午夜起坐二首

風細樹微醒月高山正眠樓開千里白塔倚半城烟一客夜深

起衆聲空外傳添衣坐通夕清味此時偏

夢境有同異軒駒十萬家晨鐘聲未起夜氣渺無涯羣動定生
理九霄垂露華憑虛念身世默默感匏瓜

醉歌

前有千古後有萬年數十寒暑中我忽生其閒前身後世不可
識人物鳥獸蟲沙草木然不然識字數不過萬讀書卷不及千
十載竊科第出入館閣承

主恩所識盡窮乏所栖無一厘鬱鬱貧病奉母去覲顏教授居
名山道神牽我作傀儡山靈借我爲雲烟倚樓兀然坐終日千
巖萬壑百變陰晴天聖賢可學學者少紛紛墨守經生言相習
俳優之文志富貴所以古語嗟才難朝聞官人買田宅暮聞官
人購亭園飲食歌舞待鐘漏汲汲厚積遺子孫將軍死難士死

至尊宵旰爲籌邊忠臣孝子出至性舉以責備難具論葵藿托
生太陽下弱艸向日心猶存鳥欲扶搖羽翼薄木思裁削枝節
拳數十寒暑中我忽生其間弱水之羽滄海粟何不化去供蟻
鳶飲酒一斗亦旣醉以夢代死誰周旋

樓外

樓外羣山皆不去愛與詩翁朝夕聚有時掩面雲霧中任我低
迷無覓處睡醒嵐翠偎枕函新綠入窗霑我衫終年相對益纏
綵半日不見如飢饒屋廬疎密樹深淺城郭周遭田近遠風光
四序樓五楹母子六人書萬卷酒杯一桁排闥干全家小飲浮
雲端風吹笑語落街市下界仰矚元都壇戒珠寺後萬竹竿繞
我樓半翔青鸞詩翁老醜怕人見却被山靈細細看

竹活

移竹養正齋舊葉盡黃脫皆云非其時栽植同翦割我過無術
補對之惟惻怛淹忽閱兩旬一一傍檐活笋芽抽嫩鞭筠粉長
新籜生機未遽戕死氣不敢奪土力本未潤根脈遂如渴疎雨
夜滴瀝滋漑乃旁達僵者漸昭蘇鬱者漸開豁如魚困圍圉少
定去潑刺天地所不凋華美孰能遏埽雲與干霄百尺起豪末
明年陰叢叢勿懼風偃拔斷梢而待醉俗論從可抹貪天以爲
功榮悴我其斡

三山歎

種山列郡署蔽山橫講堂塔山植浮圖鼎峙而相望其陽標勝
區其陰開北邙棺窆壘魚鱗哀此漏澤岡上焉無松楸下焉無
白楊半供蠅犬餐半有藁裡藏泚頽猶古風習見恆若忘彼惑

堪輿言徼福求渺茫棄親不食地厥後焉得昌華屋較荒邱多
寡誰得量世無墓大夫族葬禮久亡守牧掌禁令骼齒埋掩當
我無萬間厦又無千頃場欲招飢餒魂其宅亡何鄉入夜鬼成
市啾啾哭星光停我讀書聲作詩代悲傷

苦熱三首

殷雷作雨勢輒爲風所持陰凝陽在外湧沛無由施雲氣飄揚
升但騁峰巒奇卑濕蘊蒸溽寥廓焉得知願假萬仞翮挾纒游
天池

施者常無窮火日光在外受者隨各得金水光在內其理夫如
何我意不能會敲石與磨鏡五行職相代至哉造化能亦復弄
狡獪

東鄰哭三犧西鄰方禴祭祿祥不可知愚者用其意笙歌聚熱
客中夜恆不寐星燈遞明暗螢火分去至默然待雞鳴微哉平
旦氣

悼雙槐樹六首

講堂西南隅兩槐立如耦三年天鏡樓愛此雙老友陰籠梳粧
臺綠亞讀書牖獵花曉蜂喧抱葉夜蟬守檐戶托靜深人意亦
渾厚不問栽植年喬柯自然壽

六月日丙寅主人瘡在牀怪風卷江來萬籟聲怒張轟然若山
頽几榻奔炎光僮婢譁中庭絕叫雙龍僵壞垣毀屋瓦偃仆猶
軒昂力疾起視之吾心怒然傷

旣無鉏麇觸亦非螻蟻穿本根未枯朽枝葉猶鬱然于人等暴
死命盡誰能全無知物已矣有情吾慨焉帷蓋不可施掩蔽無
泉淵招魂化青虬銜尾翔旻天

忠雅堂詩集卷十八
五
方栽冊修篁頓失兩喬木譬營一畝宮却燬萬間屋雜花奪倚
恃冬青感孤獨況我中年情哀樂恒易觸始知攀條者流涕皆
有屬

種山堂堂來居然入我戶可憐失障蔽窺瞰到行路雖然增空
闊未免撤防護炎曦侵牀帷飛雨灑巾屨如家喪長者一一等
孤露樹木須十年繼此憂遲暮樹人則如何根荄奚以固
斜月共我寢我夢迷南柯本非求達人所失原不多兩槐種植
歲知我爲誰何茲忽遭摧折難謝翁人訶德薄應譴罰殃及殊
偏頗槐非不材木偃蹇山之阿自非厭冰霜怪風焉能劇大椿
歲八千壽終遜山河槐兮爾有靈一笑彭殤過

江西新昌典史諸公死事詩

雲南反江西亂軍民逃官吏竄會稽人諸士英叶尉新昌有妻

傅有母王有三子一女有僕諸福臧獲良母年八十兒年四十
九孤城如斗兒獨守力盡被賊縛罵賊不絕口啖以冠帶怖以
刃妻子悲嘯一何有賊曰降不降公曰殺便殺箠交下血肉
飛凜乎臣節不可拔臨刑口占二十字就義從容持定志明日
母卒列兩楫贈秩主簿遣官祭妻子飢寒留異地三年求乞骨
始歸忠臣官小傷如是嗚呼幼慕文山號文水終與天祥同一
死咄嗟何人典史耳典史死事懼失實太史之書存特筆康熙
甲寅年仲冬廿一日

酷暑

陸渾蒼莽報新焚薤簞桃笙宿燼熏烈日全收流電火炎風不
卷礮車雲盤堆淩蕩攢冰柱沼亂魚鼉練水軍十萬蒲葵不堪
用湘簾空展碧波紋

忠雅堂詩集卷一
會稽孝女金玉堂詩

南斗注生北斗注死東嶽之神奉行耳代親死者誰能任十六
女兒身姓金八姑名玉堂讀書服勞習黻母夢鬼伯語數月
壽當盡兄夢亦如之女曰我其代母殞南斗北斗橫斜于天鹿
脯香醅乞延母年自臘徂春禱益堅拜問東嶽然不然神不語
以籤許女笑持籤歸向空招二豎病來矣八姑臥越五夕八姑
坐浴蘭湯開履箱易衣韞飾珮璫屬生者勿我傷善事親母命
長星月光梅檀香金八姑卒于牀乾隆戊子四月初二日會稽
述者皆能詳咄嗟東嶽神乃迎孝女去海山縹緲仙人居孝女
之居在何處在天在地不可知我及見聞當作詩

公讌卽事二首

鼓角轅門肅夜營華堂絲竹譜新聲燔羊帳外多牙將行酒樽

前半騎兵一丈紅瑜花對舞兩行銀燭月爭明停杯忽看傷懷
事猶有當歌淚點橫

留髡一石主賓諧那要臣冠挂玉釵醉墨似鴉翻雪壁角聲如
虎靜銅街頭廳客騎穿花散歸路衙官列炬排宴罷山樓足高
臥一鐙還照讀書齋

畫兔

長須缺口衣褐公何年竊藥辭月中偷閒踞此一拳石趺居八
竅栖花叢丁丁肅肅托吟咏野人可寄干城戎管城奈無食肉
相脫穎莫佐蒙恬功老茲槃礪遁罝網頽唐自號長生翁我欲
叩君廣寒事授職可與金烏同蝦蟆屢蝕爾無恙怪詩可否然
盧仝中山支庶孰爲盛三窟老姦誰最雄全生何尚畏鷹犬卜
兆意許隨罷熊語焉不詳吾弗許問而不畚爾豈聾毛生失笑

罵穿鑿咄咄見逼予其窮明月在天我入畫是色是相皆空空
吳山觀禱雨

陽氣蹶張陰氣弱雨勢每爲風力奪斷雲拖墨堆雨頭斜日篩
金散風脚屨痕全出屋宇高河底難藏鼃黽踏萬條龍骨旱田
翻千尺銀餅枯糞閤杭人拜呼觀自在天竺蓮幢下城郭雷車
脫輻失雙輪龍井沈珠收一勺吳山下視匣明鏡百頃西湖變
溝壑前人蓄洩講水利白老蘇公皆不作穀價高騰酒價賤樂
歲凶年兩難度三老賣船買籃筍川路休愁波浪惡江湖怒氣
一時平羅刹潛蹤防戲謔天心冥冥任愆尤佛力巍巍爽期約
安能坐挺筆千鈞上抉銀河九天落

菜竹亭晚眺二首

短短柴扉窄窄河浣衣門巷暮砧多一弓橋臥龜魚水時有行

人倒影過

昌安門外水田鄉漁艇渡舟度女牆指說東頭山盡處海天無
際白茫茫

風雨

五日風十日雨秀色油油上禾黍五日雨十日風八分九分談
年豐懶龍睡足不復臥挾水行天求補過汲井利用溝澮盈河
橋漸有搖艣聲新涼一雨洗百病寒衣有無且聽命驅熱還須
北風勁

題鄭板橋畫蘭送陳望亭太守

板橋作字如寫蘭波磔奇古形翩翩板橋寫蘭如作字秀葉疎
花見姿致下筆別自成一家書畫不願常人誇顏唐偃仰各有
態常人盡笑板橋怪花十一朵葉卅枝寫于何年我不知叢蘭

荆棘忽相傷作詩題畫長言之板橋當初弄烟墨似感人情多
反側舉以贈君心地直花葉中間有消息君生蘭渚翦熟精種
藝方葉雖欹斜具勁力花却靜好含幽香君今一麾仍出守長
挹清芬懷舊友板橋不作花不言題送君行當折柳

九月初六日書慰鍾介伯秀才二首

秋燈再照讀書身不是今年蕊榜人天意難知猶及待士才如
此豈長貧三冬足用時非暮萬卷重開筆有神科第從來要宜
稱未容懽喜未容嗔

聞達初階借出身三年取次笑陳人親纔五十寧稱老子有文
章未是貧少賤光陰同拱壁芳時榮落聽花神商量舊學平憂
患底用隨他作怨嗔

喜錢慈伯得舉三首

八斗才華萬斛愁庾公蕭瑟宋牆秋憐渠歸妹愆期久喜到今
年說上頭

京闈記我列星文註編題名不見君豈料還鄉七年後挽弓來
壓射潮軍

風吹姓字過江來累我全家笑口開還就鐙花一占卜明年佳
兆動春雷

高生詩

甫冠開萬卷智慧兼羣倫誰將白玉山琢彼九尺身默然儔伍
中見者驚嶙峋與之娓娓談古事森螺紋八十有一家瞭然知
僞真忽焉出尚論特識傾前民江海納方寸空潭瀉陽春何來
美少年高生挺松筠始我識高生墨線度循循孰贊不置口品
冠袁公救賓小祥若初喪啜粥除羶葷先公古循吏學道醇乎

醇仕宦二十年不救書生貧廉潔夫如何棺衾莫能陳凡其所
歷地哭聲轉相聞高生性貞介志節如其親但有屋一區寂莫
湖州濱生昔未冠日笑采青青芹抱經治官書吏事習已勤居
然參幕僚政事文章勻偉哉錢侍郎維城拔之貢成均越材豈不
多惟此勝郢斤我買江上舟高生竭來羣一鐙照兩榻水窗坐
温温屈指除服時碧霄行麒麟別去再改歲積愆無由申每懷
君子友皎月栖梁塵秋榜忽報罷令我心如焚文行既粹美托
處復適屯乙科乃至難理數何緣因窮達爾豈知冥冥若有云
敢以寸光日上疑天地仁高生名文照東井別字新厥考諱曰
植世爲武康人我無春風力吹之上青雲但作高生詩歎惋席
上珍

再別叢山

言歸秣陵宅復買錢唐舟山中故人酒畫裏讀書樓風雨三秋
別烟雲半載留明年尋後約一笑減離憂

渡錢唐江

雪氣兼天湧潮聲到海還孤帆橫翦處兩越畫圖閒人語過江
別秋雲終日間杭州展屏幃湖上好青山

塘栖道中

百里桑陰密都無雜樹連春禽留戴勝蠶利重吳棉淺蕩朝開
市魚蝦暝聚船收帆依水宿還聽說豐年

嘉興

不容山到郡但放水還鄉赤脚多田婦邨沽滿市航入吳收夜
雨於越盡嚴疆欲捧先生袂

太傅錢公

金陀認古坊

平望野眺

三萬六千頃太湖藏此中
逋逃諸藪接防禦列州同地
迴波瀾
闕時清盜賊窮當秋弄漁
筵誰是鐵崖翁

寶帶橋夜泊

五十三輪月清光一半弦
橫空連斷脈臥影劃長天
暮雨吳歌接秋鐙估客眠
推篷看虹彩明鏡水中圓

過梁溪

墩聚陶人宅黃婆自昔稱
地分雙縣古龍抱一珠澄
酒借名泉釀山從別墅登
遣秋宜小醉前路指毘陵

五君詠五首

笑脫中丞署重依水竹居
客來參古佛老去愛吾廬
堦影仍窺案藜鐙自照書
小西湖上坐風味近何如

滌齋

夢繞菊花邊先生別二年
情深詩卷外心到酒杯前
與俗都無

累尋懽獨有權六朝山水窟
誰復古幽偏

簡齋

屢散萬黃金霜痕鬢欲侵
用才官不稱當局事都任
書養畸人氣詩傳孝子心
青山銜土後不敢聽哀禽

再來

帳下教歌舞尊前贈鏤邪
殺人年少膽游俠魯朱家
斂氣論諸史多情咏狎邪
醉來揮健筆一笑染袍花

椒林

老屋秦淮上諸生擁一翁
談經常破的把酒亦雕蟲
薄俗存交義深衣見古風
知音有賢耦垂白愛梁鴻

恬來

坐深

風與歸人逆舟同逝水爭
坐深移斗柄眠短厭雞鳴
眼顚因書暗心兵得酒橫
秋來多肺疾何處學長生

逢客

戶牖玲瓏接江船似曲房
岸喧兒廢讀人默鼠窺糧
米價朝開

市農功晚滌場年豐吳越共逢客問吾鄉

盡室

酒渴除風幔晷懸讓客舟驟寒雅徙樹久雨葉知秋白鷺團烟渚丹楓轉寺樓有生皆自得盡室苦沈浮

江近

岸束知江近崖高覺水乾有秋倉廩實于野稻場寬漕舶歸銜尾牙兵笑倚鞍邨邨打新穀旅食爲加餐

寒谿

路入呂蒙城寒谿淅淅清雞豚依水檻砧杵識柴荆雅軋輪孤轉嵯峩嶺對橫風傳林壑響隱挾大江鳴

野望

蒼蒼橫翠微片片白雲飛古磻自流水幽人猶未歸荷鋤茅屋

楫投老是何時盡日攤書史生涯亦苦疲

水土非殊俗山川失故鄉近多關鬲疾頻翦藥苗嘗敢作憂生語難求暖老方恩恩百年半勲業漸相忘

四十四年過爲歡竟若何二毛須髮見百感酒杯和屢病吾衰甚方冬物變多無田歸不得今歲又蹉跎

說詩一首示朱紉

山西鳳臺人

唐風列四始崇儉習苦詞瞿瞿美良士足配岐幽詩六代唐宋間作者森然垂傳山起明季高節文章隨國朝多學人風雅亦未稀雁門列三馮于古皆庶幾崢嶸陳澤州南人敢盱睢性情出本真風格除脂韋雖非三百篇老蒼具威儀北方有學者未能或先之同時王新城俗士羣相推聲色豈不佳但襲毛與皮秋谷撰談龍嫚罵頗有宜及觀飴山集邊幅亦可嗤鼯鼠入

牛角束縛泯設施空浮與窘迫其失堪等夷李杜韓蘇黃芥子
藏須彌舒卷成波瀾比興無支離人亡其詩存生氣何淋漓豈
如優孟容摹仿攀人籬餘子各自矜淺俗或難醫依艸附木間
標榜徒爾爲後世五百年識者無所私疾風卷敗葉知己難盡
期子年未及冠患難身轉移隨我名山中勵志栖經帷餘事學
韻語才力足起衰百千萬里程進止爾自持勤成惰則廢汝畫
由汝欺秋水與說巖丈夫彼爲誰此言苟三復後來其汝師

江泛二首

二百里江光羣山繞建康滔滔隨眼白蕩蕩接天黃戰骨都沈
海蘆花又戴霜六朝先後滅何處說興亡
匙滑嘗菰飯廚香試鱖羹曉烟浮海氣夕網挂冬晴雲合三山
遠帆過一鳥輕東來建業水纔下石頭城

轉啓戶綠陰圍欲覓采芝路西巖含夕暉

立冬

試威霜力重秋盡覺寒深生理三時過元冥一旦臨夜嚴江氣
肅天迴漏聲沈節候爭斯刻羈人畏鐵衾

沽酒

夾岸酒家胡新篳喚客酤苦凝三月露甜膩百花膚醉醒消寒
日江山媚老夫銜杯看鐵鑿談笑論東吳

物情

葉亂驚鴻去沙崩宿鷺稀物情多避俗客意本忘機嫩菊低漁
槩疎花上酒旗江邨好門巷各各晒寒衣

豁眼

豁眼大江來寒波萬頃開岸移京口樹塔倚妙高臺古事駸駸

過潮聲故故迴魚龍方穩臥敢蹴海中雷

泊京口有懷林親家病體三首

病劇休官後身存失怙餘斷腸因汝繫垂死寄吾書縱縱眠苦
塊哀哀戀聖廬勝喪古人重毀瘠意何如
遠耗何由確相思只自疑頻傳婚嫁信共詠薦蘿詩孟氏粧宜
古班姑訓可資前賢牽犬意未許俗人知
計日三旬阻先期百兩迎雙星方脈脈一水尚盈盈娶婦非常
喜稱翁却自驚不知扶病者能否掌珠擎

懶慢四首

治生原懶慢泛宅亦尋常志豈存溫飽謀偏逐稻梁家人三世
托書籍萬金裝但覓延齡酒爲親却老方
照溪雙鷺影白到頂邊絲鳥且憐身瘦雅方托母慈渡江仍用

懷彭六一宮允二首

我憶彭中允雙旌拂洞庭七年荆楚國兩度使臣星正氣尊衡
嶽奇才貢漢廷文辭是餘事底用問湘靈
言過湖北路喜動舊門生公子官加美中丞吏再迎但推文爛
漫誰識志崢嶸十載同年友孤懷爲爾傾

懷李載庵明府二首

栖栖李孝子諤諤古端人去作閩中令難迎塞上親一官身涕
淚萬里母昏晨回首家鄉路音書總未真
南北一征鞍當年省視難無官能獨往有祿共誰餐稟性今人
愧資忠異日看天憐清白吏閭井賀平安

懷家兄禹立

屢易橫經地新傳失火書一衿寒徹骨五十命何如生事難相

聚繁憂各未除深慙春令義垂涕想門閭

燕子磯

苔蘚千年碧槎牙積鐵屯何年傷朱雀不解啄王孫花落銜泥壘春銷掠水痕空江橫靄隸此是亂雲根

遙青

忽見最高峰如瞻故舊容心懸白門柳耳過攝山鐘寺古吾曾到江寬不可從遙青看未厭莫被暮雲封

到家二首

庭階寂寂艸新鋤去日紅梅賸半株憔悴似傷思婦老蕭條真類道人孤驚龍吠主當門臥衰僕疑賓倚杖呼十擔歸裝兩年別不應風景便差殊

萬卷深藏十笏樓漏痕蛛網閱春秋丹黃蝕處參差補籤軸殘
多身在修傳與兒孫能幾世誰家田舍得終留絳雲天乙分存
沒試問三瓶肯借不

種兩梅樹

昔名紅雪樓因梅舒絳靨梅今賸枯椿不復有枝葉禿如閉院僧衰比退老妾無人滌蟲蝨有鬼弔蜂蝶歸遲失所依緣在可重接乃迎兩傾城並徒雙步履一披淺碧衣一暈燕支頰迴眸古仙人左右欲提挾春風何時來却此扇影摺老樹忽著花心喜同見獵鼎足羹共調魚貫寵兼攝專房主三閣舞羽唱三疊備物密豈亡胥命蒲自協堂戶三星交火澤二女浹故人益壽康新人各安帖小樓當易名長笛敢輕摩

曉起懷叢山

曉起寒爐不可熏凍鴉凌亂瓦波紋花移小院如遷客雪滿羣

山欲化雲人愛樓居天鏡遠家隨斗轉地圖分碧闌干底烏篷
鷓傾耳霜橋總未聞

種蠟梅

黃梅道家粧散仙乃其儕心厭俗人知負性如乖厓我家三梅
樹庭左肩隨偕紅者新舊花綠者參差偃庭右一木犀金粟殊
苞胎雖亞兩海棠絳灌難趨陪敬迓檀心師耦居求無猜三姝
如主人肅客迎東階客入門而右拱揖東西排艸衣冠黃冠不
羈放形骸取道冰雪中元冥敢相摧

舊巢

江海歸來共命禽舊巢栖息理寒衾眉于少日和愁斷情到中
年比病深半臂難忘湯餅事殘箋新毀白頭吟平生繾綣鐙前
語窗外梅花識此心

省識

昨日笙歌御彩輪簾櫳便有十分春堂前敢報含飴德膝下初
來斂衽人棗栗同收新婦摯羹湯先向祖姑陳從今省識尊嫜
字慚愧當時敬養身

生日

增長年華又此期鬢霜添上兩三絲驚秋體弱同妻瘦啜菽家
貧累母慈孝子常遵稱老戒新孀學捧介眉卮壽觴代送重闈
喜要引安人一解頤

內子生日

禮佛看焚壽字香玳瑁雙引玉鏘鏘箱中命服經年舊鏡裏朱
顏逐歲黃新婦爲婆傳井臼人家偕老重糟糠明冬對飲生孫
酒調笑應添小鳳凰

悼良姑慰簡齋前輩時簡齋病齒未愈

齒脫骨肉離占夢爲不祥袁公病齟齬忽痛嬌女殤我母攜我
婦昨登園中堂夫人太夫人歡喜相迎將嬌女名良姑紫鳳蟠
衣裳辮髮不冠櫛肌膚凝雪霜瞳人秋水波口輔新月光五齡
解諷詠言動罔不臧白鑿與韓挈庶幾鴻雁行見客遞長揖囁
聲鳴鳳皇慰懷勝男兒預卜門楣強見者爭抱持何況爺與娘
我母歸語兒閨妹同面龐我婦悽然言阿寧還頡頏我聞叩齒
祝此語勿再詳敢將墓門艸比並瑤池芳三日緘封來詩題哭
阿良舉家變色起我誦詩琅琅始誦尚成句繼誦舌本僵魚骨
顛我喉蒺藜刺我腸我家齊聲哭鄰人駭奔踰我出言因由泣
者笑者相笑者譏過情泣者觸悽愴客散我入室睡夢猶徬徨
我妻嚙而嘯阿寧戲身旁我母起敲火阿閨來扶牀又言到隨

園往慰媳與嫜種種成緣因今夕何獨長遙知哭女聲欲撼倉
山蒼袁公作達人愛河不可杭勸喻總陳言緘默懼其傷退之
告東野強詞頗荒唐慨作梟蝮觀天性毋乃戕山谷書此詩君
美情豈忘失女等失子誰得分瓦璋所幸母孕安馥馥幽蘭香
明年試嘒聲共飲湯餅湯兒貌類女子良也眞子房紛紛前後
身轉輪難測量吉夢齒復生編貝如東方

龔侯刀劒歌

一條電光三尺水出入沙場萬夫死人頭過處古血腥馬脚飛
時陣雲紫太平世界善刀藏龔侯含笑游咸陽新豐市中酒氣
熱醉買壁上蛟龍僵寶刀得主聽主使百鍊之剛能繞指別有
一劒紅毛來魂魄隨鋒泣倭鬼誰聞蛇母秋郊哭魑魅潛藏狐
鼠伏功名可入刺客傳姓字應留陶氏錄龔侯任俠無荆高右

思雅堂詩集卷十八
手執劔左手刀鐙昏月暗一起舞白練四湧翻銀濤奇氣凜凜
出兩臂亂掣冰山轉天地冥冥莽莽透骨寒雪卷虛堂騁風勢
吁嗟乎報恩報讐孰淺深爲銛爲鈍隨銷沈干將補履刀作鏡
老盡人閒壯士心龔侯當官有官職持此爲時誅盜賊不然佩
牛佩犢學爾渤海翁摩頸休如屈突通

題祝枝山艸書卷爲龔梧生

孫枝

司馬作

筆欲著紙墨亂飛紙欲就墨筆不依態奇情逸作手揮結構神
妙微乎微如葉翻林藤挂枝驚蛇墮羽疾莫追厓崩虎躍勢屢
危又如飛花裊游絲風力欲翦姑緩之枯僧靜女肅容儀壯夫
俠客蓄武威臂筋伸縮肩主持心營目運肩臂隨尺寸尋丈却
與推岳家之軍大將旗中鋒使筆縱橫馳大令懷素張旭芝意
思却被枝山知此卷年月作何時快哉官罷不受羈伯虎衡山
與雅宜但工行楷求婚姿石田雖奉山谷師俱於艸聖未及窺
俗子容或得其皮枝山腕力抉怒猊百千萬變合矩規學者苦
難知者誰龔侯得此遭點嗤出令我觀惜見遲坐臥十日看古
碑世有其人某在斯

西園六朝松石歌同高東井作

種松疊石無人見松賸雙株石數片六朝法物但傳聞百畝西
園已更變托根城市偶得全齊梁歲月想當然後彫免共薪摧
伐不死欣隨樹曲拳雷霆難起兩龍蟄一翁一孫相對立全收
花葉入精神盡斂皮膚作筋力雨露冰霜總不知斧斤烽火還
見遺久忘南國兵戈事那記中山歌舞時松石相依孰前後石
不能言松自壽萬輦馱來敢竊窺六丁移去憑偷售松根入石
石骨強石上苔花松子香身堅不錮南山墓爵古曾騎異姓王

忠雅堂詩集卷十八
一拳戴字書痕古留守司題馬光祖南宋園亭屬那家前朝第
宅更新主老松怪石何地無難得留遺在大都輪囷終逐桑田
爛琥珀當隨海水枯江山勝處多陳蹟松石同吾誰主客九老
栖霞本是松一片韓陵並無石

過百子山樵舊宅二首

一畝荒園半畝池居人猶唱阮家詞君臣優孟麒麟植毛羽文
章孔雀姿復社空存防亂策死灰難禁再燃時城隅指點烏衣
巷只有南朝燕子知

中興歌舞荒淫日羣小風雲際會年樂器誰焚亡國主詞臣分
劈衍波箋名高十客平章重網盡諸人黨禍連一樣蓬蒿埋舊
宅白頭江令較他賢

題隨園雅集圖

雲壑風泉共此心況于城市得山林畫來恰喜生同世傳去遙
知後視今老輩須眉隨樹古先生情意比秋深就中悟徹忘筌
旨還似昭文不鼓琴

土牛

旱潦占頭角豐凶驗尾蹄游春雜冠蓋過市謝鉏犁管領三農
穀胚胎一斗泥鞭聲雷響處犢子任分攜

句芒

列職牽牛宿栖神太歲宮衣冠嫌附會履韞厭雷同名媿賢司
牧人呼拗相公東皇老孫子含笑願年豐

門神

倚傍誰何宅張施將相形尊疑封戶牖貴比列丹青面目隨年
改精魂入夜靈穿窬豈公懼聊托壯門庭

鍾馗

科名前進士狀貌故將軍至性偏憐妹孤臣敢怨君腹空能納
鬼心死不言文誰托終南侶多年捷徑分

花錢

卯公雲五色飛傍孔方家舞共青幡出飄同綵燕斜門楣增氣
象蓬華借光華難買東風性終防等落花

桃符

度索仙人板丹砂道士書崢嶸禦魑魅寂寞倚門闥入土言常
省祛邪事有諸堪憐退歸者新舊較何如

春聯

製仿宜春帖排門吉語多豐年資頌禱民氣驗康和札闥言真
妄蹲鴟字每訛書傭橫雪案僵手凍頻呵

歲鼓

餞臘迎春際隆隆起蟄雷年光渾擊破花信漫催開響逐寒威
去聲疑雨點來兒童能散打同唱賣癡獸

爆竹

礮力憑金石憐渠具體微驚雷一絲引春雪萬層飛身碎因狂
藥心長有禍機不知誰掩耳還笑盜鈴非

鏡聽

匿影循牆走尋聲倚壁聽何期深夜語都効紫姑靈識緯原難
測推求恐不經菱花常自鑑何必問冥冥

忠雅堂詩集卷十八

忠雅堂詩集卷十九

鉛山 蔣士銓 定甫

巳丑

鍾介伯秀才招游禹陵南鎮泛舟溯若耶谿樵風涇而
返盪用岐亭韻二首

油雲釀輕陰屢沛霜雪汁百五寒食過花信風猶濕尋芳具扁
舟容與客相得波平岸轉遲酒渴杯行急上芻漾烏篷銜尾亂
羣鴨歌舫玉釵橫食櫺青帛冪突兀來飛甍禹廟繚垣赤門迎
衡岳碑墨鏤篆文白黻冕秉元圭神從分胄憤可憐無祠官不
免若敖泣俎豆今尚陳封鬣古已缺惟餘千萬蝠糞污點游客
塗山昔如何邈矣諸侯集

崇阿抱南鎮路溢椒漿汁夕陽唱神絃烟裊爐峯濕掌夢列衙

官祀典豈云得堯然不可留迴棹轉波急言尋若耶溪浣女雜
駭鴨登橋望仙人鶴駕春雲霧三五團瓢家花樹羅翠赤老僧
說豐年遙指射的白喫茶腋生風樵風倒吹幘笑看墻間人醉
飽發歌泣清游興將盡落日挂山缺羽觴無停飛不知何者客
秉燭斂城扉燈火市樓集

挽任處泉

應烈

前輩三首

半年身作遠衰翁示疾維摩臉退紅百事都隨婚嫁畢一樓真
對水雲空歸田樂故由官美受福人難得考終不道扶牀成永
別兩行清淚落哀鴻

不住杭州住越州寓公居在鑑湖頭門高士盡師元禮道廣人
爭識太邱一郡江山屏上畫卅年絲竹鏡中游青冥忽報神仙
死萬壑千岩黯對愁

自營繭室喜初完快閣飄然墜玉棺逝者精靈原解脫旅人觴
詠孰盤桓得交前輩緣非淺但見狂奴意輒歡今日重來齋鏡
具稽琴捶碎不須彈

十月四日雪疊前韻

誰將佛頭青沃以香乳汁鎔銀作袈裟諸水不能濕寒山本無
身何處尋拾得封林曉烟重求食飢烏急遠人陟斜磴躑躅短
腳鴨垂垂香爐峯平挂晶簾幕但餘禹廟牆紅緜斷霞赤元冥
駕未發蓐收仗全白我頭怯檐風皮弁換輕幘暖寒煮豆粥那
管釜中泣呼兒瑾北戶貼紙補窗缺蝟縮不敢出老矣灞橋客
欲啓聚星堂白戰擬初集

米貴倒疊前韻

天目奔窮流飢鴻澤中集遂令山陰賈去作茗谿客越州屢豐

年民食豈云缺，過糴凜厲禁。邦人暗嗟泣，千錢米四斗。典鬻到
裘幘，新禾栖野黃。舊穀堆廩白，樂土受鄰殃。不啻疆畝赤，官廚
酒肉臭。舞榭紗幘幕，富家饜盤殮。餘粒飽雞鴨，人飢若已飢。誰
解急其急，新菱滿秋湖。萬戶采猶得，養此噉噉民。炊煮嘆薪濕，
微聞官人言，何不食肉汁。

痼疾疊前韻

方冬苦肺熱，忍俊嚙梨汁。戒飲杞菊酒，罷理腰脚濕。一樓同母
居，百病自我得。肝脾日交戰，氣若張弦急。續脛與斷脛，我體鶴
兼鴨。性地存光明，不受萬物羈。返觀視黃庭，中有方寸赤。冰雪
充飢腸，上接肝膽白。五藏各有神，絳衣冠朱幘。世無秦越人，二
豎肯相泣。四十頭童童，將復左車缺。死如得歸人，生如遠行客。
胃虛不能運，當食任蠅集。

豹君稱許知廉詩太過以詩答之疊前韻

蠶子生桶中，解釀花蕊汁。魚苗生水中，失記荇藻濕。物性各有
宜，不待求始得。癡兒嗜四始，功較六經急。聲如號寒蟲，慧比知
暖鴨。射覆偶一中，終苦隔巾羈。仗君揮羽扇，燒彼楚壁赤。乘危
發萬矢，驟若雨點白。庶幾倒其戈，肉袒免胄幘。如何扶黔徒，屢
作下車泣。童子樂將命，速成固多缺。豈宜相揖讓，使之抗賓客。
願疾掃幺曆幕，上有烏集。

豹君戒知廉苦吟當勤經義再寄疊前韻

瀝液傾羣言，當飲熊膽汁。咀嚼殊酸鹹，寢處分燥濕。譬如本
泉晝夜流，亦得可憐溝。澮盈其涸，亦何急。稚同竹根笋，雛類沙
上鴨。正宜抱經史，鐙火下帷幕。他日領一軍，或奪漢幟赤。斯文
有正色，越女天下白。奇服而鷓冠，不是古裳幘。琥珀松身脂，鮫

珠眼收泣苟非百鍊剛削鐵無不缺記誦汝何有萬卷同過客
手無朱絲繩空說散錢集

厚孫始生東椿山太守疊前韻

獅兒始墮地便覓母掌汁芙蓉纔出水猶帶露華濕卅二丈夫
相似有一二得啼聲度山樓叩比霜鐘急竹驚初見孫翁喜欲
化鳴戲製桑枝弓挂向繡簾幕可知老萊心同此赤子赤百歲
抱雲仍我母髮當白飛傳太守書失笑欲墮幘云試霹靂音不
等呱呱泣犀錢祝三元庶補厥祖缺催設洗兒筵願充湯餅客
更捧壽母車來作瑤池集

厚孫三朝知廉用前韻作洗兒詩和之

夜聽雛孫啼甜若啖蔗汁山妻抱之眠轉側辨乾濕爭投洗兒
錢老夫頗貪得暫將江祿心不畏撲滿急蘭湯春溶溶中有脫

鼓鳴佛鉢矜良嬰忍用水晶罽藏去河車紫衣以繡祿赤秋水
雙瞳人漆點鏡光白胎髮鬢髻垂何日始勝幘轉憶生子時求
火厲曾泣萬事已再足一官況懸缺他年述祖吟或者同謝客
藉爲王父尸語載檀弓集

九月劉生

傳鉞

補博士弟子感舊志喜有作二首

記彈清瑟發商聲老淚曾因一暗傾早達難同諸弟敏愆期獨
抱十年貞漫從張祿提前事誰識劉幾改舊名

傳鉞改名燃

戲咏新

婚杜陵句妾身今日始分明

書樓幾處拜鐙花喜動西鄰鏡聽家事本尋常等科第名成三
十慰娘耶孝經傳後難爲繼人譜摹來敢自差雲路初程多吉
士望君同作上林鴟

久不見劉豹君寄懷二首疊前韻

君如元酒沛我比太羹汁澣統喜業同治角惡材濕讀書汲古
井甘苦各有得垂老手一編較比兒曹急近時多詩人大半杜
荀鳴可憐服敗絮外借錦衣羈居難擬香山厠鬼戲李赤君張
明月眼幽暗發光白西園屋數椽小若王莽憤抱孫坐花前不
令呱呱泣婦賢治齋鹽何異耕從缺門無催租吏坐有談天客
誰作行詩圖繡君長慶集

兀然掩山樓坐盡蘭膏汁面山頭叢叢聽兩耳濕濕所思久未
見時復夢中得束筍收來書投比置郵急我病日益懶舒緩略
如鴨日治春秋經苦爲胡傳羈左氏固浮夸究勝高與赤不若
宣尼言重耳遜小白搔首誰可談髮短不堪憤每當會心處掩
卷再三泣行將就微祿庶補甘旨缺去意方一騁飛鴻已如客
雪泥幸未消珍重爪痕集

除夕家禹立兄至疊前韻

雨雪掩行裘須凍涕成汁入門各看面承睫淚痕濕五年隔川
涂一見豈能得心喜問對殊意雜語言急迴身抱雛孫有若雞
伏鳴燂湯暖手足戶牖下重羈辭年禮先容當日兩童赤稱老
凜恒言母髮況初白兒曹酌屠蘇歡笑換袍幘豈知灰堆神中
有萬古泣我樓一人添兄室一人缺歲酒開家筵敬兄暫如客
共覆掌中杯猶是今年集

庚寅

厚孫試周仍用前韻

戈挂黃金環印漬丹砂汁遺經字含香椽筆墨猶濕玩好羅牙
盤驗彼志欲得探指擎麟豪三世此先急握劍氣猶猛勁若狸
齧鳴螭紐左手提右手去其羈食物不多攫頗異代都赤如何

忠雅堂詩集卷十九
五
棄犀錢天性守清白老夫絕冠纓烟樓小如幘抱孫豁真愁媚
祖知詐泣長成執干戈願補黑衣缺待舉含節厄一醉去年客
百歲三萬場今日乃初集

賀椿山太守生孫倒押前韻

龍山一聲嘯天半衆樂集公府開潭潭竭來摩頂客去年我生
孫此事兄尙缺今年伯仲閒笑免向隅泣爲乞相嬰兒黑子肖
入幘知從羅漢來有此鼻端白長爲賢大夫不讓羊舌赤麒麟
臥文茵重以錦衾冪乃燂茜艸湯染卵雜雞鴨坐中踏團團誰
似王述急懽生一郡春便覺萬物得虎兒氣食牛龍子體常濕
何必弄小慧瓦屑寫碑汁

送平確齋前輩游嶺南

舉酒看浮雲忽生離別感萍衣散秋河風力不能斂閒身分去

住醉面各舒慘懸旌意先搖後夢心已散憶昔偕計車兩情厚
以漸結友二十年歲月嗟荏苒吏局君載馳詞源吾習坎風吹
客去燕雪弄舟入剡聞君典劇郡嶺表歌廉范墨線返梓桑繡
闈依葭菼誰料羅與浮神鷗合岩厂尋詩櫓停戛讀禮門豁居
賓來頤輒解論出首俱領文詞露軒昂禮法破拘檢逡巡啓庖
廚咄嗟具羹糲殺雞羽墮時買鯽鮮躍甯穿畦摘瓜壺伏岸取
凌芡僮駭長鯨吞婢嘍老饕噉温温主益恭刺刺客方敢未能
去厥矜轉欲恃其膽疎狂賴包容卞急愧莊儼支離出撰著就
正煩削鑿如何取蛙蛤不異嗜昌獸豈云斯文契實恕白圭玷
君文積三篋一一儲琬□戲投幽暗中射屋吐光燄琴依寶瑟
彈翰對粧臺染烏紗畫燭籠蟬鬢春風掩官書判斟酌妙墨嚴
嗙點相與素抱幽彌覺冲襟澹大兒誦經史揖讓循模範小兒

忠雅堂詩集卷十九
六
呱呱啼紅頰雙蓮菖以此賦閒居至樂夫何慊赴官期欲憇除
服月方禫暫垂青雲翅因戀白髮髡榻來天外書促駕一何寔
云資董賈才章奏藉裁擘脚踏整衣裘倉卒束衾篋恩恩別家
室去去逾吉贛旣殊陸賈游亦異韓愈貶州民馬首迎遺愛官
無忝濡豪幕府中利濟功寧減堂哉艸疏時對案同分陝文章
見經綸此筆誰能撼操舟泛江河心手期無歉但求魚鼈安肯
觸波濤險望雲懷親舍北鄉飛鴻冉況有同心人盼遠凭疎檻
但祝藥烟消不禁鐙花閃文無倘一寄風絮休仍糝賤子困山
樓病骨炎威犯謀食罄屢懸懷人夢成魘奉親媿填膺汲古淚
盈臉寧容俗子嘲怕受老僧諂坐臥敗紙堆泛涉真成濫每思
深眷情味永若咀欖安得消搖游南溟縱吾覽

游柯山寓園七首

郭西廿五里檣棹柯山前仰矚普照寺一鏡天空懸岑樓嵌虛
空石佛龕其閒現此丈六身斧鑿誰雕鐫頑石具知覺托聯香
火緣寺東聳雲根孤立不倚偏轟轟多羅幢百尺栽青蓮又若
直挂龍轉側鱗鬣旋俗名石香爐裊裊霏晴烟萬匠削不盡一
柱空中全想彼斷鰲足立極撐青天古迹類如是何待鑿吾言
山風欲動搖去去巖牆邊

寺後卽柯山山石環兒孫石烹若蓮葯九地通幽門積鐵互破
碎或有屏幃存踏處匣僧宇豁處開城闔環以七星潭列宿誰
敢捫失足苟一墮駭絕潛蛟吞巖頭祀文昌躔次居其尊閣道
比飛棧上覆垂天雲

柯亭不可覓懷哉十六椽中郎冷澹游賞之亦可憐或云翁子
居傍此崔嵬邊行歌妻耻之轉受嗟來餐飢時重一飯旣貴何

有焉白頭死知音焦尾誰與全俯仰發長歎出處如斯難
修篁綠叢叢門掩石竹居竹上缺姓氏游者知誰與照影清水
塘中有聽經魚學究領兒童正襟講唐虞狼籍堆殘編不識何
代書據案欲與言竊恐驚樵漁老僧補破衲鍼折將何如
祇園桑猗猗下覆清泰庵一二優婆夷種菜攜長鑿幼者鳴縵
車解避游人男掩面亦見佛殊費聖姊參七女尸陀林帝釋茫
然三髑體生何處欲與耆婆談

泛泛溫泉鄉遂詣青蓮院門前一丈碑是爲祁公建特書生死
年已覺該全傳衣冠坐溺處水尙盤渦旋潭潭中丞墅捨作空
王殿方塘界層廊前後香臺閒僧廩富秔稻佛產公遺佃公裔
滿前村多年缺饗膳

展謁四負堂瞻公像如生秀眉映疎髭炯炯雙眸橫天柱已崩
折有手焉能擎臣年四十七一死心已明國家重科目報者同
斯情尚書文人行此事慙其甥寓山峙堂西竹石猶崢嶸吾鄉
有止水同此千載榮誰守江南祠橐橐聞履聲

題夜登黃山圖

萬里一輪月黃山夜最涼蓮花開雪色雲海出寒光
濕橫衣露有香天風欲吹去身世久相忘

畫和合

寒山拾得兩禪師齋廚向火無言辭石巖滅影誰見之偷來寫
作和合姿豐干饒舌間邱悲菩薩示現空爾爲世人相友藏怨
咨李猫笑口常嘻嘻兩師蓬頭赤雙脚不知遊戲有何樂瓦鉢
爭疑聚寶盆葫蘆可賣交歡藥官街市肆處處懸是仙是佛俱
可憐人情本是秋雲薄拍手來分利市錢

辛卯

題俞石隱餼耕圖

兒帶經出荷鋤婦行饁入事姑力田孝弟就微辟古人則然今
絕無士無恒產家無宿糧應有司試得則氣揚黜則無所之餽
口四方耶娘妻子不相見顏低色沮農工商爲郎爲大夫各有
所畏兒事上官躬已瘁豈無老親飢飽寒暄兒贖贖親心自傷
兒自貴官有俸錢倩人買良田田疇肥瘠不可知奪牛或及于
訟焉田閒有士啞然笑有母白頭可以孝有溪有壤可耕釣縞
衣綦巾從我好自展溪藤寫形貌喚婦來窺婦曰肖五穀熟納
田租洗脚歸提葫蘆殺雞炊黍爲母壽不知爲郎爲大夫謂子
不信展斯圖

贈李生卽題其竹閣校書圖

出我門下有李膺蔗堂太守昔屢稱通才游藝無不能經義治
事力並勝有時手裂鶴文綾倪黃顧陸揮以肱薦之廟堂用則
宏臣力所詘難使升我聞嘿識心已明西湖校士一再曾其人
未見悵惘增塗飾餽飢衆且矜俳優之文吾所懲杭人于我或
愛憎老夫灌灌誰師承神仙姿致展卷憑太守弟子今陽冰水
軒兀坐睂秀凝碧筠疎爽垂鬢鬢香山竹閣何必仍湖上柏堂
非昔僧修篁直節萬仞凌蠹簡讐勘分淄澠三館秘書尚有徵
玉堂待君曳履登月穿中霑肩峻嶒息羽誰辨鯤耶鵬集賢學
士尚書丞笑我瑟縮如凍蠅別久夢寐都曹騰
聖節有詔加賓興白袍投卷同聲應看君振翮翔秋鷹老屋棄
去魚脫簪欲喚太守燃藜鐙天祿可入君其昇

禹廟

山河不改一碑存尚有神雅集廟門萬水朝宗才力大九州陳
列帝王尊桑田已見沈江海奴姓依然認子孫贏得游人看窻
石年年風雨長苔痕

爲熊中丞題湯畫鐵竹

老樹化鐵我所聞誰鍊黑金成此君會憑火力作霜雪不藉墨
氣爲烟雲疎葉斜枝自相倚龍門百尺桐難比閩風過處不能
搖君子之身固如此

戴山院桃二株紅白連理今年白者漸變朱英因爲作

歌

山堂並立傾城姝縞衣紅袖姿態殊過牆修竹翠帷卷兩美粧
竟纖腰扶根枝連理肩影亞朱顏素面亭亭俱春風媚我意何
厚歲遣二女來相於老夫學道鮮姬媵小婢麤醜辭粧梳助嬌

解語借之子尹邢環燕誇同居樓中置酒日欣賞尤豔似襲仙
人裾邇來酒暈侵玉膚素女雜佩丹砂符却憶吾家兩梅樹花
時寂寂嗟向隅飄脂墮粉少人見天天爭及雙羅敷石城姊妹
王家妾比並風流兩不如

花谿泛宅圖

麴塵乍染宮眉葉脂暈初迴含笑頰暖氣都從錦浪生柔波恰
共春羅疊數聲漁槳出鷗沙入饌萋蒿與荻芽嬌兒嫩比谿邊
鴨小婢娟如岸上花釣徒合向烟波老不辨吳淞與三泖誰偷
谿鏡照妝梳自展蓑衣裁襁褓江鄉屋小野人居繞屋荷花萬
頃餘門底谿流壓箕頽船中家具雜圖書烹魚煮酒搖船去醉
臥蘆汀不知處我亦江湖泛宅人柳枝遮斷桃花路

夢游西岳作

萬馬西來野色寬
蓮華開出古長安
仙人雲卷爲衣好
秦地鞭驅入海難
壓地較他東岱重
倚天曾障夕陽寒
山靈未識文章伯
不放韓公到頂看

蕭山道中

林雨滴初霽
曉暉含濕烟
江流青隴外
人坐白鷗前
澤國堤爲命
巖疆海拍天
予心方耿耿
茲事等籌邊

杭州

馬塍花外路
一葉夜行舟
四郡形相倚
通都地欲浮
艣聲銜尾下行旅
及關愁失笑
思南宋偏安
到此州

蘇州

句踐何爲者
能亡秦伯家
雄封歸德讓
習俗到繁華
子女供遊戲
笙歌醉狹斜
誰知霸圖烈
虎氣作鴛花

丹徒懷錢雨時

汝恭

明府二首

官已辭京口
江仍繞縣門
至今吳父老
猶念越王孫
三代存遺直
斯民易感恩
當時老兄弟
尊酒共誰論
憶昔通門友
長安兩少年
當官十四載
各自感風烟
吏局君將起
江船我獨眠
栖栖苦無事
頭白對殘編

嚴先生祠

世降布衣尊
荒祠萬仞存
漁翁古巢許
天子漢兒孫
賜爵寧知已
占星或感恩
紛紛建武事
故舊那須論

題西嶽圖

一柱畫天開
青留萬古苔
層雲遮不斷
空翠忽飛來
禹力焉能鑿
河聲到此迴
蓮華列千朶
疑是玉皇栽

重訂石帆集戲柬豹君

勲名有時命士窮重文詞貴人不解玩所賴知者知水澄七十
翁一卷常抱持平生富篇詠傳後期在斯改本織丹黃心苦察
幾微示我再三讀頻年絕編韋老作天台遊莫慰劉郎飢仙人
不可見歸來髮如絲自言斷聞根尚幸希非夷默坐守嬌女耳神
名嬌女阿翁要聾癡杜門謝賓客頂禮人天師翁近日註金剛經屏絕世
俗言擾擾相警警我爲啞然笑休徵信期頤聃耳豁三門天柱
不傾歌君耳不容麥上壽理亦宜六鑿塞其一社酒何煩治豈
若河東農有蟲蛻於茲君常眼作耳仲車書達思牛鬪鞞驛鳴
作勞或有之割耳謔晉卿啓牖煩真妃我能手代口畫爐可尋
窺敢云唾而去轉令荆卿疑我聞沐胥人龍虎相騰馳又聞兜
元國天地開藩籬翁詩納萬籟師曠奚辨爲只愁額上癢其聰
異常時便號鷄冠翁一洗充耳譏

題王湘洲畫塞外人物

羊皮貼地毛瓊瑜雕弓入衣箭插壺五人對坐同跣趺三男一
女帶兩雛名王賓客皆單于老奚被服貂襜褕雞皮鶴髮微有
鬚二客短衣亦其徒奚語似聞鼓隴胡烏孫有婦美且都生子
肩隨雪肌膚大兒跪進檳榔盃小兒凭爺索屠蘇爺方鼻飲淡
巴菰匿笑忍噓堪盧胡一客敲火一客需以烟作茗相吸呼陰
山氣候融和初擁裘小憩離穹廬泉甘草美兵革無射獵爲俗
鞍馬俱龍堆戰骨收髑髏將軍罷擊前匈奴四海久歸王會圖
椎牛飲酪人歡娛鳴笳敕勒聲烏烏燕支山色鮮如茶絃索唱
舞胡姬扶樂哉太平歌唐虞明妃不用丹青摹

啞酒詩爲周海山煌先生作

地鑪暖深馨酒香生座中緩火蒸融融感發看浮蛆截竹爲留

犁露頸沒其跌主客次第嘗吸之嚙徐徐中通風過簫暗引樂
出虛注泉便作醴仙釀逡巡如讐面白水添讐底醇醪儲貫糟
出沈齊氣體成須臾枳橘性則一涇渭源豈殊神丹變兼金黃
芽轉河車物理可旁悟速化然非歟再拜求釀法酒經願箋疏
杭稻穀梁稷皆可鞠蘖俱和以衆露香若點塞上酥百花歸蜂
衙五金同一鑪至味啞乃出淺嗜得其粗蜀有雲安春復有郫
筒酷可惜少陵翁取醉徒吝且東坡不解飲真一堪盧胡苟啖
道士蜜寧發調水符浙人尙越釀六載糟邱居今夕換別腸沈
酒不願餘只疑虹首垂又疑斗柄斲底須吸西江欲續無功書
久出醉翁門才識涪溪醪彭宣醕侯芭是皆聖人徒

尋天聖寺觀管夫人竹及松雪翁瀟湘烟雨二畫壁

頽墻蔽敗簷題曰無塵殿盤楹贖雙龍云昔曾錯換西垣展二
丈上壁修篁倩下壁烟雨翻似有湘流濺真迹久漈滅墨氣隨
龍幻補者蔡鼎臣枯林發新箭規模或形似氣韻人天判遐思
比肩游玉腕千鈞健怒掃青鸞翎蕭蕭響深院翠袖笑相扶紗
帽風枝顫乃剪巫峰雲掩暎君山面中藏二妃淚露浥啼痕泣
風流昔已傳遺韻今猶見佳耦古絕無邈矣神仙眷不比林靈
素塗鴉元妙觀夫人製竹譜說理冷然善壞壁且移人流連忘
真贗

偕椿山太守東井明經遊弁山白雀寺四首

柔艣劃春波悠然出北郭枉渚接迴汀蒼弁晴烟脫使君偕二
客籃筍度林薄交空綠雲垂夾道青虬攫前詣石斗山古寺飛
白雀禪栖久荒涼香火尙如昨仕女豈不多吾思本無着

梁有優婆尼道績字總持誦經十萬部乃證人天師舌生青蓮

花香出陀林尸再世名抱玉身化三生奇至人僵不壞塔記留
殘碑金剛卽堅固梵夾文字遺持誦便獲福此理誰能知餅開
雀飛去勿守空琉璃

東巒峙虛亭具區可一望四萬八千頃雪氣橫天上弁陽三龍
潭神井各萬丈行雨龍所司真實說无妄連旬苦天漏朝曦澹
層嶂欲書祈晴詩臨深一投餉

峇堯法華山下貯水精域坡公昔來遊觀者如今日翻杯濺紅
裙主客風流極由來天所械仕隱兩雞肋桑陰礙帽檐徑轉肩
輿側偶現宰官身念彼觀音力連船載桃花春風好顏色

題墨妙亭

郡齋歷四代不見孫莘老尚有逍遙堂破屋埋春草遺筆皆龍
騰殘碑跡如埽榱題龔襲舊名依牆一亭小當時髯翁吟已悵蘭

亭渺尙與杜陵訟肥瘦各媚好之而躍四壁一一競天矯豈但
三日坐評賞徹昏曉手把烏程醅蒼顏共傾倒公府歲月移不
免歎枯槁後人強解事胸臆日紛擾各以世俗書標咏苦爭嫻
昔聚今已散柱礎遺踪少金石且難恃虛名未爲寶

拜胡安定祠像

富包與歐陽賢者各當位乃有真先生教授蘇湖地治平賴醇
儒體用必兼備兩齋對峩峩治事根經義人才蔚然興紛紜台
輔器三奏說師承劉彝信高第偉哉太平業一一于斯肆空言
談性命所學不堪試時無濟變才遂隕厓山涕可憐一臯比乃
爲邦國繫遺容肅緋魚壞屋衡門閉奈何尋秋人但賞庭中桂

忠雅堂詩集卷十九

忠雅堂詩集卷二十

壬辰

喜晤吳蓀圃同年作八首

送君知象州謂君書生耳七年復相見所聞竟如此才力用乃
出其心貯源委達材無弗宜守官安所止所以南山詩爲民歌
樂只

州民有覃叟元夕觴雜賓婪尾遠方傭腹痛亡其身如飲堇汁
毒百體斑爛陳叟夙稱長者叔子寧鳩人獄成官獨疑五聽求
其因百訊只一諾乞死不願伸叟命懸杯蛇官腸轉車輪
細檢死者衷中有殺蟲藥誤投畢乃命聚鐵難鑄錯試以三母
雞如取彈殞雀官喜民笑呼雞死叟存活從此官輿旁時見叟

拜却願化叩頭蟲相隨琴與鶴

投艱移左州邊城大如斗城中二百人街衢一無有三十六土
司綦布列郊藪獐狍充百役刀耕火焚畝臥理則有餘粵風吟
續九邊牆二三尺交趾隔門牖苟無插羽書無譽亦無咎
忽用滇南兵飛檄從天來牛馬數百頭火急軍符催一手舉百
鈞大吏嗟其才漬土煎山泉牙硝雪皚皚兩旬卅萬斤入礮轟
晴雷露處廢眠餐官心幾成灰

土司膏梁兒每受土目制太阿苟倒持何以肅邊備漢官往理
之稍失便多事豈無武健官奉委輒惴惴更番策青驄出入君
游戲喜怒爲恩威男女皆伏地使君如父兄蠱毒不忍置留候
若婦人嗟哉勇而智

養利立州城檄君往興築雉堞參差圍勤勞上官錄將遷鶯羽
垂日歸持父服官衙若罄懸生事且日蹙三年抱遺經坐授生
徒讀豈惟釵鈿盡裘葛俱典鬻只有千首詩光燄穿破屋

蕭條賦北征爲貧仕有然訪我越王城我亦將去焉酌酒各傾
吐情愫相纏綿遂聯入吳舫銜尾春江前舵樓開庖廚饋餉交
盤筵所語出心得樹立期勉旃汀洲好寥廓讓我鼾齁眠

京口宿袁春圃觀察衙齋

來鴻去燕忽相逢便覺情懷較酒濃官燭燒殘眠不得隔城聽
打蒜山鐘

同魯白墀侍御白澄山司馬宴金山江天閣題壁二首

萬馬飲江山拜佛一鼇擎柱海當門虛無不礙天原闢倚傍全
空客自尊笑挹雙姑稱伯仲遙呼八陣作兒孫底須更動凌雲
想起拍闌干酌酒痕

去天離地幾由旬，便有雲遮上界身。
燕雀豈知黃鵠健，魚龍終讓白鷗馴。
鼓聲落手疑催戰，鈴語低空欲喚人。
一任春潮爭起，伏看他孤立總嶙峋。

再晤吳鑑南刺史有懷程魚門

晉芳 二首

越王臺畔別，息息遠夢新。
愁一笑空十里，珠簾花影外。
二分明月酒杯中，東流水健山如馬。
北向帆輕客似鴻，惆悵竹西芳艸路。
笙歌不見紫髯翁。

烟花三月雨溟溟，醉煞揚州酒不醒。
江左文章諸老盡，淮南鐘鼓兩人聽。
玉簫嗚咽橋難倚，金氣消磨鶴尚停。
收取春光入行篋，來朝七十五長亭。

題芳潤堂

兩層簾幔絳紗垂，壽母傳經是我師。
種德長春花滿院，先生堂

北奉觴時

題抱經樓

談王論世一編書，四十年來老蝨魚。
獨抱遺經觀物理，此樓雖小亦吾廬。

前明五君子墨迹冊子爲彭進士

紹升作

天啓丙寅夏，徂秋先朝正人。一網收文言，廷弼張兩獄。出此入彼，均纍囚精靈在天，不可見翰墨落地，誰藏留眼中。突兀五公字曰楊魏繆偕，兩周應山最蚤成進士，女子小人爭切齒。豈有貪贓楊大洪，却與諸賢同歲死。當時季侯景文三同年，繆公特識排瘋顛閣中。論事宰相愧郊外，送人天地憐大書斃獄。四月晦一死，獨在諸公前。嘉善行人稱後進，鍵戶入朝風骨峻。墨吏苞苴且避門，債帥金銀偏入費。君不見罪人親家同臥起，畏死

人非好男子八千女鬼究何爲一笑吳中五人死季侯早袒王
德完東林側目疑非賢高名何必入黨錮毅魄一樣誅神姦同
時君子不止此五札留傳到君子桐城一幅乃割去手迹寧容
雜疑似嗚呼宗建罵闖目不識一丁何以解乞昌期作墓銘小
雲栖頷書就了心事正文筆豈染南園腥彭君學佛參龍樹
語言文字歸何處真性原憑節義全斷縑合有人天護吁嗟乎
五彪五虎十狗銷游魂五賢遺墨今人尊虎邱曠曠夜相語願
將此帖化爲匹練懸吳門

田園主人畫冶春詩社圖卽阮亭司理紅橋修禊處旣
爲作記綴詩十二首

難覓風流杜牧之綠楊城郭故參差如何一片紅橋水腸斷漁
洋七字詩

廿四橋邊擘錦箋十三樓上試箏絃畫船簫鼓都如舊不見詩
人百九年

迦陵詩筆自縱橫昭令歌詞引曼聲却要東塘誇後勁烟花惆
悵讓多情

濟南久荒名士軒如皋已廢辟疆園冶春猶是風騷地粉蝶黃
鸞莫鬧喧

嬉春多少踏謠娘五烈靈風繞蜀岡一種桃花學人面隔船吹
過酒痕香

誰與歐蘇可比肩鄉人賤躁祀三賢專祠合鑄紅橋像一盞寒
泉薦水仙

瞥眼雲烟論定時文章漁獵鬼神知墓田孤負揚州好誰立生
前短簿祠

探花

王君文治前此啟春筵御史

魯君贊元風流太守

陳君用敷賢更約邊

袁鑒

兩觀察累他名宦作神仙

新月嬋娟恰上弦玉山頽後照人偏多情只有金夫子

兆燕一

醉花前一惘然

仕女傾城秉燭游人生只合醉揚州衣香鬢影年年換只恐看

花易白頭

柳陌花谿過眼空苦將泥雪印飛鴻幾人閉戶眠春晝夢入千

巖萬壑中

苦道今人憶古人酒闌歌散亦傷神田家園子無多地占斷紅

橋一角春

冶春園小集看牡丹二首

紅橋樓畔貯春雲鬢影衣香畫舸分詩老社遺修禊會主人家

是孟嘗君花開一品叢仙髻歌昵雙鬟記錦裙想見當時游冶

地夕陽留住杜司勳

銀槎緩捲白波迴難得分司御史來花底鳴騶迎月去柳邊鐙

舫隔湖開幾人名宦生前酒滿眼歡場掌上杯能趁芳辰文字

飲苦吟君是出羣材

題史道隣閣部遺像

小引

乾隆癸未正月予于燕市得公遺像及四月廿二日家書卷子

藏閱十載壬辰客揚州公裔孫

開純

秀才假摹一幅以崇守祀

圖成屬題幀首

士不飽不先食未授衣不先御短小精悍目有光廉信與下均

勞苦國史大書如寫真須眉凜然社稷臣生不逢時死得所雲

臺麟閣嗟何人遺言欲葬孝陵側公屍已潰那可得梅花嶺頭

冰雪魂生死南枝最孤直袍笏作身將作兒文璧子孫非我支
請看前世旋螺髮換出新霜兩鬢絲公當蓼賊謀兵禍半夜朱
衣獨危坐神光照人賊駭竄始信相公難得臥彼時狀貌若此
圖斷幅流傳半有無偶隨神物金函守終使兒孫鐵筆摹挂向
祠堂生氣勃伏臘年年采薇蕨南都戰壘艸連天北嶺梅花香
到骨吁嗟乎公不講學不立黨遺大投艱毅然往宗澤難平統
制譁張詠空留益州像家書紙紙飛血痕容衣誰揭小東門不
如柴市招魂葬齒髮猶歸信國墳

送巡漕魯白墀御史還朝七首

悠悠四方人共列春官第遂爲同年生序齒稱伯季索米金馬
門所職有同異六官領曹司佐理掌邦治經生習空言漸曉家
國事可隣雕蟲人詞賦騁才思

君時佐司空考工傳令聞周禮有闕文一資討論辨器而飭
材把筆若游刃神霄瑣闥中許領百工進温室樹如何知君默
而慎

選曹陟清要畫省尤從容須臾坐南牀出跨桓典驄秋霜豈不
肅古栢含春風凡其所歷事陰翳皆消融參政本魚頭白簡無
雷同丹鳳鳴朝陽美矣聲離離

千艘挽吳杭江淮所由始明年轉南漕持節卿往視繡衣捧制
函駐馬瓜州涖號令乃一新如入臨淮壘如人患疲癯砭石爲
一起約束文武吏若以臂使指潮痕與風信驗測不移晷牒檄
投行轅尺地縮千里水陸具壺漿歡迎真御史

春風暖油油吹我過江北相見茱萸灣澄波照顏色二三同甲
人當官出宣力久散忽一聚各領臺司職笑我蝨其間花前共

游息竹西富亭園湧現華胥國拍浮畫舫中蜂蝶同轉側此樂
可忘死萬事等雞肋
酒闌燈地時促膝每相語豈不念匡濟才薄難自主圖史置左
右所得亦云屢疲馬困泥塗蹄齧莫能舉友教任本重人才粲
可數古樂聽則倦辛苦和鐘呂出門逐紛華入室安寂處觸事
滄泐瀾懷哉吾與汝
十里一扁舟往復蕪城下君來必我造僕隸知文雅兒曹親父
執依依意非假玉壺買春醕爲君時一瀉意長晝偏短語雜心
難寫忽忽唱驪駒嘉會後時寡

君行淮北途我臥淮南屋計程量陰晴安穩花驄速復命歸所
居和氣融花木投懷捧嬌兒紅雪隱肌肉定將三婦豔譜入江
南曲豐臺海淀間重轉緇塵轂故人豈不多有客仍初服若見

南飛鴻風前當念僕

竹西寺再送白墀用壁間東坡送李博過嶺韻三首

朝陽重鳴鳳盛世輕寒蟬諫官守遺直榮落如雲烟轉漕始江
淮得君泯危顛好風送千帆不待五兩懸退食弄扁舟有若乘
查仙袞屐多素心亦有時世賢汪汪千頃陂中納萬斛泉行衙
貯春氣雜樹皆便娟縱筆判官牘墨淡驚鴻翩儒不習吏事斯
言豈其然

大戶吸川鯨小戶飲露蟬醉徧揚州花豈但月與烟愛看柘枝
舞君亦萊公顛酒酣寫新詩人驚柳誠懸廣文最儒雅興會尤
僂僂牽率異鄉客合綴同甲賢與君作遨頭鬪啜平山泉豪家
宴紅裙衫扇偎嬋娟不若文字飲巾袷來翩翩如何唱驪駒折
柳同淒然

昔展蜀岡搦紙開薄翼蟬今看竹西碑墨帶梅林烟同舉送客
眸共注牙檣顛沽酒設祖席各解金魚懸侍御持節歸不啻班
生仙豈等出嶺表僅作觀風賢離心戒苦語別酒飛甘泉醉窺
紅頰兒睂月同娟娟雲間一鶴翥沙際羣鷗翩寫圖泐壁去夾
路松明然

六月同安人往秣陵遂登栖霞留連半日而去僧雛樵
婦不知誰何也二首

聯車似向鹿門游雙鶴飄然一徑幽羅襪上追飛鳥疾縞衣時
爲白雲留難尋冀缺揮鉏地久別文簫寫韻樓繡憶雕鞍已拋
却果然簪珮落林邱

松濤石浪坐低回展放愁睂笑眼開偕老烟霞最宜稱累他猿
鶴屢驚猜游仙境迴憑肩過采藥圖新把臂纔歸寫夫妻改裝

像布衣休浣攝山苔

明日城中傳說有夫婦游踪甚異者子才前輩來問戲
書奉答

田夫汲婦互穿雲老佛低睂苦不分客路偶然攜眷屬游踪未
必感星文漫勞史筆傳遺事却被山靈識細君誰與洪厓描小
影鹿皮冠畔著青裘

贈吳魯齋賢明府二首

先生澹蕩人手把一卷書淵淵可以仕乃佩銅魚符轉歷三吳
聞所至皆有譽粹然滿月容繞座青芙蓉憫茲衆生命疾痛皆
與除政平若流水潑潑游羣魚
民不知官尊官亦忘厥位宴然繁劇中不見有難易上官豈不
威對之平盛氣乃知君子儒藹藹多感被如何局眷人辛苦爲

俗吏

李園高詠樓銷夏十二首

仙侶同舟趁曉移，簾紋生怕漾朝曦。
入林枕簟恩恩具，撥棹笙歌緩緩隨。
酒旗低卷綠荷香，柳嶼花汀互掩藏。
魚引游人戲蓮葉，四圍穿到鏡中央。
月榭風亭轉側空，昔人高詠有誰同。
闌邊擁出千枝翠，樹杪飛來一縷紅。
芙蓉臉際美人多，十二金釵值幾何。
若化鴛鴦眠到老，不須惆悵賦微波。
偷聲減字泛清商，花氣迷離水氣涼。
却把游船暗留住，隔牆吹過粉痕香。

陂陀展放地寬閒，疎處全虛密處刪。
獨讓斯園稱秀野，隔江移貯兩烟鬟。

隨意披襟坐綠苔，蕩絲衫子碧筩杯。
桃笙展處都無定，蟬曳殘聲客往來。

夕陽簫鼓幾船歸，涼月初生夜氣微。
要看空庭橫荇藻，不教蘿薜挂絺衣。

星毬五色湧光明，千步廊開不夜城。
一桁驪珠三百顆，勝他林杪挂銅鉦。

那須畫燭轉銀釭，密綴高懸百寶窗。
一葉一花燈一朵，影從波底各成雙。

半夜移鐙上畫船，殘星明滅尙分懸。
一聲長笛穿橋過，吹散垂楊萬縷烟。

日較城中一倍長
幾人消遣好年光
明朝寫入生綃裏
還帶蓮花隔夜香

六月十八日避暑湖上

銀蟾略減二分圓
出郭荷花已驟然
柳幔濕浮初日上
露珠香定曉風前一機雲錦舒
纔半十樣鸞
牋染未全底用追尋
河朔飲此中應借酒爲年

三絃曲

三條瘦玉雙銀甲
重撇輕挑看指法
左手依絃往復還
如閃流星度空峽
細響將沈每被揉
雄聲欲放頻遭壓
彈指停時韻尚留
捺痕過處音猶狎
受風斜掠燕喃喃
坐柳交啼鶯恰恰
花片疑隨落葉飛
簾紋似有香絲納
有時曝豆撒珠毬
白雨迸堦刀出匣
名王夜獵萬蹄歸
大將朝馳千騎還
彈丸脫後月都圓
舞

袖旋來波未乏
絃戀聲歡玉笋開
聲偷絃勢春蔥拍
管生年少擅此技
每向鐙筵並巾帕
竹聲襯配更和諧
鼓點相參不凌雜
就中吳生好顏色
絕妙歌喉最調洽
醉人幽意酒三更
移我閒情春一霎
劉郎白髮逞風懷
此樂終年付銀蠟
錦幔垂垂護曲房
鵲爐裊裊依琴榻
館名我願榜鷗波
教寫疎篁掩清雪
湘靈莫漫在蒼梧
楚客分明宴巫峽
秦箏趙瑟兩茫茫
願枕三絃傍簾押

喜家繡躬叔至

一片華山月
隨翁到廣陵
欣持介肴酒
同翦讀書鐙
七十聰明健
尋常跋涉能
過江還擊楫
扶老不須藤
駒齒斑爛
繼驢腰卷帙
增八年離緒
積千里舊歡
承簋食分甘
旨支牀視寢
興詩酬漁唱
永夢謝鶴書
徵池館豪家
競河山古跡
仍尋芳人雜
逌遣

日醉膏騰歌吹聲如昔繁華感不勝青春誰得負綠鬢爾何憑
叔有黃茅屋門依繡壤塋但聞盤澗樂不慕廟堂登孝義相師
表文章互友朋諸郎誇早慧仲子慶同升祿養期方遂風雲力
可乘吾衰憂刺促親老歎鬢鬢卅日蓬蒿徑三餐粥飯僧當官
原有命沒世竟無稱落落難迴趾栖栖但曲肱眼迷三里霧心
冷一條冰已達嗟如是長貧得未曾居慙營壘燕身遜脫鞴鷹
長者提攜久中年懶惰恒栖遲何計足漂泊此生應冠蓋奚堪
倚齏鹽只自繩天涯重惜別不覺涕橫膺

題瓊花觀圖

庭內栽花晴雪光井中製藥丹砂香神仙遊戲偶一露井不可
入花難長天神地祇列郊祀富媪憑誰傳姓氏蕃釐立觀閱千
秋求福迎祥都已矣瓊花自是揚州葩入杭入汴皆不花露盤

移去絕沉瀣竭鼓擊破無萌芽李花楊花開落頃換出冬青壽
年永洛陽爭獻姚黃嬌建州各進龍團餅阿廢羣芳列金屋不
在區區一枝玉蕪城本是帝王家稗史流傳非實錄紛紛烽火
照南都禁樹官花幾次枯孤亭尚賸無雙字絕豔空圖第一株
輓轡取汲春泉滿地底疑通九仙館試問丹房白鼠身可有神
鞭爲收管玉鉤芳芻艸不青玉句洞天春已扁道人夜打梅花
磬驚起秋原萬點螢

秋聲館題壁十首

八九月間成室二三更後讀書不用玉簫金管清商蕭瑟自如
欄干卍字亞字簾幌波紋篆紋妙悟不留色相觀空得自聲聞
幽花靜若詩老修竹疎于酒人雙荷不通不蔽三籟孰假孰真
三千毘耶一閣五百大士此城欲聽樓中雲影先觀郭外江聲

雪壁龍蛇欲動泥牆戈戟自排歐公三日駐馬蕭郎一字名齋
野客牽蘿作幔幽人集荔爲裳不若江淹竹帳筆花夢入瀟湘
金銅老仙不見化爲千歲靈龜元鶴翩翩下止莫是當時令威
瓷兔雄雌撲朔錯認竹根兩躡一切有形如是雪師紙虎泥牛
主本忘其是客秋亦何曾有聲姑妄聽之一笑四時喧寂分明
秋心何處可遣文字之友數來絕勝笙歌院落夜深鐙火樓臺
邊丈隨園 連寶 用岐亭韻作詩寄題拙集疊韻奉謝三
首

百過誦翁詩五液各輸汁開合海瀼瀼解會川濕濕漢泉敢同
流至味讓先得袒身繡摘句如劃桃皮急半生跳井梁躍踴類
土鴨連營守蛛網經緯覺綿幕突逢邊羅漢一幟千丈赤聲纔
應手鳴氣已界天白儒將立期門但戴平上幘孤軍不能支四
面楚歌泣我膽忽破碎遜彼秦牛缺可憐烏合徒亡命作輕客
疾呼東南人來讀任邱集

誰舉進士科笑飲三勒汁由來速化蟲厥昭乃生濕白頭一鐙
檠齊楚孰爲得讀書如張雍性稟急中急或稱吐綬雞或作戴
石鴨如何有司眼紅紗遞相纂丹砂信可磨難奪本來赤苦吟
萬篇詩誰惜數莖白虎觀苟得登寧愧納言幘真儒老蓬蒿學
者互悲泣秀才耳豈多處士唇未缺朱雲折角才反讓五鹿客
不逢暴勝之嗟哉東野集

幽蘭有本性肯借鹿醢汁匡居高鳳齋上漏而下濕翁亦廣川
人董相宅居得鈔書老眼明百事非所急却感長身鶴顧此短
羽鴨勿惜黃金鑿撥我秋水翬師承誓不背骰擲看六赤鈍根
異敏妙實愧馬希白久拋惠文冠願買入學幘朝偕樊遲游夕

免伯俞泣同時有伏生說經齒微缺執業許相從請師河間客
何必後世人始貴雲亭集

再題隨園無雙譜詩後

無雙譜中四十客始于留侯終信國畫者咏者金古良久向詩
壇誇絕特任邱丈人耐不得萬事參差塞胸臆金剛神勇菩薩
心放出獅王真氣力老吏斷獄誰敢移比例森嚴刑賞直拄天
椹地筆一枝誅魃奸回發潛德肺肝千載不能藏魂魄九原無
處匿短兵相接妙入神棄甲如山俱敗北想當淋漓下筆時西
崖鐵崖都變色讀書萬卷乃有神此事平生幾胎息吁嗟乎不
須更看無雙譜翁有無雙新樂府作詩何異作春秋三千餘歲
上下古

懷李再來二首

龍驤滿廐士如雲遮蔽江淮借一軍名將談兵揮羽扇詩人相
馬識蘭筋紅鐙記照花前別清嘯時從夢裏聞頭上揚州二分
月可曾遙憶杜司勳

隨園風月尚無邊北望旌旗信屢傳席上貂蟬都借箸淮南雞
犬亦稱仙感來離索何嗟及事過追尋各黯然鴻雁拂天魚刺
水帛書應落繡鞍前

贈井生

五經紛綸六書奧井君心手窮其要篆籀形通萬象微丹青理
並諸家妙作書透紙畫離紙解悟神奇師法到有時笑把切玉
刀手剛石柔不見勞秦碑漢璽古器銘辨析各體分釐豪能事
擅此代亦夥君凡有作卽有我性真所積一迸露氣韻風神皆
磊砢蛟龍蟠攫海山動老樹支離簇花朵鑄成琬口重如山印

出珊瑚紅似火世人何必識君顏鐵骨稜稜意思閒隨園史筆
寫生手想像丹崖翠壁閒

題法苑珠林謝夢因上人四首

莊列言神仙左國陳妖鬼離騷說地獄遊戲爲文耳六朝尚元
談竊取無生旨佛經本不多過欲存天理附會梵筴書詭怪欺
愚子斤斤司果報瑣屑何其鄙于此不能空所空先泥矣
萬物自起滅轉輪毋乃煩解脫卽死耳貪念期生天現在忍枯
寂求福虛無閒大姓婆羅門富貴享長年救度衆生願甘露誰
實餐佛未入中國何處栖聖賢不聞三代人魂魄毘尼園
佛不尙語言亦不尙文字六百七十函毋乃傷詞費憚公撰珠
林種種搜竒異我愛其荒唐說鬼資破睡向師乞殘編手錄相
補綴稗史小說同不必求精義師本智慧人逃儒亦遊戲成佛

究何時笑指蒲團地

默默蓮臺人袒跣亦何樂燃薪而鑄錢所見豈云薄讀書淡榮
利是卽不染著布地求黃金誰解空門縛師尋夢中因因盡緣
乃脫利口箭鋒機談柄宗雷托于法了無涉貝葉皆可灼還書
免一甌他日具酥酪

江蘆畦明府以琴魚琴筍寄餉各報以詩二首

赤鱗旁支涇上隱曾與仙人守丹鼎胎息猶含藥氣香鍊形真
駐桃花景吐盤爲鯉豈荒唐擲米成砂亦俄頃族繁身小不成
丁穴遠家移久辭丙猷州賢宰烏化鳧撒網雙鳧引萬魚順流
應是丹成後出水都忘鼎沸初共命江湖同白小蛻日僵風易
枯槁作羹淺穀亂銀絲入釜空紋浮荇藻香心廟畔唱春嬉羅
隱墳邊晒網時封題寄我千頭細吐納憐君九轉遲感舊難忘

翟司馬十八年前詩再寫賢母攜來語最真此魚不是官中鮓

魚琴

竹西老筠化爲石日與吳兒煮牀簣故人寄我涇川鞭玉版中
含水精液嫩軟可挹鮮稍殊天口所產匡廬俱淪湯取味最清
美風致遠勝園中菹昨聞方物到臺省建州纔進龍團餅籜龍
從此飛上天見角牛羊縣官領贊寧之譜廷秀經愈喜作詩皆
可聽成林不免捶作紙刷土忍使同參苓請君留長青鸞尾上
掃妖星安井鬼不然作箭射天狼勿縱雲斤傷有斐

琴筍

三善詩三首

有序

乾隆壬辰十月于邸報中得閱歐陽蘭畦廉使章奏請以江西
停葬溺女錮婢三事下部立法禁革掩卷三歎謂公能正人心
而厚風俗也范文正守并州范忠宣守太原趙清獻守邠州類
皆澤及枯骨而贊皇昌黎柳州布令放贖奴婢至于百人公用
心仁恕奚異哉至戕害子女惟悍妻繼母聞一聞之未有施于
親生恬不爲痛者宜公尤深惡之也夫三異十奇古之美其長
官者有焉予作三善詩謹誌公德非竊治蒲餘論也孟子曰好
善優于天下蓋以此企之云爾

芻人掌兆域大夫掌族葬年月各有制封樹戒相妨焉敢擇邱
陵而蒙拘忌誑枯骸求富貴人子心久喪遂惑青鳥言百計營
一壙葬者恣侵盜不葬成坐忘藁裡或難求骼齒豈無恙民愚
士夫鄙停匱屹然向堂存數世棺閱閱侈儀仗解組乞麥舟顙
泚孰惆悵於戲歐陽公蒿目默悽愴赫然具封章論列陳事狀
秉彝旣淪亡感發變懲創頽風倘能移結艸安可量

吉夢徵虺蛇璋瓦詩並美如何女子祥耶娘仇敵視呱呱離母

身若以石投水殺之不須臾宛轉盆中死耶如鴛鴦羅娘若摩
登鬼環以助虐人嘖嘖相勸使戕親不加焚掌戮官失理禽蟲
重胎夭何況出毛裏充此忍毒心刀繩將何底於戲歐陽公幼
幼憐赤子敕罰申厲禁科斷及隣里生男名召杜生女例同此
頽風倘能移盡換歐陽氏

司隸掌奴婢罪人本無多媒氏判婚嫁恐傷天地和德裕鎮西
川鬻婢分條科三五年限歸贖除煩苛韓柳守大州脫免離
羈囹怨曠苟不形豐樂登嘉禾陋俗錮老婢誰得操斧柯兒女
粲成行厥父爲誰何多見少所怪雞鳳移巢窠葛藟散本根牛
呂宗支訛李沆放青衣鍾離嫁媼娥古來盛德事奈此冥頑那
於戲歐陽公開籠縱鸚哥陷阱旣解網一一松依蘿頽風倘能
移女貞樹婆娑

害刳

閩客多盜葬鉛山無完墳長鑿劓前和鉤骨如探丸拋棄不知
處藏魄成游魂椽包納其骸安寢前人棺墓前立假刳拜埽滄
僞真鑿石埋深山使長莓苔痕乃造買穴券倒註年月旬舊尹
新尹閒竊用官印文可憐麥飯香不辨誰兒孫及覺而互訟官
視皆等閒十訟不一結結亦非所論罰金買尺土姑令瘞者安
豈知謀時心已拌囊中鏃或予笞杖罪受者顏欣欣敢惜敲撲
細易此牛眠真土人失先壟飲泣冤莫伸安得良有司噓風埽
浮雲凡有盜葬者刻期開墓門遷之不待時鬼魅難逡巡誰非
斯人子罔恤戕亡親盜葬苟不理理之苟不遷譴罰及有司庶
策情者惜積案十餘載家破一二存良田與美宅大半歸蝕吞
版籍各有鄉奈此豪強民山靈利錢紙付之不見聞生人且失

所何況骨數根君子有四端惻隱資賢臣

送同年薛補山寧廷編修歸樂陵八首

君初江南游秀句爭傳寫傾倒隨園翁歎美真儒者不攜一卷
來縱筆十行下驚呼行祕書文彩兼楊馬我時羈越州雙手不
能把高東井錢慈伯誦君詩豈謂知音寡登高懷故人風前淚
霑洒

君再江南游相見蕪城曲埽舍支繩牀燂湯煖君足把示冰雪
文如嚼梅花讀岱華連屨屨江河互滄滴嗟哉勒銘手不救溝
壑辱栖栖齊魯閒妻子一茅屋誰知舊史官形影自寒燠
憶昔淹京華寓扉接深巷三五素心人文字相跌宕身沒名不
稱舉酒紛惆悵落葉辭故條從風各趨向時命不可借誰能齊
得喪相逢誦青編死灰心復壯

先公君子儒守身如執玉偶戴獬豸冠嶽嶽存方幅持旌踰五
嶺春雨滋嘉穀一硯不肯攜何論雞頭斛方辭北隴嘲忽下南
司獄牽連城旦書遣戍

恩猶沃廿載徂徠山經生繞私塾寂寞身後名惟留讀書錄
鄉人尋康山傲岸亦千古可能彈琵琶坎坎擊腰鼓榮名艸頭
露貴賤同一腐當時玉鉤斜美人各黃土頽哉老翰林醉眼看
歌舞感觸不自知當筵淚成雨可憐謫僊人猶咏襄陽估

紙窗竹屋中同君語深夜暖客貂鼠裘誰能向身卸萬卷敵百
城恐遭達官罵雲霄旣已辭塵土安得謝不如飲濁醪起舞三
尺蔗傷哉故將軍銜淚渡清瀾無家不可歸鄉心連太華
舊雨散如烟黯然不能數吳彭與二李各自成甘苦焦先困蓬
蒿永別頓千古眼前三同甲鼎列居公府鹽鐵稱美官關樞仕

亦廡詹事持文衡森嚴士規矩鞅掌皆勞勞朝夕難共處不如
退院僧餅鉢相媚嫵大千一微塵慎勿嗟虎鼠
竹西舉離尊魯三曾此別隨堤柳盡枯奚忍爲君折雲龍莫相
從鳥鼠難共穴游子戀老親前路正風雪寓公君已然泛宅我
猶屑豈無用世心不免生計拙黃河冰稜稜人跡互明滅送窮
除不祥歸家買桃茆

除夕二首

歲鼓通城爆竹紅燈兩岸酒樓廿六年前此夕有人同泊揚州
四代人連簪黻一堂花擁笙歌且飲團欒歲酒不須佩玉鳴珂

忠雅堂詩集卷二十一

忠雅堂詩集卷二十一

鉛山 蔣士銓 定甫

癸巳

述德詩爲甘淑人作

聖母開八秩錫類施 覃恩凡諸臣祖父封贈如厥官階三品
以上馳贈咸恪遵例所不及者輒允披瀝陳 朝廷廣孝治益
令風教淳爰有光山公秉臬三吳閒捧 詔涕橫集拜手稽首
言臣父貳宗伯先世皆單傳父當七旬餘疊嬰憂慟繁臣三兄
兩嫂以次歸九原惟臣長兄妻甘氏孀居存歷四載臣生四載
臣母湮又四載父歿恃嫂鞠育艱乃撫孺孤乃築纍纍墳乃
延師以教乃授室以婚臣至有今日非嫂家其淪嫂及見坊表
苦節三十春嫂已六載逝酬德念未申每思當時事臣心痛如

焚幸際

聖主慈敢縷述以聞願將夫婦封馳贈兄嫂身壬辰四月上楮
墨淹嗚痕六月 御敕下得請如所云求忠必于孝此義關人
倫嫂恩且弗忘何況臣事君嗚呼光山公至性有本根請述先
世德于以明淵源宗伯稱宿儒讀易四十年學官官安陽蕭條
只青氈五十八登第同榜推齒尊三對 澹寧居

聖祖顧問殷始問河洛數次問諸儒先琅琅奏答語若指旋螺
紋遂入白虎觀簪筆侍從班是時馬鄭徒經筵各垂紳江陰與
安溪說易尤粹純

上坐乾清宮召煦來

帝前爾有循環圖並取義與文給札使畫之先天別方圓圖成
上稱善是真讀書人公退著函書元祕資討論服官二十載致

仕逾八旬凡其建白詞

上特嘉其醇暮齡舉驥子況復遭蹇屯惟天憫真儒俾有家婦
賢使生爲丈夫奚敝社稷臣手扶六尺孤一髮懸千鈞宗伯祀
於鄉節母香烟分默佑廉鎮公兼有清慎勤昌黎托邱嫂未獲
承皇宣嗤彼頡羹婦覲對封侯顏杏山峯崔嵬紫水波漪漣母
德同高深史筆摩厓鑪

除日喜吳蓀圃至歲朝送其赴永康州任二首

開到梅花又見君三時消息感離羣話如春逗迎年鼓官似風
迴過嶺雲臘讐對嘗分歲飲香衾同憶早朝熏此身更比桃符
舊羞翦寒燈一論文

冰銜領到第三州風雪依然一敝裘重見邊人迎父母數勞蠻
長盼君侯天涯舊雨誰推轂身外浮雲合倚樓何日宦成歸井

里兩家茅屋傍花洲

畫竹歌爲方竹樓作

黑雨布陣風蕭蕭
枝枝離紙葉葉搖
手指指出筍筆放
梢弄影作勢翻雲濤
將飛未飛舞女袂
欲折不折高人腰
那須拔地借土脈
自可拂天稱鳳毛
名花娟娟附弱植
喬木悻悻誇後凋
君子之躬動亦靜
笑他矜情亂氣相
混淆心知此意畫
乃得竹樓幾年餐
竹實不勞法古守
宗門却喜破空行
腕力凡情乞去恐
失真俗論贊來翻
減色人家壁上生
風篁畫者爲誰身
姓方熱客誤攜枕
簟入觸垣頭額頻
遭傷我身久如受
風竹曾伴伶倫游
嶰谷斷君墨篠我
猶能吹作鳳凰聲
六六

吳梅槎屬咏梅槎酒器

花胎蝕土河車乾
酒龍蟄地胸鬲寬
糟邱忽放霹靂手
蛻魄驚起成觥船
瘦藤枯瘦相蟠疊
長鯨吸川資利涉
誰留碩果佐羹湯
却領虛名作舟楫
鱗鱗碧浪含古香
藥玉能迴凍骨僵
匏樽亦可鬪皮相
桃核何取矜帆檣
延陵居士開筵處
一朵寒雲掌中駐
枝橫嫌雪想醅顏
根傍醴泉知飲趣
懸壺作宅號壺公
以醉名亭稱醉翁
長鑱木柄可托命
梅槎梅槎毋乃同
茆茆炎炎酒人賦
比擬紛紜多謬誤
不須羽扇劃江河
吳猛從今可杯渡

江孝子詩

右臂之肉不可療
母左臂之肉不可療
父兒身親身親已亡血
肉之軀亦何補
朝視母墳夕憑父棺
茅堂淒淒臘日苦寒
喜喜出出妖鳥語
風卷檐茅棺算舉
孝子拜火火弗許
飛廉揚揚祝融怒
抽刀斷指驚祝融
神急止火神反風
父棺不動孝子死
老翁叫孫孝子起
翁欲告人兒止
止翁拾斷指裹以紙
丹徒舍人

啓衾視右手垂垂缺小指兩臂創痕況若此把筆傳之淚如水
江家五世居丹徒兒名延祚未讀書生年二十但知父與母不
知肢體爲我有呼爲孝子兒不受倘以爲言兒却走父曰懷德
祖曰珩問史書之存姓名事在壬辰十二月孝子不願 朝廷
旌

出郭三首

出郭游船泛夕暉滿湖燈火亂星歸北門鎖鑰三更下南部烟
花十月稀錦墅芳筵隨季改酒家旗字隔年非官民仕女同酣
醉那識將軍夜合圍

蝴蝶成團燕子忙燕支如雪柳絲長黃金像戲秋胡子白璧人
誇夜度娘織就簾紋遮蓓蕾生來荷葉蓋鴛鴦濃陰不斷樓臺
接還趁迴風轉曲房

情游求食寄閒身蔓引藤牽各有因江北喧闐惟此郡淮南歡
逸在斯民野多池館爭尋樂地有鶯花未覺貧聞道劉安掌天
廁他生願作守園人

讀始皇本紀四首

秦帝富貴人萬事不留餘苟能得長生神仙亦盡誅玉皇且岌
岌應奪紅雲居天界築長城三島眷屬俱風雨各怨涕生天實
愁予十洲懼祖龍守禦憑鮫魚所以童男女不得通音書

醒與湘君讎夢與海神戰喜怒皆徑行始于無忌憚纔脫博浪
椎復遇蘭池盜真人果長生却爲山鬼笑刻石頌功德左右惟
佞臣兩生自亡去延禍四百人連弩射之罟釋弓乃成病傷哉
橫暴軀但抵一魚命

生游阿房宮死游驪山墓行樂到魂魄膏燈照泉路旣欲求神

仙如何穿窬穴可知徐市言疑信原未決二世極嗜慾而日報
先帝承家苟如斯難矣千萬世

三代有治法始皇不一用事事矜創獲大力爲罄控黔首雖可
愚陳項肯從衆戰國尙功利流毒堪一慟所以鄒國儒獨言仁
義重

湖上看芍藥

尺五樓西散曉霞倚虹園內展繁葩錦雲貼地香成陣翠幄黏
天柳放衙芍藥此州原有譜蜻蛉同坐可爲家憐渠女織男耕
處插徧秧田看菜花

吳節母

三十五未亡人五十五完節身世德之家夫竟死十一齡兒作
孤子兒讀書母忍飢飢腸文字五千卷薺甘荼苦皆不知猶記

蘭閨笄總時左圖右史娘所樂兒是男兒可無學祿命五行貌
五官不似娘身得天薄兒不能娶母熒熒神官夜半來夢中我
爾曾祖中書公帝嘉爾節爾可終母覺語兒含笑逝成佛生天
皆有自母節當旌格于例兩氏姓名麤可誌生張嫁吳居丹陽
夫苑子俊登縣庠乾隆戊寅年未亡人乃亡

彭芸楮

元瑞

少詹同年畫秋花題扇相寄次韻奉酬五

首

春雲入岫夏雲出難覓北風消暑圖秋花一一落懷袖惠風吹
慰幽栖孤芙蓉老死計亦得荷葉乾枯難轉側秋林豈必少芳
香蒲柳生來憔悴色

仙官持節駐海畔西園喬木成畫圖豈無賓從共棋酒未免文
史傷羈孤當時寒山友拾得同侍金仙香案側一臥滄江竟十

年筆花彫盡江淹色

誰吟林鳥受哺句自寫夕葵負米圖襟懷故自遠簿尉器量恐未勝公孤漂泊江南歸不得鄉心夜夜賦湖側蓼蟲習苦鳥號寒羸得家人無愧色

韓公病哦薦士什禹生樂畫彈冠圖故人厚意益相感知已舊恩方且孤滿耳鷓鴣行不得避債臺邊眠反側會稽五十負薪人終愧柴門好山色

街前各炫點金術堂中自張戲綵圖幽花數枝媚母壽破書千卷圍身孤門外喧喧爭失得俗塵敢近冰紈側江潮落後具歸舟不向錢神乞顏色

焦山

海門屹立形端正不與江南亂峯競江隨禹力已朝宗山到漢

朝纔得姓焦先焦光非一人樵山隱者光也真中郎慨歎贊舊德鶴書屢降龍難馴桓靈黨禍避亦得豈等中平白波賊生時不肯見天子肯到祥符御牀側隱士住山亦偶然山與隱士因共傳金鼇比肩聳一柱松寥承足排兩拳天門地戶必有耦龕山赭山亦其友比似荆襄豔瀕堆中流橫塞瞿塘口當年汲水三兩僧此時金碧開觚稜蝸廬鹿苑互改易精舍十五蜂房增先生豈受封明應遯羽從來畏名勝鍾山久已布移文何況終南成捷徑

古鼎

文王伐西戎南仲城朔方宣王伐淮夷厥孫在戎行中興崇武功整旅歲有常申伯封謝樊築齊方叔召虎同揚揚紀勳述德賜彝器吉甫秉筆堂哉皇不須邾泗覓九鼎法物所畀臣家藏

嗚呼此鼎真贗難攷錄九十三字差可讀光明轉覺銅氣新斑駁都無土花綠權門寶此亦太愚赫赫師尹天其誅巧偷豪奪槩若是辨論嘖嘖煩迂儒唐宋之人目未覩嘉靖時方移淨土釋文稱美覺辭費一鼎存亡何足數

瘞鶴銘

殘縑斷碣遺跡殊誰見古人捉筆書俗儒小慧逞博辨雀鼠聚訟堪焚如幽人養鶴作妻子偕老巖阿同臥起帷蓋留埋犬馬身何況胎禽嗒然死序之銘之泐斷厓波浪盪洗魚鱗揩零行贖字足寶貴會稽平原何有哉注疏流弊事考訂鼯鼠入角求谿徑古人已死當闕疑牽附支離爭質證是王是顏惟爾稱暗室何曾有一鐙大哉

皇言論乃定曰非晉人知不能

哭彭正之六首

行省趨庭日論交及冠年因攜陶謝手得並紀羣肩浦雨愁如織溟雲遠似天難隨畫中蝶飛到夜郎邊忽漫移吳會逡巡返宋州纔傳疏廣去驚說孔融收巢覆孤雛繫堂傾乳燕留當時貴公子從此落置罟

請室扇風雨羈栖十四年從知心靜定翻覺地幽偏一榻成高枕羣公屢對眠故人新鬼換迎送獨君全

遣戍思難報長流骨尙撐慈親猶記面病婦久忘情有子愁相侍憐予見此行錢塘送君去不敢祝長生

惡夢符凶聞浮生大覺時傷哉君竟死存者慟如斯骨返應無憾生還豈有期漆園歸至樂魂魄故相宜

笑別武夷君歸眠下邑雲玉棺依短棹丹旄立斜曛科第憑兒

命松楸傍父墳生年四十五言行我知聞

真州懷古二首

絕學交城冠北儒江南銜命歎羈孤鄙哉吳激非男子老矣王
倫是病夫漢史續成旄已脫館垣摧後幣難輸蕭樓柳墓何輕
重能有先生著作無

清邊堂上本無猜裂眦談兵數舉杯遠報王維艸閒活翻疑秦
檜賊中來乘桴海窟珠難探揮刃虞淵日已隕三夕淹留乾淨
土怒潮空卷廟崔嵬

曉泛城河至水香園觀荷

一水通城貫壁池畫樓粧閣對參差穿橋篷矮知潮長拂帽花
斜覺岸欹荷氣冷憑風醒睡蟬聲清待露調飢添衣坐徧闌干
曲不借佳人雪藕絲

彭芝庭

啓豐

尙書戴笠像三首

溫公書局老隨身十幅紗帷隱葛巾藏過神仙衣一品學他僂
耳借經人

曾領霓裳第一天懸車歸作地行仙松筋鶴骨蓬萊像小住人
閒八百年

底用烟簑貌石湖未須野服畫廉夫從今吳下屏風上爭寫尙
書戴笠圖

韓烈婦

韓夢齡妾李斌女于歸十八死廿五妾有兒女隨夫亡淒風若
雨吹妾房七年井日妾盡瘁不敢怨天惟自傷妾無所望生如
此春聲纔罷砧聲止碓屋梁低跪自經生不能伸當屈死灘水
不流灘人哀孤山再築清陵臺香風忽引孤鸞駕去伴韓家二

秀才 夢齡行二

題靖儲厯疏後

鄭姑徵蘭帝心喜可惜不爲皇長子多男尚可待中官半夜先
防出寸紙外廷紛紜觸忌諱妄引舊章稱古事嫡子何曾有雉
奴腐儒輒請誅如意春秋未高嗣未亡偏迫言多犯不祥仁宗
故自薄羣議武惠尙未傾三王揣摩文致爭激聒折檻批鱗太
迂闊九齡李泌似不倫包拯韓琦都未達自是宮闈暱豔妻衆
泣那換驪姬嗚君王亦是都人子喋喋卓子先奚齊太倉論事
言多中密奏九重心屢動范鎮十疏誠可通寇準一言終見用
並封畢竟迴德音三悞難明耿耿心匣中名字蝕已盡地下壁
紐誰能尋主器分藩亦何有泰昌天啓寧長久妖書挺擊公已
亡慈母魂銷福祿酒

題丁人可寫像四首

行役三十年何處尋老屋風雪釀窮陰眠者睡方熟袁安亦何
爲夢裏聽枚卜 臥雪

萬卷撐飢腸浪言飽欲死可惜裂石聲吹入吳人耳世無田先
生英雄可歸矣 吹簫

天地入虛舟布帆且無恙風波自順逆來處各有向虔州好江
山老矣釣春漲 歸帆

有田然後歸漂泊何所止讓我成疲牛十載鞭不起犁鋤老難
勝抱犢尙能耳 犁雨

梅花二首

節序黯無色此花開獨妍流芳當歲暮得氣在春先雪豈能爲
力香原出自然橫斜堪一笑何補朔風天

松竹苦相友江山寒有情孤高雖遠俗晚達究何成不死根長
屈無花性亦貞請看生葉後還有子調羹

喜晤張錦邨

紹衡

明府題其段橋仙夢圖九首

我樓宜園南君室宜園北隔牆讀書聲盛年始相識是時君仲
兄甫通詞苑籍見我諸生中握手好顏色誰知廿載後兒女因
緣得君兄藏虛舟而我垂薄翼人生如浮雲感歎畏思憶

君昔游京都刀圭偶一試本非懸壺人其心有生意王侯競推
轂救死直易易馳來羽林郎

帝命須立致挾之跨銀鞍如鳥飛一騎使診後宮人兩豎果逃
避

太官給廚饌黃門司起居離宮有別館 詔爲君掃除 御輦
穿花到跪拜常迎趨

至尊問方藥應對承都俞六宮罷呻吟薦引相拂噓縣令能活
人醫院嗟向隅

皇子病未起粵東汝勿去 諭部停其銓朝右說竒遇久之使
就官棧道方叱馭煌煌出都門光彩燦衝路王侯大將軍宰相
皆垂顧後宮所賞賚篋笥成滿貯政術猶未施生者已無數
治蜀有古方文翁亦盧扁稍稍出吏才上下皆稱善七年歷數
官所歷春陽轉制府每前席人晦君獨顯太守有忌心彈劾不
能免返觀睇膏肓厥病在疎淺

留者豈不殷去者心自促還家學養生飄舉若黃鵠山川盪胸
臆千古一歌哭北邙纍纍墳骨朽寧須速淵哉青鳥言至理堪
尋鞠天地積氣耳自然有停蓄死氣接生機安吉良可卜佳藥
延壽年美地繁世族放眼看扶輿君子乃多福

韓翁居千人不免鍾室累羊家爵三公何以折左臂可憐無德
人不幸到富貴此理本天定其權乃由地疑信徒紛紛術士各
自利君能究幾微有譽必有試指點虛無中誰能立同異
偶游明聖湖銷夏段橋側忽夢犁耜公爲爾開所惑御風行消
搖俯瞰一塵積大千如碁局界畫有橫直若者妙合凝若者胎
養息虛實真僞閒毫釐分白黑君心頓了了願就弟子職曉鐘
飛南屏欲見不可得

古鏡爲君心明月作君眼醒聞蓮花香柳幔舒還卷其術益神
悟相泉而陟嶽山川雖無語一一能分辨與君同井里歸老吾
其勉相離一牛鳴發興頗不淺爲我覓首邱荷鋪藉自遣

賦得春草閒房爲顧仙沂

汝綬作

野燒應難到空庭綠意多裙腰斜未及袍色淺如何軟喜攜茵

坐深嫌曳履過密堪藏蟻穴疎欲露蛇窠院靜疑封蘚人來唱
踏莎生機當戶滿春氣上階和小住安簾幔他時憶礪阿莫將
閒暇日艸艸負松蘿

爲仙沂題錢宮詹先生畫白蓮小幅

楷法寫枝榦行艸寫花葉作畫如作字吾師白陽接忽聞素蓮
香如見影搖月翠蓋擁瓊英微微開笑靨秀才工篆隸用筆亦
奇絕得畫喜欲顛抱藹作舟楫君勿作畫看只當嗅古帖

康山宴集酬鶴亭主人並邀邊都轉霽峯袁觀察春圃

陳太守體齋家舍人春農江大令階平同作三首

腰鼓琵琶駐此閒借他明月照酡顏城低不礙登高眼亭迴全
收隔郡山舊宰官身留十笏小秦王曲付雙鬟就中鴻爪分明
在雪磴嵐梯好細攀

當時吾自愛吾廬異代還教庾信居勝地原憑人管領宦情須
藉酒銷除放來青眼高于頂開遍黃花澹似子主客圖中老兄
弟慈恩宴後又聯裾
更煩絃管一吹將海鏡初升到艸堂供養雲烟如有待擔持泉
石豈尋常衣冠入畫今猶昔王謝爭墩兩不忘重立淮南耆舊
社萬錢真箇買滄浪

五更

村雞膈膊曉星移殘夢初迴各自知岸上騾綱江上槩最消魂
是五更時

濁酒

楓葉嬌如紅粉面蘆花衰似白頭人一杯濁酒秋江上消遣浮
生物外身

水雲鄉裏稻梁寬可念人歌蜀道難消受江南冬日暖雪山西
去不勝寒

南都

亡國遺封帝業新南都轉眼繼梁陳銜箋燕子原妖鳥渡水蘆
花亦鬼薪不幸元公重作莽難容後主更稱臣龍蟠虎踞秦淮
上留得歌樓住美人

臥舊宅東齋感成

十年老屋九年封又聽雞鳴寺裏鐘五度還家身似客一鐙懸
壁劍如龍艸深靜院梅孤偃泥落空梁燕絕踪惆悵洪州買新
宅偷閒來寫北山容

鳳凰臺獨眺

山死空排龍虎勢臺高不見鳳凰栖六朝虛逐中原鹿十廟猶

鳴半夜雞湖背祈連埋衛霍城南孤竹祀夷齊天花落盡星如雨人是蟲沙馬是泥

河房

北里笙歌鬧未闌西隣蝴蝶戲成團三更舊院籠燈接雙槩何人別淚乾荀令解衣香入坐優施連袂酒登壇可憐花月無今古不許都官醒後看

王文成驛丞署尾硯歌

有序

東坡題墨妙亭詩斷碑一片存十二字凡四行行三字曰鐙他年日憶賀監日時須伏日孫莘老高廣各三寸長四寸文成謫龍場時得之遂以背面作硯左刻守仁二楷字右刻篆書陽明山人四字側刻分書驛丞署尾硯五字墨光黝然可寶也流傳二百年入大司空裘公手公繪圖索朝貴徧題之癸巳仲冬公

匱至揚州予迎哭之公子行簡孫元復出硯圖相示曰公生時以不得君詩爲憾時方爲公換墓銘乃濡臍墨作歌嗚呼一斷石耳得兩公知己以傳而況於人乎痛何如也

書者蘇文忠銘者王文成寶者裘文達片石同連城殘甃斷碣雜瓦礫真硯不損真手擎我游墨妙亭壞牆無一碑誌載元人守湖州粗砂大石皆磨治坡公遺跡定同碎購買斷缺藏者誰龍場驛丞偶拾得破案取以陪松滋當年響搨印萬本墨氣透骨香沁肌以背作面面作底題名署尾煩鑿錐兩公言事得貶謫筆硯階禍當焚之司空文字潤鴻業不與往哲同嗟咨爲圖索贊重手澤若覲二老持相遺後來視今猶視昔翼翁吟寫真前知朝貴題時公念我轉眼電光敲石火哭公斷岸感風鐙入翁蘭亭猶未裹公有兒孫守硯田喚我續寫谿藤邊先生默待

補亡句弟子泣賦招魂篇我聞敬宗遺硯杜家寶許換東坡墓
銘稿姦臣遺臭石可碎唇鋒銳絕孫莘老此硯流芳自兩賢藏
器更以尚書傳吳興太守苟及見重向亭中嵌一甄

瓜洲見鷓鴣

盡日銜魚却忍飢萬鱗爭避怨鷓鴣扁舟宿食恩難報那計潭
空力盡時

聽射示兒輩

老夫百事拋除罷不能射虎南山下臥聽兒曹鳴鏑聲尙有雄
心暗傾瀉腐儒章句談孔顏勇者自矜軍旅爛坑中鬼食趙括
肉島上客罵田橫姦大將登壇建旗鼓喜動沙場髑髏語天弧
矢直貪狼誅壁壘星移妖孛虜我聞昔人教子求公卿琵琶學
唱鮮卑聲不如腦後弓弦餓鴟叫負弩殺賊嫖姚營昇平文士

習詞賦才略經猷皆末務寒門仕宦計米鹽乳臭簪纓炫紈袴
拳曲難求有用材蠹魚雖飽亦堪哀汝曹旣識一丁字兩石之
弓奮力開

鮑節母詩

鮑文淵歙縣民繼妻吳吳郡人廿二嫁廿九寡六十請旌朝
命下迴念平生淚盈把幼失母孝於耶事舅姑宜室家閔損王
祥不飢不寒不知繼母承母歡兒衣兒食母艱難兒讀書母灌
蔬兒焚膏母辟纊十指之血縷縷積夫樞得返孤不孤先贖百
畝田後表九世墓夫伯父母棺已頽妾在忍令棺暴露葬之先
壟傍尊嫜九原骨聚松楸長賢哉節母生何鄉嘉定之鎮名南
翔

寄懷林氏四女秀中三十韻

記拜長安月迴思正九齡漸堆雲鬢滿學畫黛看青薊北歸來
共江南聚散經爲憐珠別掌無復絮依庭彩鳳秦招壻黃姑漢
渡星期當花灼灼身已玉亭亭傍母同鳧鴨依兄比鵲鴿尊嫜
豈迢遞夫子竟伶俜執饁人堪數躬桑事可型蘋蘩艱負荷書
劍肯飄零賢守開東閣神童實寧馨養蒙資汲綆習羽借梳翎
閉置車垂幕伊唔水瀉餅典謨商舊學文字發新硯步履煩過
從書牀厯晦冥樓中勞望遠陌上罷歸寧子舍分鴻廡兒家媿
雀屏藁砧詩自詠楊柳曲誰聽嬌女方嗁乳寒鐙欲閃螢燕飛
風乙乙蓮轉漏丁丁繡以觀書廢鍼因讀史停俠心橫劍槩音
氣隱雷霆壺擊釵頻折棊闌酒乍醒偶然揜翠輿含笑看青萍
義烈籠今古清豪托性靈嗟予遊鹿豕憶汝感螟蛉水隔如衣
帶心搖擬索鈴去猶羈病馬來竟柅飛駟待埽焚香室重開戲

綵廳相期整環珮吹下玉瓏玲

題費處士密遺像

上書無益起義兵壯士自結飛來營高定關中十萬戶賊不敢
犯人長生司命三軍費孝子翦髮辭官父歸里攜兒避亂陷凹
蠻黃金竟贖全家死楊展鎮蜀真英雄孝子入幕參元戎青神
江底沈賊鏹窮奔膽落張獻忠得賊資糧卽拒賊雅州屯田孝
子力幕僚纔辟杜樊川叛將陰戕張益德六郎奮起報仇軍孝
子獨赦花溪民展轉兵戈逐亡命故鄉焚掠無荆榛折節治經
三十八換盡滄桑逃劫殺支笻五岳不談兵倚馬千言看給札
著書等身百廿卷 詔舉鴻儒力辭免幾度題詩壓謝陶平生
賣藥師盧扁心喜揚州好墓田老來栖息大江邊姓名已入遺
民錄著作分藏石室編深衣幅巾寫遺像獨立蒼茫空倚傍那

須靜坐習枯禪可惜儒冠老名將昇平埋骨野田邨七十老翁
流寓身誰爲亂世文中子翁是成都跛道人

天長江烈女歌

泗水嗚咽流中有烈女魂死立泗水中白蓮香氤氳烈女父江
錫純烈女夫羅維藩夫遽夭女未婚雍正改元歲天長萬戶同
見聞父家夫家無可恃女生守貞不如死旌表愆期烈女喜冉
冉清芬在閭史天長之人不敢忘乾隆癸巳請建烈女坊嗚呼
士未食祿可從賊引經翻笑江家息

羅兩峯

聘

畫鬼趣圖八幅題者殆徧無分詠者乃各賦

一章不切爲陳言庶幾免夫八首

三尺之身二尺肚一臂一脚相爾汝醜醜索索來周旋儂是半
人君是蠱祿山捧腹華元奔竒肱國主柔利民九原邂逅各有

真生時滿腹藏經綸由來獨步誇絕塵媿耶魑耶皆游魂嗚呼
一手一足之烈豈如此爲人不全且爲鬼防他笑出腹中刀相
逢莫罵彭亨豕

王家僮約太煩苦鬼奴嘻嘻隨鬼主主人衣冠偉且都如何用
此疋羸軀但有筋肋無肌膚無衣無褐但有襦破帽籠頭纓曼
胡徐行掉臂學腐儒吁嗟乎餓鬼啾啾鬼窟不及豪家廝養
卒但能倚勢得紙錢鼻涕何妨長一尺
色界塵緣不能了陰風吹妾紅顏好感君魂魄尙相親姪室從
容可偕老誰其送者白衣冠無常使者搖素紈鬢邊花氣吹幽
蘭使者嗅之心喜歡火城銅柱吞鐵丸愛河腥穢揚波瀾此語
可怖蛾眉攢使者日否吾寧鰥君不見南山進士且嫁妹河伯
娶婦鬼擇配男勿避婁豬女勿羞金夫地獄雖多有若無

忠雅堂詩集卷二十一
侏儒飽死肥而俗身是行屍魂走肉拄杖支持二尺長形狀輪
囷嗟躑躅紅衫小兒笑盧胡世間有此小丈夫僬僥之人可作
腊海鵠欲下吞螻蛄短鬼日嘻魃不可陞楯諸君不如我君不
見郭璞贊蔡邕賦陸侯生時智過軀故鬼能令公喜怒
龍伯舉足跨數峯夜叉食人如斷蔥焦山有鬼長十丈每借颺
母吹防風綠衣新裹僑如骨脚插寒江脛難沒枝葉作手樹作
身翠篠鬚髻作毛髮齒排利劍口血噴半夜俯瞰空王門書生
喝鬼鬼倒退碧雲閃出青天痕芭蕉堅固可成佛柳汁染衣是
何物迴看山根古鶴魂道士縞衣來步月

長頭僂背老復醜形容疑是承蜩叟劉元進開二尺臂陸判官
伸五斤手兩鬼相逢正相詫小兒見慣夫何有不能取戈印不
能畫圓方大夫竊三命但能走循牆蚩蚩鬼國伴兒戲三頭共

嚙油鑊湯可憐賈逵范岫稱博學死去修文未爲樂不及陰山
樹上通臂猿楮鏹飛來隨手攫

冷風吹雨迷離極破繖遮頭行不得繖上繖下頭轉側電閃雷
轟無處匿濕氣侵鬼鬼氣濕不識誰家有簑笠乘軒張蓋慎出
入別有鬼官分等級窮者賤者走汲汲九幽寒重鬼呼吸魍魎
淋漓相拱揖漂蕩田廬非我急溺者紛紛喜來集噫噓嘻幾時
白日照黃泉散盡陰霾鬼應泣

莊生擊馬捶列子撻枯蓬陳人至樂有如此孰爲鬼雌孰鬼雄
落木陰森棺蓋舞骷髏起立作人語明眸雖滅皓齒存白骨猶
橙玉肌膚生王死士辨者誰兒女英雄吾與汝烏鳶在天蟻在
地五尺豐碑一抔土鬼中諸趣妙難尋生人苦海自浮沈不須
普給瑜伽食畫者真存菩薩心

乞方竹樓畫雜花屏風

崇情寡嗜好適性樂疎散十年謝簪笏百事不挂眼讀書學古
賢常苦來日短幽憂未能屏每借花木遣所至多種植芳豔任
舒卷默觀天地心生意驗深淺暢達由橫斜繁密戒剗翦根株
聽羅列香色罷除選長養隨自然壽命各無算我無區別心是
皆幽獨伴揚州衆香國四序花不斷扁舟泛汀嶼步履入池館
駸駸樂未央僕僕勞不免我居如面牆屋高庭宇福雖然略栽
藝恒覺願難滿思窮魚中鉤慮竭蠶脫繭欣然製屏幃十二素
縑展求君畫雜花隨意發天產或凝霜氣鮮或浥露光泣含秋
態清揚弄春姿婉婉君筆藏化機神妙能者鮮豈惟品絕俗興
趣特高簡坐我幽叢閒感君惠誠腆未煩寫篋管恐爲邊幅限
當擘一丈牋枝葉庶能遠得隴敢望蜀此約他日踐已儲酒百

升待君作花宴惠風幾時來一花酬一琰

寄答韓公復

夢周

同年次韻

雲龍不相見愁絕愈共郊俱爲梁稻謀同負山澤招酒落辭簪
纓憔悴隨蘭蕭楚越各有貴奚論橘與椒浮沈萬人海閱盡來
迴潮何取知不知無欲能囂囂韓公學道人手握善勝刀餘力
作文字腕扼十五鰲治民若把筆善運無心豪宜人利用論不
藉三春茅可憐拯飢溺戶給中流匏粟少哀鴻多苦嚼空匡鰲
自續春陵行夜聳吟肩高勞人以嬾黜九牛亡一毛依然退院
僧尙守戒律條我病已十載無處尋王遙江梅雖有香名號不
入騷肯云鱗在轍弗類羽墮霄誰鑄賈島像每棄唐球瓢臥衾
有正幅食菜無邪蒿寧期杜陵集和韻思韋迢君才轉晶丸神
巧追宜僚當其得意時汨汨風水遭况侶素心人宏博如崔堯

跌宕堪唱酬不異栖丹瑤我欲弄清淮舊雨重一邀申詞篤風
義豈但文章交

沈節母詩

生不見親嫁不見姑新婦二十而有夫夫亡有父翁死無孫新
婦弔影何以存夫有諸父老不仕養此節婦熒熒身傷哉病叟
奄忽死單門只有四齡子千鈞一髮賴有此節婦撫之延厥祀
嗚呼天地豈不仁節婦難受恩牆壁豈不固倚之傾且仆五十
二年攢刃心淚比胥江深復深笙鶴來迎婦一笑小叔冠矣家
能任君不見三吳廉使胡季堂泣請封嫂言皇皇州民有此
孝節婦廉使采風當入奏噫吁嘻沈素存妻陸氏貞何異光山
甘淑人

新樂府四章爲李晴山

道南

進士母胡氏作

玉山堂

光祿簿李中莽宅江都屋潭潭繼妻金壇胡生子曰雷曰道南
任家督聽兄子家日落光祿死兄子耽耽欲賣宅寡婦孤兒何
所適攜兒出門天茫茫故居已改玉山堂兄子轉眼稱富商孤
者自孤孀自孀

編蘆屋

攜兩子編蘆栖負薪出汲忍蓬垢可憐亦是官人妻劈蝸殼立
蜂房界畫五尺地爲兒作書堂穢潦所趨灌門闕魚游破釜還
登牀惡臭不敵經傳香笑聽兒讀聲琅琅

碎兩印

炊烟滅母忍飢市餅一二枚哺我估畢兒餅直無所出何以謝
餅師兩私印先人遺明水晶玉蟠螭鬻于市償庶幾婦取印墮

地碎婦含悲母弗罪賣印乞憐非我情絕兒妄念父有靈餅師
聞語折餅券郎君他日作名士勿爲畫餅實我願
飯廣文
瓦餅糧盡竈不溫廣文先生來論文粗糲共飯意亦得賢母不
必謀雞豚兒唯唯飢腸鳴冉冉麥飯香裊裊炊烟生廣文果腹
長揖去兒跪叩母飯來處母指蘆牆穴已穿解衣從此出質錢
但願門多長者轍母凍母飢心自悅

乞羅兩峰畫屏

書學書家書畫學畫家畫束縛規矩中所守亦已隘兩峯嶽嶠
人資稟軼流輩展足裂地維放手破天械碧眼燃溫犀萬鬼失
狡獪神光掣瞳人下透轉輪界豈但胡中丞坐照入幽昧游戲
弄不律竒趣生象外細審乃逼真驟覽疑涉怪威攝天神褰媚

曳水仙佩龍受金剛降鶴下老佛拜誰爲羅漢參各凜菩薩戒
花殊含異葩樹古發新態或貌地獄相面目來瑣碎陰風聚豪
端死氣出紙背人理彼旣絕厲魄君弗貸不知布算勞但覺運
斤快藝苑撒畦町墨林除障礙昔師冬心叟弟子存法派老蓮
寫人物竒古爲俊邁艸法寫衣裳楷法寫眉黛魯文貌豐下齊
桓癖好內而君所嗜殊高逸頗相類我每見君作有見無不愛
如玩索靖碑寢食俱可廢乞君繪屏風求益同買菜欲寶君子
貽長與古人對君勿嫌幅多真手僵不壞

立春日得香樹座主書奉和天津蚤春詞韻三首

夜衾不寐身覆翻遠意騁若烹魚煩聞公小示方丈疾賡句尚
如岐谷軒公年九十紺瞳朗氣海暖過砂泉溫道腴書液默九
轉不藉食杞青城邨瓊宮靈篆五帝授玉女侍衛和其魂病至

輕雲抹皎月好風吹去無留痕得書距踊慶康復華池已漱津
潺湲春迴臉頰發醇醴採藥罷向神農原
王師歷蜀熟餅翻捷書屢報誅樓煩山中宰相拜章賀廟算克
敵同義軒雪山雖寒火牛烈勁旅挾纊冬曦溫老臣領手連理
杖學究鼓掌三家邨可憐辭賦袖雙手話彼艸檄驅游魂四十
九年肯窮死鬚絲略點輕霜痕今朝頭上插幡勝壽觴笑捧波
潏潏黃羊送竈醉司命我貧尙未如顏原
參政欣看紅藥翻章疏列案批答煩臣家三世綰紫綬鶴禁鶴
老方乘軒門材長養到合抱達賢豈但羅岑溫受知我兩蕪香
辦醜女亦出昭君邨雖然蹇足負鞭策夜夢不慙魄與魂南風
吹筍未成竹枝葉已滿冰霜痕新年竊欲立春雪看公墨浪傾
潺湲方輪不轉驗道力願公示我無窮原

劉景韓火繡畫歌

鼠須狸尾稱毛錐水彰五色作繪資畫家神妙藉渲染劉翁大
笑皆棄之火然綫香香作筆香一著綾口一吹風水相泊綾不
知人物花鳥鐘鼎彝山水林石屋宇籬古有畫者無其師當其
得意心手隨若蟲食葉蠶吐絲物本乎土生生滋火爲土母香
主持淺深濃淡雜笑嘻嘻火皴火擦如調脂翁技微渺通希夷名
曰火繡天工移昔繡屏風 御榻支藝苑嘖嘖誇新奇翁今九
十拈霜髭談笑果却干熊羆光燄在手識者誰黃荃年少冠玉
姿貯翁別墅針引磁詩匾畫盞閒酒卮世有丹青空爾爲亦如
湯家鐵畫顧氏繡意匠創獲難旁窺翁寫壽星爲我貽願翁如
是容期頤瓣香所及大巧垂指輪火發珊瑚枝

果子狸

忠雅堂詩集卷二十一
三者紛紛吞弱肉鼠食松花鼯食竹餐鐵餐火嗜好殊微物養生分雅俗玉面之狸尾似牛上樹竊果如猿猴投林漫自此蠱賊摘鮮聊且充糧餽筋肉不足惟膏油壓入糟盎肥欲流潁濱作詩吏斷獄無功竊食人所仇此論未公吾不許手掀覆盆代狸語天生五穀養烝民責報何曾皆有補君輩食祿多隱慝跖行夷言資貪取但能欺罔無不爲五能技巧誇鼯鼠若將功罪較鎚銖血肉難辭膏鼎俎狙公拾橡世莫爭螟螣傷禾孰能捕狸雖大嚼百花叢却免腥羶沾胃腑於人何害遭橫逆老饕饒舌休強鼓嗚呼網羅密處鳳忍饑麒麟作脯百獸悲韓公漫譜殘形操狐魅優游笑爾狸

忠雅堂詩集卷二十一

忠雅堂詩集卷二十一

鉛山 蔣士銓 定甫

甲午

題王石谷畫冊十二首

柴桑手植柳陰成未許漁郎問姓名不與秦人書甲子桃花年命自長生

亂泉聲裏白雲閒步履何時到此閒記得觀音門外路兩邊樓閣靠青山

銷夏灣頭日乍長曾看翠蓋擁紅粧不知誰伴鴛鴦宿生受南窗枕簟涼

孤亭危坐意蕭然千尺松濤響亂泉可惜隆中臥龍子肯將丞相換神仙

不寫晴山寫雨山似呵明鏡照烟鬟人間萬象模糊好風馬雲
車便往還

界畫坡陀練一條那須芳艸上裙腰如何絕妙秋林外不見谿
翁挂酒瓢

人影蕭蕭竹影寒悠然杖履共平安澄溪見底游魚避不用臨
淵斬釣竿

棧道中懸旅客身山蹲虎豹水翻輪可憐行路難如此猶有攀
蘿附葛人

一桁闌干枕漱文疎櫺淡淡下斜曛主人身是忘機叟鳥自尋
枝鳴自羣

水曲山眉處處同幽人茅屋澗西東憐他紫閣丹墀客夢裏冰
銜收放翁

蘆花頭白樹顏酡秋到江湖水不波怕看雲霄鴻雁影當時兄
弟已無多

五十功名笑荷薪皮皴肉死走嶙峋北風卷雪關門坐還讓燃
糠挂網人

白將軍

雲上

歌題榕門相國尺牘後

白將軍身長七尺如玉山二十登甲科宿衛天閭閒入隨羽林
郎出翦雪案鐙有用之書恣意讀不止六韜三略填其膺江南
古有太湖賊以船爲家水爲國殺人劫財爲耕種岸上官多拏
不得白將軍領水師改裝入賊賊不知遇賊卽殺無子遺聚賊
之船焚賊尸鼉鼉蛟蜃遁入海太湖萬頃開玻璃估客鼯睡無
人窺城鄉賊竄不敢遲營門高曳白字旗萬民朔望來拜之試
看嘉湖常鎮鼠竊掉尾去不但吳中夜敞閭扉桂林撫軍當

此時手書尺牘褒美詞賢哉將軍好男兒上書戒氣矜下書勿
矯激秉公持正平其情守此官箴不可失將軍寶之如尺璧從
此宣威多隱德去吳江來揚州揚州人喜吳人愁奪我父母不
可留淚滴別酒同江流將軍大開揚州營兩城安肅四野清忠
信感被萬室寧百姓願作將軍兵揚州旱火四起揚州潦薪斷
市屋燬數家愁薪斷萬家餒將軍救火向火飛騎屋似奪火馬
馳手挽天河水淋漓火鴉火鴿絕狂奔火神迴避白將軍將軍
救餒如救焚鞭撻瓜船移積薪薪船帶雨不敢停銜尾紛紛來
郡城炊烟萬縷柴價平添竈鼓腹民長生婦孺愛說將軍名文
官無此得民情刁斗不驚一郡樂忽報淮陰盜烽灼公然劫官
斬關鑰兵吏束手誰敢攬有急則倚白將軍將軍匹馬從天躍
穿幽涉險逞機變散金如土買盜線萬難千苦竟得之猶有讓

夫沒其善將軍辦盜乃辦公豈與庸人攘厥功分功諉過總不
計入覲

天子嘉其雄將軍平生一知己手迹雖存相公死買絲繡此十
行書賢相知人自君始

題羅兩峯畫屏風後

天尊具神通羅漢足威力黠者弄五行癡者憑六賊跳盪世界
中種種示不測毗陽爲靈祇毗陰作鬼魅誰稟大智慧而稱善
知識兩峯三世身遊戲衆生國以其心手眼寫此聲氣息水火
有質體雲霞有形色如何聲與氣能使出豪墨虛堂展屏風觀
者欲竄匿佛現諸變相神具各裝飾牛頭伺神君陰火瀉太極
中有兩面女腹背垂四翼娟姿袒玉臂晶毬指輪擲真官持梵
符天王示竒特三首別鳥獸六臂各有執旛鈴飄桂香筋肉漬

柳汁脚踏水火輪頃欲遍疆域別有猗猗仙倒握赤嬰赤張臍
納兒首姪女暗呼吸其餘皆比邱六佛相轉側或入樹下定或
面山下壁或馴鉢中禽或負肩上蜴或狢而承尻或蟒而起立
老僧絕聞見狡獪徒眩惑自有而生無從虛而見實是皆幻泡
影無失亦無得兩峯學道人聞一每知十生滅本如是百千而
萬億丹青理若何三藏滿胸臆

費生

天彭

畫耄耄圖贈百泉屬題戲作

世人愛吉祥畫師工頌禱諧聲而取譬隱語戛戛造蝠鹿與蜂
猴戟磬及花鳥附會必含媚影射各呈巧到眼見貓蝶享意期
壽考下孕芝輪困上覆松天矯百泉曠達人亦復樂其狡彭殤
理本齊無壽亦無歿何者爲榮華何者是枯槁僂佛同一死不
死似縹緲貓柔而貪殘蝶冷而輕慄捕鼠職未盡竊雞腹已飽

九坎寧必然五德則未少鼻冷但觸腥毛深竟藏蚤韓紀掇高
第辭和作招討章惇心手辣義府笑顰好如此獲修齡不若付
速老蝶來吾語汝陵烏汝克紹蟻螬汝同懷鵠掇汝所抱無知
爲有知此理亦難了或爲壞裙衣或爲敗麥艸或因花幔穿或
逐菜籬繞魂歸與夢化壽骨恐難保貓非汝族類相耦別酉卯
我聞獨孤陀貓鬼祀淫黼汝蝶名鬼車服役等輿阜然皆聚陰
幽不聞養生道又聞莊浪驛番貓鐵籠罩羣鼠伏籠外不事弄
觜爪此則威可用庸中見佼佼鳳翔有義蝶弔客不可埽此亦
能好賢匪僅香色攬是兒貓不是畫師可能曉百泉喜博辨錯
鉉出江表貓事記若干竊幸說毋勦過江貓不捕攜此徒擾擾
不如學莊生一枕破煩惱

歐陽子歌

歐陽子習儒業讀儒書披褐飯粗糲資身少田廬仰窺天文俯
察地理出入太息行趨趨噫吁嘻世人賤儒重方技含生惡死
求富貴富貴何自來不來自天來自地歐陽子笑而起曰茫茫
堪輿理如是我其於此行我意乃持青烏經乃著形家言出交
名卿大夫士愚者自愚賢者賢紛紛舞殯而歌墓窟中枯骨袁
公路餘慶餘殃孰所貽坐指南山得佳處歐陽子知天將福此
善人遂以善地藏其身奸雄腐骨永遺臭那有萬世千秋墳譬
之修身立命百無有乃欲鍊形服氣登天門吉凶順逆相互根
存者若死死者存歐陽子讀書秋樹下靜觀萬物理六合但有
氣與水中央大塊一拳耳或凹或凸作流峙土爲物母象母體
五官百骸筋脈聯形氣完全穴於此血肉歸土氣相感根本不
傷枝葉美吾謂君家崇公所葬亦偶然慎重人命世乃延天公

默與瀧岡阡不然爾生已後七百年安鍼定向者誰胡不傳

飛蝗二首

萬點雲邊影三更月下聲孽身從羽化饞性託天成雨壓連畦
爛風聞隔縣驚黃雲千畝闊一夜爾鋪平

罷唱豐年樂時聞米價添但愁民有殍不慮食無鹽淮浦流亡
最江鄉疫癘兼平山花月舫歌舞過閭閻

觀蘇州范氏所藏文正公在青州手寫伯夷頌小楷寄
西京制使蘇才翁舜元墨跡卷子時公六十三歲明年
薨于位卷中有秦檜題詩賈似道家藏印前幅則文潞
公富鄭公晏元獻程伊川四賢同時書後云

托興寫前文希賢寄知已堅持獨立心古人已如此懸腕見筋
骨引錐畫沙似垂老示勁力何怯衆人毀諸賢尙同朝懷哉數

君子遺墨歸裔孫清風被閭里惟演刪題名蔡京書黨比公道
存千秋姦賊自棄耳新法積禍亂南渡不可已世無中興碑顏
公幸先死誰采西山薇文謝殿青史

秀州哭奠座主錢文端公三首

重來樂順小堂空不見消搖倚杖翁上壽尊彝開九秩清時師
傳比三公宰官身寂因緣盡文字 恩深眷禮崇南顧烟霞罷
賡和重勞

天淚酒詩筒

吟魂縹緲倚 龍墀二十三年萬首詩疏傳聞身歸杖後鄴侯
仙骨住山時詞林典故耆英重老輩心源道力持一種祥和忠
厚意此情留與善人師

三朝知遇列文昌仍侍

神宗

聖祖旁請敕農師滋黍稷乞

隨風后偃欃槍歌成凱唱天韶協頌就豐年粟雨香纔見純臣
靈爽異不虛祠祭重賢良

贈礪堂將軍六首

燕領熊身冠玉姿轅門風靜肅牙旗讀書志定承家後許國心
懸破虜時兩漢儒官多掌騎歷朝名將例能詩疎花滿逕聽鳴
鏑愛看將軍射戟支

馬革招魂古戰場先人守器綠沈槍史排忠義題家傳代有靈
威祀國殤鐵券功存方策字彩纓世作羽林郎勲階上爵雲臺
像臣節如山紀太常

列棨門開細柳圍香凝燕寢篆霏霏書聲隔院傾餅水鶴步頭
廳舞雪衣疊錦成章心自織萬鈞迴筆臂能揮信陵賓榻平原
酒留住詩人未許歸

子夜銀槎上客尊
瑯琊情語最銷魂
評來今古添愁緒
數徧英雄有淚痕
詩是導翁高弟子
身爲藩部舊王孫
酒闌三復成都句
真把心肝奉至尊

爭看三十富平侯
夾道湘簾卷畫樓
珠勒馬迴花影動
玉鞭絲颺酒旗收
清才自可登壇坫
奇氣真能飲鬪醜
說到川西笳鼓競
幾回鐙下按吳鉤

傀儡形模蟻蝨臣
昇平都是受恩人
眼中器量知無匹
局內擔持要此身
黑髮定應開幕府
朱顏終見畫麒麟
車前他日容長揖
慚愧書生握手親

登靈巖山

越嶺爭燒赤堇銅
吳山大起館娃宮
從來莫氣須行樂
但有驕

心已犬戎相國死
懸雙血淚大王生
是一英雄盈庭豈
便謀臣盡不及當時
太宰忠

響屨廊二首

寵到雙趺事亦新
笑他褒姒尙猶人
潘家蓮瓣楊家襪
總與西施步後塵

不重雄封重豔情
遺蹤猶自慕傾城
憐伊幾兩平生屐
踏碎山河是此聲

山塘曲二首

舞榭歌樓處處春
溫柔鄉裏醉橫陳
生來國俗耽游冶
曾擲金錢看美人

九曲珠闌七里塘
四時花月護鴛鴦
如何軟玉溫香國
尚有梁鴻對孟光

天平山謁范墳

范公唐相裔至宋久式微幼孤母他適父骨無憑依藁葬豈擇地聊免暴露悲貧苦立志節功澤旂常垂旣貴乃封樹華表雙崔魏世祿報賢臣德者福之基如何妄庸子侈說山川竒形家竊附會萬笏排參差天平勢槎牙石惡傷土稀戈戟雜虎豹積鐵合凶威破軍列門戶望之心已危苟藏鄙夫骨殺戮慘禍隨指此爲吉穴發祥理難期誰造相翁經展轉飾言詞地靈苟可盜天柄無從施天堂君子登小人敢倖幾謹告拜墓人勿爲俗論欺勉學文正學絕壑懸豐碑

義莊謁范文正祠

晏子位齊相祿及五百家衆庶待舉火厚給無吝嗟鄙夫但自固田宅日有加惻隱心已死不復知其他苦人來嘯號耳塞雙眼遮財貨遺兒孫敗蕩爭淫奢祖宗所充積散擲如泥沙再世且乞丐逐臭同蠅蛙范公本天人君賜臣拜嘉萬物實共命臣族多寒鴉垂涕開義莊立法分等差迄今六百年世守無疵瑕亦有吳文肅義莊立濰涯遺風足媲美海內同嗟呀瞻公端直姿冠冕飛雲霞四子列左右繼美何其華歷歷載史冊具體同其耶韓億抱盛德絳維亦騰拏惟賢乃育賢有若蓬生麻臧孫歎而後實自戕根芽可憐居積人貪毒如虺蛇

寒山別墅

翳翳范墳樹萬翠交蒼寒東嶺豁一竇未用填泥丸拾級度春隘看宇飛寒山亂石疊竒獸雜樹頭鬢鬢轉仄再登躋臺榭花竹攢徧尋千尺雪疑有飛空湍竟俯而得之石罅淙潺潺落礫不盈丈此亦稱偉觀顧盼垂首去樓閣誠幽閒當時趙凡夫習

靜會閉關名士如鯽魚籍籍藝苑閒有無未足多地美堪盤桓

師子林

真山難屢游疊石爭作偽雖然具假相自然乃可貴幼聞師子
林談者等吳膾朵頤三十年欣喜能一至委巷扃板門云有寓
公寄始入看谿研稍深盡其致架空虛腹腸曲折達胸胃如蟻
貫九珠如鬼探十地如蛇穴連墳如鼠穿列厠幸仰而上出仍
俯以側墜如逢車箱賊頭擊不得避如絕蜀道兵踵接不成次
離幽始愉快卽顯猶懊恚返觀纍纍區區餽飢實無謂纖巧露襃
績畧無渾成勢如讀危素文不免多詭氣未知妙云何萬物各
殊嗜韓嗤注蟲魚細小嫌瑣碎可憐磊落人失足蹈阱隧如摩
疥癩牛如把蒺藜刺倪君爾寧迂變詐逞機智師子苟如斯墮
落非佛器學山害人心慎勿勞一簣

滄浪亭

牆外一條水牆內數拳石何者爲滄浪愀然弔陳迹罷官買林
邱聊以適其適此亭豈不多都與空王宅中丞好事人標識到
疇昔退公借游覽文雅殊可惜面牆見遺像塵土胷冠幘替人
已如斯過眼真戲劇蜉蝣笑蝸廬但爲形所役

貝氏園

主人爲誰何瀟洒想胸次悠然遠塵俗美矣勞位置庭軒儒素
家花木山林致結構窈以深疎密皆有致涼臺帶煥館清曠含
幽意院落十餘區各自爲向背雜樹依喬林修篁掩嘉卉風廊
稱徙倚曲牖宜眠憩攜家許終老百事皆可棄淮南盛池館不
免繁華累吳人愛西山跋跂煩仰企何如此園佳負郭三里暨
心賞足平生蓬瀛非我思

五十初度漫成四首

昨非今是豈其然轉境虛云後勝前一事無成由宿命百年過
半守吾天文章報國誰能稱菽水承歡亦可憐了徹彭殤齊得
喪壯心竒節等雲烟
宮袍已舊影婆娑未許山翁返薜蘿百戲魚龍鐙數點六朝花
月酒無多半生春夢人如此老圃秋容菊奈何却喜男婚今歲
畢彩衣紅映母顏酡

孩提迴省最愴神忽忽今成老大身永夜書鐙慈母淚清時燕
喜北堂人兒孫但解尋歡笑賓客何曾見苦辛五十行年一杯
酒暗中垂涕感茲辰

七旬華髮五旬兒但覺家貧仰母慈賤日夫妻憐共命老來兄
弟重連枝情親繾綣觴同舉絃管周圍醉不辭笑看童孫五雛

鳳紅璣瑜上拜參差

悼三女孫

掌中珠失計真窮揭鉢難勝鬼母工舐犢牛俚童牯健落巢鴉
歎伏雌空一行棺掩苔茵碧三朵花埋繡襖紅敢向高堂頻慰
藉我身已作病梧桐

揚州二首

苦將絃管鬪繁華酒舫鐙筵未有涯算氣凝來開夜市南風吹
去長瓊花金剛穢跡分淫祀碧玉粧梳近小家十日兵戈暗回
首綠楊淒繞舊隄斜

金鏤衣成唱曉風翩翩蝴蝶戀殘紅頭低牛從雞尸外氣盡歌
兒舞女中馮婦下車誰解笑齊人上菊各稱雄年來數點隨身
淚洒向平山弔醉翁

李竹溪太守 棠 桃源圖

秦人未入桃花源
花開花落無人傳
一自秦人來住此
繞屋桃花都結子
桃源只在世界中
到者只有漁舟翁
淵明作記當亦寓言耳
遂謂秦人與花俱不死
我疑大索十日不得
張子房或者先到
花間藏儒生墮坑
伏生老定與桃花
同壽考此圖題者
豈不多半山歌後
難爲歌誰將太守
寫入柴門底漁弟
樵兄共歡喜試讀
淵明歸去來乃知
桃源卽栗里太守
讀書循吏儔江東
嶺南經飽游勸農
插花父老醉桑陰
柳陌時句留太平
之世無僻土滿地
桃花樂歌舞秦人
子孫久已入版籍
何處深山判今古
田家習苦亦可憐
但求好官求豐年
官好年豐花亦笑
茅屋處處皆神仙
共治惟良二千石
太守不宜頭戴笠
秦人晉人皆汝民
我欲太守勿卜陶
家隣長與人閒作
好春

題劉力夫萬里尋親遺照

爾翁入獄我橐餽
爾翁出塞我餼牽
臣罪當誅罰止此
七十豈復期生還
是時君家兄弟奉
母歸井里問舍求
田粗畢矣君弟赴
京翁已去馬蹏遂
向都門止君聞椎
心欲北征翁不爾
愛爾獨行平居見
惡於此驗天稟懷
安滅性非人情短
衣匹馬投燕薊哭
乞符繻付關吏龍
堆風力偃長城人
馬沙中縮如蝟七
盤山險縈天梯十
步一跌馬不嘶未
知瘦骨死何所孝
子哭叫天爲低母
南父北兒在此豈
復知有子與妻遙
憐兩弟擁爐坐未
識何地爲烏魯木
齊九死閭闔見翁
面父子驚看須髮
變屯營列堠聽悲
號一夜三軍淚如
霰翁云爾弟不來
爾乃來生子豈論
才不才將軍手酌
孝子酒眼中如君
不常有西夷來問
君姓名穹廬爭看
劉服耕尋親絕域
事本少新疆況入
龍荒庭翁促

兒歸兒哭別邊城半染嘯鵑血歸來拜母母目瞑孝子身隨心
膽裂憐君歿後翁賜環兩弟安吉仍承歡賦湖山下孝子墓魂
魄猶懼邊風寒尋親萬里存圖畫留與兒孫牆壁挂有司未請
表門閭或云罪人之子難特書君不見山陰劉遂安代父戍雲
南父辜子德不相掩明史記載幽光含吁嗟乎轉瞬斯圖成故
紙遺微可得傳閭史誰操南董筆如椽特誌鉛山劉孝子

光山樂府九章爲胡母甘淑人作

溫溫胡公春官侍郎賜杖懸車歸老于鄉三子兩婦相繼亡蘭
摧玉折公心傷

心傷奈何冢婦是依曰甘夫人寸艸春暉公有副室夢蘭一枝
男子之祥熊與羆

翁四載無兒兒乃育兮兒四齡無母母誰鞠兮嫂上事翁兮下

撫叔兮叔四齡而孤兮嫂哀哀而哭兮

朝出負土芻纍纍夕入翦鐙影離離叔不學嫂心悲周易函書
翁所遺舉以授叔從經師

叔學成矣叔可婚矣叔子生矣兄祀存矣叔旣官矣嫂心安矣
叔祿千石矣嫂頭白矣

光山人訴于官甘節婦守節三十年官上其事承

皇宣峩峩坊表光山邊節婦之心金石堅節婦之名日月懸
節婦死六載 覃恩大褒封叔秉臬於吳戚然憂見容陳詞請

馳贈血淚達 九重壬辰六月朝命從淑人淑人真禮宗

膽 誥章焚其黃墓木拱矣奠椒粢叔列五鼎嫂弗嘗叔也淒
惻心旁皇松柏蕭蕭碑碣香女貞樹接天蒼蒼

賢哉廉使一疏千古可以風天下昭茲來許傳寫萬本書萬部

稽首編之新樂府

除日得袁實堂

穀芳

詩和韻寄答二首

我從舍人觀君文窺豹之斑豈惟一廿年胎息養丹砂氣厚神
閒銖稱鎰嗟我入山猶未深廣陵散絕彈枯琴耳畔但聞食鐵
鳥眼中未見垂天禽可憐紛紛逢掖客俯首金仙求點石欲登
壇玷啓宗風已墮泥塗降標格銅山肯鑄詩老顏菹蠶難除寒
士籍局外袖手雙眉攢幾人解誦江都策明年歸去學樊須飽
食芋魁煎土酥願君匣此百鍊寶海內豈遂無歐胡

文章今古不相襲各抱元珠守真一君能巨刃闢荆榛說經共
禮徒單鎰江海浩浩分淺深就中自鼓成連琴宣州老兵骨如
鐵啄粒肯跨揚州禽虛說當時玉堂客自許心同難轉石久焚
腰帶舊銀魚屢碎珊瑚新筆格靈山欲買老僧龕苦海愁翻衆
生籍已約洪厓作里隣未煩詹尹端著策歲除攬鏡看看須爭
差最後掛屠酥夢君黃海縮脚睡調息不嚙存其胡

乙未

丙申

丁酉

上

投老

齒髮將衰返故鄉敢因貧病說行藏謀生計拙初營壘投老家
成又絕糧一硯田荒難換石半樓書舊尙含香平生牆角鐙檠
在聊爲兒孫築講堂

移栢二首

喬柯老作無名氏古栢新稱入社人溜雨皮乾香在骨參天力
大鐵爲身移栽得地垂青蓋瀟灑如龍長細鱗八扇紗櫺半庭

月偷閒來與話前因

減却南隣小院陰添來東牖綠沈沈避檐枝側收雲淺落蔭窗
虛宿雨深闌迴正宜資掩護樓高應不礙登臨杯浮細葉餐花
實我與松筠共此心

次韻答周希甫 有聲舍人

新詩語妙同迴波挂壁切恐騰龍梭光芒入手閃流電十萬大
劍驚橫磨舍人標格玉界尺珥筆定侍 金鑿坡秋來老圃氣
蕭瑟半塘淺碧收殘荷水窗偶作文字飲那有笑靨生紅渦吾
儕服官重始進惡沲祭必先于河自排勁羽刷霄漢豈若百鳥
求虞羅君家節義釀紳笏天馬下視乘風駝至哉才全德不露
眼中誰及哀駘蛇朝衫雖舊尙一著敢託老病終雞窠明年入
直聽臚唱侍從妙選須陰何看君艸制墨不凍未要省吏擎豪

呵

兒輩游西山移雙松來植院中戲成二十四韻

瞥眼三男子隨肩兩丈夫尊同蒲韞聘名與栢人俱已抱千尋
勢纔森九尺軀鬚鬢頭並亂屈曲臂相扶在野龍交蟄過庭鯉
共趨江雲藏葉在山翠拂枝無九地根初入三霄氣已蘇由來
多偃蹇只是太清癯謾謾方含籟鬣鬣故有須吟風聲尙細臥
月影全鋪鱗鬣休騰壁之而且向隅簾虛寧觸礙廊淺足枝梧
我是支離叟歸眠爽塏區秦封官拓落丁夢事模糊撫爾情真
得借予道不孤七針分利鈍五粒自芳腴化石身原壽凝脂用
亦殊栢苓供服餌蘿葛任榮枯離立郊依鳥聯裾亮友瑜斧斤
天所赦樓閣古爲徒便有巖阿想堪爲伯仲呼畢宏如可作煩

寫後彫圖

題童二樹游鄧尉寫梅花長卷

山人去游香雪海鄉思花前不能待故國寒梅滿意中一斗隄
麋劈空洒將梅縮入賦溪絹樹杪樹根皆不見中安半截都盧
橦斜檜一丈橫磨劔山人臂展古鐵條翹關扛鼎不動搖把筆
劃紙掣流電直埽橫埽鋒如刀圈葩點蕊撒珠顆頃刻花開千
萬朵僵枝但藉腕屈伸凍萼安容天放鎖山人畫梅海內傳見
梅如見山人顏雖然不得春風力自寫寒枝結古歡如何吮墨
傷遲算卷尾親題倦游句孤山老婦唱刀環不須去作梁園賦
時有中州之遊故云

為張惕菴

甄陶

前輩題東坡玉鼻驛券新刻拓本

史官作史史闕文大夫畜馬馬借人春秋晚季已難見東坡古
義今猶存贈馬還書券一紙遠慮拳拳故人子涪翁定值索高

價二十萬錢誰辦此方叔誕妄應數竒福命不及章惇兒萬事
秋風吹馬耳塞翁得失徒嗟咨玉鼻之驛出天廐豈屑低頭計
芻豆儋州黃州等伏櫪汗血無期傷老瘦人身馬齒無百年公
據勒石千秋傳杭州久入宋版籍錢家鐵券真可憐書此券時
子瞻守杭
州先生出宰山水縣萬里滇黔疲馬徧相看都是玉堂人文章
笑我書驢券相如老去賦猶能歸去三山蹇獨乘與人共做應
無憾晏子之裘凍不勝

賣牛圖歌為兩峯作

田乾無處用牛力田家不忍殺牛食完糧要錢不要牛賣人不
及牛身值人牛餓死爭蚤遲且換死別為生離牛別牛宮不復
返全家哭送牛何之相依日久同留戀雖受鞭笞牛不怨殺身
有補拌酬恩奈何只賣錢三貫皇天生牛任至勞餓鬼劫到不

可逃鬼神豈不惜牛命凶年棄去同秋豪菩薩心腸聖賢手畫
之咏之亦何有君不見安居骨肉每此離何況飢寒難共守

典牛歌

賣牛圖就延牛命富家忽下收牛令牛來便給典牛錢有錢來
贖牛便還長者之門萬牛託窮鳥投林水歸壑可憐殼殼得全
生牛僧耽耽不能奪天心轉處雨暘時農夫稱貸爭贖之離妻
歸室逐臣返再服犁耙游東菑一家典牛萬家笑積穀如山不
肯糶寧將贖飯飼雞豚未許飢鴻乞梁稻吁嗟乎爾曹自作多
牛翁豈識銅山轉眼空從來水牯能成佛何苦輪迴牛角中

夢游古寺作

潑墨峯齊展翠屏諸天鐘定晝冥冥求齋鴿散虛堂靜行雨龍
歸碧洞腥客到笑尋磚塙字僧閒偷誦石樓經憑欄忽動觀河

感門外春流不暫停

焚樓行

羅經甫名仁美歛人居江都繼娶龍游李前妻遺子六齡名阿
都十三齡女名宦姑繼妻皆撫之上以事老姑嗚呼李夫人生
女才一春牙牙索乳哺復有八月身順治改元歲在酉揚州孤
軍不能守四月圍城旦夕破羅家繼妻樓下坐命婢菊花積薪
繞高樓上堂拜姑還自賀喚夫來聽妾言我家婦女多城破難
盡全君力但可負母手攜子其餘未可纍纍牽姒劉氏女宦姑
妾梅與李顏如花兵來豈堪爲兵孥若輩云何我志定僉曰惟
夫人是聽明日城崩西北隅夫人一呼衆聲應夫猶豫脚趑趄
子阿都牽孀裾孀曰事急矣擲子投其夫喚婢菊花急舉火婢
身入樓足在樞噫噫出出半天赤經甫負母攜子出樓中蹴踏

如鼓聲想見嬋娟焦爛急經甫出門去遇卒刃斫之二指墮地
母脫離阿都驚逸誰得知此時性命在呼吸羅家狗來齧卒衣
繞卒人立噉卒面卒與狗鬪主人竄母坐下雷塘阿都侍母旁
狗覓經甫牽衣裳導之見母兒心傷明日還家撥餘燼十三人
骨相偎引樓前一足乃焚餘菊花左股看奚忍吁嗟乎西華門
上埋屍處却是南唐公主墓此時梅花嶺畔葬衣冠烈婦忠臣
相指顧君不見廣儲門內樊園左中有宋姬堂下火青天白日
閃靈旗火裏蓮開十三朵

李約庵扁舟出峽圖

江流飛翦萬山裂劈破西川門戶缺楚客哀懸兩岸猿巴船命
寄千堆雪蜀道之難古如此不許征人說生死豪氣能平濫瀨
堆壯心欲壓岷峨壘太白復見生渝州四十五年天際頭朝辭

錦里算彭澤別母省父行夷猶萬種傷心一條水孝子臨深嗟
轉徙馮夷不敢弄風濤長使平安到鄉里畫來險絕況屢經千
秋太平不用兵相如罷傳父老檄劔閣未要才人銘三年兩負
山雲翠今載銘旌悲上峽生入夔門父願虛歿同幽室孃心洽
他年出峽再之官叱馭迴鞭淚暗彈堅持定力當夷險未可徒
歌行路難

忠雅堂詩集卷二十二

...

...

忠雅堂詩集卷二十三

鉛山 蔣士銓 定甫

丁酉下

蕭公渡覆舟



顛風晝吼蕭公渡
篙折檣傾拏不住
砰然側偃臥波濤
性命中立誰得顧
主僕相持衝浪起
赤脚袒身據船底
打頭猛雨夾電飛
自未歷戍不暫止
電繞雷奔四望絕
水氣腥聞唬溺鬼
寒侵肌骨牙齒顫
須臾身等鴻毛死
我時兀坐淋漓間
兩奴股栗如驚癩
語奴耐之靜勿喧
河伯雖侮天公憐
遠燈明滅岸昏黑
雨急浪大船將遷
長年鴨泛往求救
小艇接引心惻然
因之蒲伏矮篷底
如劍入鞘難容旋
燂湯飲我暖胸膈
許割敗絮遮背肩
其人麤醜覺嫵媚
感激似遇乘槎仙
燭盡剗聲比酬唱
萬愁交

集誰能眠安神閨房念妻子魂夢不到傾舟前蛟龍攫去亦已
矣七尺枉待酬恩捐行裘蕩洗豈足惜詩卷淪沒難爲蠲平生
長物但有此劫毀似奪膏腴田怨尤俱泯久作達懶惰竟觸神
人愆凌晨登岸詣斥堠老兵啓戶能相延解衣推食拯危難厚
意實可心骨鑄故人孫宰適守郡湯韓齋廣文更有先生處危
堂司淡墨塗鴉具兩札健兒廿里馳書便斜陽欲落雨復至與
訓蓋僕御來喧闐三更霽色閃微月城堞隱隱橫輕烟郡侯列炬
遠相迓此身才到光明天廣文埽榻出雞黍兄嫂問慰真拳拳
驚魂稍定若夢寐執手一笑非偶然明朝作書報妻子藏園可
望吾生還

知廉馳赴撫州省視感而有作二首

手把耶書字衣霑母淚痕來同飛鳥疾事比戴星奔看面交悲

喜支牀安夢魂多情煩父執爲爾具壺殮

瑣細陳家事挑燈到夜闌修名當自立行路古稱難病日宜收
視喧場得靜觀雞鳴理歸權爲母說平安

界山

兩郡提封接榜空湧一關雲門開細竇鳥道劃羣山到頂邨醪
賤緣梯客步艱年豐徹防守不比控諸蠻

中田二首

萬壑千巖裏人家古義門安閒到雞犬禮讓及兒孫地失嗾飢
苦寒知挾纊恩天邊德星聚今在魯連邨

樂歲收遺種凶年有宿糗社名通德里家立廣仁莊廩繫三農
望邨排仲子倉豚躡祀田祖處處祝豐穰

西谷丙舍書壁示陳青梧煦秀才

新種庭楸集孝烏線衣憐汝帶經鉏晴窗正好攤書史喬木從
今入畫圖七月吹幽知稼穡三年守墓禁樵蘇一龕燈火千秋
業莫對青山感歲徂

往南豐

言登茂姑嶺却望軍峰山積石陂陀醜當門壁壘蠻布縷家能
織文章士最嫺銷兵煩長吏何術與防閑

與譚誨亭廉使小酌池上

二十年前月依然落酒杯聊因闢池館何必起樓臺志節今難
及功名說後來涼蟬飲清露流響一何哀

憶藏園

蓮衣才洗豔金粟定舒黃水榭簾都卷秋庭樹漸香憑闌人憶
遠命酒夜生涼笑引諸雛戲閒階拜月光

憶秋竹山房

老樹應思我新蛩正感秋書拋鄴侯架月負庾公樓覆砌花能
笑依叢筍自抽兒曹誦經後當與卜歸舟

建船謠四章

撫河寬建河狹一水彎環四山夾浮沙作底船船拖盱江乃是
無定河

雨來水勢箭脫弦雨過河身沙滯船爬沙作溝放船下上水船
來如病馬

建昌山東建河口溺鬼啾啾颺風陡廖坊青泥人鬼關連峰都
是覆舟山

惻惻復惻惻上水行不得蛟龍之窩君莫住南豐縣官失印處

藏園二十四詠

小鷗波艸堂

白鷗如病翁照影一池水我是忘機人四十知所止何必蓮花
莊梁鴻堪老矣

含穎樓

一埵若天柱向我闌干倚從善如登梯相對成汝爾萬世不用
兵所貴毛錐子

定龕

須彌藏芥中颯輪吹不動念彼金剛力骨比青山重既靜乃可
安無覺亦無夢

養宦

古井傍我宦大哉養之義共此食息中萬物含生意雞犬好安
閒階除相乳字

兩當軒

笑彼兩當衫似我一桁屋朝曦東牖來夕月西窗宿居之實能
容戲捫空洞腹

四出方丈

參禪本習氣且嗅金粟香花在月輪外斧斤焉得傷誰是如來
身香過禪亦忘興

邀魚步

不知我非魚但覺岸卽水相邀論潛躍一勺涵千里本無結網
心安辨魴與鯉

蕩船

弱水不可航虛舟自無礙是蕩還是船或有仙人載張融非吾
徒何論膺與泰

澤芝一曲

出水看新藻枉渚亦可過身如妙蓮花何必葉上坐下藏魚樂
國一笑萍衣破

釀春花榭

息以胎其生冬乃春之母和風吹麴蘖花氣濃于酒家祥醞草
木種林吾何有

茶烟輿

輿在西南隅茶竈安此中先生兩媚之腋下生清風笑問衛大
夫渴者將毋同

青珊瑚館

簞管列坐隅不讓崇與愷何物鐵如意能碎蒼龍鎧取以作釣
竿亦可游東海

玲瓏廡

面面生光明不等舉家廡坦腹而暴背隨意成賓主可憐方隅
眼轉側分門戶

匱月移

明月信人也夜夜入我檐此鏡出天賜拓宇爲之匱壁上老夫
影可似蘇子瞻

因屋

創難因則易一切如是觀上古多巢民何必申屠蟠禮射不主
皮聊示身體端

獨樹老夫家

韋家指花樹韓家傍梧桐老夫材不材願學杜陵翁子孫居安
宅無忘歌角弓

秋竹山房

有根乃有節風霜不能苦舊籜換新萌青鸞好毛羽蟪蛄說春
秋蕭疎自千古

晚晴牖

地輪有上下兩曜無朝暮人間重晚晴夕照明西塢轉瞬陽烏
升何新亦何故

芳潤齋

六藝偶一漱萬彙俱嫣然枯槁非文章浮豔是必捐香從靈液
生養以不竭泉

香雪齋

種雪一畝宮人云是梅樹冷日曬不消芳潔體原固調羹偶然
耳榮落守吾素

綠隱樓

高樓齊浮雲百尺易傾倒何如藏樹陰望遠亦可了中有經傳
香正待碧紗繞

習巢

弱羽飛不高翩翩時一舉勁翮搏長風勿忘同巢侶鳳凰好文
章鷓鴣吾何取

鑄所

聖賢出甄陶何況文字閒鑪鞠苟失時五金同一頑功候驗火
力孔冶方成顏

晚香書屋

治籬年命長其香未嘗晚可憐迎春花芳豔何其短即使老東
籬亦見秋光滿

寄懷袁丈易齋八首

先生學道人情性得天厚閱世七十年物新我仍舊太虛轉氣
機默默欣所受但存悲憫懷變滅皆可宥心和生理長不借服
食壽所以蒼松姿睂同紫芝秀

知足屏外營內視知不足平生經世心所學異干祿小用獲大
效觀物亦已熟喬林漸迴青芳艸忽盡綠豈不感遷流聊且澹
榮辱止水雖無波汲靜泉始復

佇立秋風前每憶林慮叟心同古人師敢曰君子友夢寐時復
見言行恐相負篋輿赴賊湖信宿事亦偶奄忽十三載熱淚墮
尊酒可憐出處懷脈脈契已久

山中築艸堂道味老益腴悠然寫心懷雲行水舒舒靈源澹空
明不見淵與魚所言孕名理妙義煩含咀蘇公和陶詩尚落迹

象餘至論歸自然不在通羣書

每對南山雲動我依依想況開尺素書目共征鴻往上言會晤
難下言衰病長平生故舊情規戒一何謹願翁享修齡手握伏
生杖國老乘安車去就臨雍養

隨化盡則已未化樂我生如何作達翁尙有歌哭情世無不死
藥賢哲皆長庚各自具修短不在骸與形政事文字閒翁壽逾
錢鏗嗟我簷簷言竊比候蟲鳴翁當憫蟬蛸老淚爲吾傾
貧居十五載寂寞心已安

天語及姓名感激淚頻墮志節難遽明知遇敢終荷仍趨文字
職竊恐深願左平生胞與懷施設期一可與翁疇昔言老矣鐙
前我

治譜存一編題曰圖民錄利導信有方與聚隨其欲馴養如孩

提無取官吏俗我持痾瘵念展向茅檐讀堂堂陳仲子殺青付
守牧同我官戒詩刻石摹萬幅但願專城人平心爲三復

恭和

御題史忠正

可法

遺像詩韻

生氣自

天題處見嶺梅新帶 墨花芳忠褒異代綸兼綉像出危時網
失綱王彥章猶傳一行小朝廷略比同光 神兵壓地長城壞
却笑孤臣尙守揚

曉起

露晴蜂蚤趁林曙鳥先知虛幌駸駸白朝陽故故遲井喧憐僕
健眠少覺吾衰起視烟橫樹田家已試炊

周烈母詩爲周

克開

觀察作

長沙有周氏儒素稱清門明經耦賢妻系出扶風昆十三新嫁
娘三日服練裙習苦盡婦職仁孝惠且勤如是四十年言行罔
不敦崇禎癸未歲流寇揚楚氛夫人告夫子避亂有後先老姑
九十餘牽率難共全君速將母去掩迹桃花源妾自守門闔庶
以簡鎮繁長子曰繼聖角巾何翩翩夙抱文武略團練張一軍
田橫五百士各各勇絕倫待變不及戰城上降旗翻袁氏固讎
家迎賊肆反脣嘍賊招周郎授官散其屯夫人呼兒來急脫堯
整奔勿爲賊所污上報養士恩兒戀母依依夫人決背瞋汝留
當作賊艸閒難苟存拔劍欲自剄兒竄聲淚吞袁乃導賊來攻
殲三百人殺氣蔽街衢覆巢一炬焚遂縛夫人去及媳吳項陳
可憐四姬姜桎梏刀鋸閒繼聖跳賊若哭跪阿母前母叱汝何
來死所吾已欣賊渠恣脅迫汝降全母身夫人顧三婦汝輩何

所云僉曰偕死耳交口罵益振賊怒駢斬之翼母兒臂伸斷腕
仆繼聖母血飛仙雲仲冬廿五日慘動河山昏烈聲滿六合后
土皇天聞母年五十八藁葬土門山繼聖叩幕府結客誅爾袁
手斫讎人頭列祭同雞豚流光母一笑再拜雲中君烈母生孝
子不仕焉用文貫肘截竹笛嵌筆書煩冤哀哉七哀詩錄紀名
潛然與古遺民作血跡連嗁痕堂堂觀察公是爲母元孫捧狀
示老史乞爲傳先芬臣職任紀載敢不書其真觀察名克開忠
孝見本原他日列侍從奏請回褒封綸庶補亂世缺補國史昭
貞魂

出峽圖

打鼓發船行波濤到眼驚奪門江力健搏雨峽雲爭客倚帆爲
命天圍樹作城巴人愁萬種誰解畫猿聲

轉戰圖

風雲懸壁壘心膽作金湯賊氣連沙白屯烽閃日黃師貞憑長
子兵勇縛名王一騎流星疾馳書報未央

過瑞洪二首

記得韓康賣藥街袁公門巷掩荆柴瓦鐙照字教兒讀敗絮圍
身臥母懷船泊檐牙糠作飯魚生牀角竈沈蛙六年往事堪迴
憶只有殘碑宿艸埋

三齡栖託八齡歸墓祭深慚報禮微奉母何曾陳鼎俎銜哀今
已脫麻衣九原酬德心無盡雙 敕馳封願敢違空賸兒時兩
行淚重來兼慟失慈幃

知廉作舟中咏物詩戲和十首

江氣暮蒼涼淒清入耳當寒汀疑落雁冷月欲成霜韻帶漁歌

遠聲隨旅思長防他龍出聽老子據胡牀 橫竹

用與香槽別居同月鼓隣因文疆界定截句短長均偶並音聲

木肩齊伯仲身周郎莫迴顧仙手拍來真 檀板

靠處同腰笏憑來等臂支周旋得圓理圭角與方宜暫許勞筋

息寧煩警枕欹先生號南郭索米更何為 隱囊

笑我彈冠懶煩他結鞵該寧容許行織不自孟嘗來褻異升階

納輕宜舉趾迴浮雲方脫屣橐橐漫勞猜 吸鞋

經緯分躔舍縱橫畫井疆機心歸勝算變態出周防尺寸真蝸

角中邊古戰場老夫游局外成敗久相忘 茗杯

短几支琴枕安絃靜欲流平鋪七條水橫拂一江秋請席高年

適停尊小宴留真宜隨杖履何藉槁梧林 琴几

人稱五經笥家有一青箱久與孤檠伴聊分二酉藏蟬魚難聚

處螢火每充囊啓鑰芸編見霏霏綠字香 書籠

取象火連風虛心解熱中江清宜酒渴聲沸識湯融蟹眼樵青

候旗槍陸羽烘杯鐺久捐棄時一訪王濛 茶鼎

白氎裁三尺青篷掩一層垂垂遮午夢帖帖蔽船燈入幕檣烏

隔褰帷海燕能五更寒透骨添挂鶴文綾 風幔

淚滴金盃滿珠留裊口殘收來餘可拾著處面能乾但許愁時

擊難為病後看傳聞多感激聊貯涕洟瀾 唾壺

貴溪懷古

不審朝廷勢徒誇血氣剛名因殺身重命豈報恩亡驕蹇難為
用孤危實自戕中書兩賢坐朕老白雲鄉

消遣

食案夫妻共書燈父子同商量古人事消遣石尤風用世心猶

熱謀身慮久空憐他小兄弟都解弔英雄

卷尖石二首

瞥眼雙姑外中流此石存誰知信州水亦有落星墩枉渚沙堤
抱連峰陣馬屯圖經許重訂應喚小崑崙
石印分明似難將肘後懸誰藏髑髏骨共指寺門阡云有蠻夷
長來燒子母錢無稽姑妄聽留戀釣人邊

童山

童山排壁壘卵石散兒孫竅眼攢蜂穴腰圍泐水痕波迴激鐘
響龍起掣雲根願借神人力鞭驅塞海門

九石

靈山居郡帥九石列牙兵水借龍門鎖關宜猛獸橫迴溪邱壑
美入縣畫圖清齒莽煩詩老該嘲出語輕

查他山朱竹垞有過
鉛山嘲九石詩皆門

外漢
語也

河口

舟車馳百貨茶楮走羣商擾擾三更夢嘻嘻一市狂移官資坐
鎮轉粟奉神倉賢相何人繼空尋綠野堂

灘

陰火潛然處驚波乃沸騰譁同六軍變湧似亂雲蒸憂患經重
坎安危仗一繩三朝頭欲白何必上黃陵

懷熊汝條

枚

比部二首

磊落推吾友文章用世才誰稱萬人敵君是百花魁凋喪悲前
哲崢嶸託後來鉛州好山水終見出羣材

近宿皋陶廟挑鐙注吕刑從來丹鳳羽多聚白雲廳獄滿園扉
艸天空貫索星唐虞無異治三宥重生靈

寄胡蘭麓

師楷

秀才二首

慷慨持清議欣聞水利行當關一夫敵
瀝血萬言爭古圳涓涓瀉誠心耿耿明
誰知六千畝膏沃仗書生
溝洫通無阻田疇慶有秋先拋餽粥產
豈爲稻梁謀畏壘人應感桐鄉俗未偷
忍令顏巷餒各各享甌窶

安洲埕

一埕立風烟雲梯面面懸文昌輝映久
龍象護持堅萬手金剛力千人布地緣
憑誰題姓字名冠大羅天

蕉溪壩

一綫蕉溪水居然入舊濠迴波銀漢轉
新壩鐵牛高天塹源真遠狂瀾挽最勞
不辭心力竭猶爲染霜豪

采野菊

野菊香盈把離離插短篷秋橫鐙影下
黃到酒杯中壓枕宜衰鬢充糧比鞠窮
翻疑滿船外高臥百花叢

攜眷屬再宿安泉園感憶素邨前輩三首

柳方高出屋樹漸老于人總帳塵猶積
柴門月自新分田兒析爨馨膳母如賓
牆角橫雞岫山眉故故顰

泉湖汲未盡山骨鍛來銷地瘠人難住
風微氣益驕書聲聽寂寞農事看蕭條
奮發期公子青雲路豈遙鐙前兩命婦
姻婭一家人再會驚霜鬢新愁疊酒鱗
歸寧憐弱女傷逝感前塵燭盡披衣起
虛檐苦自巡

拜別先塋四首

柯嶺接崇岡靈栖選佛場鉏經留舊澤
種樹發新香祖德艱難積孫枝宛轉芳
焚黃十六載奄忽鬢毛蒼

梅山塘

未荷含飴愛頻興掃墓歎 恩叨馳贈敕臣愧進賢冠敢謂功
名薄從知報稱難襤褸煩默佑只恐負鵝鸞 裏高塢

三十年碑碣封題疊蘚苔重申柳下禁難釋隴頭哀拔萃攜兒
去招魂奉母來之官守遺訓不敢玷泉臺 瓜藤山

酒澆新馬鬣淚滴舊朝衣祿養知無補廬居願已違致身存志
節習苦賤輕肥敢望陳牲鼎兒衰庶蚤歸 天井塘

積翠巖

手寫名山額真同小普陀竒穿仙洞迴險貫石林多芋火僧俱
寂詩牆墨未磨重參觀自在百歲幾經過

石井庵

幽厓開虎口陰洞豁龍宮雷雨藏難覓風雲感自通潛收羣水
定卧抱一珠融倘許司餅鬣矜持點滴中

懷約堂員外二首

小住楚薌館緬懷栖靈山聞歌銷壯志得酒駐朱顏明月兩人
共白雲終日閒何時翦銀燭重與說情關

商量經世業指數出羣才鐙暗聞三歎更長把一杯事親遺組
綬求友重桃哀怕聽停雲曲因君首數迴

延佇

五十三年過還鄉十一番因辭桑梓樹愁對鵲鴿原兄老兒難
恃家貧局易翻含情分手處廷佇復何言

留夢

馬鬣千秋匆賊湖一朵山無田終似客投老會當還所學遺温
飽斯民切痾瘵寒江買舟去留夢落鄉關

薄酒

薄酒不成醉朔風吹壯心掩書籌古事歌枕發長吟冰雪橫空
下雲山向我深前峰插天翠多感怯登臨

自題藏園圖三首

換却春衣試晚涼破雲看月點新光蛙聲漸起暮雅睡風弄一
池荷葉香

斜陽下盡暮蟬嘶抱水朱闌一字低十八扇窗全挂起畫簾垂
向滿塘西

涼雲穿樹天將暝暮靄迴風氣漸清荷葉全鋪蕉半展雨聲輕
重最分明

月夕偶作呈鍾介伯孝廉

宜園鐙火紙窗明三十年前共此情牙齒漸同秦博士兒曹皆
作魯諸生扁門自覺幽栖穩種樹何時美蔭成澹月疎簾少眠

睡暗循花徑聽書聲

題兩峯畫屏十六首

君子戒苟得六事廉爲本卓哉楊關西守身獨能謹吁嗟好貨
人終焉亦堪憫

楊公却金

友道日以喪結交須黃金千里齋鏡具傷哉知己心低回孺子

祠湖水依然深

徐君磨鏡

待用而習勞窮士甘自棄一出立功名擔荷平生志抱甕灌園
蔬辛苦亦無謂

陶公運甕

李善爲人奴兩乳且流漣堂堂元紫芝此義邱山重伯道足千

古誰接程嬰踵

紫芝乳姪

天高聽自卑不待瑣瑣告凜矣焚香心藉以存檢校媿彼欺罔
徒覲顏作大誥

清獻焚香

忘食不求飽况有齋與粥相業藏此中穴金無可欲祿米拜萬
鍾同餐義莊粟

文正畫粥

我面樸子大君子不可賄賢臣進金鑑豈但燭千里季輔受上
知拜賜斯可矣

呂公辭鏡

創痕猶在足受杖不能再畢竟進天書傷哉母何在願采金護

花同公樹堂背

萊公撫痛

齊女戒雞鳴化被來永巷中興繼二南哲婦稱官相夜飲醉傾
城邦家倏焉喪

宣后脫簪

唯逸則思淫歎家主猶績閨人逐燕游機杼空倚壁何取刺繡

紋不如勤紡織

敬姜手續

秦妻不下機羊妻乃絕緯可憐婦人心願夫求富貴不若老萊

妻投畚皇然退

萊妻投畚

牽鹿挽柴車提甕備朝汲苟能事君子奚取封郡邑鄙哉求去

人日對樵夫泣

桓君提甕

三日洗盛妝推髻入春廡夫賢敢不敬是乃梁鴻伍塵尾驅犢

車相公徒自苦

孟光舉案

茅容烹伏雌老母竟獨饗似慚截髮人含笑眠牛壤披圖念亡

親客至吾安仰

陶母截髮

願婦兒孫賢崔門自茲大躋螭餉盲姑變矣家人卦可知含飴

心調飢亦無奈

唐氏乳姑

壞垣出錢舟天憫清門窶無勞而有獲掩以貧家土豈但披裘

翁不爲遺金取

李母掩錢

題雜家書畫冊子七首

近來畫梅童二樹十指終年宋墨痕畢竟成陰生子後美人高

士共銷魂

畫到梅花亦可憐無聊自古雪中天請看藝苑吳陳輩凍骨撐
持未死前

未識頑仙鄭板橋非人非佛亦非妖晚摹瘞鶴兼山谷別闕臨
池路一條

翰林前輩數袁公豔福清裁一世雄鄭李牽連成合傳韓非老
子究難同

欽寄歷落李晴江努目撐眉氣力强畫比詩書覺儒雅不成菩
薩是金剛

賞鑒人家傳舍更宣和遺軸滿柴荆仇池異石韓公馬忘記東
坡與晉卿

李氏梅歸范氏藏廣平曾說占平章相公自具調羹手却累林

逋送古香

病後

病後身如寄秋來夜漸長閒階轉涼月疎雨滴寒光燈暗釵蟲
細鑪溫棗火香殘魂怯新夢將暝益旁皇

陳五

守譽

舍人來訪留宿嵐屏精舍

我呼裴叔則人愛崔宗之風義稱龍尾文章奪鳳池立身惟自
主用世各因時話到無言處交情脈脈知

題畫爲介伯作

雄雞一聲天下白老圃秋容有佳色君能臚唱五雲中晚節應
師韓魏公前人畫此豈爲偶百歲留傳屬君有老夫亦是霜中
菊君本陽鳥異鷗守相依如在畫中間雞自飛鳴菊可憐看君
毛羽成威鳳我去餐英學散仙

重過蕭公渡二首

認取前番墮劍津詩瓢難覓最傷神浮屠下有沈舟浦我是觀
河面縵人

黃帖歐碑事有諸今年除夕祭應除中流淚墮埋詩芻不等洪
喬篋內書

忠雅堂詩集卷二十三

鉛山 蔣士銓 定甫

忠雅堂詩集卷二十四

戊戌

出門

一院雜花發主人方出門園林過夜雨艸木被新恩念母增心
痛牽孫拭淚痕登車礪臣節不敢說銷魂

開先漱玉亭

羣龍愛山居得閒卽奔舞岩巒偶失扁驚練奪門戶我來水精
域坐與雷霆伍寒蛟不能昏絕壁字可數飛湍擣虛潭晴雪劈
空吐既落丸走坂初飄箭辭弩壓面雙劒峯割裂萬雲縷其源
遠莫測兩瀑若垂乳委蛇併一洩厚地失其土如聚金剛力共
擊甘蔗鼓山眉洗益壽石骨浸莫腐分支入江河接溜溉農圃

小別卅二年照我須眉古欲借諸峯泉散爲天下雨

三峽橋

五丁劈蠶叢餘勇不可遏揮斧匡君廬地輪乃一豁函谷失其
守鴻溝竟遭割愚肩已破碎媧煉難補幹谿空匿奔雷壁陡排
峭闔獸獐牙爪利陣窈刀劔拔神幢倚金剛佛座湧菩薩姦或
來窮奇鬼或聚羅刹黃河失故道天漢落深轄穿貫谿舄中猛
力恣騰跋遮闌或稍留控扼愈跳脫擊空成絕叫觸險爭倒喝
濡尾囚冰狐灌頂死旱魃束之遂并逃障之乃四達水威挫益
雄石性煮逾辣誰能移柱砥孰敢用鞭撻老僧留客坐淪茗解
枯渴墜淵神自全出峽倖猶活目眩左耳聾入蜀意已奪

栖賢玉淵潭

山泉九十九會趨三峽礮上流豁龍宮其尸飄雪練潭中眠老

龍以水爲養參腹滿不可貯倒噴激飛箭佛鉢未肯收促迫風
雨戰白烟凝蛟涎濕氣走雲棧石剛水則柔相敵翻屢變我來
再垂瓶可漱亦可嚙石陂古人字剝落嗟隱現李渤去已久但
有空王殿誰爲羅漢身指月淵中見

順風過大小孤山

蛟龍栖廬山觸處噴烟水虎豹居番湖隨地露角齒叢叢兩岸
排磊磊中流峙拍肩競雄豪擁髻相賢美突兀有本性嶽寄各
成體孤立亦自得依附或堪鄙水柔似可狎石介終不徙驚濤
若爲雲遠樹但如薺江湖逞威力巒岫驗根柢帆張篙櫂靜浪
細僮奴喜我持平等心風利焉足恃遙祝馬當神無偏乃公耳

東流阻雪戲作

衾鐵生稜布帷薄臥聽江聲打油幕爭訝風隨縛虎號那知雪

共驚鴻落梨花才逐春分開柳絮翻從社前脫沙崩次第移櫂
頭水漲參差縮洲脚荒汀酒貴買茅柴鄰舫篷遮弄絃索吹笛
誰披紫綺裘拍板人歌白翎鵲似聽羌兒唱紇干失笑蘇卿守
沙漠遙憐婦子祝平安豈識江湖歎飄泊藏園芳信撲簾櫳碧
沼柔波沁樓閣玉茗香攢膩粉苞海棠紅破燕支萼雛孫定向
柳邊嬉病妻或對花前酌可憐旬日未千里敢道六州成一錯
船同北里鬧箏琶岸指東流失城郭明朝瓊樹挂銅鉦應許檣
烏辭凍雀

改泊蓮花洲

滕六強制吳二威鶴羽忽變蟻珠飛急飄緩酒意未足雜以雨
霰寒烟霏東船西舫議改泊濕帆折搶橫風微餓夫得食老女
嫁戰壘解駁疲軍歸小伸未許五日復薄稔且救三年飢須臾
打檝棋改局排比繫纜絃移徽長年殺雞禱河伯舵女翦紙祠
江妃東流怪犀閨年出春漲每駕銀山魏前番一洗萬檣滅慘
如赤壁燒旌旗去危就安計亦得豈曰昔是今則非迴眸舊岸
已廿里新豐保聚重相依

池州道中

家人都向畫中移門外春江遶綠陂不但蓮花開九朵遠山橫
處盡蛾眉

感歎

留人畫舫三分月送客春帆五兩風烏鵲南飛多感歎大江東
去幾英雄

荻港守風登鳳凰山四首

一角幽居巖半嶺瑞石洞愚公負之來江力不能動平生登陟

興所值防少縱石尤知我深擇地巧相弄攜兒試躋攀不省腰
脚重一笑離扁舟醯雞出深巒

茲山名鳳凰南向展雙翮右臂林慮排左臂巉巖積牛羊雜師
虎游牧相偃息向背矜盤拏起伏爭辟易以石作毛羽片片皆
斧劈離綻梳長翎斗藪交短翼只疑鐵圍城不許樹穿隙竇納
趾二分罅藏客五尺竟作乘鸞人失笑手加額

躡脊跨西嶺喬林立相倚老楓欲化人萬木各生死楓根百鍊
剛山骨避觸抵檜突土莫容拔地各騰起或伸石鼎脚或掉烏
韃尾橫如竹行鞭曲比蛇赴水枯藤纏佛身薜荔縛山鬼筋脈
本倔強氣力自終始何必餐桐花山頭有楓子

返睇叢篁深戛然度清磬翠掩如松庵僧老方入定江濤白掀
天不入諸佛聽牆東種菜翁喚之弗我應掉頭板子磯落手如

墮甌遙想黃左軍蠻觸爭負勝曳履辭香龕不丁下樵徑蕭聲
出江樓疑有仙人凭

棖觸

蕭牆篔簹每操戈富貴人家等逝波不及池陽風俗厚五松南

北義門多

宋青陽方綱七百口八世同居銅陵余起千三百口
鍾鏜十一世阮鍾儁十一世皆同居而汪與成百八

十口同死建炎之
難海內希有也

燕子磯風雨橫暴竟夕因念知廉往矧礪旅困

僧樓墜空鐵鎖絕雲根墮水危磯裂初疑鬼母弄兵戈漸駭神
鳩徙巢穴黃昏畧晷石燕翔夜半俄驚天柱折舟如鳧鴨亂灘
層人似糝糠聚箕舌木號波撼衆耳聾地黑天昏羣象滅南熏
解慍職長養朔吹張威司掃撤清明已過百卉昌何取臙輪不
停轍一日通行三日坐顛頓鮎魚羈跛鼈吾兒策蹇更狼狽茅

忠雅堂詩集卷二十四
四
店燈寒展衾鐵風中病眼豕負塗驢背詩肩蟻緣坵祝翁安吉
此時情人阨天窮兩無別五風十雨有常占笑我平生走趨拙
建隆寺視三孫女墓二首

多謝山僧掃葉勤阿翁來上女孫墳埋香尸解花三朵倚竹魂
消月二分在日將留遮額髮生時應著半身裙賣飭天氣含飴
酒和淚爲伊洒夕曛

不信能探隔世環遺邱深護碧琅玕碑應添土防泥掩骨慮行
鞭被筍攢諸佛定憐新鬼小一坏能保百年難憑誰補志圖經
內記取青溪小妹棺

梅花嶺謁史忠正祠墓

十六年心事重來一拜中天令存畫像

聖爲表孤忠遺墨牆碑勒宸題寶碣礪梅花含笑處不與舊

時同

題朱子穎都轉在蜀中所畫大獅子

佛云獅子勇無敵金剛搏之用全力多君氣力大于身書畫禪
中善知識昔年曾磨墨一缸酒酣怒寫百獸王方頤蹙額毛毳
裳山鼻斂齒雷電睚孩撫熊羆肉犀象鐵柱作脚無人扛林深
月黑倘一動萬鬼不敢窺虛堂巴江逆流雪山倒奴視前賢顧
光寶騶虞老弟白澤兄肯向空門作牙爪吁嗟乎世網綴士隨
羈牽鸞鳳且受神人鞭能爲虎豹何須畏不作麒麟亦可憐

題謝兩峯畫幃額

兩峯爲夫白蓮爲妻男能紹詩書女有芳淑儀一家仙人古眷
屬墨池畫醜相扶持同居香葉堂老樹盤曲如龍翔仙人眷屬
不肯騎之去雲霞結牖風月窗書淫畫癖出天性乃築畫庫營

書倉花開把酒共斟酌閒身不願諸侯王我眠紙幃中手裁六
尺鶴紋綾來過古揚州船中預磨墨兩升見面便乞兩峯畫兩
峯攜去不我磨明日花光滿衾枕曉夢驚覺披衣興玩之叢叢
妙香出云是一家仙人墨戲揮以肱兩峯寫梅花白蓮畫牡丹
梅花橫臥牡丹立恍若天女下俚高士寒女爲黃菊子幽蘭意
態澹澹秀可餐老夫忽墮衆香國却憶山妻獨倚鷗波闌闌邊
鼠姑已將放梅葉滿樹遮山蘭籬根菊枝亦漸發主婦灌溉全
家看爭似兩峯眷屬相團樂寫花贈我非無端怕我枯寂生愁
歎可惜庭中老樹不可借老夫騎去元都壇勝在花間偃仰游
邯鄲

梅花詩和李薊林

奉翰

觀察韻

山眉水曲見孤根何必羅浮指舊邨春透已迴枯槁色花成猶

帶雪霜痕斜枝自挺寒時骨疎影休疑月下魂惆悵論交松竹
後怕隨桃李列公門

守閘

舟蛟截飛流箱峽忽中斷牆榜聳雙闕岸坼縣一棧疊木垂簾
波橫闕插魚貫版築如打夯繩引若牽襁屏籬旣遮闌壁壘難
奪扞門高鎖鑰嚴津要官卒悍云持調水符恪守宣防箭筈縮
比收轡帆落同却扇排檣插門戟擺檝集汀雁歎關凜逾垣畫
畛閑越畔遙聞篙艣喧不異鷓鴣亂登厓俯窺尋隔戶同感歎
程期待三朝出入爭一閘窮鱗因止水去蜨阻風幔空拏下水
船不放流星彈我聞笑啞啞歸坐語灌灌洪河辭溯洄枉渚樂
迂慢轉運闢此途就陸由汝便却將懶惰心翻作淹留怨語塞
誰解嘲口噤休設難無聊聽荒雞不寐成鷓且譬遭石尤虐敢

與波臣戰解駁苟可期策馬我寧殿任運作行止通塞理各半
無礙亦大難請君游汗漫

放開

當關十夫號積蔽一朝屏譁若館壞垣喊若郊釋警聰若耳微
甞明若目去膏如背剔芒刺如喉脫魚鯁如瓊上去針如領下
裂瘦如鳥離敗巢如蛙跳古井如鹿辭隍蕉如儵別丹鼎登隨
頰叔爭縋比鄧艾逞兩崖吸千篙百手牽一縷上者懼中懈下
者惕前猛雖然策彼衰亦復御其騁往來或相防出入各自幸
推篷罷驚呼酌酒同醕酌前開倘未封所願不敢請斯須且快
意慎勿思轉境

偃蹇

曲防如遏羅東漲比持殼上流已過顛下流莫掩脰來船蠶鑽
紙去舫錢積鋸遞下淇園竹疊禁尾閘漏一夫守泥丸三舍隔
圭竇平生放曠懷進退失去就胸納溟渤寬色沮溝澗陋濡尾
增狐疑俟河感人壽喧喧耳忽聾戚戚面都皺傷哉鳥入笈憊
矣鹿羈囿輪方不可轉渡狹豈容透馮唐故躡躑顏駟苦迤逗
坂厯九折艱川經三峽溜哀泉方出山愁雲欲歸岫一坎接重
坎五堠連十堠消磨偃蹇身僕病待誰救

聞戴蓮士

衢亨

舍人

廷對第一喜而有作

文章能稱美科名氣節應侔古俊英立脚當爲前輩繼得人豈
但一家榮詞垣接武恩尤重國士酬知任敢輕檢點名臣言
行錄百年期望在鄉評

安山開看月憶知廉

豈是相偕計吏車黃塵烏帽最憐渠門多朱履難爲客士到長

安不易居漫托館餐煩父執當攜書劔賃僧廬家人此夕依南
斗未識推篷似倚閭

楊奮武談臨清殺賊事有贈三首

手提二十七頭顱丞相曾誇好丈夫三尺昆吾萬人敵將軍終
佩玉麟符

短刀巷戰逐游魂襟上臨清舊血痕三十男兒能殺賊越公華
胄尚書孫

通城一炬武功成譚虎猶令四座驚可有袁宏記遺事運租船
外月分明

舟中示知讓

不願見之形不入耳之聲前後左右閒如張鐵圍城無物塞我
聰無物蔽我明坐困桎梏中不能馳心兵遶身百卷書呼兒共

營營鬼怪亂我前我目別有瞠雞犬吠我旁我耳別有聽曉曉
糞土言擾擾木偶傖蟻蝶自去來蜉蝣各死生我身墮惡境我
意游廣庭聖可羣鳥獸賢可侶祖程我非聖與賢竊懼疫癘嬰
譬諸謹疾人怕觸風雨腥又如養生者夙夜防三彭經史充大
藥其功比參苓洗滌曠朗習不使鄙吝萌俗聞自屏絕俗見自
關扁衣冠古人出揖讓古人與彼哉等奴隸焉得稱友朋

再示知讓三首

莫貧于無學莫孤于無友莫苦于無識莫賤于無守無學如病
瘵枯竭豈能久無友如墮井陷溺孰援手無識如盲人舉趾輒
有咎無守如市倡輿阜皆可誘學以腴其身友以益其壽識以
坦其心守以慎其耦時命不可知四者我宜有悠悠享富貴舉
念無弗苟危者黏壁枯安者科上朽形骸如達人肝肺同下走

小子謹識之勿爲世俗狃

經綸大人學不在章句間經術有通變墨守良未然奈何淺陋
子局促抱陳編迂謬譚唐虞敷衍無用言其或炫文彩著作矜
雕鐫付之蒼與黎授之事與權曹曹公府中四面羅雲烟一二
申韓徒三五刀筆姦倚如左右手稷契如是焉乃知學非學不
學尤可憐嗟哉小人儒迥異用世賢負乘而致寇福大身能全
我亦蓬茅人何以服冠帶我亦貧賤身何以擁旌蓋我賢可治
愚我明可開昧賜我爵與祿使我異流輩不耕而有食不織而
有衣旣與撫字權又與撻伐威上念朝廷恩下察欲惡微我暖
民不寒我飽民不飢求免尸素愆庶聞愷悌詩我愚乃無殊我
昧亦從衆冠帶飾形模旌蓋美儀從吁嗟優孟軀何以保尊重
爾曹讀書時當念爲時用

魯連臺

從容飛一箭談笑解重圍下士懷金印先生自布衣眼空蠻觸
戰心薄虎狼威太息之罟射沙邱竟不歸

入衛河

聞了清水盡渾流莽漉浚其源出輝縣迸落蘇門山東北會漳
淇同貫臨漳閒乃分燕尾勢北出東流便挹洛注臨清合汶滄
沽連八百里入海溷挾泥沙奔別支走滹沱亦如弟與昆南宋
大河徙此水獨恬安轉漕永賴之減水壩雙門我行諸閘中坐
守動經旬止水故納污飲之藏府翻腹疾兼脹泄每食辭盤餐
陷阱幸乍脫濁流飲大難七竅當復塞混沌鑿孔艱投膠使滹
泓厥性重以頑可憐北游人乃欲易胃肝將欲買征軺更懼暑
暍患不如泊田家一飯老瓦盆再拜借軍持古井無波瀾

悵惘二首

老樹思吾曲檻中家人懷我小池東
初生孫與新荷葉不識天涯有阿翁

自古遭逢不易酬身微敢乞

主恩優當官擔子如山重未上肩時已白頭

雨過

雨過帆腰重灘迴槳力柔雲衣隨去鳥
風慢落閒鷗酒趁輕航買魚看細網
收江南楊柳岸翻欲小淹留

登車

雷霆擁雙輪塵土埋七竅脫身風波中
曳尾泥沙道筋骸近衰頹意氣殊壯少
眼昏三里霧心怖一廛譟譬彼轅下駒
老怯市門淖路逢駟馬車或有八騶導
當時戴笠友相顧成一笑

見知廉

席帽原寒士京闈異省門文須防勒帛
書莫誤金根述事陳家信思孃掩淚痕
移燈呼小弟絮語各寒溫

往海淀車中疾作

積損乃成衰此身為苦器壞餅本難持
四大豈能治日地水火風增損各殊異
藉茲車輪轉動搖不可制海水以升量
血髓誰布施鞭撻分重輕五百悟前世
安得金剛手洗病出思議

宿李寶幢學士直廬竟夕顛頓承延達侍郎

椿

診視并

感擇石先生彭衣春侍講朱石君前輩垂問

頭風旋颺輪心火炙丹轂可憐翩翩身
不異受風竹迴環瞻病人供養稱具足
就中月明王或為盲者哭三藥酥蜜油
持水手且縮故人懸寶珠莫照黑暗獄
我欲執幡脚生命同晝燭

永樂庵視四兒斗郎墓

瓦塋吾何忍桐棺汝久殤一坏依淨土廿載瘞空桑入夢兄彈

淚知廉前一夕題碑我斷腸揚州建隆寺悽慘共斜陽

得舉第三孫阿情信

阿厚十齡能誦經阿安八歲學趨庭闈邊三載種梧竹花底一

朝添鵲鴿繡襪深煩祖母製嗁聲都藉故人聽老夫擁被看家

問欲喚奚童倒玉餅

送喜燈明粟蕊垂貫珠書展字纍纍神光交映成雙璧雲氣新

籠第四芝甘味遞分難屬饜烟樓同撞亦堪危朋來若仿蘇家

例排卦應名是復兒

東坡賀子由生第四孫詩云朋來四男兒大壯泰臨復

病後遣知廉知讓南歸二首

兄赴科名弟壯游分裝先後到神州有司放汝還家好不仕寬

予早達愁久別當尋將母樂新涼便買讀書舟從知病骨迎秋

健已是能餐粥兩甌

秋容漸換柳將髡斷岸依稀認水痕分壘文詞宜白戰對牀風

雨耐黃昏計程心放郵籤熟撥權詩成舊韻存不許驚波喧藥

鼎夢中隨汝到家門

翁覃溪前輩得宋槧施元之顧景繁合注蘇詩舊本即

宋綿津得于常熟毛氏者內原缺十二卷裝潢人羅煥

凡破碎方幅皆襯背完好同人作詩題之

放翁博雅人不敢注蘇杜孰為毛鄭箋乃有施與顧坡集弛厲

禁大顯及南渡詩缺十二卷嘉泰鏤可據毛氏有宋本綿津昔

收護刪顧而存施改竄多謬誤重鐫行已久誰復知故步雖載

居易錄查本聊益附堂堂覃溪翁望古發遐慕寢饋書城中雉
堞金石固摩挲殘缺編一一手題署可憐明月眼不許羃烟霧
灰絲塵漬閒探指攫瓊璐忽得商邱遺卷帙尚如故幽香出籤
罈古澤浮紙素如展百衲帖竊比三館蝨或爲蟬翼鋪或簇蟲
眼蛀褻手記羅煥書格欽漢孺藏之寶蘇室若士獲奇遇函壘
篆籀書卷識雲雷句匡廬有真面俗士爭撰著雨脚譌兩脚宋
槩亦可懼龍山在濟南施注且未悟深知考訂難敢妄任賤疏
咄哉邵青門厥罪未容恕補王叔明畫修楊惠之塑施宿訂石
鼓久擅家兒譽倉卒坐周內梨棗亦逢怒不但吳虎臣驀遭顯
文妒向聞滄浪集亦出元之注鏤板三衢間漶滅落何處我來
蘇米齋疑懼山陰路目眩湯盤銘神奪禹鼎鑄伯修屋三楹楮
盃富家具蘭臺前後集夾漈志名數宋鏤倘更存請君搜四庫

瑞金楊節婦詩同羅臺山

有高

孝廉作

太歲在庚午乾隆十五年我見楊先生

于位

豫章講席閒南昌

縣志絕舊本制府馳檄飭縣官我時偕先生共把書局筆先生
白鬣霜絲坡往往酒酣聞太息云有新寡婦旣烈且孝年二十
奈何奈何雙涕由我爲請詳翁乃默閱二十九載我復官京師
扣門云有病客來 叶 病中迎客噫吁嘻臺山我友前致詞袖出
節婦傳乞君病裏詩展視一再重嗟咨楊先生痛其若斯賴氏
女聖侏子楊家四郎名其琚旣娶而疋病不起事親立後託賢
妻不許從夫等閒死夫死不復生婦死數數矣難捨姑哭聲甦
而曰吁夫化幾日歟或曰一旬頗有餘吾憐汝姑哭兒哭媳盲
且懼婦瞿然起拜女賓敢不苟活未亡人立孤元潼甘食貧粥
奩具膳羞兩親洗面以淚三十春元潼跛十餘齡以痘殤婦笑

癸老姑病革別諸婦脫珥獨酬婦苦辛迂哉楊先生尚以假怒
試婦心婦心百鍊瑞金金節婦五十未得旌文人傳志奚重輕
天地限之了此生嗚呼節婦何有名

吳百藥侍讀招飲接葉亭用壁間邵二雲編修韻

綠蔭房櫳深香重簾帷軟花含思婦情淚濕燕支淺牆陰簇盆
盎謹避斜陽轉周遮翠鬟圍罷亞紅粧滿屏風列姬姜遜此朝
霞變先生學道人頗懼西風短聊借貯春和一媚秋堂晚茲亭
昔賢遺附益開池館澹素逾深幽不假事雕纂我本麋鹿姿天
性樂町疇雖無修衣田亦置菟裘產室成身出遊毋乃計非善
輸君接葉園自豁讀書眼觀音大自在聽色天所限衆生苦聲
聞兀兀庶無覩

張菊坡十六員外畫梅

越州畫梅童二樹手口終年遭墨污橫檜倒植不自持常使花
開無紙處揚州畫梅羅兩峯樹樹梅花立放翁繁枝密蕊益疎
澹清氣一洗山林空鄧尉西湖游幾載更坐揚州香雪海花閒
沁釀魂魄香不借丹青飢渴解燕市尋梅亦大難偶逢一株如
得官往來風雪不快意只好壁上披圖觀法曹張君有梅癖暗
香疎影填胸臆指輪忽放鐵丫叉牆上橫排古戈戟腕力有餘
邊幅窄一丈中藏千萬尺枯椿獨挺百鍊剛神臂橫開萬人敵
黏苞綴萼如有香黑夜能生虛室白胸懷如此定高寒當與羣
芳異標格病中看畫雙眼明未見法曹心已傾安得兩峯二樹
同把臂寫我四壁成花城兩峯嬌女亦能畫纖指拈豪比風快
舊寫梅花壽老夫今隨病叟空齋挂我如梅瘦花久凋官銜老
署冰一條法曹漫訂花前飲只恐江梅不入騷

南唐僧巨然茂林疊嶂圖有賈似道悅生小印

後湖不賜東都鬼祕笈都隨上陽燬降旗影裏畫師身愁寫金陵舊山水宣和所藏今有無忽見茂林疊嶂圖兩峯中斷出宮觀戢戢檐瓦魚鱗鋪蜂房燕幕意深遠劉道士同師北苑互爲賓主畫中人一例雲烟紛過眼學士院壁嵐翠銷贖水殘山弔六朝姓名恥附南唐史絹墨欣逃劫火燒悅生小印存無損依樣葫蘆送金粉圖籍空留狎客評江山暗換元人本我聞同時尚有應之僧柳法妙寫楞嚴經卽看畫聖遺乾筆誰與書禪續命燈

錢忠懿王金塗塔歌

表忠譜載金塗塔高六寸重卅五兩造自錢王乙卯年入土無人拄牛杖是歲忠懿立八秋顯德二年王佐周銷鎔銅佛鑄泉

貝詔廢僧寺來杭州錢王造塔懼功令埋瘞地下同幽囚史稱吳越重聚斂裸民以篋爲衣裘支提塗金滲膏血求福恐累王清修古來阿育王生金色子妒妻易以彭亨豕遂令八萬四千婦王怒誅之同日死後思懺罪建浮屠各以舍利承其趺道人手掩日輪影旭彩四射閭浮區宰堵徒多恐無益芥針棗葉牟尼力輦載如山納汴京劫殺雖逃民骨立此塔出土萬歷初顧家耿光掘自虞山隅鄱陽姜堯章與秀州蔣爾齡各各所得形模殊塔輪四面鑄佛像割肉捨身鷹虎餉王能納土救衆生不在區區諸變相嘉禾張生示損本桐鄉金氏收藏謹五百獼猴試繞看乳滴菩提身不損

趙忠毅公鐵如意歌

臣掌選司陳四害臣掌都堂論四凶澄清廊廟是臣職豈肯低

忠雅堂詩集卷二十四
十四
頭魏進忠呼臣元凶具十罪皇天后土知臣衷坐贓遣戍心無
悶不見逆案死且恨平生烈性百鍊剛隻手焉能挽天運烏金
如意翦黑雲誰與鑄者張鼇春七星五嶽拱八卦圖書映帶雲
雷文其銘二十有六字堅重眞爲君子器廉而不劌鉤無錢舞
歌勿折臣之志身圓頸方尺半長上有葵花向太陽雁門相伴
死宜殉幸未附棺埋北邙袖中恨少司農笏虛說三君同兀兀
莫向宣州弔老兵此卽錚錚忠毅骨

吉羊洗

象物而制器于義得兼取范金別形模量黼集升斗自鐘磬鼎
彝盤盃及尊缶鑄夔龍虎雉犧象饗養有角齒耳目鼻腹背身
足首各猗猗娑娑法戒判美醜商周逮秦漢法物各垂久不但
函人函合甲三百壽銅洗東京遺滌器吳人守銘鑄吉羊字腹

以虛能受不黨吉事宜婚禮贊无咎繁露羊爲祥充贊儀亦厚
是以元嘉刀宜爾侯王某說文與釋隸雖各相辨剖儀禮置洗
疏考据難可否存之几席旁儼若對者考嗟哉尋主簿莫是癡
龍耦倘識初平兒疑卽修羊叟博古亦大難眞贗孰繩糾癸匱
已乙鼎慧季鬲州卣比附互矛盾聚訟譌十九玩物恐喪志辛
苦注蟲蚪勿貯蘊之湯請盛陸胥酒羊脂能軟銅老羝防骨朽
中有未位神不與臧穀友爾羊曷來思叱叱蘇卿藪

對月憶藏園

一片長安月光照小園簾垂千里夜燈暗兩當軒樓影臨花
重書聲遞竹喧中宵神往處欹枕欲忘言

早朝口占

酒面生寒冰在鬚豹關鼇禁步徐徐九天風較人間冷老輩班

忠雅堂詩集卷二十四
宜後進疎仗外馬隨馴象立殿前燈是燭龍拏六科廊下逡巡
坐只有詞臣少直廬

三義行

克什泰何堂堂鑲藍旗人贊禮郎不讀書略識字耳內不甚知
聖賢性中獨自有仁義一妻二子三十餘出入乘一馬亦無婢
與奴凡其所行事皆曰古丈夫官滿當外補送者來塞途哭聲
哀哀手執祛古丈夫去今更無江寧進士曰龔孫枝歷仕到古
州官理苗同知文士作循吏才大而數奇以事鐫級走京師眷
屬二十口孰救寒與飢後官爾何人是爲克什泰前官衣食我
任之他家飽暖吾心快如是五六年施者受者皆自然但曰前
官是好官龔君遙遙感且歎及龔倅東昌家人始團樂一舟素
旄經河干嗚呼古丈夫死矣身在棺是時龔奉檄往督糧艘還

遲遲半載龔遊長安訪于太常街孤孀漸飢寒龔哭失聲相慰
勞苦貸錢買屋莫厥居醜酒頻澆趙州土二子十餘齡當延句
讀師雖然世稟仁義性亦須偕誦賢聖詞嗟哉奇士適遇之義
行更爲古所稀奇士名龔涵是爲君從子年二十二美且都從
君遠到長安市涵婦翁方應綸丞束鹿召涵婚涵聞兩孤且廢
學長跪叔前流涕陳願不負叔生死誼涵請暫留贅壻身斷齋
畫粥偕二子或者師弟皆成人叔笑且悲告邱嫂孀乃擇吉延
師云嗚呼三義士先後同一轍誰道今人棄如土各以酸心傾
熱血噫噓唏請君讀我三義行一死一生見交情君不見黃金
滿籬惟自固轉眼兒孫唬道路

題孫雪居董香光書畫合冊爲吳香亭太常作

燒銀燭倒玉壺坐我米家船開君顧氏廚前幅番番素絹鋪後

幅葉葉金牋俱緝出漢陽老守畫箋爲華亭太史書太史爲誰
董元宰老守却是孫雪居合裝高廣八寸餘是先有書後有圖
官解楚綬詩寫唐賢香光四十有七歲萬歷二十有九年再閱
五載始補繪各成八幅同流傳詩含畫意畫詩意賤子細陳君
勿喧前四幅似閒居時閉門感舊有所思苔色上衣坐深院雲
樹入酒銜空卮玉樓自招翡翠宿綈袍孰解懸鶉悲其後四幅
別有託隱念征戍嗟此倚玉門春老怨羌笛五溪客過嘯子規
尖峯割腸故鄉遠海風吹雪驚沙飛哦詩已懼慘入骨讀畫更
覺寒生肌老守前題墨妙額太史後跋含媿詞承平士夫尚文
雅藝林朋友無嫌疑當時兩家書畫藪贗本尋常供求取鞮材
或堆門士箱練裙時落家姬手嗚呼老守無復見太史亦未多
可憐君畏昔藏弄不識香亭今摩掌燭且盡顏已醅酒龍詩虎

同作歌顧廚米舫終如何

十二月十八日

傷懷五十侍歌筵失母偷生又四年再曳朝衫添白髮空陳家

祭隔黃泉壺冰案雪兒猶在店月橋霜婦可憐

聞丙子
已北來何日柴

荆傍邱壟老垂雙淚墓門邊

夢中訪竇文貽都督有作篇成而醒

十丈旌旗八面營屯田都與戍人耕陣雲風偃全軍肅沙磧天
圍一掌平萬馬不嘶春縱牧九邊無警夜論兵兜鍪挂壁銜卮
酒猶是當時魯兩生

十一月十日家人至

相逢執手淚痕新不見當時就養人冢婦隨姑前日樣童孫比
父昔年身攜來家具纍纍卸別後情懷瑣瑣陳翦燭更闌疑夢

寐酒匝波暖欲生鱗

爲曹慕堂太僕題 仙著色山水卷子

太平境界無桃源蓬萊亦在人世間蟬蛻尸解稱神仙靈氣不
死非壽年天神人鬼飄風旋少翁術在巫覡先玉堂前輩此卷
傳云是仙筆虛空懸山水清淑意態妍姓名歎識祕弗宣是女
非男然不然薄霞紅借綃衣鮮淺黛綠沁鴉鬟鬢微拖淡抹翩
復翩衫痕看暈元乎元若使丹青渲染填十日五日功遷延鸞
疲鶴倦侍者眠此幅著色猶難全神妙之筆超解詮姑與評賞
毋拘牽天巧不與人工權一切有相原雲烟是仙非仙皆可憐
雪鴻江月參斯禪

病中二首

紙帳梅花冷頭低藥竈前一官栖鳥鼠百事等雲烟病與妻孥

共貧增故舊憐但餘鄉夢在留滯愧諸賢

我憶鷗波館閒居跡豈孤十圍依老樹萬卷付童烏黃閣身何
有青山買得無明年吹鐵笛歸老藕花湖

贈金賢邨太守二首

長安甲第數高門身是秬侯幾世孫少擁朱轡張繡幃老持檀
板進金樽紅粧絲竹花枝艷文酒風流友誼敦我是江南衰賀
鑄每聽法曲一銷魂

觥籌傾倒托因緣每趁紅燈醉綺筵手植芙蓉爲侍從笑吹龍
笛是神仙鏡中鬚髮猶如少局外英雄亦可憐日飲亡何可消
遣本來諸事等雲烟

送熊蔚亭比部守平涼二首

馬狗衣鶉薄笨車闌風伏雨抱爰書枯僧行滿纔成佛涸水流

忠雅堂詩集卷二十四
寬便作渠瘠土民貧鴻待哺醫門病雜藥當儲小戎風俗難輕
挽正要文翁闢講廬

燈前常凜四知金荒政同霑

帝澤深天道好還誅墨吏山田多旱待甘霖劇郡自來需老手
官方終是賴婆心況鍾加秩鄉人喜濡筆當賡五袴吟

忠雅堂詩集卷二十四

忠雅堂詩集卷二十五

鉛山 蔣士銓 定甫

己亥

二月上丁太學分獻禮成恭紀三首

古栢陰屯曉霧籠祠官班肅 聖人宮崔嵬殿陛元時啓美富

彝章 盛代崇三獻升堂分揖拜六成張樂記初終兩楹坐奠

尊親極萬古斯文祀典同

相公主祭領班聯佐以資深兩翰編分獻東西瞻六哲共司籩

豆邇諸賢登堂師道容長揖備數詞林許並肩欣向几筵觀法

物更從鐘磬識

宮懸

凡丁祭禮部以主祭官上請

欽命大

哲衙門例派未開坊資深者二人襄事時則

士尚書英廉行禮翰林則士銓與蕭際韶編修

廿二年前釋褐來題名碑已長新苔重捫石鼓腰圍篆又見先

儒手植槐

葵倫堂西古槐為元儒許魯齋手植

廣廈羅居觀國彥

雍正中建南學移六堂師徒居

之諸生都負出羣材

熙朝養士恩難報第一宮牆北斗魁

雪浪石盆銘拓本用東坡雪浪石韻

宛如兵散留空屯觀壘已識將軍尊中山奇石我未見月暈不
 許元雲昏當時注水養靈岫隱立隄岸圍江邨勒銘周遭等擊
 鑑首尾難覓璇璣門烟煤蟬翼看搨本似隔綃帳延香魂放之
 竊比洞庭闊白銀盤插君山根曲陽之石本如玉捶字反變黑
 白痕還珠買匱亦偶爾九華壺失休共論仇池疑避畫馬去壁
 上倒挂高驪盆中央請納雪浪搨庶幾圈內心常存

次韻答陳理堂

燮

學道遠祿仕致身習詞章大估樂貲厚良農慮年荒人品判貴
 賤物性殊陰陽眼失江海闊坐倚鐙燭光猥辱佳句新擺落天

風琅數典異獼祭櫛語排燕頰嗟子桓山禽竊附丹穴風疲馬
 循舊塗飢雀翔空倉匝月夫婦病盡室烏鼠藏一官等化儔眾
 雖惜分張謝客絕請謁擇交視彝常在昔重曾閱舉世誇班揚
 轉輪但求膏結網當尋網兀兀醒復睡漠漠縣與鄉貌枯豈能
 腴身弱不得強以此避輕儼有時延老蒼經旬蟲墜戶終日錐
 處囊苦掩左右荷怕聽參差簧周旋難為懷寂寞不自量可憐
 血月軀終老妻子旁君顏比冠玉才筆如凝霜造語賤平淡躍
 紙爭軒昂出與勇夫戰足令老輩僵 熙朝盛文雅

聖主垂衣裳拔萃開古科論秀登其良獻茲琥與琮襲以錦與
 緗當陳龜鑑文一發經傳香

送王琴德廷尉假還三首

幾年八座捧安輿馨膳南陔奉起居請急許歸于定國臨歧同

祖路溫舒春暉正永仍將母官舫無多半載書笑指漁莊烟水
閣九峰青又到吾廬

河山遮護漆燈明封樹焚黃禮並成天以佳城藏長者人誇孝
子是名卿圖書雞犬偕安吉父老桑麻說太平暇日花前展棋
局定知談笑一論兵

酒綠燈紅老弟兄懷人感舊不勝情春江舫載桃根返湯餅筵

將驥子生初服未容桑苧隱明年應盼翠華迎文園近日知

無病相見都難說宦成

謂王周木給練

王樓邨十三本梅花書屋圖爲王少林郡丞作

先生本是梅花仙偶然遊戲來人間百花頭上自開放鐵骨不
受春風憐齒香曾食羅浮果夢裏不知花是我一樹梅花一放
翁化十三身香雪裏離離梅子懸羊珠飢時笑將癡龍須調羹

未許作宰相畫餅且復煩鴻臚醒來依舊墮人海那得青山用
錢買清芬留與故家傳妙理何須鈍根解君不見乞祠多住奉
誠園贖居或累公家錢生香不斷垂陰廣豈在區區屋數椽

題吳蓮洋遺像三首

隱居中條南埋骨華山東留此卷中影是爲河上公
鄉人鏤遺編又復藏畫像後生對前賢相與觀所尚
欲鞭坐下石化作桃花魚遊戲崑崙水一笑翻禹書

臥松

久臥空山中欠伸勢欲起可憐磊砢身冰霜不能死無心弄波
濤天風自行止作花老未能低頭看松子

竹香讀書圖三首

憐君懷餅尚抄書絕好溪山那得居小試他年修史筆未煩鄉

夢繞田廬

康齋八歲入神京刻苦終能正學成
笑指家山讀書地騎魚栽玉媿儒生

袞菴無恙仰前賢畫出三山小隱年
華蓋峯頭有佳氣艸廬而後孰隨肩

題吳鑑南蘇門聽泉舊圖卽當挽歌三首

未許將身刺澧州麻衣講學小淹留
歸尋葢嶺欣同調跡指蘇門述紀游
聽水君曾身入畫披圖我忽涕橫流
須看猶是挑燈夕至樂無因語鬪髀

生將忠孝發孤吟死遂文章報國心
徼外未容詞客葬旄頭也逐將星沈
據鞍枉自看長劔斂骨焉能得正衾
殺賊從軍有人在可憐天意促陳琳

終老行窩計未非書生忽漫着我衣
花雲子已邀餘蔭共伯妻

難免半飢卹後徧傳風義古

謂朱介山觀察

招魂應感嘯聲微嵩雲飛

盡山泉寂誰見中原蜀魄歸

二月二十六日英竹井院長招同嵇拙修錢籜石兩先

生施耦堂侍御余秋室吳穀人兩編修集檀欒艸堂海

棠花下作三首

一丈方壺湧幔成當春嘉會擬飛英
八千歲樹先生健四十年花老眼明
臉暈半遮迴笑靨睡情猶殢隔宵醒
枝枝出自調元手真見天姿富貴成

未須騎馬碧雞坊翠袖依稀染御香
多葉舊稱花戚里新紅還試舞衣裳
相公詩好憑消受酒客頻過盡老蒼
我似丁香第三樹肩隨初倚丈人行

花背簾櫳覺更深酒痕都漬隔年襟陽和貯客留春宴風日憐
公種樹心蔭借芳叢宜讀畫人低鬢影欲彈琴不看門外雙藤
倚宛入仙巢坐茂林

明江德甫九峯三泖讀書圖是沈士充筆爲施耦堂題
雲閒九仙妙妝梳三鏡轉側烟鬟俱臥嵩立華青有無展湘翻
渤雲卷舒魚莊蟹舍蝸牛廬樵者自樵漁者漁有人擇地來讀
書其友濡毫爲寫圖晴嵐美蔭闢戶牖章甫逢掖聲呬唔主人
江德甫畫師沈士充不知其人視所友歛產自是黃山松所交
程孟陽題跋李流芳來往五茸戲烟水俯仰二陸同徜徉我友
施君昔住葦鱸鄉每欲翦取吳淞江流傳忽得昔人卷把玩似
築名山堂許詢房琯各有前後世揚雄庾信未隔東西牆江山
勝處足縈惹君本當年讀書者塔影鐘聲記往時酒人詞客思

前社君不見陸燿王昶新着薜蘿衣扁舟奉母連檣歸方伯頭
銜換茅屋廷尉手版投漁磯杭州越州山水窟水色山光相髣
髴他日如蒙賜鑑湖老抱遺經身共乞

耦堂藏婦翁吳雪舟黃山歸老圖屬題

灘迎雀舫全家住纜異名韁一綫牽不畫天都寫嚴瀨休疑退
鷁逐飛鳶林招倦鳥翁知止山抹微雲壻並傳頭白眼花婚宦
裏幾人容易賦歸田

法源寺看花疊前韻寄竹井院長三首

巧匠將歸善見城祇林春滿綴紅英脂凝雨逐天花聚鐙轉珠
隨綵樹明淨域能延諸品壽妙香應解衆生醒不須更啖鑪邊
芋他日知誰宦業成

平泉昨宴杏花坊又訪昌州第一香蓮社欲邀劉白墮曇僧爭

問杜黃裳題詩未要籠紗碧得酒無煩感鬢蒼公肯重來留醉
墨願箋蛇蚓兩三行

斜陽弔古獨情深結習人偏有素襟血化蒼苔留戰骨魂招飢
鶴見臣心忘言莊叟都成蝶會意昭文豈在琴能便偷閒卽仙
侶況于城市得山林

集籜石先生獨樹堂次竹井院長韻二首

麥苗風漸換輕寒閣老飛觴興未闌賓席禮因文字簡餅花顏
對相公歡支頤笏版參差放到手觥船一再拌三雅無譁徵酒
德先生含笑每旁觀

耆舊盟深本不寒留春生怕衆芳闌交醇似酒存真味樹老于
人結古歡每羨飛揚高興在却憐樽散此身拌知公佛眼歸平
等諸相當前一様觀

論書一首題梅庾山德臨摹冊子後

晉人立楷法安和而靜厚右軍聖之時庶幾仁者壽虞褚同顏
曾師承慎其守李邕事蹶張矜怒斯可醜平原乃端人剛正實
無耦唐賢尚勇敢豪傑起歐柳紛紛出變相古法漸烏有吁嗟
宋四家私淑先賢後譬諸漢唐儒終未見魯叟端明獨馴謹養
氣賤賁黜雅穆存容儀得謗等新婦雌黃論難憑好惡各滕口
吳興失大節姿媚啟疵垢真本豈不佳贗鼎若芻狗妾婦效柔
順但可執箕帚矯枉成狂僇市井復赳赳肥瘠等習氣勢力相
勝負碑版任充塞傳者定誰某梅君烏衣彥敏妙臨池手小就
簿尉閒有譽自无咎學書貴讀書真積力漸久麴蘖旣已深醞
釀得醇酒始免形骸累不爲習俗誘古云人品高翰墨能不朽
京卞彼如何雖工亦奚取

忠雅堂詩集卷二十五
與南亭舍人話舊五首

送君天台游小別忽九載每懷孝弟人竊懼鬚眉改緇塵繾綣
仍宣髮依稀在意氣逾壯盛標韻益瀟灑酒銜杯指風雲放論決
江海五十服官政曹郎秩猶待寂寂亦久安雖貧遠危殆
持被掌天庾東郭三年居聚米成邱陵鼓腹歡有餘飢人對飯
讌快意聊斯須太倉積紅腐雀鼠皆侏儒可憐東方生裹飯尋
子輿攢眉計瓜期炊烟散行廚
政府重圖籍惟賢資典守老矣中書君在官祿實久省吏抱文
書判押不去手君治事輒理寅入歸則西無僕司米鹽無婢職
井臼賓客屢常滿咄嗟具簋缶夜闌掩魚扉寂莫到雞狗富貴
不可期蕭條亦何有

賃宅南柳巷默撫無絃琴牧犢感飛雉傷哉幽獨心顧茲蝸牛
廬塗墜無黃金春社開簾櫳梁有同栖禽延津失兩劔蓋篋遺
雙簪冷月度深院淒風襲孤衾茂陵買新歡頭白無人吟
馬狗車雞栖笑訪同年生昔共直中書長歌少年行奄忽廿五
載豈惟人事更戲場弄傀儡楸枰較輸贏共欣壽命長敢希仕
宦成居易倚定力一洗恒人情得志豈無爲不得理亦平讀書
飲醇醪勿復計枯榮

澄懷園信宿偶作三首

廿五年前下第時堂東曾掩校書帷

甲戌四月汪松泉尙書延
住麗景軒校勘奉

寫文選袖
珍小本

幽軒燬後更新墅喬木看來似舊知鷗鷺波尋通岸

轉薜蘿門認幾家移仙源盡放經師席還許漁郎倚櫂窺

銜尾巾車假館相水邊林下共迴翔一時訪舊爭陳榻三宿論

文罷裹糧橐筆知誰才力大乘槎遙盼使星光據鞍自笑廉頗

老頭白重經古戰場

鏜前頻舉故人杯絕倒秋風鈍秀才弓燥久慙猿臂弱鼓衰驚
逐敗軍回重餐夏令三升墨又撥寒鑪一夜灰深感前賢相問
慰蟄蟲原自遠春雷

送吳香亭太常赴承德府學襄釋菜大禮二首

天子將爲釋奠行八騶先遣太常卿風移禮讓同綿蕞地有絃
歌似武城樂舞舊隨吳季札祠官新導魯諸生欣看紫塞羣山
拱都與宮牆萬仞平

巍峩新廟對離宮郡縣規模百雉崇已讀

皇文踰魯頌

御製熱河文廟記

更煩臣筆注檀弓山川淳樸提封古兵

食豐饒甸衛雄免著戎衣陪羽獵邊人爭認叔孫通

贈李恕齋

湖

中丞二首

質樸衣冠古大臣依然琴鶴守清貧舉朝模楷爲君子重地封
疆要正人致用惟憑經世學匡時猶是讀書身平生纔識荊州
面敢說交情淡始真

鄉山何處有吾廬親見花洲賃宅居吏術追隨西漢後詩篇傳
誦盛唐餘籌邊鎮定三言訓任事從容一卷書局外關心還問
訊衡湘米價近何如

題東坡定惠院月夜偶出二詩艸橐後卽用元韻二首

栖栖未徙臨臯居涼涼獨寫清游夜蠶行桑葉忽稍停雲抹山
痕時一下知公用才如服氣數轉河車防直瀉疊字塗來烏擇
栖成行竄去花偷亞有丹換骨肯待時持璧易田寧許借杜門
疏食正省愆投野全生曾報謝安貧自用畫叉錢學道將移天
慶舍迴思獲譴同累丸時欲殺公如斷蔗門前江近風浪驚井

底泥深餅纒怕舊橐才焚新橐成可憐拌受妻孥罵
後起高述書亂真絕勝懷琳摹叔夜覃溪臥筆壓趙董郭昇吳
翹等中下松筋鶴骨腕底出墨雨鋒雲指尖瀉假觀此橐得臨
本不見原書敢云亞臨川婺女昔收弃幸未逢君相乞借我欲
遮留不遣還肉袒慙無十城謝巧偷豪奪漫周防寶物閱人如
傳舍輸君現在不放過若挽強弓摧立蔗倘煩妙手狀美惡臨
淵定使江神怕題之竊懼遭點污倖免桓家寒具罵

前韻再題二首

志墓新持乳母喪對牀遠憶筠州夜可憐吹笛黃樓中何若牽
船赤壁下笑公扁鑰文字口不免漏卮時一瀉論事惟憑正氣
爭相傾半屬交游亞甌經墮地誰復惜箭已在弦那可借筍香
魚美謫居宜柳弱梅殘詩筆謝偶遺結句龍匿尾倒換中聯星

改舍平生讀書鹽入水偶爾揮豪餽出蔗岐亭蟹賤老饕喜樊
口酒酸豪飲怕今年換武作團練一笑休辭灌夫罵

黃泥坂詞橐已失不省黃州醉詩夜移居新埽舊巢痕買牛甘
老東坡下雜花冉冉雨中媚暗井涓涓艸根瀉峨眉雪消江水
來千里蓴羹鄉味亞春宵偶出踏明月扶老一枝雙不借歸哦
秀句倚朝雲釵脚頻挑玉蟲謝文詞在世神附影墨迹傳摹胎
奪舍蘇米齋中善本多插架籤罈如束蔗襄陽看山兩軍立壁
上諸侯觀者怕跋之我敢守東垣罵者皆誅原不罵

周別駕詩

河決考城再決儀封南下勢如虎歸德當其衝郡守出別駕留
戊戌之閏廿九日別駕馳野心口謀護城隄接沈公隄調集夫
役併力修七月朔漏三下河伯將至丞尉怕護隄七門以次塞

萬命如絲依別駕越五日河伯來鼃鼃觸隄門不開蟻房糴穴
涓涓篩別駕出錢拯民餓三夕脣隄堅可賀隄外鳧鷖男女浮
別駕登城淚交墮四筏八舟分救之魚腹生全千萬箇入城人
衆市閉苦飢發粟平糶別駕哺之別駕貧且瘠一心兩手作保
障參身洪流仔艱險氣力兼併千夫強別駕名壘身姓周一生
名宦傳中州天生孝子作循吏縱筆自喜文詞道老拌心力教
歌舞得不償勞相媼媼未害廣平心似鐵笑聽秋娘唱金縷周
別駕吉安人字伯譜

病中柬彭衣春侍講

半閒打頭屋一箇信天翁家判貧交累官微老欠通債城高莫
避詩竈火難充鬲氣宜朝饑依然守固窮

五月廿六夜夢中作

七載徧五岳此心殊了然苔雲雙屐換衣翠一筇徧八柱不可
見六鼃應有權道流相識盡自覺滿塵緣

庚子

湛若洗硯池銘拓本

手鑿四尺碑大書洗硯池碑字搨來雪磊磊池水瀉去雲瀾瀾
文人之硯勇夫劔寶惜磨淬不少離我雖未見湛若硯風標義
烈夢見之右握夜泉石左抱南風琴典衣購竒器愛古而賤今
中書提兵守城郭螳臂力盡如枯蟬臣心如石硯豈壞臣魄不
死絃有音可憐海雪堂中鼎彝觚觚付一燼但餘浴墨之水一
勺窈以深天生畸人亦何用但成忠義之名山岳重生拏海國
師襄舟死主炎荒明福洞覃溪學士有古癖持節朱方訪遺跡
摹來蟬翼挂簾泉懸向官齋吐虛白畸人靈氣遊戲嶺海中生

前百事雲烟空硯焚琴碎不可考此搨謾謾吹天風硯旁銘曰天風吹夜

長毋相忘漢瓦歌

賈生痛哭諸陵改炎漢山河同瓦解尺土遷移屢換人流傳片瓦今猶在瓦形團團如魚鱗考工埏埴泥沙均土崩石爛變桑海瓦全留此隨人珍沈初明死悲陵谷通天臺下無人哭銅仙十二且飄零舊社邱墟俱已屋君臣夫婦恩愛長幾人富貴毋相忘誰盟帶礪勒鼎券却範土礫承楹梁功臣盡誅美人死玉碎紛紛宮苑圯涼風只在殿西頭故劍前魚都已矣唐陵宋寢相繼亡一炬豈但燒阿房碎君此瓦君勿怒三十六宮瑤艸荒君不見漢宮雨滴梧桐落檐溜淒淒同劍閣何似茅椽覆土階雕牆奚取圍棖桷

文信國琴

四尺枯桐七條玉中有包胥萬聲哭琴曲誰聞集杜詩紀事悲吟指南錄破家結客起義兵夜遁京口逃空坑隨身襍被且無有航海莫共成連行青原操縵心骨摧一彈再鼓天地哀謝翱杜許不復侍響隨竹石崩西臺太古遺音存正氣壞漆長留丞相字君不見漸離之筑司農笏千載流傳同寶器吁嗟乎斷紋斑剝空撫摩不共齒髮埋山阿松風夜戰海濤立柴市魂歸尚鳴嗚

十二月十九日東坡生日翁學士招集蘇齋瞻拜遺像分得南字

元豐五年公年四十七生日出游懷抱酣長笛飛聲被江水似有鶴趁飄風南紫裘烏帽李進士歌詞風格如何識平生遷謫

亦何有醉醒取適顏無慚迄今六百又八載乃有學士蘇齋龕
臘日爲公介看壽瓣香清酌辭喃喃客十一人共揚解酒龍詩
虎紛雄談雪壁周遭挂遺像山谷伯安石田西河竹垞坐立肩
差參此樂希有我及見婪尾滿吸寧辭貧蘇齋主人詩老覃嗜
蘇嗜米遙情愁前身定解弄橫竹今世下筆行飢蠶東坡不死
壽無量白雲鄉爲停龍驂

辛丑

晤李約菴作三首

癩著歸田錄仍乘出峽艘一官比雞肋萬事等鴻毛涉遠心原
苦當歌氣益豪輸君行卷富猶瀉浙江濤
燕市重攜手相逢各老夫人方慕霄漢我自樂江湖傲屣淨名
棄卑官噩夢俱魚羹隨地有君且去成都

十畝藏園地花畦藥砌仍簾遮昏壁畫夢翦夜闌鐙去去行方
急栖栖愧未能夕陽人影薄五十厭飛騰

題周青在迎窮圖

五窮笑別韓退之不知主者復有誰陰風冷霧相扶持爆竹響
處行委蛇紗帽襤衫官絕癡室如懸磬無餘貲開門拱揖罄折
施五君主我勿更疑衆鬼顧盼同笑嘻嘻官才拙矣數未奇閭閻
百里多膏脂何不吸髓留毛皮珠玉錦繡媚老妻良田美宅授
爾兒或遭誅極侵奪其且樂斯須饜飮宜官曰否否語爾知窮
爲善士福之基忽富忽貴歲月馳終歸貧賤逃者稀不若五君
長在茲免我兒孫境界移柳車艸艇焚勿遲主賓相倚顏怡怡
請看卿相籍沒時眷屬不于垂涕洟五君變相慘嗟咨錢神運
去何人隨

喜晤查榕巢方伯二首

絳節朝天赴帝畿
新銜藩伯有光輝
皇華祇覺期程迫
文燕應憐故舊稀
到處標題鐫石壁
多年傳唱繡弓衣
重來接葉亭邊過
手植丁香已數圍

冷署浮沈廿四年
霜痕漸覺點華顛
辭羈終謝三升豆
買棹欣承五萬錢
轉戰蠶叢收瑣甲
銘功劔閣憶飛鳶
期公開府洪都去
應導兒童拜錦韉

自題觀河面皴圖四首

一條衣帶碧粼粼
卅載川塗劇苦辛
却笑東坡同水手
此生何止略知津

阻風中酒慣銷魂
指點蒼茫記纜痕
那及家鄉釣游處
桃花紅過第三邨

旅困相如久倦游
秋來定買潞河舟
江湖不少魚羹飯
歸臥藏園綠隱樓

聽雨孤篷少日身
中年須髮漸如銀
烟霞骨相山林臉
不是乘風破浪人

疊韻再題四首

曲岸委蛇淺澱粼
一回披卷一酸辛
五湖空闊扁舟穩
不識人間有要津

還鄉水引夢中魂
留滯燕臺漬酒痕
我有園林勝圖畫
城南雞犬自成邨

滿壁滄洲供臥游
無多行李上輕舟
藏書幸有兒孫讀
歸去重開萬卷樓

空許平生稷契身
何須班管別金銀
誰憐閒却經綸手
喚作雕

蟲篆刻人

送朱滄湄

文翰

舍人假還新安二首

因君簪筆日憶我少年時禁月橫雞樹官花壓鳳池仙郎低綠鬢老史拂霜髭送別寒郊外難爲旅客思

迎鑾隨豹尾獻賦直

綸扉官燭名花繞熏籠侍史圍微雲

才子堦綵服舍人衣早速還

朝駕毋多戀釣磯

邀同年陳東浦觀察小飲二首

三十年前兩少年鬢絲重對裊茶烟籌邊昔運蕭何餉按部今垂祖逸鞭蜀道險隨名宦轍雪山寒透舊時氍據鞍難掩英雄氣詩筆猶操下水船

頭銜中外感分途垂白依然一懦夫名士自來同畫餅中庭已各失慈烏悶燃椽燭將焚硯歸臥荒園可織蒲一語期君持節

鉞哀矜常是學陽膚

題沈南雷

世焯

禮部田家泥飲圖

碌碌場寬面礪阿茅檐風日自清和雞豚社小觥籌別桑柘陰濃笑語多雜坐喜參消暑飲拍肩爭唱飯牛歌有田不去如江水走馬蘭臺奈爾何

題李約菴課耕艸堂圖

人生至樂寧有此五十歸田賦知止半生名宦祀桐鄉遂服初衣返鄉里渝州山水天下奇就中君去翦茅茨萬卷圖書千斛酒爛醉老習當年池龍洞之峰鬱然秀子弟俱來抱經就祭酒應師尹道真束修同拜譙天授可憐我亦磊落人低頭屢空三十春秋風挂席載妻子魚羹飽腹安長貧訪爾青城出三峽向平累盡孤筇挾有田宜作課耕人種秫唯須同荷鋤

懷人詩四十八首

身披一品衣詩具八斗才九旬白太傅靈光照台階吳下屏風
間處處圖洪崖錢文端香樹先生

貯腹三萬卷是為真狀元玉尺三十載所薦徵淵源栖神返躔

次耿耿奎壁間金檜門先生總憲

儀曹宰相才惜哉兩為令遙知百世下青編傳治行劃然進止

間道力何其勁袁叔論禮部守定

手折五鹿角晚視輕張湯萬里捧檄去所過垂甘棠老著牧民

書藉以調陰陽張惕菴太守甄陶

賈生美風儀廷對乃第一持衡舉賢才朱絃理瑤瑟死為瀛

洲神尚把文昌筆吳雲岩侍講鴻

管子天下才學可任富強用之文字閒桑孔而班揚相如清濁

死竟老溫柔鄉饒霽南侍講學曙

澹然無欲者手執一卷書生意滿濂溪窗艸寧用除講學中田

閒春風扇徐徐陳凝齋進士道

作詩效李白使酒比灌夫萬點朔風淚進退皆窮途一瓊斂黔

婁李蔡嗤庸奴汪魚亭廣文朝

才子生將門一代能有幾詔賦白玉樓斯人憔悴死蜀魄不可

招展輪究何指楊子載明經屋

伏几字雲巢手鑄秦漢文不解世俗書擇術知所尊卒為聖人

徒虞庠妥其魂盛于野廣文大謨

淡逸嵇阮儔力學得其養負耒田疇閒誦經聲琅琅寡營慎交

游心鄙太邱廣盛于明布衣

高文冠禮闈翰林而御史割粥亂書堆恬然對妻子談兵撫龍

鐔老作窮官死

胡牧亭侍御紹鼎

視母點蒼山省父翳無問三十成進士
四馬頻馳驅孝子兼循吏怨魄隨皋魚

李載菴縣令敬躋

壯氣壓萬夫殺人一笑閒讀書
遂著書吸酒如飲川彎弓將一軍號令真如山

徐椒林參將紹

園林圖畫中一官如脫屣著書等身軀
門集天下士有兒萬事足碌碌視餘子

袁子才翰林枚

涉海拔鯨牙投簪擊腰鼓探花虞褚倫腕力
拓強弩隨身有竿木日對江山舞

王夢樓太守文治

通眉長爪人慄悍文章固富貴不可知已矣
中人壽無兒守殘書遺編屬誰有

高東井孝廉文照

鮑謝作龔黃卅年得一郡江山入畫本
天籟傳其韻有子儀

虞廷亦見文章運

江于九太守恂

鄉舉第一人仕蜀二十年出入兵馬中
不廢誦與絃五十秉節鉞畫像留諸巖

陳東浦觀察奉茲

張良若處子誠勇不可當羌渾呼父兄
赤子依耶孃可憐生塵甑逐歲愁空囊

吳蓀圃刺史璟

天遣簪毫人去爲捧檄官州縣事易了
枳棘困鳳鸞李泌有仙骨終戴惠文冠

陶秋山刺史淑

斑斕露文彩俯首官儀曹車栖馬如狗
飲酒猶能豪齋志芙蓉城宋玉將誰招

戴匏齋禮部文燈

瞻星弔文人爲君發長歎平生冰雪文
埋沒塵沙閒弁山長冬青孤雲空往還

紀心齋太僕復亨

瘴鄉三十年鑄詩徧岩壁榕巢住仙官
胥吏無從覓露冕看詩

翁撫字多勞績

查恂叔方伯禮

詩人解墨綬乃具波斯眼獨泛真珠船手拓陶朱產牛肉白酒
殃是為天所限

程荆南邑令夢湘

一代楊關西蕭然大方伯入海誅鯨鯢持戈擊貪墨平生霹靂

手念彼金剛力

譚薈亭方伯尚忠

才吏仕不終載書仍上峽師門買山錢豪矣歸裘壓狂歌望青

天萬物皆可狎

李約菴邑令天英

傾家北海尊垂老艱一飯郭璞葬江心神術天輒蹇為我指牛

眠隨翁歷高巘

謝西堂州倅逢泰

生為柱下史沒作遮須王據案把判筆飛作輪迴霜九幽黑暗

獄時有奎星光

給事馮靜山先生

挺挺鐵中書盛氣鬪丞相文昌第三星秉鉞邊雲壯歸種萬竿

竹芳塘釣春漲

趙雲松觀察翼

尚書領度支督漕九州喜河流澤溶溶俎豆分祠祀一裘三十

年視國如家事

楊勤慤蘭畹先生

翰林出華亭旬宣好風采覆物布陽和千里春雲藹天邊奏迦

陵旌旗迎少宰

王宗之少宰與吾

班馬登明廷著作推大雅不建文昌旌老調天廐馬圉人且悵

悵公寧執鞭者

陳勾山大僕兆崙

典郡御朱轡歸田築花墅快閣涵鏡湖高吟照尊俎酣睡我餘

堂戛戛烏篷艖

任處泉太守應烈

老迓雲中虬見首不見尾雄談驚四筵奇氣役諸鬼布衣傲王

公焉能跋珠履

迓耕石布衣雲龍

長歌老越州詩集第八士會訪徂徠翁心折孫夫子其聲最和

平悠然循正始

劉豹君明經文蔚

食肉飛將軍裘帶乃都雅手橫丈八矛高咏何瀟洒他年寫凌烟殺賊陰山下

竇文貽提督瑣

眼比温嶠犀炯炯燭九幽密勿三十年經綸立勛猷胸有治安策不藉禪謔謀

胡太虛中丞寶瓌

漢吏真無華友愛如温公彈琴宰名縣教化同文翁七十懸車歸人稱邴曼容

向蘇邨先生德一

雷霆畏其膽負重肩益高治事用五官强弩定力操四十卒官解惜哉人中豪

張素邨觀察紹渠

行不達所學官未稱其才洞達天人理去掌森羅臺汴泗交流聲泠泠爲君哀

林承政兵馬師

使爲吏部郎遽奪西清筆手定鄱陽志文獻存其實苟偃患頭

疽斯人有斯疾

史思戩吏部珥

鬼峩獬豸冠鳴鳳當朝陽跨鶴來揚州十醉平山堂罡風折梧桐去隨鷗鷺翔

魯白堦侍御贊元

新安大布衣笙山遺一叟袖中薌艸詞詩人性情厚忘年及余交遺篇傳萬口

吳鏡秋布衣雯炯

手握太極圖汀州遺一翁脚下萬里路堂堂太史公平生懷古詩唱徧旗亭中

黎質存布衣良德

殺賊艸露布健兒好身手老作洪州氓杖持葫蘆酒醉舞都盧幢尚作獅子吼

楊鐸仲宣慰振業

風味賈浪仙形容李長吉客死公車閒響絕鄒陽律步虛隨汪楊各掌三霄筆

何鶴年孝廉在田

風流立朝彥此是神仙人一第屢躐躡觸手雲山新漢廷用文

才孺子寧長貧

汪劔潭國子端光

後懷人詩十九首

霜雪滿朝簪重與瓊林宴八十老官詹金臺畫團扇卅載素雲
飄頽矣靈光殿

黃崑圃官詹叔琳

乘槎張博陸正笏申屠嘉琉球每入覲螭頭認袍花身如指佞

艸獬豸能觸邪

大司馬周海山先生

孝子施行馬心如章貢清纂組三朝事芝龕唱秦青揚靈作水

仙招魂向吳城

董恒岩觀察榕

萬手攀朱輪羌人同一哭歸臥九龍山捫此便便腹詩版鐫琅

玕玉齒鏗然讀

顧晴沙廉使光旭

太史今扁鵲手活千百人去賣韓康藥兩袖籠陽春芒屨徧黃

山采芝若車輪

曹穀厓編修城

陳平美丈夫早充鄉國貢列戟湖山閒笙歌宴賓從先人迦陵

詞歌之下鸞鳳

陳望之觀察淮

天子談文章嘉爾司農善持衡厯吳越采盡東南箭名士生同

時竊附相如傳

彭芸楫侍郎元瑞

破岡產一士中年瘞黃土有子讀父書小兒楊德祖氣盛力方

剛低首陳同甫

汪浴川孝廉汝淮

斯籀識禹書其文特幽奧逃儒談虛空頗害先師道可憐彭季

子長齋與同調

羅臺山孝廉有高

油油濟世懷噓氣爲陽春孩養桑梓人倉廩排魚鱗子產衆人

母氣象醇乎醇

陳約堂員外守詒

蹠蹠文場中一蹶乃不起當隨石曼卿笑折芙蓉死腹痛西山

菴手拂青鸞尾

程菴湖秀才痕

種樹得榲楠廣蔭郡邑閒五馬游滇池笑飲廉讓泉門牆桃李
花使君好容顏孫坦園太守思庭

好奇樊宗師顧曲周公瑾愁眉唱紅裙廉潔師楊震拯溺救萬
民一夜彫青鬢周伯諧郡丞堯

日下傳彈文出為黃州守轉運青齊鹽遽解當官綬辦香祀歐
曾其文亦可壽羅旭莊都轉暹春

手縛臺灣酋番婦來膜拜卅年無一椽甚矣官人介冰銜寫判
官笑解鵝裘賣譚穆庭判官垣

力每當大任手散萬黃金四海納懷抱獨存菩薩心騎魚撇波
去笑撫成琴曾谷瞻明經朝瀾

瘦鶴矯孤翼足魯連臺貪夫勢赫赫于我何有哉何不乘長
風翻然游九垓龔梧生郡丞孫枝

地獄多變相怕入斯人眼畫筆壓當世寒餓猶難免前身花之

僧法輪聊一轉羅兩峯山人聘

奇氣奔長虹復見辛稼軒拔劍斬馬橋天河瀉瓢泉荷峯一千
仞鐵骨同巋然離垢居士

續懷人詩十九首

文昌騰光輝盛朝福壽臣八十健如鶴九九松栢身三吳畫仙

翁人瑞占星辰彭芝庭尚書啓豐

萬頃波融融光風泛崇蘭物在長養中于人無不懽是為吉祥

佛福海無驚瀾裘文達叔度先生

侍郎大宗師誨人能不倦文章作鑪冶五金同一鍊茅堂蔽風

雨老共南山健蔣希元侍郎元益

直如朱絲繩清同玉壺冰表正無不正吏局皆有恒源澄流乃

潔民氣陽和蒸

李幼川中丞湖

中丞清且和春江暖瀾漫育育武昌魚樂國游潺湲文章見經

濟坐言行匪難

鄭謙基中丞大進

魏科康對山直節李崆峒關節不能到孝肅將母同用以作人

鑑庶幾明而公

王偉人侍郎杰

二十黃岩令手築黃岩闢長隄截奔濤蛟龍不敢狎馮唐老爲

郎崢嶸掌選法

劉幹齋吏部世寧

一笑黃河清使民得其所敷歷藩臬司毋固亦毋我真儒用樸

誠爲政斯能果

歐陽蘭畦方伯永祺

三十冠玉姿一麾而出守歐公治穎譜跬步獨能守閭閻佩黃

犢家家力田畝

蔣辛仲太守熊昌

書生謀水利河潤六千畝遂賣負郭田簞瓢枵腹守至今黃栢

坂年年書大有

蘭麓秀才師楷

飛書艸檄才足爲朝廷重翰林使作郡未竟文章用中年乞鑑

湖風月扁舟送

平確齋郡丞聖臺

毛玠揚清風汾陽屏聲伎耿耿忠孝心時酒鐙前淚燕寢凝香

時獨存周孔思

閔峙庭中丞鶚元

孤介如伯夷熒獨如陽城閉目踞酒座兀傲如彌明焚詩啜茗

卒繞室梅檀馨

龔一足布衣夔

憂端驟風雨日對青山哭枕中鴻寶書繞室逡巡讀游仙善卷

洞朱顏騎紫鷺

龔鑿成公子友

一刺興國州旋典廣信郡可憐總河孫白頭于我殞佳句瘞空

山鬼唱刁騷韻

靳大千太守樹椿

短李富文詞二十登瀛洲枯槁受天械公子同纍囚妖邪由人

興召仙何所求

李衣山編修翊

平原信陵儔其人生也晚才略范少伯三治千金產大夫隱于

聾尚具知人眼

吳百藥侍讀肇元

刺史從兵戎詩筆銳如戈殉國木果木奈彼將軍何盾頭墨未

乾誰作昭忠歌

吳鑑南州牧鑄

解組營牢益力可治財賦笑騎揚州鶴江孺狎鷗鷺

天語及臣家舊城讀書處

秦西岩觀察贊

忠雅堂詩集卷二十五

忠雅堂詩集卷二十六

忠雅堂詩集卷二十六

壬寅

論詩雜詠三十首

鉛山 蔣士銓 定甫

老女既不嫁機上弄七襄騎屋吹鐵笛肯為時世粧魚龍欲起

舞天地相低昂

楊鐵崖

手開萬鈞弩霸才原不世老死隆中廬中原幾人帝試登大將

壇叱咤風雲氣

劉青田

朱絃而疏越一倡而三歎自發清廟音舒卷雲霞爛昇平才子

詞不待躋秦漢

李東陽

徑尺無瑕壁未雕而早碎若使貢明堂自是琮璜器笙鶴凌虛

遊尙少真人氣

高青邱

峩峩空同山俯視意不屑如何干將鋒竟爲補履缺對山能救
我終愧凌霄節

李空同

信陽俊逸人中帶含風流口汲金掌露清氣乾坤留老子侶韓
非畢竟非同儔

何大復

優孟盛衣冠自發蛟龍吟吹笳白雪樓不是黃鍾音蓋棺論乃
定暴雨非商霖

李于鱗

公安倡邪說竭力攻異端可憐無識徒隨波揚其瀾鬼伯主瑜
珈長夜嗟漫漫

袁公安

蹒跚驅與蛩步趨苦躑躅蝸角蚊睫間老死黑暗獄詩人談竟
陵無藥能醫俗

鍾伯敬

荒山鳥啁啾假託鸞鳳音借其老憊姿媚我嬋媛心鄙哉二布
衣何似昭支琴

程松圓

旌旗壁壘中亦復陳俎豆海圖合波濤曲折移舊繡請看烈婦
姿不是閨房秀

陳大樽

猶存漢衣冠風采稱長者彈琴有遺音謾謾松風瀉試從海上
游不失成連雅

宋荔裳

蘭麝繞珠翠美人在金屋若使侍姬姜未免修眉蹙唐賢臨晉
書真意苦不足

王阮亭

譚龍語誠妙氣象當過之騃鼠入牛角邊幅窘可嗤推崇馮定
遠故多阿好詞

趙秋谷

一代蘇辛詞鐵板銅絃響漫登詩人壇敝帚千金享駢儷簇春
旗不是天龍仗

陳迦陵

位高而金多勢盡艸木腐誰謂靡靡音不畏雷門鼓附庸稱子
男亦自列茅土

宋綿津

玉齒發金聲妙手操錦機仙方出嶺海孔雀東南飛醉寫虎邱
壁奇氣何淋漓陳元孝

自寫輪囷心遂等鉤輅語創調別唐宋格律焉能圍秋墳鬼鳴
鳴其聲雜風雨倪鴻寶

宛雅推祭酒亦非蓋世英儒生設旗門究遜李郭營絮絮而喁
喁壯士難為情施愚山

崑崙桃花魚二語予以傳輟管視全豹亦是尋常斑漁洋贊蓮
洋宏獎何其寬吳天章

三十二應相欲學觀自在惜非貴重人枉現優施態仰首蓮臺
佛始自悔狡獪查初白

早修皮陸詞晚入昌黎派得失能自知深造為晚蓋五律師杜
陵老成亦堪愛朱竹垞

篁焉能集鸞鳳厲太鴻
餽創織古錦方幅特板重鈍根學神仙天馬終難控逐節寫修

古雅含光輝彝鼎陳廟堂摩挲發遐想玉質而金相文質其彬
彬越人斯有章商寶意

隨園法香山善道意中語照影苧蘿邨沉復嫺歌舞麻姑弄狡
獪秀有方平覩袁子才

力舉韋陀幢大戰修羅兵殺賊艸露布早請終軍纓黃馘老牖
下何處立勛名楊鐸仲

阮生哭路窮江湖入淚眼自揮危苦詞呼吸商聲滿置之郊島
閒此意誰能遣汪葦雲

珊珊步虛聲語帶凌雲氣妙悟發天機樂府高岑嗣如何白玉
樓却要先生記楊子載

樓却要先生記楊子載

洗伐求神仙久絕烟火食三山縹緲間被服眞官飾誰憐西江社自此宗風息何鶴年

珮玉而瓊瑤翩然貴公子裘馬亦復都相如美容止置之大雅堂唐音尚鏗爾顧晴沙

癸卯

固原新樂府五章

張打邪 懲妖巫也

龍神不聽風雷使却聽馬甲作行止秦人不知繁露法手布甘霖憑馬甲馬甲本是無賴人吞刀吐火作龍神妖由人興事竟有風伯雨師歸一身州囚脫械來行雨公粹禽之加箠楚笑縛乖龍四十鞭龍神逃竄囚無語官乃登壇默致詞眞龍滿天雨淋漓邪不勝正馬甲散官能打邪百姓歎君不見西門沈巫河

伯鰥吏目乃是打邪官

破毒碑 除腳匱也

官吏甘心作五毒齧齧公行萬民哭民車盡官車官驢盡民驢有錢買放去官字驅車趕驢來趁墟此錢何名曰脚匱作俑誰興在官利賣鞍焚軸免當差十次官差無一次張公切齒髮上衝恨官賊民力窮日發文書四五封州府司院請命同上司準此除虐政解毒從茲救民命萬民爭立解毒碑車作歡聲驢淚垂

閻氏女 完人節也

翟家娶婦閻家嫁女花筵賓客洞房前簫管聲和卮共舉哭聲不是尋常聲就中官爲側耳聽窮究婚姻得其故擲柶大罵四座驚馬三之妻豈可奪羅敷況恥桑中約寬爾鞭笞罰聘錢反

踏天河半橋鵲馬家忽見妃央飛翟氏空房笑變悲扶植人倫
官有爲有爲不在官崇卑

趙秀才文平冤獄也

赭衣囚首蹲階下劇盜誰何秀才也秀才手無縛雞力身無破
空翻頭髮髭三寸鼻涕長一尺焉能爲盜拒伍伯徧體銀鐺餘
骨立妻來橐夫饘子來牽耶衣人鬼關門但一紙死生呼吸微
乎微倅州者誰張傳心目光炯炯秦鏡臨秀才無罪解縲綵縱
囚歸理書與琴明日街頭縛真盜秀才痛哭千人笑可憐覆盆
之下豈無人焉得陽烏同一照

別固原紀去思也

然香提讐城西路男婦如雲共奔赴固原亦是古陽關官去官
來誰與顧萬人萬手攀張公請官飲我琉璃鍾官民本自不相

識往往官民比仇敵惟官說去民哀哀似與官人有親戚半梧
眼淚半梧酒眼淚雖酸酒醇厚此生未必再逢官願飲此梧增
福壽瓦亭公宴來催促官民依依同一哭吁嗟乎君不見狄道
州中楊典史官是耶孃民是子骨肉之親當遠離安得將愁變
歡喜

爲陳約堂題大西洋獅子圖

聖朝萬國來梯航西洋謹獻百獸王上表稱臣阿豐素本多白
壘陪臣將天主降生一千六百七十四年三月十七日乃是康
熙戊午當秋陽大清寵光被屬國永懷尊敬臚職方冠冕集
觀景運門雷電目閃百步光劒齒山鼻距鉤鑊方頤蹙額毛毳
裳犀象充饌各陳肉熊羆作奴不敢踰建初安息貞觀康居兩
入貢外此文犀天駟旅獒白雉先後來明堂 聖朝本不寶異

物王會一一圖縑緗

聖主臨軒顧之笑上林靈囿歸
仁皇獅子自隨麟鳳至正服視此同戎羌當時制府舒祿穆氏
阿爾稗工畫龍虎風雲翔圖之志之傳厥裔翰林博明恭弄藏
把示陳君作臨本一洗畫苑形模荒我聞佛據師子座寂然不
動諸魔降有時一吼八維震氣撼地軸搖天網願君以獅為師
但靜定庶幾力大如金剛

張瘦銅舍人屬題倪文正遺像

越州我昔式公閣鏗本我曾校公書體用具足風骨殊卒以大
節捐臣軀福清賢相公且避三年不見庶常刺中官之紙肯濡
豪逆案三陳見封事清客宰相如沙蟲仕進豈受人牢籠請復
書院辨偽學乞取要典投祝融朝廷系卯賊滿地籌餉司農竭
心計襟藏一悅心已定朝衣再拜遂臣志於戲端人已貶黃石
齋焉能大用劉念臺拜公遺像重哀涕公裔猶存一秀才

題畫二首

三十六峯青天門夜未扃曉鐘穿樹出仙鹿倚雲聽客到巖花
笑龍歸壑水腥西巒湧晴雪開列水精屏
孤寺亂峯西雲深路欲迷僧衣鋪遠坂仙珮落前溪鑿翠斜通
鳥疏泉渴飲寬客來尋虎迹扶杖上丹梯

綿潭山館十首

葆真堂

萬象各起滅一真自千古鄙哉作偽人應物中無主云何是神
仙精氣神斯聚

詠庵

吁嗟天何言六經肯饒舌下及著書家相襲成勦說一唾箭峯
機以默爲寸鐵

翠香閣
峯巒鬱蒼蒼松柏挺謾謾鼻觀能受之誰能領粉馥可憐粉黛
圍無人享清福

迷陽在荆棘托足苦無所尋幽屐齒稀仄路繡秋雨欹斜竹葉
文獨鶴自來去

律素書屋
守素恃萬卷架分甲乙籤卅年老蝨魚腹果意亦厭一紙許人
借不待東家拈
嘯雲樓

壁絮搏烟霏一嘯迹何有人倚百尺樓俯視皆衣狗不若貯罍
中歸來結虛牖

蓼陽茨室

水蒨穗垂垂面面低茅齋驅逐習苦蟲養我當秋懷依稀岸上
舟屋小真如蝸

息軒

端居絕紛擾萬物不能動轉輪作勞薪苦被希夷弄槁木抱春
心不必爲時用

待月移

黃昏招之來犯曉遣之去照我白玉栢不辨蟾與兔我欲看我
影光滿陶然處

澤花腴菜井

灌蔬與澆花卉養而不窮
轆轤臥銀牀一葉飄梧桐
我心無波瀾俯窺將毋同

後續懷人詩十八首

正氣焚淫祠視民如子弟
講學油幢間閭知孝悌
韓范自千秋不借繩繩裔

陳榕門相公宏謀

堂堂賢相子三十官小宰
甚矣汲黯戇指佞言堪駭
放廢終邱園屋賣簞瓢在

田退齋少宰懋

朱顏官侍中身為國殤裔
風流羊叔子儒雅存英氣
聞警看吳鉤欲策臨清騎

保礪堂將軍泰

詩人轉淮漕胸懷納江海
人稱碧眼胡彝鼎留光采
手揮十萬金怡怡對真宰

李再耒闡帥炯

真儒宰來安飢鴻變馴鴿
下考逐陽城殘書壓歸橐
老著原道

篇六經旨彌約

韓公復邑令夢周

從軍艸露布兵潰中書死
詩卷存英風靈爽昭忠祀
庸庸為令僕斯人竟傳矣

趙損之舍人文哲

治民龔黃賢赴義賁育勇
平居說經義妙語含生動
誰編循吏傳名豈文章重

王理堂邑令光燮

便便行祕書不勝翰林官
父老戍樂陵歸去承親歡
人稱薛夫子掩卷興長歎

薛補園編修宁廷

才大不願官一貢笑而去
小試鴟夷手千金豈能聚
翱翔三吳閒栖息終何處

丁人可明經湘錦

狀元建油幢

帝無西顧憂論詩契妙旨
辦賊稱壯猷身披一品衣
疑是李鄴侯

畢秋帆中丞沅

學者治彝陵做法鄉先生上官笑其迂歸無田可耕年年出謀
食名宦如斯成

林平園邑令有席

少賤而壯貴赤手捕長蛇煩劇典大州觀者咸歎嗟孝友出天

性族黨無飢雅

魯渭川刺史潢

海嶽書畫船乃在名宦齋吳越三十年稱此磊落懷柳州非謫

地待彼文章佳

舒蔗堂太守希忠

孝廉竹綠坡瀟洒捧檄遊嶺右覓丹砂賀縣三年留家難未波

及倉卒歸陵邱

彭景之邑令倚華

中書陳平姿歷任皆能勝提兵殺西羌歸作大中丞拄笏點蒼

山獨守壺中冰

劉竹軒中丞秉恬

治行稱無華但與民休息從父寄官箴不遷徵定力解組臥甌

山維賢乃家食

金礪南邑令澗

傷哉廉吏子盡鬻貧家書誰歸母子觀白下無先廬迴思客齊

州念母同唏噓

徐蓀溪秀才葆孫

其文通鬼神遂精術數學可憐好秀才老秉臨江鐸壇邊紅杏

開深盃自斟酌

熊肖石廣文之理

雜感十九首

百丈牽我舟風浪亦難平篙師雜歡笑中有估客驚千古一條

水擾擾無時寧道神且相戲往復悠悠行

兩畦小麥熟次第畢婚嫁灼灼紅羅襦粲粲銀釵挂老牴眠綠

陰竊喜鞭笞謝租吏迴怒嗔雜坐柴荆下一笑飽雞豚持錢滿

腰袴

日瘦樹影薄土屋八九間門柵無一具主人去未還老妻拾敗

薪炊煮依牛欄牛飢犢無乳艸苦不可餐回頭羨羣羊游戲從

其類

我無治生策況乏經綸手心力竭詞賦唾餘爛什九言逢飲博徒不許文挂口語塞氣復結伎倆等烏有百事且拋棄不如一
杯酒

狗屠可爲友牛僧亦訂交俗子不可耐避之如鴟鴞所言勢位重趨走不憚勞豈徒枉尺尋得者誠秋豪轉移事父兄天爵誰
同要

管寧與華歆其間不容寸阜帽歸遼東九錫爲勸進苟以貧賤終誰能指瑕釁試之名利途其機祕亦僅

身亡婦人哭屍暴伶官葬豈爲君子棄可以觀所尚東漢重聲氣執紼千人相狎暱等吾朋志士端趨向

風雨來憂端百感茫茫集所更亦已多悲喜所從入少小開萬

卷名字冠鄉邑得譽固不虞浩氣實難及持之四十年天械等東濕老矣無能爲蠕蠕若蟲蟄

偶然逐鷓鴣擬戴獬豸冠欲語傷蹇澁卷舌天使殫悵悵歸井里卻埽園圃閒垂死作病夫論定如蓋棺修竹逢甘蔗嬉戲聊
一彈

藏園富艸木四季交芳馨主人將歸來欣欣有餘榮就中治蔕花可以制頽齡但使腰脚健酌酒不願醒一二戚友歡相與翻
玉餅

我友汪與楊墓艸久已宿思之不可見執卷向天哭埋憂入地下此恨無人贖揚靈天際頭乘雲吾亦足

我有七男兒其半已有文嶷嶷露頭角可以張一軍五孫比叢桂吐蕊各含芬生理頗稱足無可事耕耘伸此而緇彼其故亦

難云爾曹恃毛錐幾時立功勛
世廢井田制士乃無恆產雖有經綸才苦爲天所限人事雖紛
紜而我御以簡但能免飢寒終日開笑眼花開酒正熟呼兒召
親弗

百本醉芙蓉爛然張錦屏老夫坐花叢左右皆娉婷素面得酒
紅入夜相亭亭何取十二釵媚我分尹邢
千朵玉茗花開時若晴雪橫斜上簾櫳老翁愛其潔有時吹玉
笛不免助芳悅喚作臨川翁法曲相嗚咽古人不見我此趣向
誰說

形影相贈荅兀坐如枯禪天女散花去玉齒爲粲然架上萬卷
書旨趣三十年嚼蠟亦寡味文字煩語言丹砂良可服可以駐
朱顏

夢得鐘鼎書詰曲不可讀道士顧我笑古篆滿胸腹求仙有丹
梯望之可投足雲霞繞衣裳欲往歎迷復修鍊三世身不如眠
穩鹿雞犬在虛空飛昇亦其福

百仞蒼玉屏中載列仙籍誰披宮錦袍云是李大白金支翠旗
閒遊戲文章伯云有蒼頡翁古碑爲篆額樹之蓬萊宮永垂眞
宰宅

長生有靈藥難覓不死方綠鬢垂過耳邂逅沈侍郎手中玉牒
文金籀紛琳瑯示我姓與名眷屬多吉祥玉女步虛來身騎白
鳳凰笑啓照世杯沆瀣盛天漿

舟中雜興八首

麥隴連畦秀沿邨餅餌香聞雞知午至卷幔得風涼省事渾醒
夢因緣學坐忘欲尋江味永喚客鬪旗槍

此是還鄉水津長滾滾流行藏雙雪鬢婦子一歸舟道遠途經
注心安病骨瘳隔林青旆小含笑問滄州
打鼓迎來筏鳴金避去舟風柔片帆正浪急一篙浮轉粟馳津
吏傳籤走督郵客船停斷岸三宿苦淹留
喧闐邨落外寂靜夕陽中入饌收魚子充薪積馬通菜羹分乞
丐米價問兒童比戶炊烟接今年歲事豐
社廟香烟絕田家報賽荒易錢猶有布食稻幸無蝗岸闊期栖
畝倉虛鮮宿糗晝長遲午飯一粥且充腸
澆書憑濁酒攤飯恃繩牀五兩風常逆三千路苦長深柘酬節
序熟睡過年光須鬢看全白躊躇卻老方
舊書繙又徧往事憶俱空歲月翻忘老平生托諱窮浮家常作
客看鏡已成翁歸去詞麤就淵明乞食同

尚餘窮乏者借潤到簞瓢自浙矛頭米因分釜底焦朝飢韭花
帖宿飽老僧寮辟穀寧無術仙人尚可邀

漫興十一首

糴米人歸市持錢客趁墟筠籠剖文蛤絲網出刀魚社散鴉銜
肉秧齊叟荷鋤柴門老妻待繩戶上鐙初
船艙寬八尺揖讓足盤桓習禮陳儀簡談詩逐字安諸孫羅俎
豆幼子燦衣冠只此當兒戲鐙前興未闌
識字疑難過譚元奧義申僕新猜語誤婢黠翦鐙頻不寐前愆
省方人古諛循倫常多苦趣所在看參辰

曉暮添衣便年衰怯嫩寒川涂防感觸眠食要平安邸報傳聞
過家書邂逅看不知新病減細數藥艱難

萬事俱拋擲箋疏食憲章魚鰕隨意買蔬筍過時嘗冷淡逢邨

市郵籤報水鄉濯纓殊未便吾欲問滄浪
省識佳山水圖之當臥游菊花時命酒楓葉最宜秋新膾從人
斫深梧對影酬醉中天空闊老矣復何求
豆棚堪雜坐濁酒對花斟樵牧來從便雞豚會可尋邨閒知事
簡俗厚畏人深野菜堪生食無煩漑金鬻
糧艘銜尾至邪許接聲呼挂席煩津吏攤錢戲鬧夫醫蠻僧賣
藥酒薄女當壚門徑誰家僻屠沽取醉無
佳日愁難破華筵醉不辭更番腰鼓韻十索女郎詞渴後呼盤
露酣來舞柘枝留連亦無奈歌管故遲遲
說鬼荒唐甚無稽最可聽不知爲嘯語似見走精靈月地花留
豔陰房火獨青曲中人已去虛說玉瓏玲
年華頗惆悵塵劫苦難完落絮因緣比搏沙聚散觀有情根本

鈍速朽道途寬識相皆無著虛空細與看

風日二首

風日清和四月天蒲帆一片破空懸隄于芳艸青時合邨向平
林綠處圓落絮幾團驚宿蝶游絲千尺繫飛鳶却教歸客添遙
思翹首東風一悵然
詞賦江關庾信愁干霄筆禿寫繁憂名心入世無多取生事于
人復寡求後日憑誰營丙舍老來嬾復築菟裘墓田隨在青山
好不用登臨樂此邱

送陳岸亭之官太和二首

芝山風月幾回新七載肩隨老弟昆愷悌原爲古循吏廉能纔
是讀書人陽城下考催科拙召父高名撫字眞爲政淵源尋治
譜一狐裘驗在官貧

一榻陳書兩鬢絲沾泥絮厭散花時安心是藥原良法服氣延
生仗導師綠酒送君難共醉青山迎我是歸期皖公一點栢中
見紗帽垂簾趣可知

婁妃墓

賢婦言多苦樵人不肯聽遺坵一坏在秋艸幾回青弔古心原
共尋詩騎偶停水仙旂獵獵日暮自揚靈

北蘭寺

天闊訪疎鐘漁舟信可通寺荒春寂寂僧老佛叢叢逸事居民
說遺詩壞壁籠虛堂異疇昔小似劫灰紅

甲辰

述懷

憶昔誦書史恥與經生侔苦懷經濟心學問潛操修廿九通仕

籍四載登瀛洲索米金馬門忍飢求豆區覲然人子心慷慨歸
來休教授十五年三毛須鬢秋樂道頗相安序列賈董儔側聞
天子語許以名士優感激再出山宦海如沈浮二豎忽相厄末
疾醫莫瘳右體從此廢語言爲咿嚶三年支離身所欠土一抔
故人難往復交親稀接酬卽今六十歲速死吾寧愁坐令觀物
眼出入偕庭楸此心久厭世何取嗜好稠分知志節士天地妒
其尤誓今從化去力與鬼伯謀他生免輪迴日與飄風游

齒落

顏色日以枯齒牙日以落左車無復陳空虛失城郭朝夕成饒
夫涎沫滿齟齬老饕終日飢苦與若敖若形等混沌死不待七
日鑿口舌親軟美酸鹹嗜好各不如辟穀翁吸露有真樂舌在
亦何爲辯才無復昨

朝日一卷書夕日一卷書六十稱老生已非時世儒四庫既涉
獵豈云腹空虛顧視七男兒或可分經畚資稟各有成未拙於
豚豬我老坐兀兀通夜如鰓魚獨處寡酬和生趣已絕無厭此
待盡身桐棺列庭除所歷亦既多曷敢怪其餘士無一知己相
識嫌籩條我言非皇墳彼驚論唐虞童孫鮮知識問事堪盧胡
蓋棺事則已識字寧非迂得酒自斟酌懷抱稍稍舒誰復計醉
醒南山對脚踏

閒居

五十事閒散早已投簪裾築屋三十間所處已有餘繞身置圖
史守器失耨鋤花木榮四時綠荷被新渠高柳聚時禽天籟韶
濩如較彼卿與相腰笏勤走趨豈若芬馥中獨酌陳一壺賓來
亦不迎淡談忘朝晡待盡庶幾樂形影聊相於

生理

生理有時盡異哉營石椁烏鳶與螻螳何厚亦何薄血肉既歸
土魂魄散寥廓仙佛等一死自許恆已錯天堂地獄中誰爲分
苦樂未死已具知燎然自心覺

次韻荅翁覃溪學士

神明無疾形骸疾二氣何從覘虛實兀然枯坐一匡牀舉眼空
空生白室居士齒豁頭未童自幸今冬開六秩浮生如此亦惘
惘但數春秋同庚蟀守過三庚似蔡經背有三王慚李泌靜裏
年光爾許長待盡之期尚難必左肘猶然弄不律漫擬龍門縣
著述隨風幾見星入井聽雨常占月離畢故人學士重交情寄
我新詩若參朮手香不被染黃柑負局何殊破朱橘迴意先生

妙墨中真氣淋漓瀉箋帙游龍下視不能休縹緲驚鴻豈其匹
我感涪翁有賞心真知十事九爲律過眼竊歎燈花喜窺戶新
晴鳥聲吉案側頻賡蟲語微屋角恆窺蛛網密土芋纔生大若
拳新竹初萌尖似筆酒杯易竭思聖賢蟹斲旋忘徵得失醉中
荅和倘蒙恕莫笑虎皮冒羊質

忠雅堂詩集卷二十六

忠雅堂詩集卷二十七

鉛山 蔣士銓 定甫

簪筆集

聖武遠揚西域效順大閱禮成恭紀 謹序

臣謹按周禮大司馬以蒐苗獮狩順時講武而中冬教閱之禮
視三田爲獨詳所以數軍實昭文章辨等列習威儀知進退嫺
馳逐也小雅韎韐有奭以作六師月令孟冬天子乃命將帥講
武事習射御角力故茅子曰兵之有陣天之垂象也兵之有練
聖人之六藝也後此兩漢禮儀志唐禮樂志宋實錄閱兵各有
典制而我朝火器之用折衝禦侮要惟前古所未及欽惟
皇上聖神文武宏纘

先烈拓闢疆宇懷柔荒遠其鞮譯貢享者莫不服教畏神良由

至德感化而仁義之師素嫻節制故征則有威守則有材乾隆二十有三年西戎以次歎塞而回部東西哈薩克及塔什罕與布魯特等振古未通聲教者至是皆遣使內屬

聖天子嘉其恭順宴賚稠疊于以見我

皇上治超三古威震八紘矣仲冬之月

特命重循四年舊章諷吉戊子日再舉

大閱之禮

臣

以新進忝居珥筆後躬逢

盛典職應賡頌伏讀

御製諸詩仁恩愷惻典核精詳用敢紬繹簡閱古義綜摭西師

始末歌咏

德威贊揚美盛雖詞旨弁鄙蓋不敢引東周及漢唐固陋之事

畋獵之文上擬

聖朝鴻業也爰恭撰五言古詩一章

臣

士銓謹拜手稽首以獻

詩曰

至誠建皇極育物對時茂萬邦爲協和四裔人載覆時雍

文德盛肅烈

武功懋

垂衣開明堂琛賚梯航輳蒐田順時令重典在冬狩農隙簡車

徒表貉每及候除器戒不虞夏官掌由舊廿年一再舉用以習

馳驟青雲竭干呂白雉數來雊

威靈暢遐荒陳師示疏附

叶

六軍整以暇一戰孰敢鬪居以揚

天聲出以利禦寇西戎處絕域坐井苦區霧思其卽敘前異此

來賓後種類別馴擾部落雜薰蕕維準噶爾酋腐骨尚遺臭伐

罪

兩朝威罷征

一人宥封狼生，貍羆厥性本昏瞽。遂令罽幕中，噬齧互凌蹂。三策楞來歸，撒納亦奔告。叶乞師討亂國，天鉞乃重授。賁育搏衆雛，如以杵投日。桓桓聖人師，破竹決奔溜。五月飛捷書，並未劔戈鏃。方歌集頌詩，忽逸舞庭獸。翩翻逞牙爪，格磔弄觜咮。跳梁導鼉鼉，升木教狙狍。搗穴徙穴三，入坎出坎復。呢嗎錫拉徒，因以亂潛搆。其時四衛中，效尤各紕繆。我師南北入，後勁合膚腠。左哈薩克衆，貢馬實天廐。誓願禽脫兕，臣服語無謬。賊遂奔羅義，旋殄滅于痘。彼國守盟言，冥誅爲遙首。敬以長狄骨，傳獻厯邊堠。伊犁駞蛩輩，待斃等颺颺。

帝顧四衛拉昂吉，掄世胄孰知苞。三檠次第卽，芟耨惟都爾伯。特庇根稱獨秀，厄魯特旣平回。鷓具篔豆壺，縣迎王師泣訴。

苦魚肉釋之，閔不幸扶危。免其仆乃小，和卓木狺狺肆反噬。以茲梟獍凶，敢復倖。

天佑鋒斧及蟾蜍，終見絕顏脰。爾雖逃庫車，益鑿撒納走況失。阿克蘇左臂已割，裒伯克鍛羽翼。一逐比雛鷓，三城岌岌殆雉。堞若薄鬣繫葉爾奇木，匪固曷敢負遐哉。布魯特望風效奔奏，唐書志勃律天日未嘗覲。地分鄂托克部，以東西聚。叶歎塞揚

旆旌繼二降旗后，布祐圖昂阿地靈喜三。迨賜名伊綿峪京，觀底須築。叶別有塔什罕亦爲回中副，與右哈薩克蠻觸方兩

雛。叶我師遇犄角，遣使解其詬。聞言各投戈，內屬式相好。叶而右哈薩克降表益順，揉備陳自效。心願倍左部，又聆其誠樸。詞

愈令叛賊羞。叶

帝澤海洋洋百川自來赴。叶六合孩養之善人，于是富布露詣

熱河 雲日慶瞻就宴之萬樹園鍾峯月如畫維時秋獮畢
鑿輅駐盤岫羌渾魚貫來蒲伏覲

冕黻山莊飲醞醕竊喜列圭綬置身春臺中如傍佛靈鷲禮臣
請萊田訊吉日維戍森嚴出七校 南苑預屯集叶 翠華田

盤來諸夷仰 靈囿先期陳羽獵勁勇各効具叶 釋網不盡物

飛走同養畜充庖啓賓筵酒醴笙簧侑燭龍銜萬炬海色奪寒
縐星橋虹蜿蜒火樹花叢菽地湧不夜城赤標隱機設霞彩罨

山林珠燄發薪樵沼渚騰魚龍岡厂藏豫猶變幻出神奇燦爛
啓矇矓都盧舞初罷小海唱方蒞

聖製張鐙詞輝煌懸列宿上元循故事良宵爲宿留 錫宴羅
遠夷法酒泛醇耐共呼

天可汗膜拜稱

萬壽爰間雜萬幕質明聽玉漏 龍纛懸高臺圍幄冠崇阜

至尊按轡來帳殿環甲冑朝光一閃耀寶色相嵌鏤弓衣龍鳳
繞劔佩雲霞繡拜瞻

天人袞真氣彌宇宙據鞍閱隊伍壁壘如卦繇三十有四營旗
鼓肅廣袤須臾海螺吹集響撼坤軸叶 精銳鞭雷霆歎飲合烟

霧叶 聲揚海波沸勢挾山容瘦千三百丈內八陣互旋抽叶 如
發機轉圓九變疊離邁開如鵬翼張動如巨靈吼來如焱輪馳

住如夕潮收雄材羽衛積猛氣烈烽透韜鈴本
廟略當者詎能救蕃客立和門震讐爲帖伏底用一丸泥萬里

塞關竇龍媒來大宛毳服傍 旂旒叶 異域慕懷柔恭順則汝
祐扶珪綴組閒有譽更无咎

帝命振旅還武事弗可究乃令羆虎姿歡隨鵷鷺筵禮成六師

喜犒中萬夫受八旗擁千官拜舞首重叩五服仰

天威雨露同潤漱

小臣

職賡颺掌故可繹紉訓練岐陽避雅頌

元和陋珥筆記

聲靈敷言慚釘餽坵詮王會圖竊敢效史籀

恭祝

皇上五十萬壽詩

至尊立皇極式廓萬年運翔陽歷天度循轉歲無盡常人壽期

頤

天眼等一瞬惟

天眷

天子

天子合天健一旬什伯旬積數至億萬真宰包鴻蒙未可紀

遐算芸芸祝嘏心忠愛極贊歎敷辭不能達鞭想成坐困

臣生

淳樸俗耕讀游里閑祖宗沐

膏澤擊壤到童叟幸登

承明

廬文字為職分因陳拜手詞摭括就聞見語慚九如工心等一

芹獻敢曰揚

天休竊謹附

臣

按維二十五載中外樂清宴祥開七政和福備

萬邦奠時暘時雨若豐稔始

畿甸暨東西朔南及亥步所徧

田疇皆有秋民無有不善公孤率卿尹稽首 仁壽殿請上

萬歲觴敬以錄箕衍慶惟洽同歡禮實循舊典奏聞

帝弗許曰予曷敢先待祝

文母釐來歲合醑醺吾

皇本達孝

尊養切寢膳愛敬盡事

親德教驗於變至治通神明

郊祀篤殷薦羣望昭肆類

九室歆禘灌懷柔百靈效感格一誠貫敬

天天與佑法

祖祖爲眷煌煌盛京賦幽岐物華燦萬古

龍興地

真龍慶來豈大澤濡留都時巡異封禪日魯日吳越日梁魏

日晉或爲道德慕或爲疾苦訊耕斂相補助風俗遞觀問以此

一游豫周原騰夏諺恩流民氣和喜動

慈顏盼仁愛所推暨萬億疊蠲賑損上而益下日暄而雨潤熙

時財益阜

帝世民無愠露重霜氣微秋官各詳慎萬物含生機百獸就馴

參緬甸及重洋次第皆入覲蠢蠢遐陬夷蠻觸互矜忿弄兵

秦蜀外惡艸頗滋蔓金川準噶爾其罪實難追先後勞王師

蹴踏各糜爛始爲蛙跳梁終作豚入圈羣回部落寬一逆而百

順順者交柯榮逆者連根斷二萬里疆闢數千年功建

睿謀一以成百辟誰能贊

前聖猶有待

後聖乃獨擅于以定星野于以列郡縣于以置屯堠于以鳩鴻

雁蒼蒼所覆冒浩浩所包纏地上天以下臣服始無閒集勳上

尊號至善歸

慈訓西域兩銘縣太學雙碑煥不得已用兵

皇衷揭雲漢人歸

天順應妙合若符券本來

文治隆道統

心傳見

典學集大成

勤政孜無倦

萬幾或有餘衆象入

宸翰風騷供役使謨典給塗竄豈惟斯文

主實是百王冠求賢廣科額敬老執饋醕崇儒啓

經筵禮士

闕東觀 鑾輅臨園橋

御幄涵璧類禮成國子歡學講羣疑

判 鑾輅幸翰林

宸章日星燭因之賁瓌闡士氣昌明振拜讀壁閒詩不啻聞渙

汗遂令側陋子共仰光華且簪裾斐斐來教澤雍雍負美意天

和含良法仁風扇

臣觀

官府閒儼雅而嚴憚九德允修和百

職除習玩

臣

觀封疆吏治法秉成憲率司道守令及將帥兵弁

撫字稱循良防禦飭訓練

臣

觀膠庠中鼓篋羅俊彥窮經尙正

學植品絕浮術

臣

觀田野閒膏腴繡塍堰嘉禾九穗合倉廩千

家繕耕鑿忘

帝力婦子歡娛便敬讓合孝弟歌詠安愚鈍豈知

祈穀壇厘

念農桑畔爲開樂利源

三推戒田畷

臣

觀居肆工以及在厘

販飲羊不相給苦窳弗自限

臣

游河淮閒式瞻

禹功濬楗石積鐵立恬波玉環引魚龍偃安瀾支庚守伏汎

恩波共洋洋堤閘風檣認由來王道蕩水陸梯航進當茲太平

日

皇躬益宵旰乃知

聖無逸未肯溺安燕春蒐與秋獮習勞御驂鞠

帳殿開穹廬

章奏馳驛傳

披覽勤秉燭吟哦託游刃習射歌騶虞正鵠滿

御箭臣于

大閱時竊覩

神威震降回駭伏地肢股交栗戰

天人天可汗未敢昂首看連年重譯者綦布蕃夷館宛馬充

天閑闐壁儼圭瓚職貢古代珍遠物

皇家賤兢兢持盈衷虛懷納匡諫萬年有道基于茲磐石鎮春

臺處處登

壽宇年年現秋光恰澄鮮卿雲多糺縵日角次

壽星

軒樞繞祥電階萁發天葩

堂護垂寶幹

聖人

聖母壽無疆

臣

所願精神邁山固功業極天峻民已無能名

皇孰可同論日若稽帝堯日若稽帝舜

臣

無賡歌才再拜首重

頓

塞宴四事詩四首

詐馬

有序

臣謹按

御製詩注詐馬為蒙古舊俗今漢語俗所謂跑等者也然元人所云詐馬實咱馬之誤蒙古語謂掌食之人為咱馬蓋呈馬戲之後則治筵以賜食耳所云只孫乃馬之毛色即今蒙古語所謂積蘇者是亦屬魚魯茲扎薩克於進宴時擇名馬數百列二十里外結束鬚尾去羈韉馳用幼童皆取其輕捷致遠以鎗聲

爲節遞施傳響則衆騎齊騁羈越山谷騰躍爭先不踰晷刻而
達掄其先至者三十六騎優賚有差所以柔遠人講武事也
銃聲殷發轟晴雷蕃馬數百一滾開結尾束髮芟駕材驛騎趨
迅利用孩霜蹏散電風雨驟逸氣湧潮巖壑摧并里一瞬間飛
電倏若黃河之水從天來倜儻不羈馬躍躍罄控有法兒恢恢
吐蕃蹠馬有古戲麟首鳳掖鞍崔嵬上京六月宴只孫亦曰洒
馬傳龍堆至今名王奉國俗列獻 御筵恭敬偕就中三十六
騎倍雄捷錫賚人馬超羣才

時巡惠遠有常典借講武事觀龍蹠豈同開元四百蹏尊前奏
樂名傾杯詐馬暗馬正訛串

聖學考訂博洽該不似東京夢華記馬戲挾鞍跳蹬倒拖挺立
誇奇侈吾

皇馭遠德威溥銜勒萬國馴養皆二氣調御四時馬圉人太僕
豈足窺

淵懷天閑近滿貳師種下視六尺俱駑駘

帝庸作歌志和樂樂府久傳天馬徠小臣拜手賦舞馬謝莊瓌

語真類俳

什榜 有序

臣謹按

御製詩注什榜蒙古樂名今俗所謂十番或因此楊萬里詩有
全蕃長笛橫腰鼓一曲春風出塞聲之句蓋樂名番本塞外語
而傳譌耳其器則笳管箏琶絃阮火不思之類將進酒輒於筵
前鞠脰奏之鼓喉而歌龠囉赴節有太古之遺音焉

大海之水不可量

蒙古樂
詞中句願

主萬壽壽無疆無貳無虞友朋穀亦樂詞句願身世世爲臣僕當筵
快聽名王歌列塞歡蒙

天子福穹廬禮意春風温 帳殿威儀秋令肅和音宛合僎侏
離古調相諧絲竹內樂奏什榜尊

至尊梵唱不數婆羅門按節應翻奉聖曲倚聲如唱感
皇恩琥珀思中雜絃管

天顏有喜邊雲暖十番或入俗部樂八音久譯鞦韆館世爲臣
僕熾且昌願

主聖壽壽無疆 恩波壽酒同洋洋大海之水不可量

相撲有序

臣謹按

御製詩注相撲之戲蒙古所最重筵宴時必陳之國朝亦以是

練習健士謂之布庫蒙古語謂之布克脫帽短襖兩兩相角以
搏捽仆地決勝負勝者勞以卮酒卮魯特則袒裊而撲雖蹶不
釋必控首屈肩至地乃爲勝彼嘉其壯賜之羊臠則拱臂探掬
顧盼吐吞聲若飲歡其舊俗如此用以示惠云
希鞞撲跌兩健兒角牴之戲古有之衣袴裹身貼膚肌不使分
寸容握攜交臂控執相槿指如挽强弩奪旌摩搏犀搏象全力
持壯趾山立頭疑疑雄心猛氣不相下失勢一踣分勝衰衰者
退縮勝者跽捧觴顧盼顏光輝蒙古布克我 朝曰布庫習練
勇力舊制遺吾

皇董率不少廢豹尾之後輒以隨回部新降卮魯特袒裊徒搏
尤盱睢閃爍旋轉側復欹一爲虎踞一蹲鴟牽挽尚如滾地獅
其一翩然若跨騅制壓兩胛提鬣鬚絕吭斷脰勢且危敗馬仰

天同伏雌強弱既分係寵辱
詔頒肥豕連蹏足東方割胙未
須廉樊噲啖肩何必熟頗同壯士氣吞牛奚讓將軍飛食肉求
牧欣承一飽恩羸角慚枵十年腹噫獻嘻
聖人脫爾羅網閒持爾于危扶爾顛匹夫敢勇寧堪恃須識
天威咫尺懸

教駢 有序

臣謹按

御製詩注教駢攻駒周禮雖載然後世僅知攻駒而不能教駢
蒙古則熟習其法謂之騎額爾敏達驛馬三歲以上曰達驛額
爾敏則未施鞍勒者也每歲札薩克於所部驅生馬多羣至宴
所散逸原野諸王公子弟雄傑者執長竿馳繫之加以羈鞴始
則怒騁駢趨或狶突人立嘶齧雷殷馭者騰趨而上控制自如

須臾調良率多良馬

蕃馬三歲名達驛不識奚官有羈絆泉甘艸肥恣飲齧滾地嘶
風成習玩教之有法當及時驅來廣漠馬不疑野性未馴等奇
士天真自任同嬰兒

至尊來觀御龍馬諸藩列部咸相隨五花作雲散毛色骨法權
奇猛難卽名王子弟好身手繡帶鮮衣鬪裝飾長竿結繩偃半
輪展臂舒腰用全力人入馬羣馬盡驚馬欲避竿竿轉逼繩竿
繞馬絡馬首起落縱收爭一息驕氣稍攝已被鞍蹏齧微疎遽
加勒捨竿攬轡人力紆馬奮餘勇怒有餘奔騰不肯受騎控轉
側掀舞作態殊壯士墮馬復上馬據鞍顧盼人瀟洒萬物皆待
教以成

聖人作詩至理明奔蹏蹏弛都馴習長與吾

皇致太平

御製青羊元韻恭和

老簿髯蒼蒼對鏡不須鑷未從飛仙游已被虞人躡品登封
貢種入罽賓獵全生大官廚比貴老坡帖吾皇體仁育使牧
憫羸茶咩咩騶虞園庶與鹿麀接跋焦彼何爲應緩西戎頰

御製火雞元韻恭和

志稱三佛齊雞以炭爲食身如鶴修長羽共猓粹黑種別名偶
同祝祝斂雙翼惜尾毋憚犧啄粒定懷

德警旦筭栗清栖樹林直充庖味詎登吐綬技寧得赤鷺足
禦火對之當屏息

御製九月十七日雪獵元韻恭和

颯颯金風翦飄飄玉屑霏霜嚴秋欲盡冷重雪呈輝簇樹銀花
綻橫空素鶴飛千崖敷立粉萬幕綴明璣卷絮朝陽旆融冰晝
合圍廣場藩部集馳道御鞭揮馬汗消寒力人歡豁凍威錦
翻驚雉墮羽沒驗熊肥險隘平谿壑巖阿錮石扉霓旌迴獵騎
還擁六龍歸

御製塞山雪景元韻恭和六首

滕六風前玉節飄凍雲擘絮幕山椒林陰集霰周遭合嶺面迎
曦轉側消

紫漠秋高雉兔肥蒼鷹縱擊打盤飛欣看塞北虞旌閃想見淮

西夜甲圍

冰稜巧合陂陀勢粉暈濃皴岌業形銀練亂飄千帳肅玉龍爭

舞六飛停

瓊廬列部炙封羊
桐酒駝酥泛匕香
得覲

天顏如挾纈炎風
朔雪總相忘

瑩淨瓊田一片鋪
艸根何處匿飛菟
塞山陰霽看都好
不用烟

林聽鶉鴝

琢玉堆晶疊嶂濃
雪山如向蜀天逢
平蕪細數銀杯迹
千頃玻

璃萬騎容

御製木蘭迴蹕至避暑山莊作元韻恭和

塞艸秋迎千隊去
邊雲晴擁六龍迴
乘輿再向山莊駐
屬

國都從羽衛來獵騎
解鞍宮樹繞賓筵
行酒苑花陪瓊樓
玉宇

清涼界壽域真隨彩仗開

御製水月精舍元韻恭和

方池定寒漪頗黎欲成凍
月明修竹閒泠泠
入琴弄散彩水精

簾倒影松雲棟靜夜闕虛籟
楠禽時一哢敬誦

聖人詩餘音嘯如鳳

御製春好軒元韻恭和

宸游列榭崇軒四時一德同
論林谷自餘溫
暖巖扉信遠煩喧

停 鑾偶誠田僕罷獵已告司原

帝世本如春好中和萬物之元

御製夕清樓得句元韻恭和

飛檐俯餘暉返照散清遠
暮色落高原
林烟出層巘 御樓夕

景佳危廊抱雲轉
星河挂闌干
初月吐常滿

宸襟一披豁物象供雕纂
竒情愜幽旨
冷然晚風善登臨
各有

宜奚取下帷暖

御製移竹元韻恭和

種分青士秀移自碩人槃拂檻生秋蚤交檐透暑難碧初籠卸
砌陰漸合雕欄品夙推淇澳聲曾採樂官柯留四時葉枝上五
雲端得地依瑤艸盤根遠石欒引鞭縹錦脫舒葆翠烟團雪後
飄鸞羽霜中挺玉珥澆泉滋美潤培土劑新殘驗處條加長量
來帶屢寬何煩龍作杖未取擇爲冠飾月簾權敞敲風珮響珊
笑時腰偶折醉裏節終蟠樹木期多歲呈材等萬竿叢開深徑
轉梢放隔牆觀拆露蛇跗笋披隨鳳尾蘭含虛君子德結實瑞
禽歡卽事同今古

宸賡妙耦單綠凝箋色淺香蘸墨花寒詩鏤蒼筤上應同汗簡
看

御製題林逋帖真迹用卷中蘇軾書林處士詩後韻恭和

當時寫向孤山曲點筆湖波蘸新綠吟成想對鶴歸雲書罷宜
看梅破玉不知坡老夢清冷略與馬卿爭雅俗傳來遺艸合古
香展處墨光連 御燭得邀

宸賞定首俯配食水仙應願足林蘇雙管倘齊下取譬依稀絲
竹肉

御題許入書畫譜趙氏徒慚金石錄

聖人游藝古莫儔同異誰能較工曲重言逸民等良史題品榮
于汗青竹文詞利見各有時特達之知比蘭菊
御製飛來峰歌元韻恭和

佛雲一朵飄中華拔地玲瓏具深窳飛時頗借風伯翼移處眞
煩五丁抱天竺老僧胡乃歎靈隱禪師听然笑烟嵐縹緲護龍
象紫翠鮮新潤金瑤聲聞定寂本同旨蔗鼓鯨鐘六時考慧珠
炯炯水精域湛朗光明洞昏曉

聖心虛靜涵妙諦色相莊嚴豈爲寶淙淙乳竇瀉鳴玉承以六
鉢佛當飽山靈安住便樂土不記當時靈鷲道待埽古苔鑿
御詩健筆揮之防蹴倒

御製罷魚元韻恭和

獻人以時梁數罟盡休罷澤虞掌水嬉不網聖仁在紫淵實華
鱗類族市司買縱之游浩蕩圉圉忘觸礙吾

皇綜名實曰咨百爾宋人物產化區分職有專宰民歌育育魚
厥詩可旁採兆爲牧人夢烹則校人罪開網出潛鰓義取震故
解恩波溢中吐素鬣謝沾浼罷魚迴鳧舟歌頌接歎乃全生溥
川利民氣增十倍

御製青蓮寺觀魚疊舊作韻恭和

老佛梅檀古天人結攬餘庭開迎輦卉池躍聽經魚霽色明僧

舍曇香襲

帝裾騰梭看潑潑吹沫驗如如法喻青蓮相詩聯錦鯉書淵淵
呈豁處斯是化機歟

御製副將軍富德等追及兩和卓木大勝回軍捷書至作歌紀
事元韻恭和

捷書夜奏行宮筵將略制勝

皇詩傳飛走計窮網罟合狐兔敢乞鷹鷂憐馬經戈壁致萬里
兵壓流沙來九天延陀頡利久臣服如鼠得穴魚得泉兩酋利
菑出逆性怒臂竊逞剛車前霍斯庫魯克一戰賊衆膽落唐光
顏大軍未至已逃竄尚敢設伏當兩山餌兵勿食訓從古龍頭
天竈機觸先將軍靜幽以正治布罽結陣麾羣賢中央左右雜
竒援以指屬臂臂屬肩發機踐墨寡敵衆回中蹴踏無人焉渠

魁伯克翦滅盡二逆且倖旦夕延

廟謨如神勝算握命將帥師一當千二重一信比山岳
詔旨褒美飛馳遄嘉爾將軍富德及參贊日瑞日桂日袞日祿分中
邊嘉爾額爾登額善策應繁及齊凌扎布殿後摩旌旃酬庸
曠典當繼繼奏凱突邁平淮年餅懸軌輻湯沃雪八荒底定金
甌全抽豪再賦七德舞虎皮一裹干戈旋
御製驛章元韻恭和

治兵舉秋獮天馬以次來午夜

披軍書益勵

無逸懷郵報絕域汗共勦陰山回連師麾率然犄角遣背鬼游
魂葉從風欲墜墨克隈吾

皇仗威信六合養以孩爾背卵翼恩自爲臬鏡儕敢以蟲沙軍

竊擾星火差何來阿木爾恭順如排推願歸服不氏馴養安羅
罽桓桓富將軍重慮軍憲詒叶責以自効功諭以

聖武恢遂遣兵將從控馭皆宜哉迅雷所撞擊何物能徂徊兩
酋當就擒一表寧塞責叶羽檄逐飛鳥上慰叶深宮裁
天懷開佇看凱旋軍旗燾相搪挨煌煌遠塞勳默默

請看

乙覽餘

睿藻聲還諧

御製濟爾哈朗圖行宮作恭和二首

落成賡咏誌新宮象外烟霞 御氣通庭集嘉賓循燕禮候臨

秋獮賦車攻行窩朗暢

真人宅和氣蒸融上苑風一室包含天下事可知安樂萬方同

吉行安蹕息羣多
御宿無煩供帳過
尚質規模仍儉樸
有秋風景足搜羅
箇中水艸連邨塢
絕妙雲山亦澗阿
補入圖經宸攬處
四圍還著散仙窩
御製右部哈薩克及塔什宰回人布魯特部首領胥來覲謁恰至山莊曲宴示恩點筆成什恭和二首
接武咸賓荷寵嘉
歸遲同訴阻荒遐
諸夷陟遠無歧志
四海由來共一家
翹首回中心久服
當筵頷上手頻加
東升日比車輪大
螳臂嗔侏意嚮差
異域來王悉主臣
窮邊未隔一由旬
因教講武期占戊
試聽宣威令再申
別殿花明葵向日
上林枝妥鳥依人
欣看雨露同霑處
艸木都懷化育仁
御製南苑賜哈薩克布魯特塔什罕回人等觀烟火鐙詞元韻

恭和八首

羽獵纔停百戲開
萬枝鐙火照樓臺
扶輿忽湧光明藏
特地憐渠昧谷來
火樹銀花照眼新
暖融蓬島欲頌春
纔知日出扶桑處
月鏡星毬也似輪
海子波明駕彩虹
天家臺殿在虛空
合圍慚愧回中夜
獵火星星與燭同
丹霞滿現赤城標
黃幕分明在絳霄
試看青蓮千疊綻
應知玉燭萬年調

不夜城開湧禁林
良宵故事可相尋
天光一爍羣陰伏
共見重華法

祖心

角觝魚龍戲最奇神機約略見于斯三更爆竹如雷震不異陰
山破敵時

組練旌旗駐水隈試鐙已足懾諸回再然烽火轟神礮只恐西
人破膽來

不爲宸游玩物華天王柔遠惠頻加投明棄暗如觀火故遣
降臣走傳車

御製對瀑元韻恭和

方諸取涼露積練偶藏涸寒色挂晶簾琤琤戛然落誰編龍湫
珠濺洒夜明箔喧寂理亦齊虛靜聽仍寔有本鑑原泉觀瀾術
斯託

御製貯清書屋元韻恭和

窗牖含虛白清機蘊藉多林亭幽自引巖壑翠相摩仙露明珠

滿松風水月過冰壺貯蟾影相較定如何

御製含遠樓元韻恭和

萬壑千巖入檻幽

宸襟開處豁天眸憑闌點筆成高唱倒瀉詞源截衆流

御製賜哈薩克布魯特等宴卽席得句元韻恭和

西戎卽敘法筵開拜手應歌至治哉奉使槎隨河水下負暄人
捧太陽來冠裳就列諸夷順玉帛趨庭萬國陪同飲醍醐欽
聖德留犁初撥大官醅

御製仲冬南苑大閱紀事元韻恭和

絕塞頻收吐魯渾因時講武許重論舞干數見來回鶻傳檄俄
當殄木昆令出山移雷電激陣成海沸鸛駝喧羌夷拜舞宛駒
躍煦嫗恩連秣飼恩

御製將之盤山駐蹕湯泉行宮作元韻恭和

花門犀甲望塵歎錫命期隨左部叨境外貌貅方踴躍盤中風
鶴倍雄豪受降傳蹕離宮啓揚烈宣威夙駕勞便有山靈環鷲
嶺佛光纔現一秋豪

御製自西峪取路登田盤至雙峯寺小憇元韻恭和

地湧水精域金碧改前廢
宸章壁紗籠輦路巖花記
六飛拂晴嵐香界尋往憇佛境
不盡空道眼了無異偶諧

仁智心山水大千置雙峯峙蒼茫一寺點寒翠北堂雁來賓歆

斜帶征轡

御製法藏寺元韻恭和

停蹕當蘭若探幽緬細岑山隨千佛拜松認六龍臨梵響含

諸籟浮圖矗遠林玉鞭揮指處雲豁萬峯陰

御製登定光塔作歌元韻恭和

憑虛俯視千疊山高標突聳蒼穹閒

至人心眼納宇宙極覽絕域無峯巒毒龍身已戴鉢臥怖鴿翼
敢巡檐攀居高思危聖有戒下士罔識垂堂言冥搜果覺佛光
定仰矚益見天容閒指輪已現上方相山色遠露西人顏智珠
普照合高下慧眼靜攝無偏全鴻鈞一氣轉呼吸

帝座本在諸天前

御製雲罩寺元韻恭和

拾級見鳥背絕頂常生風上界飄御香和氣迴方冬真宰運
四時無心驗元功佛指降魔幢足靖波旬兇師貞戰則克不待

占著筒

御製駐蹕靜寄山莊元韻恭和

碧落紅牆繚以紆靜中雲物護宸居喬林徑合翻晴漲遠岫
窗含湧石渠道味消融方丈裏天機涵養萬幾餘飛潛各適塵
氛滌恰稱吾

皇結攬徐

御製得槩軒元韻恭和

高明宜遠眺暄暖趁冬陽一室收奇勝羣峯盡老蒼烟霞開隴
畝雞犬畫柴桑譜入圖經內

宸篇可細詳

御製游古中盤作元韻恭和

盛世誰栖隱者園兩峯環處翠開門井泉甘美山川潤艸木丰
茸氣候暄秀野邨連僧寺古晴嵐光轉御旗翻徜徉合動

天顏喜宜稼宜宮故迹存

御製少林寺元韻恭和

花落祇林出雲開鳥道盤龕鐙傳後朗禪榻坐深寒色相參真
諦風光入妙觀笙鐘酣萬壑聲帶法王歡御製上方寺元韻恭和

風幡不動午鐘遲下界聲聞絕議思小駐經壇一彈指妙香凝
處又成詩

御製汲惠泉烹竹鑪歌元韻恭和

一器不亞聞人聞

聖意三致品題分惠山竹鑪比焦鼎後先濟美同紀羣天紳乳
竇醞靈境清味一洗仙都塵山僧舊製取攜便刻鏤弗藉雲霄
文林閒汲水試活火火色水味俱沁蒼松芬雲濤不動蟹眼沸

御榻靜對虬鸞陳山靈再拜古佛喜古佛
今佛夙分敦圖經細訂陸羽註蘭桂不用樵青薪前人茗酪異
嗜好酒鐺茶鼎流傳紛篁墩竹垞各評跋詎若紱米寬輩所
云中冷龍井別流派

睿賞一一相衡權

聖人味道閱甘苦是于器也而道存貫珠疊琲極三歎山谷水
態精神新

天章久作藝林寶

御墨更錫名山珍不須續尾寫長卷臣信後世無詩人

御製反李白丁都護歌元韻恭和

河濁江流清呼吸分暗昨鐵鑿凌三山一水帶諸府周官掌疏
濬厥利辨水土通漕政綦重失役民或苦 盛世勤歲修樂利

邁前古裁成輔相權惟

聖克匡補舟浮吳越人貨轉東南賈烟波照庭牖汲用堪拾取
李白如復生詩瓢定投許

御製咏回人玉刀元韻恭和

寸鐵可用過于尺挾藏本稱衣衷窄回人絡繹王道直清剛揚
文貢匪迫靈金寶藏豈汝惜白日照之斂寒色瓜哇不刺無此
飾形彰道隱光奕奕古來俠客誰能得玉刀玉斧並什襲
天章奇奧請箋釋

趙北口櫂歌二章

天中節張水嬉七十二鱗銜浪飛

翠華來

鑿輿歸畫鼓聲

中載朱旗錦標彩鷁舞之而趙北燕南樂何其

水心鏡鼉鼉梁飛鳧水馬游江鄉祝

聖壽獻蒲觴

君民同樂樂無疆太平萬歲字中央羣龍夾舟朝

玉皇

御製大西門樓前較射元韻恭和四首

布鵠如懸射的山宛然觀德澤宮閒合圍氣靜風雲暖發矢聲
和志體閒金埒鳴鞭停御馬紫衣招箭出仙班歡從禮樂瞻
容節仰見天弧比月彎

受降城已築頽當絕域頻飛詔紙黃偶設騶虞聯六耦遂令
烏弋侍長楊更番破的欽

神武正直陳威觀耿光狡兔魂驚三窟陷敢勞繁弱殪天狼
慈顏和霽壽齊嵩初爵還歌燕譽同餘暇觀賢爲大射從來頌
政在司弓一時官備要荒衛九節侯張虎豹熊不數戟枝蜓翼

技

聖人巧力總天工

底用長楸汗赭鞭從容決拾已空前賦欽

威德風行艸遠念淮梁水拍天事繼習戎徵繹志典從迴蹕

紀于田

宸章畫壁賡三疊應陋華林獻賦年

長江浩淼入海流
 萬里風濤捲白鷗
 孤帆遠影碧空盡
 惟見長江天际流
 吳越故墟今已矣
 英雄無用武人休
 中原逐鹿爭雄日
 天下紛紛逐鹿時
 鼎足三分成鼎足
 龍爭虎鬥逐龍爭
 英雄無用武人休
 中原逐鹿爭雄日
 天下紛紛逐鹿時
 鼎足三分成鼎足
 龍爭虎鬥逐龍爭

忠雅堂集

忠雅堂詩集

鉛山 蔣士銓 定甫



補遺 上

乙丑

草蟲小冊爲鄱陽高丈聖敷作四首

靈關先生年七十秋宵點筆寫生殊也知不入時人眼一笑老夫聊自娛

文石玲瓏短葉披不將花鳥貌徐熙秋聲漸遠蟲聲出合助幽人夜讀時

十年吟苦學秋蟲棖觸閒愁尺幅中化作懶殘誰解悟任他伊軋訴秋風

強學寒蟬飲露痕閒庭偏自愛黃昏一般同向秋風蛻不戀林

端戀艸根

寄懷諸友二首

北蘭雨過鐘聲濕黃牛洲下潮千尺一夜龍沙走石城寒月團
團輦秋碧青天拍水雁叫羣帝子樓高正憶君珠簾捲入不知
處十二洞天飛白雲
我昨上黨驅黃騮青天落手看吳鉤蠻府參軍愧年少盤鵬射
獵南山頭窮愁今苦日旁午滿案花蟲蝨秋雨安能一訪琴高
生共爾騎魚撇波去

北蘭寺

寺門蕭索紫烟凝選佛場空薄暮登隔岸鶻聲催去客過江山
影拜名僧亂峰天外晴相倚長笛中流晚故鷹滿眼窮秋人不
見寒風吹起浪層層

寄汪輦雲

飛觴文宴氣縱橫客裏交情好弟兄萬卷難驅五窮鬼十年纔
博一詩名過江白日寒無色入夜悲風壯有聲珍重相思同起
舞扶桑東去正雞鳴

野泊

急柝傳宵堡荒堤野泊時月寒人影瘦霜重雁聲遲暝色空魚
夢湖光隱釣絲茫茫天宇闊客路轉淒其

丙寅

山邨雲樹圖

濃陰蒼莽自團雲廬井空濛望不分十里柴桑平野合數家雞
犬隔花聞林腰路黑迷人跡木末烟寒亂鳥羣宿露新嵐都不
辨一天微雨暮紛紛

野望

山林自黃落天地有窮陰石岸濤頭卷江城雨脚深推篷來野
色仰面下飛禽柔艣烟中亂悠然韶濩音

吉安官舍

片月何曾滿年年照客愁兩人當對酒孤館不宜秋落葉塵雙
榻寒山夢一樓離懷消未得明日種忘憂

南安觀澗亭

石壁高懸古岸隈不須濠濮始低徊山亭一面臨江出雪浪千
盤破峽來急雨漲寬沙步隱圓波風淺釣船開解衣坐待林端
月要看魚龍啖影來

丁卯

晴燕

未去銜紅雨喃喃弄晚晴飛花黏不定風色裊來輕小苑真如
夢閒庭最有情斜陽多少恨莫漫下簾旌

送沈壽雨

龍文

赴京兆試

白頭心自壯猶作魯諸生乞食原疎懶為儒獨老成十年雙眼
白萬里一身輕莫笑飛騰晚蘆溝月正明

己巳

寄檜門先生

苦憶鐙前語笑親吟安一句一驚人那知識字為憂患但覺高
歌有鬼神烏帽自尋深巷月綠楊猶記上林春句山

陳星齋先生

去

後過從少只有天台老斲輪

齊次風宗伯

寄張篁野編修

紹渠

張郎花骨玉為姿持贈親勞幼婦詞惆悵至今忘不得楓林騎

馬別君時

哭江思齋姊夫二首

命與才同盡江郎我獨憐
璞經三度泣硯已十年
穿乞賦名何重遺衾斂未偏
招魂煩杜宇嗚殺墓門前
小別忽千古浮生如等閒
劬勞雙白髮慟哭一青山
娈姊其長恨中郎已不還
傷心原上艸都是淚痕斑

燭花二首

豈共朝華落繡茵銅槃芳苴晚來新
孤根自結何須地長夜能開不待春
一寸纏綿心轉熱五更風雨恨應颺
更闌莫漫敲碁子留照清狂淺醉人

飄來終是不成茵頃刻疑隨幻術新
黃葉寺中千里夜晚風樓上一分春
紗籠爲爾移身護羅帳嗔他背面顰
狼籍鏡臺簪得上

否曉粧辜負未眠人

庚午

答豐城徐蓋山用昌黎永貞行韻

言鯖笑鞮騰觚令老樹當檐出斗柄
酒酣貌視同貙豸險語破敵驅偏師醉呼城門不肯啓
一夫當關誰能爲水中看月天倒置
夜色湖波爭嫵媚霸陵門尉輕冷官掉頭踏歌行路難叩門
解衣坐復飲椽燭一尺燒銅盤劒江徐大號文虎老成意氣揚
波瀾搏沙一聚不心蘊短榻夜對生長歎踏壁我臥君未臥孤
坐絕倚如總干自言少時不辨客與主來則班荆去則祖翻覆
頓易貧時交往復青雲耀毛羽烟霄咫尺莫與登東北却喪西
南朋下車強揖爾汝稱螟窮螳怒色且矜問我騎馬八極騰幾
輩交結雲霞烝有膠不粘漆不凝得友匪易吾何曾紈袴躉嚙

面可憎窮士訾譽若畫鐙一笑棄去磨之肱逢君稽首厥角崩
忘年耐久真意憑相期千古無凌兢澁體答君力未勝乾離得
位象可徵若餘若耳吾其懲

書陳謙如齋壁

陳生五十鬢髮星負鋤驅牛角挂經手脚肉死心乃靈我來共
舍如約萍小簾日午門常扃客來盤餐雜膾腥客未盡醉君茗
丁脫冠橫臥頭觸屏鼾息出簾飛蜻蜓風吹白髯鐙熒熒但願
長醉不願醒

秋山避暑圖爲陶字中作

任他觸熱走縱橫襤襪何堪對老生只待田家秋釀熟瘦筇添
我過橋聲

辛未

康山營

鼓聲角聲爭喧阗大旗一丈飛湖隈羣馬驕嘶逞雄傑朱纓按
轡將軍來從容下馬登將臺手提尺筆鬚滿頰何曾氣力搏獅
豕居然叱咤生風雷百夫羅拜同銜枚指畫方陣旗門開金花
腰鼓繡段額弓箭在鬪賊鶴排橫鞍刀稍白波洗壓肩旌纛丹
霞裁畫角一聲鼓一點火光百道飛黃霾弓張滿月箭迸雨惡
獸捲地毛瑤璫編藤繪彩變干製壯士蝟踏珠在胎如螺負殼
蚌匿影屈伸誰得窺形骸以人使臂臂使指短刀一過霜蹄摧
將軍馳騁驕駑駘短衣顧盼輕羣材彎弧發矢鼓聲寂射不主
皮真快哉太平甲兵那須用飽食 朝廷四品俸朝夕惟聞鼓
吹喧出入常教戈戟從健兒散操力孔艱抱兒撒網身手閒妻
孥愛聽出塞曲祖孫埋骨康郎山連年西域苦征戰此地將軍

日精練朔風拔樹馬踣蹶湖雨騰蛟卒掩面天清日暖騎大馬
道逢儒官不肯下不見功臣廟中三十六男兒安在區區讀書
者

壬申

留別裘超然次韻

衫袖霉痕碧似苔斜陽驢背又低徊催人歲月堂堂去病我風
塵故故來寒餓自彈將母淚蹉跎汝是出羣才離情酒味都嘗
遍懷抱如斯那得開

仰屋悲來泣復歌獨煩天意費礪磨依人久笑科名賤閱世徒
增感慨多或有神仙知脈望料無天女伴維摩明年飽食離支
去瘴雨蠻烟奈遠何

甲戌

從姑山讀書圖爲陶淑作人作

江湖苦飄泊安得故山栖匹馬將焉往雙峰不可攜斯游同落
拓有客念攀躋絕好南城路歸人夢豈迷

答宋桐門

樹穀

次韻四首

名場如糟坵醉者戀餘瀝酒徒愛燕市半作長安客向隅我何
能心境異喧寂元蟬語秋燕庭際自相惜朝出無停車暮歸不
暖席誰能耐炎蒸昏夜效私覲袒裼凌高臺聊可永終夕

采君磊砢士切慕古人跡弟子復不凡相對心齋閱讀書祛俗
慮文字有正色功名誰得料忠孝古所職浩然養竒氣已具造
化力劉琨彼何人舞劔亦其癖

朝聞黃雞號暮觀白日沒難持一寸心坐受幽憂迫古多用世
才枉直昧尋尺墦間酒肉臭飢者樂苟得傷哉溝壑中展轉志

士魄寒月避空堂門掩一燈白

毒蟲含暗沙冥鴻塌高翼窮愁如亂絲緒多不堪織短燭照孤影揮杯自主客意氣豈不豪慘澹在顏色人生無尺土何以繫根蔕亡羊而補牢雙耳徒濕濕病婦理寒砧慈母念行役可憐升斗祿甘旨係失得饘粥亦君恩有淚敢輕滴

崑山夏貞婦劉氏詩

十日新嫁孃不識君洞房入門知夫病上堂痛夫亡花攢金縷衣未嘗挂君析翠裁合歡被未嘗展君牀依稀識夫面星漢仍相望舅姑慘不歡三日進羹湯微風吹藥烟散爲深院香豈知共命鳥艸艸成孤凰妾身已分明暗鳴拜姑章羞言入郎棺涕淚洗紅粧姑章視新人欲語聲已吞兒亡婦勿哀幸婦猶素婚

新婦前致詞斯言毋復云請留未亡身以附死者魂父母唁女來嘈雜語無倫自怨嫁女早斷送蘭苕春恐女容華凋勸女返家門女聞涕滂沱親意忒乖訛兒爲夏氏婦鳥飛誰得羅文采雙鴛鴦世閒豈不多芳艸名獨活賦命如天何幼誦柏舟詩之死矢靡他郎命太湖萍妾身崑山壁萍無久生枝壁有不瑕質郎名夏之日夏郎名之日朝曦落何疾妾心冬之夜寒月光自白穀

雖異夫室死可同夫穴請翁寫幽蘭用以勵金石及今十七載空樓守岑寂婦翁蘭巢翁述之輒改容憫婦抱幽光何以明其衷我與蘭巢友作詩豈敢後嗟哉容容者護福亦云厚愚夫愚婦儔偕老常白首生同鹿豕羣死共艸木朽肯將列女傳易彼庸人耦濡我珊瑚筆紀此松筠守紀婦守貞歲行年始十九紀其姓曰劉紀其名曰琇留獻採風人汗青傳永久

乙亥

寄廣豐家繡躬叔三首

關心念民物洒淚看儒冠世絕山公牘誰憐范叔寒吾宗方寂
莫夫子歷艱難想見青鐙畔低頭策治安
數載一相見百年能幾逢坐聽寒夜雨夢落故山鐘念我良多
感懷人不可從尚憐風外絮無處著行踪
我讀樵雲艸其中有正聲騷人例多怨達者意能平安得攜村
酒相將話別情招邀徐進士曇爛醉短長更

戊寅

題陳力夫詩卷

名紙生毛肯一投履穿裘敝不曾羞我同韓愈悲雙鳥天遣張
衡咏四愁不佛便仙差快意是貧非病可忘憂買山暫守丹爐

臥底用青裙喚伯休

已卯

宴坐圖

山中昔作橐駝坐風打琴絃松子墮七條瘦玉學龍鳴空翠寒
濤指輪過今來人海無石林枯桐挂壁塵土侵華筵舞袖箏瑟
耳可及雲山韶濩音

辛巳

雨窗偶成

階除綠長蘚苔斑沴暈黴痕處處殷樹杪光來雲漏日城隅青
失霧沈山盆魚噴沫增竒樂庭卉依人發笑顏消受小窗開卷
坐不須頻謝客當關

題浦竹所自畫像卽送出都

忠雅堂詩集補遺卷上
胸中邱壑畫中樹手闢林泉開絹素偶然晏坐入行卷不識家
山落何處相公好客等愛身浦君作畫妙入神十日水石腕閒
力廿年平津座上賓相公扈 獵隨鈞陳載君後乘車麟麟穹
廬覆地掩紅蠟塞外烟雲供吐納摹將山水上官屏自寫關河
收蓋篋

人主微聞倪董名時流竊倣荆關法牋麻束縛歷寒暑赭墨淋
漓滿巾袷我昔讀書綠野堂與君呼吸隔一窗姜六醒癡夏醉
狂縱談嘲戲鬚髮張依人潦倒故多藝纏身坎壈皆自傷今君
名姓注宦籍淮浦初翻治河策梓里休尋處士廬水濱且賃官
人宅君不見柳仙期王尊古綿津稱之亦何補盛名之下不沈
埋莫厭卑官境清苦我聞王翬奉 詔曾作 南巡圖清暉小
閣聲譽都君行勉旃勿次且薄祿勝食馮驩魚卷中人面笑顏

舒石上松花寒氣蘇掉頭長揖別良友如皋姜六嗟何如

壬午春李載菴歸滇南

衣上猶堆塞磧沙依然歸路一鞭斜七年馬首今南向便覺初
程似抵家

王穀原比部

又會

三月某日卒於里藿石先生於閏五

月八日爲位法源寺邀同人哭之

生離友無多死別君復先疑重心彷徨涕落頭暝眩七年得兩
書每讀如覩面聞君在苦由羸毀死生半越山豈不多幽宅未
能辨吾師左庶子與君托鄉縣膠漆固金石萬物不能閒人稱
二邊韶自笑兩原憲雙鳥郊愈偕二鬼基濂善君方困一舉師
僅博兩薦抑之遲又久形以動而變伏者接翱翔隱者隨肩現

人才自古難天意至斯轉當君官中書晚達勞衆歎旋辭鳳皇池除授法曹掾雕蟲竟讓人讀律傷歲晏

君授比部有詩云晚年讀律終無補半世

雕蟲却讓人

思親投牒去歡喜動閭閻養薄敬有餘饑驅走江漢記

君來豫章

歲在丙子

握手玉顏粲急檢篷底詩滿錄袖中扇疊韻屢

酬答險僻誓爲難交馳奴子憊屢達閭者怨兩持兩乞降一鼓一徵繕憑誰給鈔胥幾欲置郵傳勞師利用守黷武姑從按虎皮包干戈蠻布羃弓箭延君雞黍堂笑以玉帛見鄂渚君擁楫燕雲我歎段關河成阻隔魂夢相續斷倖游庶子門竊比桐下爨懷君君不知仰視拂天雁庶子顏慘惻探懷出凶聞從橫老淚湧哽咽哀音惋設位開僧寮改服拜賓奠買山釀衆貲營葬發遙算窆君兩世棺遺文鐫校遍於友得庶子可以礪邦彥況有張與祝同抱山陽恨寢門不可到鏡具空爲個作詩紀高義

君聞或欣忭死者七情盡生人百憂煎哀樂集中年招魂淚如霰

秋夜書懷次韻

漏逐河光轉鐙隨夜氣沈壯心因酒熱人意共秋深百藥方歸籠羣鴉尚繞林風前多病葉應和亂蛩吟

癸未

哭曾石圃

日珏

千金救死寧遺力百里專城每見才汝不負丞時命蹇天令無子友朋哀終窮何計存家室高義憑誰表墓臺痛哭秋原惟老婦可能招得旅魂來

甲申

查恂叔

禮

太守以粵西詩搨數十本見貽奉酬

官能嘯咏吏如仙況有义頭月俸錢屐齒千回粘翠黛歸裝十
擔載雲烟水經補註從新辨山骨題名後日傳却笑閒居閒不
得更支藤杖亂峰前

乙酉

望雲圖爲萬平川

化成作

昔爲負米人今作望雲客我生未飲嵐湖水乍指湖頭識君宅
一帆如馬橫江來君船先發我後開豈知江水接湖水君夢暗
逐寒波回湖水入江不復返浮雲在天任舒卷燕齊吳越子歸
來老母今猶健餐飯掩關讀書絕饗殮出門求官官亦貧不如
飲水枕曲肱鱸魚煮蕨媚爾親況君已到白雲下舊畫求吾新
句寫白衣蒼狗飽看來可憐亦是還山者

夢鄉圖爲吳音厓作二首

始爲文學掾仍是故鄉官湖水出江處家門入夢看相望四百
里縈想萬千盤明歲乘風去君懷畫益難
士有四方志懷安意或非泉清猶未出雲薄漫言歸我懶應迴
舵才疎故息機雙鐘前夜聽失記爾柴扉

丙戌

題芥舟水榭二首

苔痕屐齒屢相於香茗周旋不願餘鷗鷺心情貪水宿神仙風
致好樓居纔聞畫舫敲檀板便有明粧傍綺疏久避煩喧愛枯
寂倚欄還爲立踟躕

夾水簾衣半上鈎三人徙倚讀書樓王郎老去輕朱履江令歸

來歎白頭

謂文山

偶說東華成舊夢待徵南部發新謳憑君道力

銷春恨底用長干訪莫愁

忠雅堂詩集補遺卷上
有賦木出山妻來門人夢
望四

忠雅堂詩集補遺卷上

鉛山 蔣士銓 定甫

忠雅堂詩集

補遺 下

丁亥

雪蹇採春圖

香雪凍成海擁貂人耐寒紅生雙酒頰白重一吟鞍冰簇霜蹄
熱花晴笑日乾知君與豪俠還共健兒看
已丑

雜詩

山高而水清我忽生其閒我情自依依山水然不然無情則壽
考有愛多拘牽不材木常榮不花樹常堅混沌鑿乃死守拙精
神全何處無勝區荷鍤當流連

春風爲誰來林花已嫣然花落夜雨中豈是春風顛美人未臨
鏡不自知貌妍苟無悅已者亦不甚愛憐憂患出知覺恩愛伏
尤愆所以賢哲心出處常慎旃
飛者有搏擊走者有蹶齧鱗懷吞吐謀蟲解網羅設夜靜而晝
動入眼苦森列我持惻隱心顧盼不能說萬物角智巧天地意
轉拙雨露所不生霜霰所不折可憐造化心一一與分別

壬辰

九峰園

蟠螭峰倚顧免峰拍肩屋後觀海桐紫芝一峰在湖側倒影雲
垂蘸波色雨花菴西張翠屏此峰端直何亭亭一爲華蓋一立
鶴宛若乘軒羽客來中庭別有三峰離立古渡口縷雲抱月鯨
鬣相左右直疑齊州九點之烟聚此園雖有愚公不能負之走

石氣拂拂生苔斑諸峰留我意思閒鶴欲起舞鯨欲翻免乃撲
朔螭不蟠屏開蓋偃月暗轉芝房忽啓祥雲端勞我翱翔顧盼
相周旋平山堂下十二園新粧炫服誇麗娟九峰寂寞獨不往
亦如淵明懶入蓮社閒我往城南忘城北坐愛濠梁水精域

題隨園邊丈游栖霞倡和詩後

攝山招手仙人登兩翁如鶴攜雙藤屐齒丁丁敲石稜空翠着
衣嵐彩蒸松爭石罅各抗矜石趁松隙相騫騰雜花修竹迴合
乘磴折路細天梯緼佛樓僧宇轉側承離宮 御宿佳氣凝任
邱丈人詩填膺竒氣空湧山雲興靈府沁碧足踏冰筆掃雪壁
烟層層桃花已隨壘浪去九老不同千佛升丈人歌聲落峻嶒
松響下挾江濤膺大呼金焦爲我明洗頭濯足肩背憑何不來
作山中僧歌闌忽放萬古眼但覺物我變滅俱可憎阮悲陸笑

不足徵長生藥在羣真薨胸納五嶽心手凭一拳之秀翁乃稱
茲遊未必冠疇昔却喜行廚珠顆隨年增我慕盤山松石厯未
會何日北買雙行騰請翁高唱揮以肱爲翁傳寫吾猶能欲將
此本萬手瞻光燄散作栖霞鐙返睇江南匹練澄繖山若點屏
中蠅

喜彭季子 晴嵐 至二首

昔別髻垂耳鬢鬢乃有鬚懷人傷宿艸見爾信名駒溫飽非先
志韓歐亦少孤賢書兄已列努力二難俱

開顏接佳士垂涕感通門戎客難爲子慈幃但倚孫滄桑如隔
世蘭芷枉招魂一斗山陽淚因之寄兩昆

短歌行送洪稚存秀才返毘陵

鐵崖樂府容齋筆萬口爭傳洪禮吉誰知二十五年身一領藍

衫尚垂翼尚書五世爲清門幾人眼識司空孫三冬足用信天
稟四歲早孤稱穉存訪我蕪城說經地埽榻延君感君意衣留
黃海萬峰雲篋守冬官一篇記新詩光怪森寒芒萬鈞入手能
挽強月斧雲斤鏤肝腎出入韓杜爭軒昂卷軸填胸字難煮學
士愛才心獨苦爲憐松栢少青邱特贈泉刀買黃土堯夫元振
堪與儔戴暨丁廣難復求悠悠富貴豈足齒寒濤欲打空城流
酒波耿耿射眸子風雪殘年渡江始明朝馬鬣寫新阡別酒三
巡君可起

癸巳

送王蓬心 辰 舍人分守宜昌

江水都隨別意長秋花點鬢暎離觴騷人例過黃牛峽名宦誰
居絳雪堂尚有烽烟橫蜀道料無耆舊在襄陽巖封險隘須摹

寫留贈將軍作保障

題顧仙沂秀才

綬汝

印冊

寸刃切山骨力欲透石背至剛失其柔指輪出精銳顧生有家
學鐵筆壓儕輩小學先說文識字洗蕪穢偏旁與點畫疑似辨
明昧不解世俗書彌明本天慧了然秦漢文碑碣細讎對鐫刻
原一家孰敢嗤末技願生馳心兵奮力典墳內著作鏤玉牒宛
委納金匱抑或揚天戈為國掃魍魅題名燕然山手勒擘窠字
肘後懸黃金纍纍印充佩一笑看前塵雕龍等遊戲

陳家

一井臙脂沉禍水三樓鐘鼓散淫聲
猊門外窺殘醉燕雀堂中賀太平
看去舟人皆敵國聚來名士悅傾城
無愁無逸同歸盡贏得歡娛過此生

甲午

題府谷蘇孝子

藩

畫二首

好風吹日澹澹梅花生香冉冉老母堂前笑舉卮
堦下孫曾羅菡萏壽州董家有此樂狗子雞雛同孝感
請君來看此圖中母不辨風與謙兒不知祥與覽
養志圖孝子眼中淚涌作山中泉廬墓之祥難舉似是乃絕地而通天
君家庭中舊有萇宏血下釀靈源芳且潔轆轤新自墓旁來孝
井淵淵香不滅君不見孝子來窺乳竇時可憐照見頭如雪
孝

井圖

丁酉

聞知節避喧清泰寺因憶丙子偕汪魚亭下帷事寄四
十字

習靜離人境辭喧入梵宮辛勤守齋粥得失賤雞蟲僧老吾曾
主龕存爾竟同連床思舊雨腸斷水雲翁

解孝子詩

噫噓嘻解孝子吉水東坊人善事父母傷哉貧讀書懷桶行負
薪負薪入城心忽動馳歸烈焰焚四隣孝子濕衣負母出頭額
焦爛全母身噫噓嘻燃眉孝子脫兩眉疽發父背口吮之父痊
兒病神來醫父病兒禱城隍祠刺血泣書滅已算九十三齡天
鑒茲噫噓嘻孝子痛水生母穴跪哭墳前經一月血淚乾時泉
水竭不許縣官書簿牒每事焚香告遺像孝子爲誰解貞讓孝
子歿後官牒呈乾隆乙未 朝命旌其他庸行粗可記不用董
狐書瑣細噫噓嘻

雪

過牆山影失倚檻竹腰垂雪重無衣苦年豐隔歲知三農能鼓
腹十日願嗥飢去去霑微祿應蒙解凍慈

戊戌

守風南康懷熊鶴嶠先生

言停落星渚却望匡廬岑微雨自朝暮白雲時淺深山中讀書
客天末懷人心矯首發清嘯若聞鸞鳳音

書知讓遊廬山詩後

我攜兩子遊廬山使悟文字山水閒白頭讀書老牖下趙奢有
子真愚頑用兵倘泥古韜略名將喪師難苟全徜徉竟日返篷
艇剪燈遂作詩兩篇知廉浹晨縱筆書二什造句頗戛然鐫雕
刻畫極慘淡以詩作繪摹荆關知讓蒙頭睡竟日呼之不起寡
笑言未知心魄寄何處但見疾寫三尺箋鶻落兔起恣塗抹擲

筆跪獻新詩完老夫誦之喜欲絕萬牛直欲迴豪端胸中成竹
具枝葉如以一索穿萬錢擣虛擊實肆跌宕信縮變化相鈎連
繁簡縈迴合紀律詠歎往往操微權嗚呼孺子解辦此不枉蠟
屐窮涯巔譬如卷帙繞身積穎慧不入徒窮年匡君兄弟樂啓
迪暗淪靈府疏心源衰翁或有譽子癖寫寄請質隨園袁

登大觀亭

江流去無極而我又登臺樹比年時老樓當好處開表忠碑再
立懷古客重來要吸遙山翠呼兒具酒杯

舟過秣陵懷簡齋先生

新愁都借岸花醺入骨相思酒十分招隱身辭流寓宅爭墩人
變出山雲芳園依舊偎紅裊老筆猶堪記錦裙不敢重尋猿鶴
侶恐煩仙史艸移文

謁水神祠懷裘文達公

尚書重現宰官身成佛生天信有因曾掌河隄持漢節故騎箕
尾領江神能爲舟楫推才力不作風波本性真敬守遺占酌卮
酒靈旗還仗指迷津

公屬纊時云吾爲燕子磯江神凡
故人過此以卮酒相酌不辭也

康山艸堂觀劇

綺筵重聽四絃秋一夜尊前盡白頭何必官人皆失意歡場各
有淚難收

訪東昌郡丞龔梧生不值

聞君買雕鞍欲殺臨清賊許身一何勇刀劒生寒色昔撫古州
苗雜種解畊織司馬如父兄萬涕洒行軾今猶困半通俛首盡
官職傷哉萊蕪貧僦屋嗟偏仄結交廿五年傾吐出胸臆獨登
魯連臺莫振搏風翼行旌潞河溜南下庶幾值

集吳太常引藤書屋用禁體詠菊分得昌黎體

南山轉西潁老圃托元覽眷茲晚節人同坐斜陽澹荷枯桂亦凋寒動氣將慘芙蓉遠莫寒治藩意寧欲托根性故幽應節芳可擘簇簇舒冷姿離離壓秋擔順候欣已榮于道未云闢屏張體相亞席接態交掩朋從色愈佳類聚吾奚感倘許充餼糧實願謝昌歎

鐵琴引爲張晴溪作

嶧陽老桐化爲鐵郭諒雷霄爐鞴別龍池鳳額初鑄成鳧掌人肩皆妙絕當年躍冶尾不焦火力盡時金氣銷軫暉岳柱一附綴搏拊有人心手調琴名天籟誰氏作項家因以顏其閣中有蘇門鸞鳳聲此語傳聞疑未確清河藏弄亦有年酒酣出示真洒然鐵板銅琶已迴避請君試着朱絲絃吁嗟乎形模似出稽

生鍛一錯何須六州換廣陵散久絕人間井上蕤賓發三歎

題寒樵圖 并序

詩書其山也道德功名其薪也而聖賢豪傑遞樵之富貴爲山則聲色貨利其薪也中人以下互樵之若夫才士以文辭爲薪乞人以簞食豆羹爲薪鳥獸鱗介以食飲爲薪草木以雨露水泉爲薪遂各樵其樵然而皆不可寒也靜山陳君本清寒之士富讀書應試時固曾以文字爲斧斤科名爲薪也樵之不得乃以書畫爲斧斤而樵其食與衣於名公巨卿閒薪或盈擔矣而肩臂茶然每不能負荷及竈突無烟而又樵之如是者十餘年今且以微官爲山林薄祿爲薪以奔走應對爲斧斤於戲其寒則如故也亦可悲已

君爲人介直感槩重唯諾與人交輒諫其所不可刻
苦食力有所不爲蓋不幸而不能樵聖賢之事而中
人以下所樵又不屑屑五十而仕無已豪傑之所樵
尚能勉焉皖公山秀而水清諸大吏多君子郡守而
下皆知飭簞簋民樸而俗尚儉約君此行或遇知已
則數年可得一印官當更以教養爲斧斤使民各樵
於孝弟力田中黍谷陽生春迴暖律冬之日固可愛
也寒樵云乎哉君其勉之

翁子營樵蘇少陵拾橡栗當時山中人飢來驅使出可憐旅食
京華春不能上書金馬門胸中五嶽起方寸筆底萬壑開烟雲
通侯上客名卿友墨汁消磨三百斗堊壁爭延老畫師張屏共
乞臨池手風雪柴門夢不忘皮肉凍皴手足僵吮豪自寫寒樵

影索句分題舊艸堂須臾柯爛殘碁了五十之官身未老積薪
自古後來佳啖蔗難求初味好推移冷暖換陰晴莫歎肩頭擔
子輕君看五月披裘者肯爲黃金損令名

題東坡天際烏雲帖墨蹟卽和冊中九首原韻爲覃溪
學士作

老友夢中詩愴悅官齋壁上字分明美人居士風流盡青眼紅
粧一種情

銀泥印簇冰蠶尾寒具油存玉笋尖轉遍風輪經七佛八層公

案者回添

冊內有虞集柯九思張雨倪瓚
馬治陳詢董其昌七人題識

遞主蓉城亦可驚前身俱躡鳳皇翎殘縑且各留文字碑石憑
他劫火經

縞衣偷換舞衫紅淪謫飄零恨略同難得護花賢太守一幡斜

壓滿潮風

六橋多少落花塵誰肯偷閒惜好春消受杭姬十分慧後先唐

宋四詩人

樂天君謨述古東坡皆為杭守

風光已換門茶天鐙火猶存載酒船明月易低人易散看他遺

墨當嬋娟

笙歌誰見紫髯翁罷遣愁眉唱國風莫買雕籠閉鸚鵡斷腸多

在有情中

定香橋畔已銷魂瑞慶堂前莫再論兩到翁家真怪事青氈藏

過蝨魚痕

冊先在翁深原家

那須石上掃苔花真本蘭亭未足誇持比平山醉翁帖竹西應

唱浪淘沙

時以此冊寄揚州鏤石

題施生

晉

詩本并柬黃生

景仁

碁鐙雪屋暫淹留相倚真同李郭舟才大士多嗟不遇情深人
每善言愁江東年少雙行笈燕市天寒一敝裘史館餐錢書局
紙因貧聊復與沉浮

寄叢山舊游二首

六年鐙火結清緣小別書堂又六年為問當時斷壘客幾人頭

白六經前

夾路離樽開祖帳成河別淚洒驪駒無因更乞丹青手補寫蓬

萊驛下圖

忠雅堂詩集補遺卷下

忠雅堂詞集卷上

鉛山 蔣士銓 定甫

銅絃詞 上

渡黃河

滿江紅

混混黃流秋九月狂瀾初落背夕照揚舡東去扁舟如雀千尺
射波浮日彩一溝洪水圍天脚破烟雲兩朵北邙山青如昨
艣聲軋潛蛟愕帆影側游鱗躍笑當年割據今朝城郭數折源
通星宿遠一層冰繞崑崙弱把英雄事業問前朝消河洛

泊黃州二十初度

念奴嬌

落帆江口是太行歸客懸弧之日逝水年華驚廿載兩字功名

難必白眼談詩黃衫說劍已是飄零極人生加冠一身如此堪
惜 且向橋上觀瀾磯頭船趁蠟我登臨屐拂拭泥金題畫扇
點染江山陳跡斗麪誰炊瓣香自翦酌酒坡公席黃花落矣莫
辭盡醉今夕

赤壁

滿江紅

鑿翠流丹使全楚山川襟帶是一片神工鬼斧劈開靈界磯下
白龜橫斷岸樓中黃鶴飛天外賸文章雙照大江流垂金甃
一斗酒猶堪載三分事聊堪話甚英雄豎子倏焉成敗歌舞二
喬誰得有舳艫千里今安在便江風山月尚如前都無奈

望廬山

醉江月

推篷一笑喜十年重見廬山面目問訊匡君無恙否五老須眉
如夙日照香鑪雲生鶴觀雪挂康王谷銀河倒卷青天亂洒飛
瀑 我欲左拍徐凝右攜李渤共跨先生鹿小載玉淵潭上酒
料理百錢青竹松下吟詩雲中倚劍坐看黃冠局掉頭一問山
靈可有緣不 古詩人奉山一取天下事請看海內
夢中曾到向東林結社西林拄笏大石橋邊呼慧遠不畏虎聲
騰谷鹿洞芝肥麝囊花紫醉倚芙蓉簇白雲留我蓮花峯下同
宿 醒後遊迹俱非衣鶉馬狗仍逐窮途哭十載天涯幾兩屐
踏遍太行千曲投筆歸來布帆無恙穩泛潯江綠青山相對形
容偃蹇如僕

蔡文姬摩阮圖

百字令

畫中人面坐胡牀摘阮雙雛侍側貂帽蠻靴垂辮髮絕代春風
顏色旃帳魂孤兜離語異獵騎如雲黑闥氏年少此時應也頭
白當日一樣還朝羌兒泪洒不若蘇通國留取餘生理衛芻
蓬首翻求國賊虎士如林龍驤滿廐都尉何恩德那堪再誤胡
笳不用多拍
賜書能記論才華豈媿中郎之女不放龍門成謗史留得班昭
何取一種傷心幾番隱恨詩在誰憐汝桃花廟側試拉息媯同
語可惜今古佳人泰山一死天不尋常許我過明妃青冢畔
著帽黃沙如雨霜壓盤鵬風吹病馬出塞悲行旅虧他銀甲邊
聲細細彈與
不記來時路認分明風亭月榭此中堪住擊出龍宮珠一串幾
點露盤涼雨秋到了兩行疎樹一桁簾波湘水碧約新涼小伴
知何處無一點人間暑紅粧翠襲真容與好園林清虛樓閣
臥游應許只有清風生畫壁莫使客餐寒具高唱也名花解語
明月欲來香在水聽新蟬送下斜暉去試共把荷錢數

題戈二齋壁

水龍吟

相逢同飲亡何酒酣清淚飄如霰茂陵詞客秦川公子惟君其
彥臺上呼鷹河東飲馬隴頭磨劒數年少豪游唯吾與汝記得
潼關四扇舊恨新愁難遣誤才人烏闌黃絹一寒至此婦人
醇酒斯言誠善僕本恨人君真佳士奈何貧賤莫辭痛飲人心
不似大都如面

念奴嬌

官街斜日向城南訪汝棗花堂裏紫鳳天吳團繡襖親見小茶
簾底問我誰何楊梅孔雀戲答前言耳柴關晝掩文簫四壁如
此那須寫韻吳孃鍼神綵線賸馥黏圖史潑悶漫勞沽酒伴
爛嚼殘絨而已省嫵風流一般疎嬾貧病何年始人生失意琅
邪當爲情死

自題一片石傳奇

賀新涼

蝶是莊生化絕冠纓仰天而笑閱愁休挂大抵人生行樂耳檀
板何妨輕打窮與達漫漫長夜歎女癡兒歡笑煞歎何哉已老
秋娘嫁須富貴何時也十年騎瘦連錢馬經幾多浮雲變態
悲歌嫚罵南郭東方遊戲慣粉墨誰真誰假弔華屋荒邱聊且

不見古人何足恨只文詞伎倆斯其下我本是傷心者

李鳳山忘機圖小影

念奴嬌

波平如許記不起涼月空江何處抱膝船唇天澹淹不見一枝
柔艣半臂生寒好秋難臥孤坐和誰語宦情如水此時忘却今
古幾人明鏡當頭肯來消受者雁沙鷗嶼恰憶歸舟酒醒對
蟬鬢添衣吟苦子戊辰下第有歸舟酒醒圖點點江山十年脚底燕趙秦吳
楚滿船涼月問君載向何所

雪朝遲孫翰庭徐蓋山朱震江小飲

鎖窗寒

滴粉搓酥柳棉飛處亂縈簾影檐瓦層皴似較昨宵寒緊想先
生夢嘯蘇門放衙猶擁黃紬寢歎丞真負汝十八年來一官酸

冷 袞袞讓多少都尉通侯浪登臺省悲歌何益萬事不如狂
飲爲羣公掃逕敲冰滿鑪柚楫煎濃茗望詩人乘興而來莫使
求羊等

萬年歡

十笏荒齋有淮南鼙鼓謝家絲竹煨芋醃菹差勝朱門梁肉隨
意持螯行炙聽攪耳箏琶繁促不須管蠟淚如山雪花堆過茅
屋 誰稱兔冑馬牧縱諸君有恨未多於僕鳳泊鸞飄那似浮
屠三宿萬事不過如是屐幾兩江山滿目行樂耳美酒羊羔何
須笑彼麤俗

麻姑圖

解連環

乍離蓬島約風裳幾褶羽衣縹緲負筠籃半躡香肩縱力不勝

嬌肯拋瑤艸塞外歸來又一度滄桑枯槁縮臙支小髻辨髮新
盤內粧偏好 破費工夫多少看明金錯繡一天風調算不比
畫裏真真倚三尺生綃許人低叫我憶餘杭問花釀幾人沾了
拚忍受王遠仙鞭一親長爪

言愁

滿宮花

態嬌癡人獨自長帶一分愁意尋思着甚此量愁沒箇和愁相
似 不解愁從何處至覺道眼前都是同行同坐總難銷只好
與愁同睡

蝶戀花

雨雨風風愁不止月下鐙前愁又從新起天許有情人不死不
應更遣愁如此 暫時撇去仍來矣纔遶天涯又到人心裏我

愛人愁愁愛你一人一箇愁相倚

南昌判官程十七北涯浮香精舍小飲酒闌口占雜紀

賀新涼

瀟洒房櫳底展文茵紅瓊一片秋光如水殘月曉風多少恨我輩鍾情而已問低唱淺斟何似忍把浮名輕換了鈍詞鋒不過吳蒙耳敢浪犯將軍壘北涯方校子新詞院本官齋十笏堆圖史拓軒窗招人來坐米家船裏錦袋緋魚腰手版別駕風流如此歎海內幾人知己虛擲年華無寸益戴儒冠不合稱才子擊碎也烏皮几

名宦何堪數讓先生風裙月扇歌兒舞女達者為官遊戲耳續

了袁家新譜

北涯有後西樓填詞

誰唱得屯田樂府非我佳人應莫解向

花間自點檀匡鼓奏絕調可千古

秋宵想見文心苦列名姬

共持椽燭箏琶兩部忍凍揮豪辭半臂明月西樓纔午儘一串珠喉吞吐越霰吳霜篷背飽奈年來王事都靡盬藉竿木尚能舞

帳冷香銷夜斷腸吟生平一事最傷心者記得琉璃為硯匣新

咏玉臺頻借春去矣小樓花謝誦偈朝雲曾現影怨東風兩次

吹蘭麝看燕燕香泥惹

北涯姬人趙蘭徵能詩亡後廿餘日八

坐庭所見姬魂冉冉外來入夫人臥內遂生子七日而殤姬復見夢日本非樂生者聊歸視家人耳

判官自判

氤氳且白尚書歌填長恨再生緣也

北涯為姬作再生緣樂府

世味從來皆

嚼蠟情緒偏同啖蔗夢斷了浮香精舍君語如斯吾怕聽便英

雄淚也如鉛瀉兒女恨那堪寫

燭炮銅盤矣挂絺衣幾枝蘿薜晚風吹起猿笛雁箏聲拉雜一

帶天河斜指論甲子大夫強仕不信東方編貝穩笑昌黎早落

期期齒北涯年未五渾未免聊復耳
飢驅我亦愁無底揖諸
侯人呼上客自稱狂士十載黃齏酸到骨嚼出宮商角徵豈年
少甘爲蕩子大噉仰天天也悶肯登堂浪進先生履淪落感竟
如此

題烏程沈萼崖小照圖爲北涯姬人金氏筆

喜遷鶯

聽松餐菊似瘦鶴秋山絕無塵俗鬢點吳霜酒澆越劍堆塚閒
愁千斛誰是狂夫牛僧君或先生馬牧絳蠟底把行踪略語牢
騷如僕 橫幅寫面貌京兆眉匳衣染春山綠彤管親摹置伊
邱壑不畫凌烟也足何取弓刀褒鄂較可丹青顧陸傳神手勝
衛夫人字管夫人竹

鄱陽徐公覆負才名工爲南北曲詞任俠好客家遂落年

五十日貧困偕孺人畫秋香圖雙照自娛屬予題幀首

賀新涼

艸閣憑消受護茅檐蒼松落翠高梧環牖城北徐公美無度才
在盧前王後拋心力豪蘇膩柳把卷六州難鑄錯哭秋風負汝
拋詞手空唱破旗亭口 神仙將相原難就笑人間勛名富貴
男兒自有收拾牢騷行樂耳坐爾秋香半畝偕老者梁鴻佳婦
算唱小山招隱曲願兒孫森列當階秀君更愛蟾宮否

老屋三間下看眼中頭顱如許君其健者何不彎弓馳獵騎飛
雁翻身仰射知未了男婚女嫁鄭婢蕭奴齊侍側奉夫人小摘
香盈把饒此樂自當畫 史公奔走真牛馬且旁觀爛羊牽犬
人奴笞罵我欲岑牟披單袂揜衷鼉皮親打否則種梅花繞舍
酌酒唱君新樂府賺細君割肉明年也英雄淚如鉛瀉

程十七判官有侍兒能吹橫竹者書箴贈之

玲瓏四犯

細雨黃昏聽翡翠屏邊笛聲初起鬟影依稀坐背紅燈烏几丁
星竹籟蛩音都迸入一行纖指韻鳴鳴絲兒氣力吹得秋聲如
此尊前只合分明見認窈窕樊川婢子料得前生爲弄玉或
是雙成姊醉把紅牙親拍應笑我微雲學士問娉婷騎鳳何時
直得配他蕭史

念奴嬌

中年絲竹列金釵十二司空見慣滴粉搓酥蘭氣暖月照一層
烟幔元九堂前岐王宅裏小夢年華換分司御史座間偏解腸
斷吾人富貴何時讀書好色事事堪長歎淚漬青衫塵染鬢
鏡裏朱顏愁看飢便吹篴悲來擊缶累汝櫻桃粲狂歌無奈清

商爲我低按

鄱陽徐衡友小照

水調歌頭

名宦幾人了揮手弄潺湲百道跳珠噴雪聲在翠筠閒試問曳
裾趨走何似科頭箕踞落得半生閒作達古來少爭笑老夫頑
官似夢聶如戟鬢先斑不記吹臺梁苑屋後有青山拋去朝
衫手版攜取隱囊冰簟常侍熱全刪古調勿復操羣響滿前灣

箇儂

長亭怨慢

書檐上蟾鈎皎潔也似揚州二分明月玉臂清輝卷簾同坐半
窗雪憑肩私語無那箇儂癡絕問河畔雙星可真箇年年歡喜
離別笑多情誤我耐盡燈花磨折循牆對影算名士傾城相

悅縱然教四角生輪銷不去天涯雙轍且看你晚風吹鬢閒愁
休說

沈維涓太守席上感事

水調歌頭

對酒不能飲看鬢欲成絲眼中咄咄怪事誰可合時宜幾許弓
蛇薏苡一片白衣蒼狗大概盡如斯耳熱勿擊筑劫急且圍碁
牧豬奴屠狗僧販繒兒黥徒伎倆止此恩怨烏禧禧免狡竟
遭人畢蠶巧那堪自縛斷送老頭皮奮袂爲公舞爛醉莫須辭
爲南昌尹顧瓚園悼亡姬姚氏姚爲舊家子幼歷患難瀕
死而生者三性烈而俠言行皆可傳子爲譜空谷香傳音
弔之

水調歌頭

佳人難再得逝者歎如斯風外曉星明滅愁絕在東時落葉半
窗如夢綃帳一層如霧只有斷魂知曉粧憐小女學母畫雙眉
心中事眼中淚畫中姿哭煞梁鴻夫婦白了鬢邊絲一樣寒
梅官閣幾隊花鈿蟬鬢頓少一人隨雛鳳不能語索乳指靈帷

華胥引

萬千愁緒廿九年華桃花命短取印提戈不及看兒醉盤暖一
縷藥竈殘烟似箇儂腸斷姊妹花繁人閒天上相伴玉柙無
情殉蕭娘但餘金罨妝臺塵漬仙郎書記誰管眼見碧落黃泉
返魂香散淚落君前一聲淒絕河滿

臺城路

當年曾棹沙棠楫桃葉春江攜渡廿四橋邊青篷紅豆作弄揚
州樂府朝朝暮暮爭禁得今年者番酸楚苟令神傷牽衣忍看

小兒女 青天靈藥誰誤贖呢喃雙燕夫人親哺艸佩宜男花
簪蠲忿不歎秋娘金縷朱顏黃土向月暗燈昏可曾低訴他日
錢唐傍朝雲小墓

送程十七判官入都

滿江紅

短後之衣學新婦車中閉置閒管領魚龍角觝莫非王事鐙市
畫廊圍綺閣天街仙樂飄檐翠有迦陵小部奏鈞天霓裳隊
豪俠客誰能似詞賦手難爲繼況兼人才調聰明絕世天下英
雄君與操夢中蝴蝶官如戲歲星耶流落又人間神仙吏
馬鐸郎當南浦上雁聲淒絕誰與唱窮秋一路曉風殘月畫壁
重尋釵脚字黃河怒卷龍門雪憶官齋吹徹玉笙寒新婚別
方納姬 英雄槩剛腸熱兒女態柔腸折負綢繆小印臂痕親
故戲之

齧取瑟而歌公莫舞以儒爲戲吾真拙把離愁拋擲與江山都
休說

題畫

百字令

碧沼紅闌似西園雅集玉山偕隱拂面涼陰垂地綠微漏幾條
天影萬卷竒書一枝翠蓋贏得荷筩飲衣冠洒落人間殘暑消
盡 試問高柳誰栽樹猶如此多少琅邪恨河朔風流今已矣
畫裏須眉無準月榭飛觴露臺角伎醉擁紅粧寢酒闌人散不
知留得何景

紗巾挂壁向南窗高臥那知寒暑夢與古人相伯仲嘲戲何妨
爾汝說鬼談天讀書論劒我意都無取捫圖大噓此中誰箇堪
語 不妨落佩歌冠解飲醇醪亦足稱豪舉觸熱可憐牛馬儉

爭買名園花墅巢燕纔飛秋風又起那得閒居處人生行樂古今大抵如許

天津舟次與山陰平瑤海夜話感懷卽書其閉關詩後

賀新涼

蠟淚銷殘炬卷秋篷兩舟離合羅浮風雨曉角霜天吹冷月高唱大江東去老蕩子惟吾與汝鳳泊鸞飄多少恨訴窮愁吟到傷心處詩一卷奈何許重趺又曳公車履歎年年成河客淚經天東注君是秦嘉秋夢遠記得喁喁私語瑤海內子能詩扇上送行小令音節清絕漫分別英雄兒女閱世纔知同調少對佳人也算神仙侶誰忍聽搗衣杵

莫管青衫濕念家山茫茫對此百端交集礪塊填胸澆不盡笑向青天長揖夢中蟻日中駒隙何者人生爲不朽但歧途如此真堪泣腸斷也一聲笛添衣坐待天河直倚危檣帽檐歌側寒星歷歷小聚他時亦增感幾點雪泥鴻迹君自整排風毛翼我有慈親離不得出門心已作歸飛鷁憶今夕是何夕

壬申下禮部第出京宿良鄉

齊天樂

來時盡說長安樂出門西向而笑半入雲霄半飄塵海半在秋原殘照欹斜烏帽對冷月唳蛄影形相弔此味辛酸古人先我已嘗到風雲何限屠釣歎行年廿八已非英妙數折桑乾一條虹彩車騎喧喧爭鬧不如歸好共烏鵲南飛聽他低叫飽啣黃梁擁衾眠一覺

春夜曲阜使院讀鄭荔鄉太守青衫詞書卷尾

金縷曲

一夜清明雨翦燈煤顰而坐者蕭然愁旅唱徧青衫詞一卷太
守清豪如許想少日淹留情緒百感孤踪都似僕對江山肯作
尋常語拔長劍向天舞 白頭詞客今誰侶擁朱輪頽然老矣
日趨公府塵世光陰飛鳥過哀樂中年何取身後譽幾人堪數
對此茫茫百端集聽黃雞白日成今古旗亭酒那須賭

廿八歲初度日感懷時客青州

賀新涼

仰屋和誰語計年華人生不過數十寒暑轉憶四齡初識字指
點真勞慈母授經傳伊唔辛苦母意孳孳兒欲臥翦寒燈掩泣
心酸楚教聽麗樵鼓 十齡騎馬隨吾父歷中原東西南北
乾坤如許天下河山看大半弱冠幡然歸去風折我中庭椿樹
血漬麻衣初脫了舊青衫又染京華土敗翎折墮齊魯

愁似形隨影苦飄零身如槁木心如廢井塵海迷漫無處著常
作風前斷梗觸往事幾番追省十載中鈎吞不下趁波濤忍住
喉間鯁嘔不出漸成瘦 眼前一片饜黏境黑甜中癡人戀夢
達人求醒閱盡因緣皆幻泡纔覺有身非幸况哀樂勞生分領
慙亂游蜂鑽故紙溺腥羶醉飽憐公等艸頭露但俄頃

謝蒼崖松下問雲圖

虞美人

人生只在浮雲裏過眼皆彈指喬松偃蹇臥蒼龍閱盡浮雲老
樹與山翁 也知此意無人會問也無人對不如放眼向青天
立盡松陰我與我周旋

曹州尋芳紀游

念奴嬌

芳郊如掌逐香風穿過縱橫林薄幾處花哇春爛漫豔錦紅瑜
爭拓地列雲霞客俱蠶蝶不減秦宮活餘脂賸馥憑他燕子偷
掠 可惜香霧沾衣濃陰拂面好處無亭閣詰曲深廊交古翠
那借松毛編縛佳日來稀東鄰見慣歲歲開還落何郎舊識漫
題凡鳥相謔 何氏園

閒閒十畝看花如菘韭吏如鶯燕夕露朝霞供採摘買斷綠愁
紅怨老樹維駒殘葩炙肉雜杳笙歌宴芳叢鶴蓋一年幾度相
見 獨有偃地虬松孤檜傲骨橫臥如人倦剔蘚捫苔無醉墨
我向壁閒尋徧譜繼揚州種分京雒也筭河陽縣城中萬戶豈
無高士庭院 官園

離竒天矯借怪樹爲門天然圭竇中有喬松前代物閱歷幾何
人壽碧蓋盤空枯筋穴地白雨蒼皮溜樹猶如此主人門第應

舊 怎奈屋少樓臺地無邱壑拳石差堪漱么鳥爭含紅雨墜
萬點朱櫻如豆露井尋詩平臺啜茗香染荀家裊斜陽歸去鬱
然回首深秀 郭氏園

吳門張秀才傳詩年少有雋才游濟南受知於金檜門先
生明日以四雨莊吟卷質之先生予誦而愛之題二詞於
後

金縷曲

十幅澄江練裊香絲文心一縷驚才絕豔出水芙蓉生夢穎丰
致嫣然初見恰又似朝霞舒卷張緒風流標格好比垂楊一樹
靈和殿眼灼灼更如電 思騎黃鶴尋仙眷訴喁喁鐙前才子
淚痕清泣 皆用卷中語 怪底風人俱善感各帶一分哀怨記當日春
蠶絲纏翦彩裁雲工綺語把鸞花金粉思量徧成往事說來倦

愁向歡場起易銷，魂才人結習大都如是。只覺江山多寂莫，無處教人歡喜抱斯意。吾儕應爾抑鬱無端，同故態更飄零。知遇俱相似，共回首雁聲裏。閒情十載拋流水，念家山暮雲回合。自傷羈滯麗句清詞，刊落盡柳絮今沾泥滓。有錦瑟吟編，曾燬子年十七前有無題詩四百餘首，辛酉秋一夕忽有所悟，取而盡焚之。今不爲情語者十二年。尚憶孱軀癡絕，日病琅邪幾爲多情死。同調者那堪此。

吟鄉入使院受業於檜門先生，凡廿四日。鐙窗對榻朝夕與俱。八月初三夕留二詞別予，明日將出應秋試也。次韻

啓之

蝶戀花

雲路千金爭一刻，喜近秋中黃作。去聲看閒色底事暫離離，未得此情惟有孤鐙識。雲錦江花豪彩織，徑寸明珠照破秋霄黑。

六月淹留因爾息，明年和爾聯風翼。

莫數寒宵銀漏刻，秋是愁天夜是愁。人色聚散無端，誰禁得相關。豈若休相識。滿耳西風鳴促織，算氣深沈星月皆昏黑。眼底征鞍何日息，不如烏鵲身生翼。

中秋雨夜書家信後

城頭月

他鄉見月能淒楚，天氣偏如許。一院蟲音一聲更鼓，一陣黃昏雨。孤鐙照影無人語，默把中秋數。荏苒華年更番離別，九載天涯度。

清宵定置高堂酒，料得梧當手。弱婦扶持雛孫宛轉，怎及兒將母。遙憐扶杖依南斗，明歲兒歸否。窮達難知團樂最，樂悔煞長安走。

去年拜月深閨裏憶我風檐底一片清輝三條畫燭遠盼泥金
喜今年憶我愁千里月上天如水姑鬢成絲兒膚勝雪瘦影
中間倚

大明湖泛月

蘇幕遮

畫船游明月路古歷亭虛面面朱闌護百頃明湖三萬戶如此
良宵一點漁燈度棹開時香過處說道周遭荷葉青無數却
被蘆花全隔住泛徧湖灣不見些兒露

八月廿五日遊城南千佛山

虞美人

歷山耕者知何處田畔山如故女牆如帶指城中別露平疇尖
翠兩三峰依山鑿佛人爭拜生怕金身壞不知是佛是山靈

都說城南山似佛頭青

虛空臺殿皆朝北簾卷鸞旌色天生翠壁作屏風安放仙山樓
閣御牀中淳泓龍井甘如乳不識人閒暑寒天石佛未能
燒却讓田家山後結團茅

城中仰看山容好山上看城小半城斜日二分秋別有一分秋
色在僧樓城南車馬山前路幾許來還去高人難得住山緣
却似鵲華相望不相連

次韻送金鍾越同年歸全椒

百字令

春明夢醒便洒然歸去非同秦贅一幅輕帆數聲槳預遣風姨
回避場上魚龍盤中窶藪變滅聊相戲生于憂患古今大抵如
是且去視膳堂邊凝粧樓側小拓鐙龕地畫捧雙筇宵伏案

強似吹簫吳市稱體斑斕等身圖籍佳日花前醉故人寂莫也
應夢我千里
難教人聽是談天鄒衍多言而贅昔作無心雲出岫嘗恐鶴羞
猿避投筆非難致身須蚤始信前言戲五窮相守行吟帶索如
是 暫把睂上愁捐鬢邊塵浣去覓藏名地吾愛吾廬卿用法
不管誰門如市母是經師婦爲佳友月伴先生醉舉頭良夜惜
君生不同里

秋江別友圖

醉蓬萊

向空濛無際一片江山鶻聲難住飄泊何爲與年光來去去國
心情送人滋味記銷魂何處對此茫茫最無聊賴一園秋樹
我似垂楊管人離別不堪回憶瀟湘如許乍醒三眠又身隨飛

絮鬢上塵堆襟邊酒暈歎朱顏非故我欲無言仗他哀雁替人
分訴

彭夷鵠儀菴詞後

邁陂塘

酒秋風淚痕幾許釀成酸楚如此哀猿唬到三聲後不管征人
欲死吾與爾分萬斛閒愁歌泣將焉止青春去矣問何者銷憂
只應無語相對夕陽裏 情一往濼濼溶溶難比恰似一江春
水無端風雨豪端出哀怨聲盈天地知音幾箇我輩傷心不但
鍾情耳鳴鳴誰倚當付與雙姑玉簫相和低唱過彭蠡

望湘人

悵年年逆旅處處魂銷銷來無可銷處風外移巢鏡前抱影誰
念飄零人苦易得狂名難求利市懷哉吾土況禁他去燕來鴻

一遞一聲相訴 同看天涯明月問幾人寂莫幾人歌舞縱唱
澈旗亭畢竟于卿何補爛醉也不借雙鬟顧不弔屯田荒墓待
攜君置酒沙棠隨著大江東去

王穀原舍人青谿邀笛圖圖爲送人入蜀而作圖中坐小
亭吹笛者商寶意太守也

徵招

江山到處都如此其間黯然惟別秋柳正垂垂刻意教人折
華生又滅禁幾許清歌嗚咽寒夜重來舊游如夢故應淒絕
恰憶五年前江南岸酒醒歸舟時節一桁碧闌干聽笛聲吹澈
年華流水閱那不遺鬢絲成雪忍看君一幅閒愁苦覓恨人說
秋在臺城路聽吳娘小樓低唱蕭蕭暮雨畫裏簾波丁字水每

賀新涼

憶垂楊一樹逐落葉隨風飄舞南北東西行萬里對河山飄泊

猶如故誰耐寫別人處

能詩司馬吾家住

寶意官西江時假館舍閒家兩笠兒

因得受業及于自上

記泥牆釵痕墨藩昔年曾護不道河樓留

雪爪又惹賓鴻相訴邀笛奏王郎新譜我或前身據牀客踏荒

烟曾表桓公墓歷寒食又三度

桓伊墓在南昌城南久湮水田中庚午春予訪得其處作記付

南昌令顧瓚園立碑表之

陳其年洗桐圖康熙庚申夏周履坦畫

賀新涼

一丈清涼界倚高梧解衣盤薄篲其堪愛七十年來無此客餘
韻流風猶在問何處桐陰不改名士從來多似鯽讓詞人消受
雙鬟拜可容我取而代 文章烟月思高會好年華青尊紅燭
歌容舞態太白東坡渾未死得此人生差快彈指耳時乎難再

及見古人圖畫裏動無端生不同時慨口欲語意先敗
春郊送客圖送陳望之歸商邱

金縷曲

海內無多友聚離踪黃金臺畔一椀殘酒南北東西廿年路別
緒千回禁受君去矣吾能歸否明日懷人何處最記離亭半樹
初黃柳一展卷一回首君能使筆如揮帚諒斯人天非無意
勛名終有卿相之榮等閒耳何事方爲不朽莫但學鄒枚賦手
愛惜年華開萬卷笑塵容碌碌隨人後任餘子曳履走
我亦悲歌士憶當時青雲結客黃沙射雉三十行年豪氣盡川
上低徊流水看徧了江山如此圓缺陰晴今古共達人心那不
如灰死知我者二三子已曾三食神仙字笑飢蟬逡巡雪案
消磨敗紙不斷車雷喧客枕欲借杜家聾耳更無奈別人燕市

滿目風烟兄弟感夕陽中長揖分行止都付與畫圖裏

家戟門員外蓮塘銷夏圖

百字令

水精之域現如來一丈青蓮花界嬾角簪裾河朔飲水枕風船
俱在公子風標麗人顏色恰與仙郎對十分消受世間殘暑無
奈轉憶僕射陂前綠楊千縷淺澱如羅帶展放天機雲錦段
擁出紅粧翠蓋廿載飄蓬更番觸熱閉置車箱隘清涼如許船
唇著我差快

古來銷夏有玉簫金管木蘭之柹柳嶼花汀隨處有只有閒人
難得麴院三秋鑑湖五月越女無雙白婀娜碧玉不妨添寫身
側君有鷗鷺竒姿神仙逸氣新注金門籍那得科頭箕踞坐
不向瀛洲太液粉署含香黃扉直夜同是東華客何年買棹弟

兄花裏浮拍

諸申之鏡湖嬉春圖

臺城路

江山如此無情甚水與春愁俱滿深悔當時踟躕陌上却任花
開緩緩東風不管將一丈游絲等閒吹斷若道緣慳息息怎做
踏春伴 人生此恨難遣賸垂楊一樹雨疎烟嬾碧漢星移銀
橋鵲去比並天河還遠料他憔悴也似爾年來鬢絲新換贏得
思量向懊儂船慢

洞仙歌

春衣初試暎湖光脈脈記得羅衫一痕碧正魚龍曼衍鸞燕紛
紜原不合悄向衆中憐惜 已令君識面又不關情此境逃離
信難覓誰遣杏花媒噉使遊蜂句引去尋春油壁不埋怨湖山

惹相思反畫出湖山教人思憶

饒上舍韜明篆印小冊

賀新涼

咄咄真堪怪習彫鏤文人餘事如斯狡獪切玉昆刀君才似不
管銅章魚佩執寸鐵腕如風快造化鑄饒天欲泣刻琳琅字字
垂金籀力豈但透紙背 靜觀雲鳥蟲魚態說文爲古之小學
而今皆廢却使壯夫工篆刻秦漢風規猶在在何震文彭而外
不入明誠金石錄志名家賴古堂應載爾生晚亦無奈

自題空谷香傳奇

滿江紅

十載填詞悔俱被粉黏脂澆纔悟出文之至者不煩堆垛譎諫
旁嘲惟自哂真情本色憑誰和待招他天下恨人魂歸來些

淳悶語真無那顛倒事何堪唾談笑把賢愚肝肺豪端穿過誤
處從君張眼顧悲哉讓我橫肱臥料知音各有淚痕雙誰先墮
舟次感成

水調歌頭

偶爲共命鳥都是可憐蟲淚與秋河相似點點注天東十載樓
中新婦九載天涯夫婿首已似飛蓬年光愁病裏心緒別離中
詠春蠶疑夏雁泣秋蛩幾見珠圍翠繞含笑坐東風聞道十
分消瘦爲我兩番磨折辛苦念梁鴻誰知千里夜各對一燈紅
書空谷香後

賀新涼

女子如斯也自低回一聲檀板數行泣下幾許花叢懶回顧儘
着流鶯輕罵只聽說文君新寡明鏡無情春又老歎紅顏一例
愆期嫁三五豔易凋謝倦摹潘陸抄楊馬腆恣說文章華國
何關風化呼吸商聲秋氣滿節義幾人肩者渴睡漢酒闌鐙炮
三十功名塵與土古之人先我將愁寫公等語大都詐

送家恒軒相公侍從東巡

賀新涼

帝命三公從擁朱輪曲江風度天然端重問俗省方行紫塞
香案邊旁陪奉更樂事還同萬衆吁咈都俞人未識掌絲綸帷
幄推姚宋帳殿月外蕃共屬車塵裏攜雛鳳時季子實似終
童短衣繡鞋雕鞍飛控拂衷御烟春藹藹到處河冰回凍聽
曉角霜天初弄佳氣陪京雲爛漫看龍蟠虎踞知天縱拜手
上岡陵頌

吳門墮水後題張吟薌詞卷

賀新涼

三爵陶然矣君魁把驪珠一串納吾懷裏醉墮寒江光滿抱險
被靈胥攬視誰撒下珊瑚網起一十三行真本在行波紋縐了
桃花紙衣篝炙自料理挑鐙細讀烏闌字爲師友行歌坐泣
纏綿若此小雅離騷存別派幻出情仙俠鬼便仙鬼也須愁死
雲錦爲裳心作翦淺人看但解呼才子吾不語悶而已

袁子才前輩郵駢句數百言訂交題詞奉報

賀新涼

記向秦淮水問何人小樓吹笛勸人愁死雨縐嵐皺多偃蹇我
與蔣山相似白下柳又添顛顛却到江山奇絕處遇雙鬟都唱
袁才子情至者竟如此羅衫團扇傳名字比風流淮南書記
蘇州刺史常聽東華故人說腸斷江南花底何苦較天都人世
樓閣虛無平等看謫塵寰終是神仙耳花落恨莫提起

百字令

才人爲政羨宦成三十居然不朽五聽參觀如善射轉側皆能
入殼遊戲奇情循良小傳千里傳人口西清餘子旁觀且裒雙
手底事拋擲西湖句留南國展放林端牖六代青山橫淺黛
都作去聲袁家新婦酒客清豪名姬窈窕小令歌紅豆香名豔福
幾人兼此消受

題葉秋勝小照

大酺

有田不歸如江水東坡亦可憐者邨邨唬布穀正留犁風起僧
衣全畫雨片如烟鞭聲若鼓淺澱輕浮秧馬踏芳塍宛轉似丈
人荷篠樊遲學稼把齊民要術幽風雜咏共老農話秋成看

穉穉脫青蓑泥飲瓜棚下更打疊稚子候門山妻釀酒騎牛小
結雞豚社約投閒他日共築箇溪南茅舍將桑柘從新寫歸田
錄罷頽然美睡簾罅聽他香稻輕打

右畫春晴

十二時

六花堆上黃茅屋顯出風神清皎有玉樹瓊枝圍繞端不讓戴
安道蹇背衝寒船唇忍凍冰雪年年飽倘相過不厭狂奴願作
飛鴻一試去來泥爪 算百歲浮名艸艸低唱淺斟差好糝徑
縈簾隨車逐馬放眼成縹緲賴遮藏闕陷兒童何必多埽 觸
熱者本堪絕倒不龜手藥難討竹挺高風梅刪俗豔便是山翁
照問如何不樂潘郎鬢點華了

右畫雪窗

邁陂塘

看斯人欽寄歷落不應寂寞如此我爲壯夫君白首相見紫薇

花底三年矣但訴說平生大抵勞薪耳故鄉千里到月白風清
酒闌鐙炮夢斷一竿水 風濤闊幾許躁鱗鱗尾浮沉畢竟何
止烟波着個忘機叟鷗鷺同生懽喜魚不餌想得失拋空老作
天隨子憑誰呼起把兩鬢風塵卅年心事都共釣綸委

挂秋旻布帆無恙何堪相送南浦鯉魚風起人歸也吹動一城
砧杵津頭鼓報水宿郵籤紅到青楓樹畫中延佇問拍拍鳧鷖
船梢可肯添我捉漁鱸 思往事曾把江山閒數孤篷聽徧寒
雨而今尚作臨淵羨敢與樵兄爲伍心自語且暫借漁蓑笑學
鐙前舞蘆花深處坐薛澗湖邊輸他征雁共汝宿平楚

右畫垂
綸二首

題某小照

臺城路

人生失意尋常耳那得全無飄泊習靜緣慳買山貲少孤負江

南邱壑亂愁拋却將客裏閒身畫中安着琴意詩情低徊猶可
慰蕭索及時聊且行樂看魚龍舞罷海天空闊須鬢蒼蒼江
山浩浩容易蹉跎芒屨考槃何處我亦似匏瓜偶然懸縛聽到
松風便消魂林薄

鍾叔梧秋水懷人圖

邁陂塘

劃人間東西南北無情最是秋水水與秋光較深淺不敵相思
無底愁欲死怨海內知音不合相知耳離懷若此誰耐得星星
夕陽紅樹幾箇雁聲裏記前歲同在京華懷爾爾懷又復相
似自北而南魂黯黯我是畫中汀泚三千里待隨着檣烏轉擲
風帆尾慰君何以願橫鏟遙山填平巨浸縮地共歡喜

王穀原比部丁辛老屋圖

解連環

寂然如此問誰守庚申誰論甲子聽門外轂走驚雷料爽塏難
求且居塵市共燕分巢何用擇干支戊己把權籬艸屋移畫城
西一角山底退食閉門而已但埽葉聽蟬可除多累待成名
宦何年歎朔雪炎風拋棄流水萬卷三閒容俯仰閒身足矣甲
辰雌只愁老我軟紅堆裏

堆帛美人

多麗

傍湖山小坐誰家閨秀映羅衫芭蕉幾葉宛如春水新縐似周
昉圖中仕女當初花下相近顧盼嬌兒提戈取印阿侯伶俐伴
儂前後舉玉指輕扶蟬鬢生怕金釵溜還恐是傳神纖手自家
描就 是翦出春雲態度堆成裙帶衫裏費綠窗工夫幾許打

稿評量肥與瘦錯彩盤金雕文纂組付他小婢街頭售也只似
才人賣賦流落風塵走傷心者一分聰慧一分倜傥
丙子九月廿六日盡室登舟北行紀事

虞美人

宦游且自浮家去浮到何時住親闈甥館兩船分
時妹倩饒四拱北秀才初
婚借明鏡香奩各向小窗陳團樂笑語燈前共相對猶疑夢

出城纔覺一身輕展放勞筋百事暫消停

衰親弱婦多勞苦清瘦都如許今朝安穩謝塵緣問餽相循不
許再牽連秋光空闊天涵水放眼同歡喜全家移向畫圖中
領略江山不願滿帆風
舟次寄別棣可玉亭

邁陂塘

怪西風聚來鴻影又將兄弟吹散自從雞黍登堂後心在壽萱
花畔雅頭粲縱不解風詩解捧留賓案從容一飯有無限清言
霏霏玉屑斜日照簾蒜依依處別緒幾多零亂津頭自上青
翰故鄉難住他鄉遠底事雁行分斷江南岸和病婦慈親思念
增長歎一條河漢把天上星光人閒山色隔作幾般看

想綺窗琴邊書畔離懷一樣相憶添得鍼樓幾多話目斷江天
無極捫胸臆既相識如斯不若休相識親闈難卽但計算征途
丁寧母弟前路慎眠食留不住慚愧石尤無力去帆千片如
織秋江正可遲遲去爭奈銅鈺催逼緇塵域歎釵珮衣冠知己
都難得老天催抑教北客來南南人往北又不插雙翼

三十二歲初度泊濟寧州

醜奴兒令

年光得得恩恩去二十黃州三十蘇州懶去重登太白樓青
山黃閣傳何事半爲閒愁半爲忙愁聽雨江湖易白頭
膝前長跪慚潘令感上心來悲上心來那得高堂笑口開
停
舟沽酒團欒飲婦拔荆釵妹拔金釵周澤今朝却是齋

送吳蓀圃舍人返南昌

賀新涼

不是蘆中士莫便歎士之不遇悲歌如此初日年華未三十驗
取朱顏鏡裏騎歎段暫辭燕市草制綸扉須健筆挾天庭讓汝
才清綺上林樹此枝美與君今世生同地況又是十年同舉
同心兄弟小作升沈添悵惘僕亦因愁幾死纔浣却衫襟前淚
此事春風渾不管記劉郎前度傷心只君且臥紫薇底
鵲語人歸了恰正是高堂日永紅樓春小慈竹連枝添古翠籠

定椿華萱艸共對著芝蘭微笑游子捧觴同上壽願銜書歲歲
來青鳥兒去寫鳳銜詔明年買定沙棠櫂自結束鏡匳鍼管
詩筒茶竈花月春江同泛泛手訂和鳴新稿纔疊起相思儂懊
轉憶秋衾黃葉館愛人呼小宋聲音好試訴與可煩惱

側帽隨秋去消受者曉烟山店夕陽紅樹犬吠孤邨鐙一點于
此解鞍而住是馬食僮眠之處料得主人清夢少問東鄰誰唱
黃河句盼不上紙窗曙蕭蕭林莽雅無數畫一幅秋山行旅
亂愁堆絮豈必飛騰感遲滯對此本無歡趣算一帶荒原古戍
有我征魂拋擲下倩歸人尋著同他語十年淚雨奔注

崑山徐芝山小照

水調歌頭

東海不復見世德重清門絕代流風餘韻披拂見遺芬喬木廣

留嘉蔭叢桂濃堆別業秋色正平分倚樹讀書者金粟是夫君
淮海氣書畫手宰官身合向木樨花畔添寫月中人妾本芙
蓉豔豔郎似紫薇冉冉黃色到看痕衣上暗香襲底用換鑪熏

桂樹詞

蝶戀花

長安何處天香滿絕好園亭不是淮南館獨坐圓蒲無箇伴陌
頭花謝人歸緩月榭風亭閒領管睹墅羊曇歲歲成疎懶讀
倦拋書尋茗椀倩誰偎得桃笙暖

病中柬友人牡丹宴集

念奴嬌

燕支如雪正清明天氣催花風緊百寶闌邊結束了飛燕新粧
嬌靚膩臉朝酣畫衣香染卷起千堆錦謫仙猶在酒邊肯教人

醒笑我斗帳垂烟綠窗孤負了箇儂春寢國色當筵想花神
也念相如多病庭院深深有酒客尋芳漫嫌官冷斜陽來看滿
身都是花影

朱震江席上醉歌

賀新涼

醉也看吾舌儘人呼說詩匡鼎冠纓索絕犀筋鸞刀行酒處玉
版銀絲紛切算不若春郊射獵耳後弓弦餓鴟叫解花鞵坐飲
黃麝血吹短竹石俱裂偶然各問篁篴妾遊戲耳才人好色
都無磨折同是倪迂書畫壻姊妹桃根桃葉笑兒女英雄雙接
帶酒休歌三婦豔唱烏烏且擊純鈎鐵誰讓爾朱家俠

答玉亭

浪淘沙

愁味比秋濃雨滴疎桐來書似有淚痕封夢裏癡人爭盼醒醒也恩恩聚散已朦朧目斷賓鴻酸酸楚楚付西風諸想不生諸病減心莫玲瓏

潦艸一年年人似蠶眠玉堂清冷與蕭然解憶江湖飄泊苦我亦唬鵲塗抹衍波箋短咏長篇欲將身化嶺南船送爾仙山樓閣上揮手雲烟

宋懋庭觀察杏花春雨圖

摸魚兒

別燕雲軟紅塵土板輿一兩輕御夢魂先到江南岸畫取尚書詞句紅幾樹待小建花坊碎錦親題署黃鸞相遇認舊日使君朱陳邨裏乍暖勸農路燕支塢坐領滿身香露壽觴歡進無數醉來可憶長安陌二月街頭賣處將母去至樂在田園此事

教人妬好春遮護索半臂偎寒紅粧舉燭續撰遂初賦

吳杉亭舍人席上分咏氊帷

瑣窗寒

冷氣難侵寒威自遠一層遮定森嚴堂戶終日帖然平正笑銀鈎動搖讓 he 壓住狂飈勁配冰天雪窖褐衣毳幕者番相稱休令孫康暎儘簾額窗楣霰飄霜凝湘紈蜀錦媿爾麤疎情性翦青茸懸來小門主人疑是王子敬鎮朝昏不卷茶烟香篆收藏併

題畫

賀新涼

小榭圍香雪是詩人是花是月一般清絕半畝玻璃浸疎影掩暎水中蟾魄消受者玉壺冰潔不倩梅花爲眷屬有彈箏小婢

篁篸妾春意蚤暈紅頰 一枝橫竹聲鳴咽算不比落梅風裏
江城五月誰焙賊笙誰擲管把闌干輕拍與鄧尉孤山無涉忍
著清寒辭半臂愛梅心定不因人熱持此意向花說

自題空谷香院本

青玉案

幽蘭偶現嬋娟影把苦趣都承領歷歷摧殘多少境尋常姻眷
幾番生死劫滿天纔肯 珠圍翠繞須臾頃廿九年華塵夢醒
只恐香名隨骨冷商聲譜就三貞九烈淑女當思省

熊滌齋前輩秋江垂釣圖

水調歌頭

一葦載翁去豈有羨魚情爲愛秣陵秋色獨泛大江橫不是磻
谿隱士不是富春男子不乞鑑湖清三朝瀛海客八表老先生

喚農父引牛牧召樵兄醉向白蘋洲畔把酒問長庚人頌起
居八座翁戀烟波萬頃笑與鷺鷥盟何必赤松子遜迹采黃精
一載住京國戶外滿朱輪就問朝廷掌故聲望鼎彝陳六十年
來三老八千歲中喬木翁是漆園椿風流文字飲矍鑠謫仙人
買歸櫂整魚具理絲緝暫別蘭陔馨膳游泳率吾真不列玉
簫金管只載法書名畫去結米家隣來歲桂叢發重到作嘉賓
明年巳卯翁
當重宴鹿鳴

壬午京兆闈中咏物

滿江紅

毛穎先生新除授蔚藍天使青眼內生平不識楊朱墨氏翠壁
閒題應滅迹綠天徧寫難尋字艸新詩待借碧紗籠添螺子
黛眉恨何關爾青衫淚多由此判升沈一旬辛苦三年悲喜疎

密圈平聲來方入殼縱橫抹去非知己比盧公老臉坐中書操生
死藍筆

判姓分銜縱五尺二分寬窄雕鏤出一行細字堪陪玉尺左右
分陳監試案收藏不到司衡席認經房卷面印分明存稽覈
天人界鴻溝畫雲霄路函關隔發軍符好風吹送幾行飛翻半
喜猶爭文字命終身已注師生籍抱遺珠借慰老儒心嗟何益
薦條

東筭投來展素冊分行羅布指星宿三垣列舍各依躔度面貌
難猜醜茂醜姓名那識顏標誤待揩摩老眼認參軍如遮霧
白圭玷青蠅污兼金屑黃沙淤自披尋斜斜整整蟲魚夾注愛
者兼存題品字棄之還載瑕疵句比文昌祿籍更分明堪憑據
號簿

經笥便便知不等巾箱儲蘊歎燕石豐年難售匱中重韞趙括
殘兵同一泣田橫義士都相殉待求他藥籠貯黃楊偏逢閏
冬烘冊陳年券魚豕字尖叉韻向此中沈淪苦海地天俱悶躍
冷豈無千鑊寶藏鋒偶作鉛刀鈍祝他年拔宅共飛昇休長困
落卷箱

比並堂餐計日進紅箋一紙十八品盤中餽釘米鹽羊豕魚缺
寧生馮缺歎蔬多恰稱樊遲鄙大官廚日費萬千錢如斯耳
饕餮餐客心何喜曹騰僕飽欲死尋思到小人有母尚無甘旨減
食聊存啜菽念斷葷竊養齋居志笑先生果腹不多時瓜期矣
供給單

來自田閒代老婦燔柴於爨消受煞殘杯冷炙餘薪燼炭奪得
瓜壺魚鑰底受來鞭箠風簾畔比杜陵詩老灌園人獠奴段

忠雅堂詩集卷一
雞鶩食低眉看井臼利偷閒算還細問官人門第居何里開媼
竈深知求福理戛羹定少封侯願盼歸田乞肉遺山妻譁然散
鄉廚

黃卷青鐙二十載紙窗消受分給到九枝銀蠟冰壺明透照我
量才分玉尺讓他修史圍紅裏記風簾默坐盡三條聽寒漏
耀赤字珠輝秀暎彩筆銀花茂晃朗到斗光神眼虛堂左右淚
盡不知歌舞席心灰直到文昌宿炳元鐙炯炯日中天長如晝

官燭

祝祝呼來佐公膳却分雙隻一拳耳不成毛羽休論肥瘠酷似
小兒窠內老待尋道士籠中易奉高名取笑冠同羣子滋戚
不爾殺知無益必自斃生何迫可記得斜陽邨塢于埒于桀深
院教栖名士牖後車載去淮南宅有茅容明日飯林宗非疇昔

魁雞

忠雅堂詞集卷上

忠雅堂詞集卷下

鉛山 蔣士銓 定甫

銅絃詞

下

附南北曲

燕子磯獨眺

解連環

江流日夜問六朝人物爾何為者三百年龍戰元黃但歌舞荒
淫風流儒雅醉夢興亡又節次欺人孤寡放千尋鐵鎖一片降
帆粧點圖畫 幾處殺人盈野算偏安纔過幾王幾霸說天塹
虎踞龍蟠被風月鶯花幾番誤也眼底蒼茫賸燕燕于飛上下
訴當年故國山圍空城潮打

平臺讀書

滿江紅

伏几昏昏却又是困人天氣寧耐著飛花庭院落紅鋪砌藥鼎
聲微窗轉日茶烟風軟簾垂地抱新愁扶病幾登臺無情思

隄上柳顰黃膩隄下礪魚鱗細掩映出芳塍宛轉荷鋤人至學
稼難耕歸去土浮家悔識飢來字聽飭簫社鼓一聲聲春如是

楊默堂侍御江湖聽雨圖

水調歌頭

夢醒箬篷底一點一聲秋密密疎疎浙浙聽徧不勝愁數朵濕
山如黛兩岸蘆花似雪白了旅人頭誰識繡衣客轉憶綠蘋洲
是僧樓是羅帳是扁舟觸惹平生心事仕宦苦沈浮忽見魚
生牀下又聽鼃鳴竈底難得喚晴鳩檐溜洒空下多半作浮漚
何處乞漁艇應怪雁聲遲多少青山紅樹誰唱去來詞想到平
岡古木夢落橫塘小岸各自有相思莫笑伯時嬾公尚在京師

水粼粼石齒齒艸離離人生轉境堪念悵惘槩如斯只好臥
游藪澤便是燕居清曠真箇欲何之烟水接天闊讓與白鷗嬉

題歸舟醉吟圖

醉江月

載書一艇似乘興而來興盡而返回憶出門西向笑此意頓成
疎懶徧友時賢細參世味兩鬢緇塵滿長卿倦矣雲山是爾歸
伴 去年燕市相逢九門風雪酒罷眠孤館折到旗亭烟外柳
小別也堪腸斷初日年華謫仙標格天未容蕭散冷吟閒醉放
君暫作嵇阮

布帆無恙是獨往獨來不同飄泊越鳥尋巢歸翼健送喜聲傳
乾鵲辟蠹香濃浮蛆蠶滿竟把虛舟縛無心出岫依然去臥巖
壑 憶我當日歸舟也曾畫取白舫青油幕不道十年成罪案

人罵樊川輕薄事等烟雲君攜圖史檢點波濤惡時來風送明年還到京雒

題落花圖爲友人悼亡姬

玲瓏四犯

滿地燕支是無情有恨不堪多數春色三分已作二分塵土回首燕掠鷺捎消受到五更風雨想綠窗病眼嗁粧千片淚痕如許
隔簾誰唱山香舞可憐人亂紅辭樹柳綿榆莢愁多少同
做香泥辛苦彷彿倩女離魂又似荀郎淒楚待來春花放三生石上重語

明餘杭知縣府谷蘇公

萬元

殉節哀詞

賀新涼

寇至無人抗歎孤城九泥失守誰當屏幃舊令歸田遺一老肯

復去先民望露白刃與公相向亂世之人爲賊好勸先生冠改黃巾樣得富貴且無恙
公怒眦裂聲何壯看微臣此時心目
海天空曠願脫齒牙爲劔戟一罵豕蛇都喪賊顧曰是真倔強爾不我從須賂耳奈窮官壁立無封藏但斫此好頭項

利刃環而下血淋漓浩然之氣與刀相射賊技如斯堪一唾公乃憑虛而駕看府谷荒城斗大中有孤魂垂白練照河山不許秦關夜長宏恨豈能化
鄉官義烈南雷亞惜當時寸權尺土
一無憑藉過客哀歌還擊缶淚湧渭橋清灞公有後士之良者
作吏尋公遺愛去向餘杭酌酒公祠舍述祖德定悲咤

公裔孫
遇龍壬

申進士
龍泉令

偕吳蓀圃舍人西郊踏青飲譚振之書齋

賀新涼

花信風猶淺有詩人隔城先折尋芳小東東閣仙郎初下直拉
取春愁同遣恰烟柳麴塵初碾行到仙源流水外吹劉郎忽有
桃花犬似雪夜剡谿轉 艸堂負郭經帷卷愛康成聰明弟子
鳳雛聲囀留客盤餐兼味列供給寧嫌市遠是真意觥籌繾綣
人海中閒尋舊雨儘當前放取金尊滿還料理踏青眼

劉丈小像

賀新涼

方丈蓬萊裏有神仙大都皆是賢人君子五利文成荒誕者鬼
伯豈容方士翁立命居仁由義生氣無虧生理足喜歡心便可
長生矣不死藥妄言耳 石稜秋露先生履拍洪厓此都真有
洞天福地好飲耽詩還結客一笑黃金泥滓辭包產讓之子季
孝友在躬天與壽抱遺經付爾趨庭鯉道書錄可焚已

題潞河送客圖餞蔡蘭圃

以臺

歸覲次戴匏齋韻

邁陂塘

指南天鴻來燕去河干閱盡車馬天涯修禊無多友却又送君
行也花信寡只一樹長條斜暎離亭寫文章新價想扁舟過處
還如鸞掖傳說姓名雅 吾廬在不等求田問舍驢車暫許停
駕一年偷署湖山長管領詩壇酒社堂上尊照綵衷宮袍樂事
多牽惹涼秋新夏願舊疾消除身如藥樹習靜壽萱下

泛春游花明柳暗輕舟自緩于馬江鄉十里珠簾卷笑指狀元
來也情多寡擇好句旗亭壁上親題寫春風無價倘妙手傳神
畫來團扇風度定閒雅 清暇日重啓讀書舊舍古人誰足方
駕天公厚意科名美莫戀月邨烟社拋酒尊念國士遭逢魏闕
添縈惹翻經長夏將後世評論他年事業料理一鐙下

賀友人納姬

賀新涼

本是多情者百樣爲無情懊惱有情牽惹小社尋春多少恨所
事心纔輸下容易到好天良夜恰是東坡嘗荔日絳紗中白玉
膚斜亞任鸚鵡隔簾罵讀書倦後填詞罷從此把零愁碎苦
盡情辭謝更有甚于眉嫵事不但遠山新畫須趁取綠窗清暇
再玩愆期歸妹象算今年居士應同嫁綠衣汗向他借

題桑乾送遠圖再送李載庵返滇南

春艸蘆溝又加寫旗亭行色比疊到陽關三曲曼聲悽惻畫本
重題言不盡故人相送情難極較桑乾深淺意何如惟君識
車與馬鞭絲勒主與客觥船側埋怨到綠楊絲短繫君無力聚

滿江紅

首不如圖以內懷人只在天之北咽離聲流水最無情何曾息
游子歸來洗鞞鞞征衫纔卸浣不盡燕雲塞雪酒痕狼藉蔡順
倍添慈母惜杜羔幸免山妻罵看嬌兒繞膝更思親何年赦
舊檠戟青山亞新綽楔朝暉挂儘經年行田上芻治家麤罷毛
義自應求仕宦向平且漫謀婚嫁捧安車奉母渡桑乾當重畫

壽徐丈

水調歌頭

蚤作文中子晚號石徂徠閒數江東名士弟子盡鄒枚堂上六
經諸子杖底千巖萬壑窗對澗湖開梁孟笑偕老兩拜告身來
探龍湫觀禹穴問天台更看廣陵潮勢八月走奔雷傳說種
花仙吏仍是趨庭學士九載舞衣陪宦成奉親去雙舉介眉杯
題王介子先生尺牘卷子後

金縷曲

念舊情無奈追數到徐陳劉應一時俱在慰喻綢繆文采麗字
字琅玕金籛述往事時乎難再傾海并山爲酒肉過屠門想見
當初快離索感詎能耐 河山隔斷微塵界誰得似雲龍鹿豕
友羣無礙別遠會稀何處夢風雨雞鳴如晦三復矣唏噓而慨
青眼弟兄頭半白二十年古誼推前輩讀此者共生愛

忽廢書而歎送年華浮沈寂莫幾人名宦周黨有時尋閱貢終
日樵蘇不爨或徙倚雪窗螢案舊學商量知己少對前賢敢效
偏師戰越人射感時變 功名三十魚龍幻記恩門昔年曾奉
定興香瓣夢繞秦中函丈遠那得長依經幔憶隔歲東華重見
引領雙旌容易別又晨星落落風流散披尺素忍多看
韋曲停雙節聽人謂關西夫子宦情真別畫戟森門香凝寢大

筆重刪中說讀復飲唾壺敲缺回首西清猶繾綣只十年令僕
輸同列公自立不磨業 朝來渭水雙魚接開看處繩窮匣啓
爛然生纈一往情深縈錦字三載衷中難滅有弟子低回門雪
紙尾書名懷抱盡奉緘封儼侍先生側語聲寄隴頭咽

翟耕墅七十初度

金縷曲

古處饒風雅魯靈光歸然一老琴谿儒者羅隱詩名彭澤品文
學更兼游夏騎馬到廣文階下每向濠梁羨魚樂拂朝衣一笑
歸田也築耕墅結耆社 平生游迹方筇把到名山捫蘿剔蘚
斷碑全寫太白散金三十萬元振堯夫之亞隱德種荃蘭梧櫨
一鳳摩霄一栖竹燦春筵疊進長生筭宮袍彩御香惹

揖別圖送方郡丞之任粵西

金縷曲

何處相思水桂林邊山城一角伏波巖底插筍牙檣分岸泊漠
漠汀唇沙觜是送客之圖如此作郡幾人從此去翦寒波直到
灘江尾潞河景頗相似方干風度思量起記曾見南昌香令
愷之堂裏十二年來人事改感逝傷離而已問司馬鬢絲餘幾
榕樹門東支手版憶長安夢繞零陵矣題畫者共悲喜

申檀林桃葉渡江圖

金縷曲

芳艸如裙帶那更有春江如鏡遠山如黛花月低迷石城艇名
士美人俱載是當日狂奴故態司馬多情親折證看朝雲坡老
真無奈掀髯處可憐太詩情畫意分明在道箇儂傾城顏色
廣陵人在翦燭推篷寒自忍裘已爲卿而賣奉半臂笑披郎背

今夜三星光豔豔護死央不許秋河界夢中語醒還愛
兩漿春風動不隄防夫人愛惜比郎尤重翡翠窗前初識字自
取周南低誦向大婦邊旁隨從鸞侶中年常比翼又新添一朵
桐花鳳引玉燕入香夢迴思江上蘭橈送暮雲邊塔鈴低語
晚風輕控君去桓伊邀笛步橫竹定然三弄料不要桃根相共
試繪洗兒長卷子索同人玉果犀錢奉當再乞畫師宋

金棕亭秋江擁櫂小照

金縷曲

展卷嗟行旅寫牢愁碧波千里一枝柔艣不擊虛舟天浩渺飄
泊何年纔住算中酒阻風情緒十五年來淮海客扣舷聲中有
傷心語青篷下聽寒雨天涯兄弟離心苦記當時謝家山館
對君淒楚得喪紛紜真偶爾相見鬢絲如許數點雁兩行秋樹

不用重尋石城艇遣繁憂只此堪憑據載一鶴渡江去
春江歸釣圖爲王蔗邨太守作

水龍吟

何人翦取吳淞拖藍脫寫春江本山眉翠展漿牙花縵木蘭安
穩風響菰蒲波鳴鱉益遠天無盡念少年游泳釣牀漁具觸惹
處便難忍回首故園櫻筍被東風水鄉牽引綠楊堤外飴簫
粥鼓清明天近碧澗香芹銀刀鮮鯽夢歸無準問當時漁翁樵
兄且未許先生隱

摸魚兒

接平泉玻璃萬頃舊開丞相花墅角巾曾詠澄江練淥淨執經
堂戶春申浦記芳艸褰腰晒徧斜陽罟昔游佳處但一著低回
水邊林際歷歷盡堪數曲江宴忽漫縮人簪組朱輪來往公

府冰銜小署詩人字臣本張谿漁父教畫取畫葉葉蜻蛉歎乃
搖輕艣待持竿縷把卅載忘機臨淵心事細向惠施語

蔡瞻亭侍御小照

邁陂塘

寫風懷分司御史依依射鴨闌曲熏鑪侍女桐陰下添染朝衫
新綠珠幾斛買翠鈿成雙暖老須燕玉畫中看足道舞扇歌裊
不曾真箇新註小名錄人生事大抵烟雲斷續但須舉酒相
屬嬌兒解覓金魚珮還乞老夫詩讀香薜熟待舌本迴甘清味
徐徐復多情杜牧休再發狂言驚迴紅粉笑轉紫雲目

程仁山夢雲圖

百字令

虛無縹緲是因何結想珊珊來矣彩霧香雲留不住留下語言

文字昨夜星辰仙山樓閣主者非耶是女三爲粲姓名厯厯堪
指 只恐詠到無題寓言十九別有閒情旨小雅離騷何所謂
香艸美人而已澤畔明珠舟中玉杵信否憐才子士嗟不遇夢
中聊索知己

張松坪荷淨納涼小照

摸魚兒

認田田東西南北碧波魚戲蓮葉藕花亭子新涼後一桁闌干
斜摺人影貼唱水殿風來香與鷗波接暮雲千疊想十里平山
二分明月中有笛聲撫 緇塵海那覓采芳菱艤漫尋手板支
頰畫樓若許人同倚三尺碧簫應挾冰簟闕指明鏡中央小夢
死央懣銀河難涉只百頃風潭千章夏木都借畫屏攝

陪蘅石先生小飲顧晴沙侍御宅

賀新涼

三落蓼蓼鼓記今宵十年師友翦鐙而語酒暎須看人歡喜那
更三星在戶薄醉也平生堪數廉讓泉清曾共飲古之人默默
心相許茶與薺孰甘苦 茫茫何處吾鄉土念江南鷺花風月
可成賓主介母萊妻同此願促買半山荒墅偕隱者久安貧窶
仕宦人生須自量再因循可有絲毫補難道是怱怱去

沁園春

歸與歸與鍾山之英艸堂之靈看阜屬蔣侯小姑相倚墩仍謝
傅介甫何爭一片江山六朝金粉著我其閒亦有情無名氏是
南州孺子東郭先生 有時醉筆縱橫定題徧江南濕翠屏喜
雞大圖書扁舟安穩孺人稚子壽母康寧畫裏攜家花時載酒
吳越風光次第經緇塵裏問驢車辛苦名宦誰成

疊韻留別紀心齋戴匏齋

賀新涼

聽罷蘭臺鼓信從來銷魂惟別黯然難語說禮敦詩周旋久夢
繞兩公堂戶把人物恒沙量數只有惺惺解憐惜是斯文未喪
天公許識字矣者般苦落紅已葬燕支土算楊花飄茵入溷
年年誰主猿鶴形骸麋鹿性未可久居亭墅況臣是孤生寒窶
袞袞諸公登臺省看明時無闕須人補不才者義當去

沁園春

翰林主人御史大夫文章有靈只風騷跌宕隨時自得神仙游
戲與物無爭紙閣蘆簾錦衾角枕梁孟偏旁著豔情房櫳悄在
琴邊酒畔仍是書生鏡中遠遠山橫又何取俛寒軟玉屏但
填成小令凭肩指授歌來綺語逐字丁寧燕貼香懷蘭窺好夢

蚤誕嬌兒授六經敲詩夜恐聰明小婢還昵康成

再疊韻柬心齋匏齋

賀新涼

水鳥愁鐘鼓問如何猩猩鸚鵡皆能言語燕子顛當誰高下一
樣傍人門戶孤雁把更籌細數蠡蜜蠶絲因何事轉香丸只有
蜨蛭許蟬吸露太清苦百蟲墜戶爭銜土費商量虎威狐假
鵲巢鳩主蝴蝶飛飛迷香國心死那家園墅脫毛羽號寒艱窶
不若蜉蝣衣裳美海茫茫精衛思填補一聲鶴渺然去

沁園春

手斂薑芽豈有霜毫驅馳百靈算鳴機組織佳人暗解投壺揖
讓君子閒爭笑絕冠纓悲橫蠟淚悱惻纏綿共此情誰堪語只
寒山拾得可話無生華堂霧鎖烟橫看孔雀文章列畫屏是

檐花爭笑儘教春重塔鈴無語只要風寧口莫談天書休謁鬼
戲注孫陽相馬經蕭蕭路賸江關詞賦愁煞蘭成

吳江秋色圖

百字令

一帆婀娜引孝廉歸舫半江秋水下第情懷初領略未可悲歌
難已健翮方搏霜蹠小蹶況有陳平美豈長貧賤西清正要才
子且去將母吳門尋親白岳一洗淮陰恥惡少年來相問訊
當日餓夫如是家傍垂虹窗橫笠澤小住爲佳耳扁舟散髮春
來我亦行矣

秋雨停尊圖爲阮吾山舍人悼亡

虞美人

疎桐墜葉敲羅幌疑是金釵響小樓燈暗夢初醒恰好哀蛩低

和雨鈴聲憐他斗酒收藏久更忍杯當手小山叢桂露應晞
幾夜秋墳人唱阮郎歸

自題歸舟安穩圖

水調歌頭

緩緩弄春水未是急流中舟比退飛六鷁那要滿帆風畫裏谿
山不改鏡裏須眉可笑骨相老詩翁瀟酒一官足磊落半生窮
母康寧妻婉婉子童蒙去揀江山佳處小築百花叢醒則奉
觴上壽醉則關門熟睡舊事海天空勿以悠悠說亂我讀書胸
王琴德比部三泖漁莊册子

摸魚兒

放先生鸞臺鳳閣如何夢繞烟水九峯三泖空濛極移入朝川
圖裏還細指看一桁斜陽網挂魚鰕市釣絲樓底怕闌外沙崩

檻邊湍落鷗鷺暗驚起 蒼茫外何處汀唇沙背輕帆葉葉如
駛誰歟管領湖山者讓與蘆中窮士君莫擬渾不放大魚東海
揚鬢尾御溝波瀾且斫膾蓬池釣鼈瀛島豈必食河鯉

題王蔗邨太守錦瑟詞後

沁園春

上元夫人碧落侍郎仙緣去來恰鐙宵現影銀河吐豔鐙宵示
寂鉛淚成灰廿六年光平生慰藉老去柔腸日九迴頭白矣擁
東方千騎鴻案誰偕 三年官閣傷懷怕月轉空樓雨滴階賸
膝前兒女呼耶作母畫中冠珮減俸營齋五十繁絃百千絮語
雪鬢鍾情更可哀償辛苦有兩株瓊樹三錫鸞回

宛平查氏崇禎甲申紀烈詞應恂叔太守

醉江月

清門娣姒周蚤寡行年四十有四張姒年纔三十六有妾廉姬
廿歲三女隨肩筆牀硯匣聽講周南旨瑣窗鐙火幽閒貞靜如
此 更有蚤寡之姑適于黃者攜女歸相倚女亦聰明分硯席
蕙性蘭心無二孟慕神仙仲矜義烈笑問黃家妹妹云毋泥得
時皆可爲耳

金縷曲

城破身難辱周夫人中堂危坐放聲而哭查氏家應隨國滅三
世同居此屋列坐者齊聲相屬張母黃姑明大義歎廉姬有母
能兼勗誓殉此一巢覆 登堂三女嚴裝束翦香雲藏之羅裊
年俱十六小妹垂髻齡十二就義心情尤篤也不必珍珠淚弔
未死身迴情轉迫向梁間舉首如飛鵠死易耳瞑吾目

玲瓏四犯

巷戰無人賸雕梁一桁九條羅帕再拜皇天以次從容齊挂賊
至仰視而驚似聽得精靈交罵但吞聲肱篋奔逃不敢臨風呼
咤廉姬小妹還魂亞妾爲尼妹婚而寡殘軀兩兩登耄耋鬼
伯當時同赦再生已證無生死者無殊生者算清明風雨又到
甲申年也

邁陂塘

古今人貞心烈性捐生大抵如許狗彘紛紛艸閒活何必同年
而語休悉數到地覆天翻毅魄難枚舉青燐如雨指太僕街頭
阜成門內死算得其所尋榆垆馬鬣纍纍相聚還如堂列賓
主珊然環珮靈旗閃點點神光來去聲激楚聽鬼唱秋墳痛彼
離離黍廉姬季女踏兩朵慈雲生天稍後來趁九蓮炬

洪兩山烏絲紅裋圖

四字令

仙郎玉人仙娥麗人烏絲紅裋温存是迦陵後身冰絃指痕
鵝裘酒痕凍豪底用鑪熏借吹蘭口唇

清平樂

子虛烏有真箇消魂否擗笛彈箏交玉手唱出曉風楊柳書
生未耐寒酸寄想驚鴻舞鸞何日珠圍翠繞畫中且自尋看

汪怡齋林於小慙圖

百字令

十年前影是碧梧翠竹鸞停鵠峙歲月遷移人事改今有鬢鬢
須矣綵服隨兄壽觴娛母重啓尙書邸賜書千卷孝廉之樂
何似記得同住仙源杏壇春永愛看趨庭鯉文石幽篁身左
右遂寫冰顏于此忠孝承家文章報國磊落佳公子不宜宴坐

鶴書將詔君起

送徐蓋山宰永川

百字令

冰銜墨綬是螭蚴領賜 聖恩除與天念文翁富儒術教種錦
城花去詩闢蠶叢名題劔閣官是神仙侶川分巴字懸門清澈
如許 好趁江水平安樓船穩便迎到康寧母 叶 仕女褰帷父
老拜想見壺將盈路酒酌郾筒魚烹丙穴再試斑衣舞尊前上
壽南陔笙曲全補

生才之地有相如賦艸子雲竒字仙吏放衙還講學人拜南州
夫子郭繞桑麻堂陳琴瑟風俗歸淳美從容爲政平生學可行
已 可惜十上公車兩登薦剡纔飲巴江水疇昔風流盛文藻
白袷烏巾名士劔拂衡湘氣吞雲夢笑奪曹劉壘登臨回首莽
提少年心事

兩牀絲竹比南樓老子興復不淺胸次依稀海天闊彼此低回
青眼十五年情三千里路室邇人非遠范張雞黍家庭真意彌
滿 此去濫瀕波長峩眉月冷別緒何由遣夢入渝州猿嘯苦
惆悵思君不見兄上新銜弟還初服出處交相勉宦成可待十
年歸未爲晚

北方有蟲名哥哥者戲咏

沁園春

蟲爾來前爾雅重箋爲伊釋名想公會夫人汝爲齊女晉留重
耳誰是申生孤竹餐薇荆蠻采藥鴻雁關河弟喚兄嗟予季似
乘舟衛壽字字傷情 卑栖愛擇田荆應花萼樓中第幾聲比
苦竹叢邊行兮不得秋風原上急也會經餅怨婆焦婦稱姑惡

蠹蟻網常友愛并嘈嘈處有闕于牆者騫地心驚
聒聒哥哥南北之人語音不同似蟬翼流嘶未登月令莎雞振
羽不入幽風腹乃幡然背尤益爾長腳還堪比相公馬頭上有
半鞍明月聲在其中 秋來紫豆花叢挂紙閣蘆簾鐵馬東向
壺腹藏身請君入讐瓜瓢作餉爲爾開籠蟋蟀窺牀斯螽動股
借亂軍聲十二峯拋殘體任蟻穿雞啄化作沙蟲

三邨尋芳圖

清平樂

尋芳載酒詞客年年有一片江城歸畫手認取連蹊花柳去
尋桃葉桃根艸綠羣腰幾痕遙指第三邨子者番真箇銷魂
會稽令舒澹齋小照

賀新涼

涼意芳塘轉渾不辨姚山稽水有斯池館仙吏退公銷夏處綠
沁玉壺冰盃儘蓮葉田田鋪滿待取紅粧扶翠蓋柳腰肢更比
詩人嬾寄此意共香遠 高情琴酒原疎散是才子風流爲政
鷺花勾管畫卷詩匳清供好裊有蘭亭真卷不用覓支頤手版
面面蓬萊圍几席把荷花勸引歌喉緩加幾箇玉臺伴

宗芥帆惜花起蚤圖

賀新涼

春色濃于酒好園林曦輪未起曙光纔透萬物之初朝氣在況
值羣芳如繡喚起起畫樓開牖不待雞鳴吟戒旦試仙郎滴露
搓酥手現一對花間友 生香豔豔交花又免春愁鏡中眉黛
陌頭楊柳恰趁曉粧勻膩臉珠蕊笑開檀口儘讓與閒時消受
他日官人頻問夜整朝衣侍史熏香候花殿瑣數聲漏

自題轉情關院本
水調歌頭
萬縷亂愁緒一塊大疑團任爾風輪旋轉難破此重關賢聖幾
多苦趣仙佛幾多惡劫舊案怕尋看細想不能語老淚濕闌干
收白眼持翠管寫烏闌偶譜斷腸情事舉一例千端不管周
郎顧曲誰道醉翁嗜酒作者意漫漫一切有情物如是可參觀

劉寶七聽雁圖

虞美人
秋光好在江空處柔艣聲難住一株殘柳帶蘆汀來趁天邊新
雁兩三聲此時聽者知多少生怕閒情攪詩人倚櫂唱嬋娟
不比江楓漁火對愁眠

題畫

蝶戀花

綠蘿垂幔紅妝繞妾意君情細細游絲裊忍把浮名輕換了淺
斟低唱風光好檀板鶯喉詞懊惱郎是青藤妾是迎陵鳥臉
際荷花開窈窕笛聲嗚咽雲縹緲

薛壽魚屬題雲華校書圖

瀟湘靜

是人是竹亭亭影看一樣蕭疎情致霜痕粉印謝他移種有湘
江愁淚待寫十分嬌纔寫出一分寒翠畫中如此琴邊香側那
不教郎心醉却怪影兒難拆峭風前拋他獨自料應偎倚防
人相妬轉令歡相避日落月生時个个是相思雙字風流贏得
江南詩老爭題本事

豆棚閒話圖

百字令

居吾語汝啓雕龍炙輶談天之口跛脚支頤還袒臂雜坐東西
前後吐舌伸頭聳肩側耳共拍盧胡手古人名姓子虛亡是烏
有試看忽鼓忽歌妄言妄聽椎魯皆良友怕問三家邨學者
六四括囊无咎蕉扇驅蚊竹衫收汗星挂疎疎柳先生倦矣豆
花聊以爲壽

紅衣釣師圖

氏州第一

清渭通淮富春采石無聊踪跡相似曳玉腰金賜緋衣錦畢竟
干卿甚事戒衣花一朵裝點漁郎風致滿裏丹砂仙人狡獪者
般遊戲倒影綠波紅欲墜算落豔浮英相餌竿拂珊瑚身騎
赤鯉鏡展新荷芰向蓮舟呼太乙共點點霜楓同醉孤鶩驚飛

應錯認晚霞飄至

爲吳姬李秋蓉作應陳竹香舍人請也

十二時

人生不幸無過此才子美人爲最在孝女者般狼狽真不解箇
中意柳絮沾泥楊花落溷竟作蘇臺妓抱浣塵一卷新詩小小
銀鈎泣寫秋蓉名字恰待得埽眉人至翠竹碧梧相對鏡裏
紅粧月中素影笑問非耶是料三生石上因緣豈但今世險
做出香銷玉碎自題小照憔悴釵脚頻敲燭灰將盡總是傷心
淚把斷腸花葉教郎一一私記

玲瓏四犯

怨海茫茫將此情填作鏡光緣本無可如何淚濕青衫紅粉更
製元璧徵詩乞海內恨人憐憫斷腸詞何補摧殘但屬有情都

肯正風流自古無憑準是前因許多傷損脈脈思量當懺悔莫
怨老天殘忍試想今生即便今年今日似卿卿兩箇一般多少
悲忿

水榭話舊圖

齊天樂

蒹葭水落闌干下曾照老翁清影水宿非舟陸居非屋賸得三
椽篷艇諸公臺省讓野鶴孤雲烟霞簿領書局隨身死央湖上
是箕顛 當時出岫歸林怕獻嘲騰笑終焉此境古鐵舟園小
長蘆屋轉眼憑他兼併兒孫追省守處士蝸廬百年何幸換以
華堂問先生可肯

商次絳夜雨懷人圖

留客住

最悽楚是小樓者般孤另者般蕭瑟又是者般風雨一時愁緒
如織穿入海角天涯情一縷平生知己算今年今夜幾人孤處
誰共語鐵馬含風瓦鐙搖影作弄秋聲那不銷魂如許太息
輕裘公子綠鬢仙郎去留難自主者般時候想有人從此者般
懷汝

咏美人題紅圖爲宗芥帆作

賀新郎

霜作青楓色響闌干飛來一片美人初拾拭淨烟痕涼雨暈把
作紅箋輕擘有半縷秋懷脈脈不是嬋娟寫宮怨是新娘學和
催粧什豪欲點頰微赤 雲根一朵三生石小花神嫁他紅葉
此緣真得不用鏡臺低語詭郎貌未過三十願添寫紅衫人立
再拾階前紅一片疊雙聲補入和鳴集郎更有埽眉筆

童二樹借庵詩意圖

百字令

子虛烏有問前生後世我身何在誰是主人誰是客空處向誰
相貸意蕊心香雲車風馬都是難酬債偶然住脚可知庵在身
外一切莊列言詮但增饒舌轉見胸中隘畫取團瓢歸夢裏
夢醒思之無奈知覺因緣虛無起滅甚矣詩人憊還他一卷先
生無挂無礙

又題二樹討春小照

齊天樂

問誰修到梅花者輸君獨能如此筆吐寒香意橫疎影身作槎
牙斜倚江邨遙指道雪滿千林好春來矣翻把扁舟載將人去
與花比花枝較人何似恐朱顏玉骨不如人美冷韻幽情素

襟芳信總在詩翁就裏丁丁玉齒儘細嚼微吟共花眠起驢背
酸寒論風流讓爾

次韻題平確齋桐陰引鳳圖

賀新涼

樹影過簾柱記當年紗幮眠起花瓢共數十載鈿車隨阜蓋聽
徧江湖涼雨把一卷循良新譜綴向和鳴詩稿後夜吟聲響荅
蟾宮杵酬唱樂者般嫵雲霄小謫瑤臺侶拭端谿死央錦硯
采豪雙舉玉茗穠開香寢畔樓外蒼然平楚過嶺覓珠娘鸚母
初試梅花粧額樣美人蕉紅傍疎櫺吐仙蜨被掩堂廡

笑別丹砂鼎寫仙官歸來句漏移家相等新築鑑湖三畝宅合
署蓬萊行省暫住也老天纔肯小院涼生人並坐海棠紅偎熱
秋蘭冷靠一樹梧桐影讓人迤邐終南徑好夫妻讀書雙眼

都如明鏡雛鳳聲清依老鳳總角定簪紅杏背經史銀餅將迸
階下宜男花又吐小麒麟以次爭馳騁添幾箇擎珠賸
題吳方甸刺史汴京紀游

沁園春

此事屬詞敦厚溫柔春秋國風是司馬游梁年華正富虞卿解
印著作彌工良嶽烟雲樊樓鐙火一代興亡在此中遺聞瑣便
箴縫錦衲網綴魚蟲敲來幾點晨鐘更勘斷森嚴審異同歎
東京鼎盛歡場易散中原事去夢境全空兀木觀圖婆留索地
天使吳山易汴宮一杯酒又一聲長笛才子英雄

百六十年人物風光天中勝區看金明池上秋涼洗馬玉津園
裏日落嗚烏廣武興悲夷門隕涕七十侯生尚在無傷心處比
學陽官闕一樣荒蕪幾番搔首踟躕便寫向旗亭補說郭似

阮公講學淹留尉氏班生作賦歎美東都譚語丁寧叢談細碎
入手皆成一串珠誰更要寫開元遺事南宋新書

周虎木小照

金縷曲

燕居而坐是力田孝弟明經才子九命文章憎蚤達并載三冬
文史四韻敲槃萬言倚馬捷敏誰能似登樓入幕書生聊復如
此但須紅裊添香綠衣司視何物誇金紫聞道更番吟錦瑟
贏得佳人畫裏嬌矣三姝豔哉三婦粲者皆予美唐書再撰大
臣將薦君起

程筠榭栢谿漁父圖

添字漁家傲

門前百頃魚鰕國老屋三間收取風潭色小作栖遲非隱客誰

拋得五湖一片揚州白
笑聽漁歌紗帽側
雨笠烟蓑不是閒
標格赤壁襟懷
風月笛勞筋息
傍人漫認天隨宅

盡船簫鼓江南路
冉冉涼烟恰引乘鸞霧
璧月瓊枝聯玉樹
歸來去死央一對
隨鷗鷺
桑柘陰陰簾影護
畫裏人家可便完
婚娶寫向輕綃
題好句雲水暮
花源那許漁郎誤

胡孝廉翦燭雙書小照

燭影搖紅

池館涼生晚風吹
月黃昏乍誰拋小鏡貼鷗波
肩影羅衫亞兩
朵珊瑚筆架對沈吟
玉纖齊下雙聲疊
韻鸞鳳和鳴倩他描畫
越國江山潞河烟景
都無價蓮花莊子且安居
過了今年夏
明歲曲江宴罷彩豪簪
釵梁同挂天街歸後御燭光
搖細君歡
迓

題陳玉池小照

金縷曲

溟滓空無際有人受白玻璃界
最初之氣展放槎牙玉龍影
凍蔬疎疎纔試只數點心
含天地不管百花何日綻
在雪中未問
調羹事約鴻爪共遊戲
揚州官閣蕭然寄任喧闐
淮南鐘鼓竹西歌吹夢繞
林家三萬樹香沁冷魂皆醉
爛嚼也冰融珠碎
便欲身居水精域講孤高兀傲
皆無謂誰解寫箇中意

定郎小影爲金棕亭作

雙雙燕

忽然縈繞似飛絮
沾泥落花依艸凭肩握手著
處粉圍香繞又
浴向清華沼學睡醒
死央偎靠恁般匿笑迴身
背面教郎看飽
誰遣離情相攬要鏡裏藏
春雪中留爪丹青現影長
貯春雲

容貌十七年來何處怕也似徐娘已老賺將詞客癡魂展卷一齊銷了

同老圖

探春慢

桐帽棕鞋谿翁園叟六枝靈壽藤穩臨水登山尋花踏月鶴鹿銜芝相引共說昇平事同看徧晚菘朝槿喜無雜姓幽栖敢說一家肥遯 正德年間諸老算比並前賢後先招隱宗法家規衣冠禮讓伯仲兒孫相準者舊黃山錄美遺韻風流未盡入畫須看儘人摹作真本

題盧竹圃詞本後

賀新涼

公子年華妙寫烏闌清詞麗句者般精到小劫滄桑一番過只

許方平微笑纔數徧亂山殘照廿四橋邊重徙倚玉簫聲不似當時調江滾滾發長嘯淋漓醉墨多憑弔怕聽他牀邊蟻鬪枕邊驢叫記我扁舟尋噩夢紅杏枝頭曾鬧恨不倚郎君烏帽文字因緣遲廿載但惺惺相惜還相勞請釋憾算終拗

去飲餘杭酒似文簫彩鸞夫婦雲中攜手家具而今無長物並少圖書雞狗是萬象皆空之後憂患此僑生水火轉靈丹鍊到功夫九藥成矣漫迴首 斷橋殘雪蘇隄柳定新居水光山色好安門牖稚子孺人共歡喜慈母頻開笑口便永久康寧長壽題徧西湖僧寺壁看明年柳汁霑衣裊陳平壻困非久

高東井陳蓉圃聯句小照

定風波

韓孟韶年可得如竭來東野井邊居展放桐陰遮別館青滿仙

郎開現兩芙蓉 冠玉姿容文字伴 嵇阮清詞麗句吐 徐徐鸞
鳳交鳴吹六琯 長短雙聲搖曳響 瓊琚

雙鳥竒文二鬼詩 吟來不稱少年姿 爭及風標兩公子 如此謝
莊王或比肩時 他日鬢鬢看不似 就裏者般情況好 尋思合
璧連珠稱二美 歡喜杏花簪鬢莫教遲

秋萍

邁陂塘

寫秋光難尋 匹練濕銀猶被輕蓋 不放樓臺浸空闊 換了荷花
世界 烟水礙待翦出 鷗波那有并刀快 黏天無賴 怕鋪滿明河
誤他烏鵲 接被碧雲外 遮掩處 牽惹荇釵菱帶 凌波韞子偷
晒鏡裏山痕無一點 誰見秋孃 眉黛飄泊 債有蕩子 離妻種種
傷心在 許多機械 算蛟落寒罾 蟹迷新籪 更比網羅壞

高館疎桐爲王梅軒作

四字令

修篁翠排疎 桐翠指滿檐 天樂飛來是琴材 笛材 珍珠迸階
玻璃溜苔白雲滿地 皚皚聽泉聲暗迴
凭軒憶誰凭闌 待誰幽人雅擅 臨池是羲之 獻之 香絲鬢絲
簾絲釣絲 此閒少住些兒 看山泉出時

引鶴圖

蝶戀花

妾意君情花遠近 轉眼胎禽 却被松枝引 再訪玉真雲路隱 人
閒祇有情難盡 鬢影衣香留畫本 寫自何年 色韻都相準 打
鴨隨雅天最忍 柔腸莫被相思損

送汪劔潭學正歸揚州

賀新涼

所事俱停安挂帆天澄江如鏡好風移舵略現烏紗紅裏影才
異鴟夷一舸有篷底比肩人坐笑對明粧理琴瑟畫秋山兩筆
青斜鞦小姑髻並髮髻心情比較來時可到慈闈文外一對
金萱一朵却趁春來郎及第鏡裏芙蓉阿儻要一品朱衣雙裏
只合移家紅軟住待賢妻問漏卿卿我曳魚珮向青瑣

餞鍾介伯孝廉返越卽送春試

賀新涼

買定秋江艣鯉魚風三朝三暮把君留住已是離情禁不得幾
陣芭蕉愁雨十二載惟吾與汝貧病更番相倚苦又兩年同臥
歸來野稱眷屬到兒女多君有母觴頻舉展慈顏芝房列饌
身如藥樹苦憶并州山水窟攀挽慈裾未許向禹廟蘭亭歸去

舊路分明魂夢熟艸黏天南浦連東浦平安字雁邊取
別我梅花舍繫離心琴絃張壁書鐙留架教得三雛皆振羽費
盡先生冬夏算浙吏公車將駕有策金門當再獻董生帷久向
藏園下報慈母鵲聲乍愆期歸妹多年髭鬢鬆東家醜女
明年重嫁笑整朝衫隨鵠立榜出天門光射看一桁宮袍花亞
聽唱郎君名字好是鍾生及第當頭謝越潮湧又東瀉

次汪劒潭韻題管平原梅花

賀新涼

獨立空山影認夫君頽唐風致峭寒心性長劒高冠布衣叟洗
盡人間金粉似老樹著花齊整四世三公好枝葉讓先生破屋
眠欹枕調羹信漫催警雪欺霜壓能安穩抱孤芳儘教人看
儘教人咏蚤放遲開隨氣候爭甚南山北嶺合伴我堂東玉茗

檀板金尊歌翠羽好些時忘記冰天冷不用寫探春艇
題吳仲圭竹譜不全卷子爲張晴谿作
疎影
疎枝嫩葉放烟梢數寸襜褕鸞羽半幅霜縑幾叢寒碧知被誰
家割去一樣篔簹憐偃蹇算仍仗坡翁記取認至正己丑之年
畫日將逢端午想見湖州老友偷彈斑竹上淚痕如許遺墨
流傳古意蕭疎中有夜風涼雨得酒枯腸芒角出馬遠殘山難
補賸襄陽半個人兒愁煞梅花庵主
南北曲 附
中秋對月 甲子
揭雲衣銀河沆瀣護闌干玉繩低繞尖風一縷作新寒料峭暢

好是畫屏虛紙窗明珠簾淨平分秋意了

沈醉東風

試霓裳星娥秀韶靚明粧麗華年少垂玉佩颺雲翹凌花鏡小
啓冰匳寒光清皓金波暈潮天香細飄瓊樓十二看烟橫霧搖
轉迴星流螢暗飄訴鳴機清蛩細號正烏鵲南飛縹緲人寂寂
境蕭蕭秋瑟瑟夜寥寥

嘉慶子

畫班姬新製團扇小看水浸銀屏挂玉濤笙鶴瑤天虛繞虹彩
斷兔丸燒蟾影澹雁聲高

尹令

灑清樽玉山誰靠弄清光玉人誰照倚清聲玉簫誰教風月淒

清秋夢平分廿四橋

品令

癡頑自憐難作桂花樵鸞驂鶴馭良夜路迢迢風流格調一往
縈懷抱珊珊環珮何處天風吹掉博得個月地雲階仙女仙郎
總姓蕭

豆葉黃

淒清院落瀟酒亭皋漫思量紅甲銀箏漫思量紅甲銀箏總負
却胡牀清嘯西樓腸斷南樓興豪似這等鬢絲禪榻似這等鬢
絲禪榻誰耐得酒醒鐙殘月夜花朝
橫露梢虛窗寫个愁人照歎江郎夢裏紙悴花憔悴禮愁魔禪板
書巢結愁窩筆牀茶竈香絲裊賺魂靈何處今宵

玉交枝

露濃風小碎情懷千條萬條悲秋宋玉空年少苦十載籠頭破
帽乘鸞豔福愧文簫書空薄命憐殷浩伴人愁詩瓢酒瓢帶人
愁藍橋鵲橋

玉抱肚

秋光懊惱紙窗櫺桐花亂敲天柱峰寂靜仙音采石磯嗚咽宮
袍天河忽瀉廣陵濤玉宇瓊樓一樣高

三月海棠

狂思豪情多難脫風魔套問閒人作麼輕薄相嘲無聊色絲幼
婦題公媼烏闌黃絹歌儂懊臨邛道司馬橋想箇人無奈可憐
宵

江兒水

金井梧桐老銀牀絡緯么秋聲纔向窗西弔砧聲又自閨中擣
琴聲漫對牆東操自按歌頭水調法曲淒涼唱徹霜天角曉
錢低金鑪篆消凍蓮花漏細敲盼仙槎夜轉遙

尾聲

紅牙譜就相思操寡書生嫦娥同調辨一炷名香先將法喜招
題小李將軍樓閣卷

刷子帶芙蓉

應是月明中疏窗未開殘夢方濃待暮他十二闌干誰偷寫一
角離宮珍重南薰殿銀壺尚湧景陽樓鐘聲未動荷花自懂盼
天明枝枝都帶五更風

漁燈映芙蓉

遠香微清霜重誰把閒愁着意相送話秋聲一樹新桐聽轆轤
初凍問昭陽幾處雲和弄畫檐端樹色朦朧丁東宮簾忽控正
秋衾銅輦人方夢奈銀漢紅牆路未通白榆休種望長門這般
樓閣在虛空

題鈿郎花陰擬笛圖爲夢樓太守作

香徧滿

柳綿初定白玉闌干幾摺橫倚着箇人兒花現影是秦青紅牙
板暫停烏欄譜乍成不語把東風凭

懶畫眉

霜筠尺半捻來輕纖指偷藏七點星移宮換羽太聰明他生來
占就香爲姓還愛把紫玉釵兒做小名

二犯梧桐樹
能歌絳樹聲怕比櫻桃鄭隨侍仙官把法曲商量定做一箇芸
窗辟蠹熏衣鼎做一箇雪案司書照字螢爲甚麼些時畫裏人
孤另敢立盡花陰把探花郎等

浣紗溪

欄偎鏡柳蘸萍好風懷年光乍經是滇南萬里官衙靜是湖上
三更月榭清心暗省待將馬淑風流問李卿柳宗元真箇多情
劉潑帽

喚丹青添上箇官人倩教你畫兒中減字偷聲若得嫩芭蕉幾
滴雨同聽便和你翦紅鐙重譜个相思令

秋夜月

風送迎一字字調和正似朝元散序依牆聽似龜茲入破當筵

勝把花魂吹醒把花心吹定

東甌令

鶯低囀龍怒鳴一縷情絲去又停非花非霧將人凝去聲在玉指
中間迸須臾裂竹兩三聲林際數峰青

金蓮子

誰似卿漫說那紫雲婀娜楊枝倩合讓這男貞似女貞辛苦他
種花人却朝爲穎士暮康成

尾聲

浸雕檐月影移花影怕有个玉堂人愁聽過牆聲孤負了這花
月闌干不共凭

題仇十洲華清出浴圖

繡帶兒

纔收起一堆晴雪梨花帶雨些些拭羅巾雨暈微乾繫湘裙花
影難遮瞧者烟迷暖玉剛半截漏春光似澹雲偷月蓮房小凝
酥並列渾不是隔中單的紅綃全卸

前腔換頭

也邪迴身處三郎笑瞥歡如魚戲蓮葉凌波起錦鞮才兜橫釵
後鈿盒重揭扶掖新荷出水珠乍瀉沁華池玉魚應熟樓東豔
齊統自遮空延佇好淒涼的玉階明月

東甌令

仙音部教陳設一片紅氍階下帖永新娘子梨園姐還倚个箜
篋妾曲江風味較爭些少箇八姨車

秋夜月

花影斜好煞驪山夜細把霓裳羽衣疊當頭一片長安月薛王

呵醉也壽王阿睡者

尾聲

玉獅兒不解碁中劫禁持定雪衣娘慧舌還只怕小溫泉洗不
退漁陽亂兵也

題薛素素自寫弄簫小影

梁州新郎

朱闌三摺幽花一徑留下當時人影竹香蘭露玉簫低度誰聽
漫憶乘鸞烟霧踏翠郊原總是傷心境怕迴風吹去也斷腸聲
慚媿于家紫鳳笙秦樓換巫雲凝可憐宵燕子今番定思往事
向誰明

半螺殘墨一邊明鏡自寫空庭愁影長齋繡佛中年應悔多情
爲甚彭家宣慰李氏征蠻也有風流性賺金錢遙賣我恨馮生

把畫像流傳各峒營流星度金丸迸謝揚州陸弼弓衣詠省識
處賸丹青

前腔換頭

錄烟花北里娉婷記風月南都領秦淮四美幾人能似看生
痛煞修微不壽宛叔無終一樣桃花命翻風憐薛五共飄零晚
伴閒堦獨照螢連檣宴千金聘笑河東錯守温郎鏡羞錦瑟怨
湘靈

鳳瑄參差應

真真畫裏形夢耶醒算依人喜到商邱定覃溪詠丹叔擊看宜
稱洛神單許陳王迎新聲更許山卿聽廿四橋邊不須經依稀
鳳瑄參差應

尾聲

呼之欲出將何贈捧一串明珠換小名還覓个善繡鍼神傳出
夜來影

黃樓

題東坡游跡四幀爲翁覃溪學士作

好事近

風月故依然舊彭城畫中重見槎牙雉堞有三丈怒濤曾捲澶
淵河決熙寧漫衍集千夫畚鍤雲連才把个黃樓高建掩映著
雲龍山峻戲馬臺偏

千秋歲

憶當年詠河復開華宴擺列着猛士詩人盡冠冕弔楚漢英雄
楚漢英雄看太守斜披領羽衣新翦明月上迴歌扇橫笛奏魚
龍衍醉拍闌干徧笑指那跳波斗落百步洪掀

雪堂

錦纏道

記元豐謫蘇公黃州燕居何處是吾廬馬先生築南堂繪雪牆
隅臨皋亭漸移來花木扶疎天慶觀新遷去几席寬舒赤壁畫
菰蒲向樊口頻沽綠醕賓客洗兒初喜朝雲生男如父畫義錢
何惜費青蚨

朱奴插芙蓉

坐岐亭花迎老夫共方山禪參初祖念朝右端人半黃土鄭公
亡潞公解組元修甫且相於宴如把菜根閒來咀嚼慰羈孤

白鶴峯

梁州新郎

朝衫初脫籃輿過嶺閱遍炎荒風景會江樓小相依嘉祐窗櫺
最愛白鶴峰閒無邪齋靜新鑿甘泉井秋來家具足謝居停荔

子垂垂拂戶青碧落洞堪游騁倚梳榔願作遨頭領真一酒共
醕酌

柰子花

翟秀才新盃朋簪住西鄰周旋醉醒歎風搖落花朝雲初暝任
東君添些愁病孤影念往事不堪追省

載酒堂

降黃龍

儋耳山陽逍遙堂側新築行窩堂名載酒軍使頻來仙官好共
顏酡經過黃昏歸去烏觜吠松明夜火認茅檐冠欹椰子醉影
婆娑

前腔換頭

瞧科殊鄉奈何有符秀才來黎先生坐荷葉深杯天冬酒熟恰

好亭名洞酌摩挲瓶笙琴枕伴五色飛來仙雀好風光今年媚
煞東坡

坡仙黃州旅居圖

金落索

文章薄宰官團練新銜換別第陳州去問黃泥坂西風料峭寒
劍空彈新息雲山取次看才過謾謾松濤岸更下泠泠瓜蔓灘
堪長歎從來行路最艱難好些時影壓愁鞍詩付雙鬟唱徹斜
陽岸

江城百雉週官廨三楹陋雞犬圖書位置皆將就閒居屋打頭
訪隴邱風月岐亭供冥搜春陰沽酒過樊口秋雨尋詩憶密州
笙歌湊向朱陳邨裏共嬉游借行窩天慶句留定惠淹留到四
照亭邊候

勻脂綻海棠恰稱朝雲傍翠袖紅肌現絕世佳人樣歎無人獨
自芳炫新粧石上靈芝吐異光雞蘇味美朝堪餉蜜酒餅傾夜
對嘗閒情放詠洗兒詩就侍姬旁遣心情竹嘯軒涼菩薩泉香
倚鐵柱扶身杖

嗟哉馬正卿來作同聲應新闢東坡栽偏山茶盛扁舟載月明
笛飛聲羨赤壁襟懷兩賦情花歎三朵仙人鬢菜煮元修野老
羹人天證笑偏從貶謫見生平不多時栢石圖成奏凱歌停喜
戎馬洮西定

尾聲

堂開雪壁堪乘興管領黃州風景漫迴首臨臯第一亭

題張瘳銅檢閱荒莊感舊圖

庚子

太師引繡帶

好青山付與兒孫看感滄桑又到歌殘酒闌衷中文會彈權相
手中笏待擊羣姦歸田柴門流水真疎散狎鷗鷺全拋名宦菟
裘小有瓜棚藥欄任漁樵把作去聲平泉莊玩一作

三學士

翠竹蒼梧圍別館是詩人當日柴關圖書身後遺千卷花木春
來賸一欄想見前賢耽靜簡雲出岫鳥知還
指點山樓支手版衡門雞犬平安兩朝鷓鷯門閭煥六代簪纓
掌故嫺重向鳳皇池上展翻新譜寫烏闌

題陳其年先生填詞圖

戊寅

粉蝶兒

黯澹冰綃卷中人一雙遺照儘流傳把玩魂銷後視今今視昔
不勝憑弔莽風流大抵無聊寫生時已曾知道

叫聲

當日箇低回處倩人描細瞧細瞧看風鬟雲鬢裊待填成綺麗
數篇詞便留下風情一幅稿

醉春風

烏闌紙漫鋪開錦地衣平展著玉人此處教吹簫到如今可也
老老莽添來白髮蕭條廝趕上紅顏悴憔悴都併入丹青枯槁

迎仙客

千金字五色豪細認詩人陳檢討比東坡對琴操月夜花朝消
受風光飽

紅繡鞋

把筆處掀髯微笑構思時吟鬢斜搔移宮換羽自推敲歌來仙
吏校傳去解人鈔付卿卿共評度

普天樂

想當初複壁趙岐藏別舍程嬰保亡命在書城筆陣錦雉如皋
廿年家埋頭伴蝨魚一旦的曳履游蓬島中間吳市學吹簫攜
著個小雲郎天涯流落不多時燕子歸巢又引出新詩助美多
謝梅梢

石榴花

玉堂偎傍可見嬌不但鄭櫻桃把酸寒風味變清豪嬋娟同坐
了雙頰紅潮一聲聲低和迦陵鳥酒醒來何處今宵助風魔狂
煞諸詩老問鴛翁豔福怎能消

別銀鐙

片時石火光搖多時粉黛容凋轉瞬間詩翁題品詩翁弔捧琅
函仗後人守護堅牢一任把香篆燒酒酸澆可還有低拍紅牙

按綠么

蘇武持節

一樣古人才調甚富貴難相較渾不是寫麟臺容貌畫凌烟臉
腦燭三條冰一條誰家史席紅妝繞甚處經帷女樂飄愁鬢刁
騷半生來送窮文十易稿

紅衫兒

生逐鶯花老死憑風月弔魂枉勞夢枉勞幻泡從何找愁也拋
恨也拋一代才華過了

煞尾

畫圖魂難將前輩招史書堆且睡書歎覺可憐他冷風烟埋滅
盡詩人照丁屬你個太守收藏莫令這幻影兒都亡了
也 孫淮 太守謂先生齋

詞人蘇下... 太平... 詞人蘇下... 太平... 詞人蘇下... 太平...

珠... 珠... 珠... 珠... 珠... 珠... 珠... 珠... 珠... 珠...

詞半... 詞半... 詞半... 詞半... 詞半...

詞人... 詞人... 詞人... 詞人... 詞人... 詞人... 詞人... 詞人... 詞人... 詞人...

詞人... 詞人... 詞人... 詞人... 詞人...

忠雅堂詞集卷下